

**THADAEI PISONIS
SOACIJ ... IN PRIMAM
PANDECTARUM
PARTEM
COMMENTARIA. AD...**

Taddeo Piso, Giovanni Battista
Coccini, Vincenzo Giannoni





Ex Bibliotheca
majori Coll. Rom.
Societ. Jesu

20.5.18

13-14-15

THADAEI PISONIS SOACII

I. V. D.

IVRIS PONTIFICII OLIM IN PISANO,
nunc in Patauino Gymnasio

Ordinarij Pandectarum Professoris

In Primam Pandectarum Partem

Commentaria .



AD ANDREAM MAVROCENVUM
Senatorem Illustrissimum, atque Amplis-
simum, & Patauini Gymnasij Mo-
dulatorem vigilantissimum.



Superiorum Permissu.

Ex Legati



Mmi. Cecini.

PATAVII, MDCXIII.

Apud Gasparem Criuellarium, Typographum Almae Uni-
uersitatis DD. Artistarum.

1941

44. 10



ILLVSTRISSIMO
AMPLISSIMOQVE
SENATORI, ET PATAVINI
GYMNASII MODERATORI
VIGILANTISSIMO
ANDREÆ MAVROCENO.



Thadæus Piso Soacius. S. P. D.



Etus est, & communis consuetudo, Senator Illustrissime, ut suas quisque lucubrationes ijs consecret, quorum auctoritate, & splendore illustrata in lucem prodeant. Hanc mihi consuetudinem sequenti, & reputanti, quem unum è plurimis

a 2 cla-

clarissimis viris deligerem, tu statim occurristi, cui multis nominibus deberi videbantur. Primum enim à pueritia ita omnes bonas artes imbibisti, ut ne publicis quidem negotijs supra quam dici possit districto unquam exciderint: quin adeo sint cordi, ut inter tot curas historiam rerum à Venetis gestarum immortalitate dignissimam conscribas. Deinde leges ad quem potius irent, quam ad te? qui praefectus eis ferendis ferocem istam humanae infirmitatis licentiam ad rectae rationis imperium coegisti; & quod est gravius, bello vitijs indicto, regulam vitae, virtutisque normam te ipsum praebuisti. Qui ergo iustitiae exemplo faciem omnibus praeluces, visus es mihi in primis idoneus, qui hos qualescunque ingenij mei factus illustres. His adderem facundiam admirabilem cum singulari sapientia coniunctam, eamque ob causam Reip. semper salutarem; humanitatem, liberalitatem, uno verbo omnes virtutes: ad extremum gentem clarissimam, quae cum innumeros tulerit heroes, tamen est, eritque in dies per te clarior. Hac inquam adderem, nisi scriberem ad te, qui semper maluisti facere laudanda, quam legere laudes tuas. Ego vero si hoc tenui munusculo a te impetraro, ut me tibi addictissimum tuo patrocinio tegendum esse putes, maximum meae in te observantiae fructum me cepisse
arbi-

*arbitrabor . Deus Optimus Maximus te diutissimè
seruet Reipublica Veneta , & litteraria bono .*

Patauĩ

Pridie Idus Nouembris.



THADÆI PISONIS

S O A C I I

In Primam Pandectarum Partem

Commentaria.

Liber Primus Pandectarum.

Principiorum iuris quæ in quatuor primis libris continentur, duæ sunt partes. Prima est iuris absolute considerati. Altera iuris suo obiecto accomodati.

Prima pars iuris absolute considerati, tria habet capita. Primum caput est, de iuris subiecto & fine in Titulo.

De Iustitia, & Iure. Tit. I.

S Y M M A R I V M.

- | | |
|--|--|
| 1 Quid sit iustitia. | 10 Ius civile in quo addat, & detrahat iuri natura. |
| 2 Quid sit Ius. | 11 An alimenta iure natura debita denegari possint, & quomodo. |
| 3 Quotuplex sit Ius. | 12 Usucapio an sit contra naturalem aequitatem. |
| 4 Quid sit Ius naturale. | 13 Is civile in quo addat, & detrahat iurigenium. |
| 5 Quid sit ius gentium. | 14 Quot sint Præcepta iures. |
| 6 Quotuplex sit ius gentium. | |
| 7 Defensio quo iure introducta | |
| 8 Moderamen inculcata iustitia in quo consistat. | |
| 9 Quid sit ius civile. | |

QVID SIT IVSTITIA.

- 1 **I**ustitia definitur in l. 10. constans & perpetua voluntas ius suum cuique tribuendi: & sic per voluntatem, quia cui duo sint effectus iustitiæ, iusta velle, & iusta agere Eth. 5. cap. 1.

2 Pandectarum Liber Primus.

cap. 1. tamen actio potest impediri, voluntas non æquè; ideo non dicitur habitus tribuens, sed voluntas tribuendi, & iustus est qui vult, non qui iusta facit, aut iniusta non facit, nam iniusti quoque faciunt plerumque iusta, aut iniusta non faciunt. Sed neque iustus est qui modo vult, modo non vult ius suum cuique tribuere, sed is demum qui sic ab animo comparatus est, vt perpetuò ius cuique suum tribuere velit.

QVID SIT IVS.

Ius à iustitia dicitur & definitur in l. 1. ars boni & æqui, quia
2 æquum ab iniquo, & licitum ab illicito discernere docet.

QVOTVPLEX SIT IVS.

Ius duplex est publicum & priuatum. Publicum est, quod
3 ad statum Reip. principaliter pertinet. Priuatum quod ad singulorum vtilitatem æquè principaliter spectat, licet, & illud priuatam, & istud publicam etiam vtilitatem respiciant d. l. 1. Rursus priuatum diuiditur in Naturale, Gentium, & Civile.

QVID SIT IVS NATVRALE.

Naturale ius est quod natura omnia animalia docuit, & ho-
4 minibus con brutis commune est; vt est maris & foeminæ coniunctio quam nos matrimonium appellamus, quia quæ bruta incitatione naturali faciunt homines ratione facere debent, ad hoc vt iure naturali facere dicantur, liberorum procreatio, & educatio d. l. 1. §. ius naturale, & dicitur natura docuit, vt constet huiusmodi ius non constitutione aliqua, sed tantum natura haberi, cum illud idem ab alijs animalibus obseruatum esse videamus, quæ non nisi natura ducuntur.

QVID

De Iustitia & Iure. Tit. I. 3
 QUID SIT IVS GENTIVM.

Ius Gentium est, quod naturalis ratio inter omnes gentes constituit, & apud omnes per æquè populos custoditur d. l. i. §. fin.

QVOTVPLEX SIT IVS GENTIVM.

Ius gentium duplex est, vnum quod sola naturæ ratione exci-
 6 tatur in homine, prout est, *erga Deum religio*; nulla enim
 gens, ut inquit Cic. Tusc. Quæst. lib. i. tam fera est; & ne-
 mo hominum tam immanis, cuius mentem non imbuerit
 Deorum opinio, *ut parentibus & patriæ parcamus*, l. 2. ita,
 ut in priuatis parentibus, l. pen. & fin. ff. de Postuland. in pu-
 blicis patriæ magis debeamus, l. 4. §. qui filium, ff. de re mil-
 lit. & ideo si pater veniret contra patriam, filius non solum
 tenetur defendere patriam, contra patrem, imò, quod vix
 credibile videtur, tenetur etiam ipsum occidere l. minime
 35. infra de Religios. & sumpt. funer. quod tamen intel-
 ligo quando patria aliter se defendere non posset, quam per
 mortem patris, & moueor auctoritate Cicer. qui lib. 3. offic.
 querens, an filius silere debeat si pater conetur tradere pa-
 triam, respondet, quòd primo obsecrari debet patrem ne id
 faciat, & si non proficiat, debet eum accusare salutem pa-
 triæ præponendo saluti patris. *Ut vim atque iniuriam pro-*
pulsemus l. 3. & hoc, quia vim tantum etiam alijs animali-
 bus competit, sed vim & iniuriam solis hominibus conue-
 nit, cum bruta quæ sensu carent, iniuriam pati dici non pos-
 sint, l. i. §. i. infra si quadrup. pauper. feciss. dicat.

Ex quo sequitur defensionem esse de iure naturæ, ac etiam de
 7 iure gentium; quinimo & de iure ciuili, ac canonico;

De iure naturæ dicitur in quantum homo mouetur instinctu
 naturali, quo cuncta animantia feruntur, ad se tuendum, &
 vim illatam propulsandam, l. i. §. cum vi, ff. de vi & vi ar-
 mat. & d. l. i. §. cum arietes infra si quadrup. pauper. feciss.
 dicat, sic Lucretius

Cornua nata prius vitulo quam frontibus extant,

A 2 illis

4 Pandectarum Liber Primus.

Illis iratus petit, atque insensus inurget,
Et Propertius

Non solum taurus ferit vnces cornibus hostem
Verum etiam instanti laesa repugnat Ovis.

Dicitur de iure gentium in quantum homo mouetur ratione aliqua naturali, non ad vim tantum, sed etiam iniuriam propulsandam.

Demum dicitur de iure ciuili & canonico in quantum homo vim, & iniuriam repellit con moderamine inculpatae tutelae; Quod moderamen consistit. Primo circa ordinem actus; vt scilicet praecedat offensa, vel saltem iustus timor offensae. l. 3. & 4. C. ad l. Cornel. de Sicar. l. 5. infra ad l. Aquil.

8 Secundo circa modum, vt si armis vis inferatur; armis, si sine armis, sine armis, repellatur l. 1. §. cum qui & l. 3. §. cum igitur, ff. de vi & vi armat. Tertio circa tempus, vt statim & incontinenti durante rixa, & aetuantem ira vis repellatur, d. l. 3. §. cum igitur. Quarto, vt defensionis, & non vindictae causa fiat, hoc est, vt tanta sit repulsio, quanta est necessitas defensionis, Bart. in l. 1. C. vnde vi num. 10. & seruat hoc moderamine licet vim inferentem repellere, & occidere, etiam in quocunque loco, puta in Atylo, & templo, imò & coram venerabili sacramento, vsque adeò vt per talem sanguinis effusionem locus, neque prophanetur, neque opus habeat reconciliatione Dec. in d. l. 3. num. 8. in fine, h. t. & ibi Mantua num. 24. Siluest. in verbo consecratio. 2. num. 5. Quinimò licet sacerdoti rem diuinam celebranti intermisso officio aggressorem occidere & denuo non obstante tali homicidio ad altare redire, & celebrationem inchoatam perficere Abb. in c. clericus il l. de vit. & honest. cleric. Dec. in d. l. 3. num. 8. Bolognet. num. 20. plures refert Farinac. de Homicid. quæst. 125. Ampliat. 8. num. 22. & 29. Atque Hinc Summ. Pont. in cap. si vero de sentent. excommunicat. & Paul. 1. C. in l. scientiam, §. qui cum aliter, ff. ad l. Aquil. dixerunt vim vi repellere, omnes leges, omniaque iura permittere. hinc & Quid, lib. 3. de Arte amandi, ait

Indice

De Iustitia, & Iure. Tit. I.

§

Iudice me fraus si concessa repellere fraudem

Armaque in armatos sumere iura sinunt.

Et Cicer. pro Milone dixit gladium ad occidendum hominem ab ipsis legibus porrigi se defendentibus.

Alterum ius gentium est, quod ex naturalibus illis principijs, usu, & humanis necessitatibus exigentibus constitutum fuit; ex quo, *bellæ*, intelligite, si iusta sint, & rationi naturali consentanea, alias si iniusta essent ad ius gentium referri nō possent, & iusta dicuntur si propulsandæ iniuriæ, aut rependendæ rei causa facta sint c. iustum & c. dominus 23. q. 2. Neque obsunt damna, & infortunia, quæ ex bellis pululare solent, quoniam non euentus, sed rerum rationes per se penduntur, nec vnquam euentus crescit, aut decrevit honestum, vt apud Lucanum affirmat Cato lib. 9. & propterea Phillis apud Ouid. iustissimè imprecatur; careat successibus opto quisquis ab euentu facta notanda putat. Captiuitates, seruitutes, & hoc ne in bello capti occiderentur, sed seruarentur, l. 4. infra de stat. homin. manumissiones, obligationes, & contractus ferè omnes prouenerunt, l. 4. & 5. h. t.

QVID SIT IUS CIVILE.

Ciuile ius est, quod vnaquæque ciuitas sibi constituit, & quod neque in totum à iure naturali & gentium recedit, nec per
9 omnia ei seruit, sed interdum aliquid addit, & interdum detrahit ad præsentium rerum necessitatem, naturæ theses accommodando l. 6. 7. 8. 9. 11. & 12.

Addit ius ciuile iuri naturæ in educatione liberorum; nam pater de iure naturæ tenetur solum alere filios d. l. 1. At de iure ciuili tenetur etiam alere nepotes, & omnes descendentes auth. si pater c. diuortio facto apud quem liber. educar. debeant, ac etiam vxorem filij, l. si filia, §. 1. ff. Famil. ercisc. item addit iuri naturæ in defensione, nam lex ciuilis addit moderamen inculpatæ tutelæ, l. 1. C. vnde vi.

Detrahit ius ciuile iuri naturæ, quia pater de iure ciuili spurios & incestuosos alere nō tenetur auth. ex complexu, C. de incest. nupt. licet secus sit iure canonico, c. cum haberet de

co

6 Pandectarum Liber Primus.

eo qui duxit quam prius polluit per adult. Item detrahit in casibus qui enumerantur in §. aliud quoque capitulum Auth. vt cum de appellat. cognoscit ex quibus sicut filius potest exheredari, ita & alimenta ei denegari possunt d. auth. vt cum, sed cum iuris naturæ perpetua & immutabilis sit vis, §. vlt. instit. de iur. nat. gent. & ciuil. quomodo alimenta

- 11 filijs voce ipsa naturæ debita denegari possunt? Resp. quod ius ciuile non prohibet expressè, nec tacitè dari alimenta filijs ex incestis nuptijs procreatis, nec rursus iubet dari; sed solum necessitatem dandi alimenta ex lege ciuili proueniens adimit eamque in solo iure naturæ & naturali impulsu relinquit, nec enim dixit lex, nec potuit dicere, alimenta filio ex coitu nefario suscepto, non dari pater hoc ex auth. licet, C. de natural. liber. ibi. omni prorsus beneficio secludantur, scilicet, ciuili, & in eadem auth. ex complexu, ibi, omnes paternæ substantiæ indigni beneficio, scilicet, legis ciuilis, quæ non præcepit necessariò vt alantur, sicut alij filij regulariter. Silet enim in hoc lex ciuilis, relinquens hoc in solo iure naturæ. Et Ratio legis ciuilis est, ne rem adeò nefariam aliquo modo probare videatur, & sic impullum illum naturæ quo tacitè impellitur pater, vt filijs suis etiam ex coitu nefario habitis consulat, lex ciuilis, nec attingit, nec adimit.

- Quod quidem maximi momenti esse poterit, circa confirmationem quod legitima in totum auferri possit: nam rapimur quidem impellente natura, vt filio prospiciamus: nullam tamen vim, nisi tacitam, & quæ altius in nostro pectore est infixæ, natura affert. sed necessitas circa ipsam legitimam relinquendam à lege ciuili exorditur; nec ob id dicemus esse naturæ, quia hac ratione omnia naturæ tribuere necesse esset. Cæterum quod Accurs. dicit in d. l. 6. h. t. iuri naturali detrahi, in v. suapione, cum contra naturalem æ-
- 12 quitatem sit, rei meæ te esse dominum. Hoc exemplum cõmuniter à Doctor. bus reprehenditur, quia dominia sunt de iure gentium secundario, vnde rem meam à te possideri potius dedit ius gentium, quam naturale, cum iure naturali omnia essent communia sic Horatius

Nam

*Nam propria telluris herum natura, nec illum,
Nec me, nec quenquam statuit.*

Denique non est verum quod vfucapio fit contra naturalem æquitatem, quia imò æquum, & bonum, ac vtile est, vt rem quam quis diu, iusto titulo & bona fide quiete possedit, ab eo non auferatur, ne dominia rerum, diu, & semper incerto maneant, & vt aliquis tandem litium sit finis, l. fin. ff. Pro suo, qua de causa & Cicero pro Cecina, finem sollicitudinis vfucapionem dixisse puto; maxime enim nostra interest litibus non vexari, vt scribit Vlpianus in l. minoribus 25. annis, ff. de minorib. nam vt Martialis ait, hæc sunt quæ vitam beatiorē faciunt.

*Res non parva labore, sed relictæ
Non ingratus ager, focus perennis
Lis nunquam, toga rara, mens quieta*

Hinc & illud effertur.

Sit nox con somno, sit sine lite dies.

Ius ciuile addit iuri gentium, quia de iure gentium in testamentis sufficiunt duo testes, sicut in quolibet actu, cum in ore duorum, vel trium stet omne verbum l. vbi numerus infra de Testib. quod & iure canonico receptum est cap. relatum de Testam. At ius ciuile addit septem testes, & alias solennitates de quib. in l. hac cōsultissima, C. Qui test. facer. pos. Detrahit ius ciuile iurigenium quo ad dominicam potestatem quæ de iure ciuili fuit restricta l. 1. & 2. infra de his qui sunt sui, vel alien. iur.

QVOT SINT PRAECEPTA IVRIS.

Iuris præcepta tria sunt l. 10. *honeste viuere*, quod ad mores propriè pertinet, vt omnes nostræ actiones ita instituantur, quænamodum ratio suadet, & ne quid contra honestatem faciamus, l. 197. ff. de Regul. iur. *alterum non ledere*; quod intelligitur, nec in corpore, nec in fama, nec in bonis, nam fama, & vita æquiparantur l. iusta, ff. de manumiss. vindict. & bona altera homines vita censentur l. Aduocati & ibi Glossa in verbo vitam, C. de Aduocat. diuers. iudiciorum,

B Pandectarum Liber Primus.

rum, & suum unicuique tribuere, quod tam distributivam, quam commutativam iustitiam respicit. Distributiva distribuit poenas, & præmia pro ratione meritorum, & pro qualitate personarum, l. 6. ff. ad l. Iul. peculat. l. 16. ff. de Pœnis & l. 1. infra de offic. perfect. prætor. Commutativa æqualitatem servat in contractibus & commutatione rerum, nulla habita distinctione, nec inspecta personarum qualitate. Secundum caput iuris absolutè considerati, est, de iuris initio & progressu. Item magistratuum, & prudentium successione, in Titulo.

De Origine iuris & omnium Magistratuum, & successione prudentium.

Tit. II.

S V M M A R I U M.

- | | |
|---|--|
| 1 Prima lex natura. | 17 Reges. |
| 2 Secunda lex gentium. | 18 Tribunus Celerum. |
| 3 Tertia lex civilis. | 19 Consules. |
| 4 Quomodo cognoscatur ius civile à iure gentium. | 20 Censores. |
| 5 Romani iuris origo. | 21 Dictatores. |
| 6 Romuli leges | 22 Magister equitum. |
| 7 Legati Athenas ad accipien-
das leges missi. | 23 Tribuni Plebis. |
| 8 Decem Tabularum leges. | 24 Aediles. |
| 9 Leges 12. Tabularum. | 25 Egregium dictum scipionis
Africani dum Aedilis crea-
retur. |
| 10 Leges Populi. | 26 Quaestores. |
| 11 Plebiscita. | 27 Decem viri |
| 12 Senatus consulta. | 28 Tribuni militum. |
| 13 Prætorum edicta. | 29 Prætor Urbanus. |
| 14 Principum Placita. | 30 Prætor Peregrinus. |
| 15 Responsa Prudentum. | 31 Centum Viri. |
| 16 Successio Magistratum. | 32 Quatuor Viri. |

Trium

- | | | | |
|----|---|----|--|
| 33 | <i>Trium Viri monetales.</i> | | <i>Pōponio nō enumerantur.</i> |
| 34 | <i>Trium viri capitales.</i> | 46 | <i>Tempore Iustiniani immensa erant legum volumina.</i> |
| 35 | <i>Quinque viri.</i> | | |
| 36 | <i>Præfæctus vrbi.</i> | 47 | <i>Iustinianus ad leges componendas animum applicuit, & in primis Codicem composuit.</i> |
| 37 | <i>Præfæctus annonæ.</i> | | |
| 38 | <i>Præfæctus vigilum.</i> | 48 | <i>Deinde Pandectas & Digesta euulgauit.</i> |
| 39 | <i>Prudentum successio.</i> | | |
| 40 | <i>Nomina eorum I. C. qui in latenti ius ciuile retinebant & solum consultoribus se præstabant.</i> | 49 | <i>Postea institutiones.</i> |
| 41 | <i>Nomina eorum I. C. qui publice professi sunt.</i> | 50 | <i>Denuo Codicem emendauit, & repetitam Codicis editionem appellauit.</i> |
| 42 | <i>Singulare dictum Publij Rustilij Rufi.</i> | 51 | <i>Ac demum nouellas constitutiones, seu Authentico- rum librum edidit.</i> |
| 43 | <i>Atteius capite & Antiſtius labeo diuersas sectas, & factiones induxerunt.</i> | 52 | <i>Feudorum consuetudines.</i> |
| 44 | <i>Cassianorum, & Proculianorum factio.</i> | 53 | <i>Legum Romanarum libri longo tempore amissi tandem reperi fuerunt.</i> |
| 45 | <i>Nomina eorum I. C. qui à</i> | 54 | <i>Extrauagantes.</i> |

H Is qui iuri operam dare cupiunt ante omnia necessarium esse iuris ipsius originem, & progressum intelligere, demonstrat Pompon. I. C. in l. 2. h. t. Ideo ut antiquitatis nihil penitus ignoretur, operæpretium & ego facturus videor, de iuris Romani origine dicturus, si paulò altius, & quasi ab ouo ut dicitur sermonem sumptero.

Principio quo Deus creauit cœlum & terram, statim atque cuncta facta fuerunt, orta, & inuenta fuit prima lex quæ naturæ dicitur, & primum ius quod naturale appellatur, ex quo cum aliqua prouenerint quæ hominibus con brutis communia sunt, & alia quæ hominibus tantum competunt, factum fuit etiam, ut à Doctoribus nostris distingueretur in primæum, & secundarium.

Primæum ius naturale comprehendit in se quoddam naturale institutum iustum, & bonum à natura cuique animali

B tribu-

tributum, prout est, maris & sœminæ coniunctio, libero-
 ru procreatio, & educatio de quo in l. 1. supra de iust. & iur.
 Secundarium continet effectus quosdam naturali ratione in-
 ductos, & sine aliqua gentium constitutione hominibus da-
 tos, prout est, erga Deum religio, vt Parentibus & Patriæ
 pareamus, vt vim atque iniuriam propulsemus de quo in
 l. 2. & 3. eod. tit. & hoc secundarium naturale ius à Doctori-
 bus etiam gentium dicitur, sed primæuum, vt intelligamus
 differre ab eo, quod posteriore tempore postea usu, & hu-
 manis necessitatibus exigentibus constitutum fuit, & de
 quo inferius dicemus. Et sic dicitur naturale, quia à natura
 hominibus datum est, & dicitur naturale secundarium, quia
 sola nature ratione excitatur in homine, nec hominibus
 con brutis commune est. Et dicitur postea gentium, quia eo
 omnes gentes vtuntur; & primæuum, quia primo æuo, &
 prima ætate vigere cœpit, sic Helenor apud Virgil. Aenei-
 dos lib. 9. primæuus appellatus est, eo quod adhuc primo
 æuo, seu ætate prima floreret ibi.

. *Quorum primæuus Helenor
 Mœonio Regi, quem serua Licinia furtim
 Sustulerat, vetitisque ad Troiam miserat armis.*

Et sic secundum hanc legem naturæ, & secundum hoc ius na-
 turale vixerunt homines primo illo seculo, & prima illa
 ætate, quam Poetæ auream dicunt, & de qua Ovidius.

*Aurea prima sata est ætas, quæ vindice nullo
 Sponte sua, sine lege, fidem, rectumque colebat.
 Pœna, metusque aberant, nec vincla minacia collo
 Aere ligabantur, nec supplex turba timebat
 Iudicis ora sui, sed erant sine iudice tuti.*

Tunc enim mortales, vt Tacitus lib. 3. scribit, sine probro, &
 scelere viuebant: dispersi per agros vagabantur, in altis ca-
 cuminibus montium degebant nihil proprium, res omnes
 communes non secus, atq; aer, imbres, & maria habebant,
 terramque mare, Cœlum Solem, stellas, & quæcunque hac
 mundi machina continentur cōmuni gaudio possidebant.
 De rebus ad victum spectantibus nihil erat quod solliciti es-
 sent, si quidem, tunc & lactis copia erat maxima, & variè in-
 super

super venationes victum facile præstare poterant, quam permultos etiam montanis fragis, glandibus, cornis, moris, alijsque fructibus agrestibus fuisse contentos credendum est. Sicque arbitratur Ouid. cum inquit.

*Contentique cibis, nullo cogente creatis
Arbutos fatus, montanaque fraga legebant
Cornaque & in duris hærentia mora rubetis
Et quæ desiderant patula prius arbore glandes.*

Vestitus præterea ipsis deesse non poterat, cum pro vestitu pelibus ferinis vterentur, domibus nec etiam indigebant, quippe qui arborum truncos, aut certè antra habitabant, ut Cyclopes fecisse Homerus scribit, ibi,

*Concilium ijs nullum est, ijs nulla forentia Prator.
Iura dat, obscurum, sed in altis montibus antrum
Seli habitant, nihil hos aliena negotia tangunt
Vxori tantum & natis ius dicere docti.*

Et sic faciebat illorum hominum probitas, vitæ innocentia, tum & bonorum omnium communio, ut nullis humanis legibus indigerent, nullis magistratibus, nullis denique Regibus subijcerentur. Sed ut Quidius Fast. 1. scribit.

*Proque metu populum sine vi pudor ipse regebat.
Nullus erat iussis reddere iura labor.*

Et quidem ut Apost. Paul. ad Romanos cap. 2. scribit; Gentes, quibus nulla lex data est, sibi ipsis lex sunt, si modò naturalis rationis præscriptum obseruent. Ea enim quid sequendum, & quid fugiendum sit, optimè ostendit, honestè uiuere, alterum non lædere, & suum unicuique tribuere docet. Quia ea est rationis naturalis vis ut omnia, quæcunq; etiam iniusta facimus, omni tamen studio honestare contèdamus. Quare sæpè erratis nostris speciosa nomina imponimus, turpissima quæque vitia proximæ uirtutis colore decoramus, ut si minus alijs, saltem nobis met ipsis rectè nos fecisse persuadeamus. Id quod nulla alia re apertius demonstrari potest, quàm Medæ exemplo apud Ouidium. Norat si equidem Medea, idque ipsa palam vsurpabat, Regna Patris non esse prodenda, vnde ait.

Prodam ne Regna parentis.

12 Pandectarum Liber Primus.

Norat patriam non esse relinquendam, sed vt prodito patre;
ac propria terra relicta Iasonem sequeretur clementiam, &
humanitatem sibi esse fingit, iuuenem, virtute, generis nobilitate, & forma insignem, à draconis morfibus, & immanissima morte liberare. Propterea sic ipsa secum loquitur.

*Quem nisi crudelem non tangat Iasonis atas
Et genus, & virtus?*

Et post

*Hoc ego si patiar, tum me de Tigride natam
Tum ferrum, & scopulos gestare in corde fatebor.*

Atque his quæ de patre & patria dixerat sibi succurrit, secumque ipsa ita respondet

Nempè pater sanus, nempè est mea barbara tellus.

Verum, licet ratio nostra quandoque ijs sensuum illecebris deprauetur, non per hoc tamen naturæ bonitas vincitur, nec suum explere munus cessat, sed assidue intus clamat, nostrum nobis scelus continuè exprobat, conscientia æque stimulis vsque adeò nos vexat, vt non modò quiescere, sed ne spirare quidem sine continuo animi angore valeamus. Audite eandem Medeam naturæ vi coactam sibi ipsi respondentem.

*Coniugiumque ne putas, spetiosaque nom in culpa.
Imponis Medea tuæ? quin aspice quantum
Aggrediar nefas, & dum licet effuge crimen.*

Non secus infelicitis Mirræ, cui obseno patris amore incensæ, antequam se obfirmasset, vt illud scelestissimum facinus aggredi vellet; ratio omnia illa suggerebat, quæ tam nefariæ libidinis impetum coercere poterant, pudorem scilicet, pietatem, & sacra parentum iura.

*Illam quidem sentit, fadoque repugnat amori
Et secum quo mente feror? quid melior (inquit)
Dij (precor) & pietas, sacrataque iura parentum
Hoc prohibete nefas, scelerique resistite nostro.*

Sic & Altea apud eundem Ouid. post eius fratres à Meleagro filio interfectos, cum prius cōtra filium ira percita dixisset.

*Pereat sceleratus & ille
Spemque patris regnumque trahat, patriæque ruinam.*

Tum

Tum statim quasi contrario æstu rapta subijcit

Mens ubi materna est? ubi sunt pia vota parentum.

Hei mihi quo rapior? fratres ignoscite matri.

Et paulò post.

Et cupio, & nequeo, quid agam, modò vulnera fratrum.

Ante oculos mihi sunt, & tanta cedis imago.

Nunc animum pietas, maternaque nomina frangunt.

Hoc est illud quod nobis Arist. significat Ethic. 3. cap. 1. dum concludit, malos iniustosque homines (quamvis ignorantibus eos dici velit) non tamè operari propter ignorantem, quippe quod nulla præcedat ignoratio, quæ illis electionem adimat, sed ipsimet propria electione sibi ipsis rationis usum depravent sic Medea apud eundem Ovidium.

Video meliora proboque

Deteriora sequor.

Et paulò post

Quid faciam, video, nec me ignorantia veri

Decipiet, sed amor.

Quemadmodum igitur illi qui dormiunt, aliquando à somno excitantur, sic mali & incontinentes homines, ut idem Arist. Ethic. 7. cap. 3. scribit, cum primum in ipsis cessat cupiditas, eoq; vinculo soluti, legis naturalis munus libere exercere possunt, tunc errata ipsi sua clarius perspiciunt, tunc terrores illi, animæque vexationis insurgunt, atque assidue illæ domesticæque furia quibus qui scelestæ aliquid patrarunt, quasi furiarum tedis ardentibus, (quemadmodum Poetæ summa con ratione fabulati sunt) cruciantur, ut de oreste, & alijs exempla non incognita sunt.

Ex quo fit, ut vel si in alijs iudicijs Tres illæ personæ inter se differt debeant Accusator, Reus, & Iudex cum vel lege Iulia agitur, vel Pompeia, Corneliae, aut alijs eiusmodi, quæ ab hominibus latæ sunt.

Tamen cum hac lege naturali agendum est, tunc unusquisque solus in se ipso formam iudicii quandam instituit, se ipsum tacitus accusat, semetipsum denique condemnat, adeoque fecerum sui ipsius iudicium experitur, ut vel si à quocunque alio iudice absolvatur ipso tñ iudice absolui nunquam possit,

fit, & vt eleganter Iuuenalis his versibus attingit.

*Exemplo quodcunque malo committitur ipsi
Displicet auctori, prima est hac ultio, quod se
Iudice, nemo nocens absoluitur.*

Hæc est legis naturalis virtus, hi sunt igniculi à natura hominibus dati, hæc sunt virtutum semina, de quibus tot in locis Cicero loquitur.

Verum cum homines postea ex agris & syluis, vbi prius vt diximus dispersi vagabantur, unum in locum deduci, ac congregari cœpissent, & a fera, agrestique uita ad hominum cultum deducerentur, quod sapientiorum quorundam opera, & facundia factum fuisse, credendum est, qui cum probè cognoscerent, quanta animis hominum ad res maximas gerendas opportunitas esset, eos à fera, agrestique uita ad hominum cultum deduxere. Idque suspicor esse quod de Orpheo, & Amphione Poetæ fabulati sunt. Eos nimirum Lyræ, & carminum suauitate, saxa, & feras demulxisse, atque unum in locum ad se aduocare solitos fuisse, ut rectè pulchrè Oratius.

*Syluestres homines sacer, interpretque Deorum.
Caedibus, & victu fædo deterruit Orpheus
Dixtus ab hoc lenire Tigres, rapidosque Leones
Dixtus & Amphion Thebanæ conditor arcis
Saxa mouere sono testudinis, & prece blanda
Ducere quo vellet.*

Factum fuit etiam, vt res proprias quærere diuitias sibi comparare, contrahere, & alia similia facere inciperent, quæ vsu, & humanis necessitatibus exigentibus sic constituta, & apud omnes gentes obseruata, iurigentium dici ceperunt. Quod secundarium postea à Doctõribus dictum fuit vt ab eo quod vna con ipso genere humano rerum natura prodidit, dignoscatur.

Atque hinc bella orta sunt, discretæ gentes, regna condita, dominia distincta, agris termini positi, ædificia collata, commercia, & contractus ferè omnes prouenerunt l. 5. supra de iust. & iur. captiuitates, seruitutes, manumissiones, & similia, de quibus in l. 4. cod. tit. Hinc Seneca in Oſauian.

Dece-

*Deterior atas eruit ferrum graue
Aurumque seuas mox, & armauit manus
Partita fines, Regna constituit, nonas
Extruxit vbes.*

Et sic secundum hanc legem, & naturæ & gentium, vix-
runt homines vsque quo ciuitates condi, & magistratus
creari cœperunt. Nam conditis postea ciuitatibus & homi-
nibus ab antiqua illa probitate, ad vitia, & scelera pronius
declinantibus, tutius etiam iudicatum fuit, leges ciuiles
3 condi, quæ cupiditate vacarent, furde, ac inexorabiles, cun-
ctisque æquales essent. pœnis insuper, & præmijs opus fuit,
vt illorum propositione allecti, virtutem cuperent homi-
nes, vel coercionibus perterriti ab iniusti via reuocarentur
vt dicitur in l. 1. supra de iust. & iur. Atque hinc Astream
Iouis filiam ad patris latus collocatam, & criminum pœnas
continuè exigentem, vt qui plectitur, melior fiat, vel alijs
exemplo sit, veteres fabulati sunt, vt Plato in Gorgia refert,
hinc etiam Oratius.

*Oderunt peccare boni virtutis amore,
Oderunt peccare mali formidine pœna.*

Et sic non tantum moenijs contra vim externam, sed etiam
legibus contra ciuium improbitatem, ciuitates, atque op-
pida munire opus fuit, vt rectè idè Oratius satyra. 3. dixerit.

Oppida cœperunt munire, & condire leges

Ne quis fur esset, neu latro, neu quis Adulter.

Atque ita Tres leges, & Tria iura esse cœperunt. Naturale,
Gentium, & Civile.

Sic etiam Plato, & Aristoteles societates nonnullas ciuilis di-
sciplina quasi figuras nobis ante oculos posuerunt, quibus
quasi gradibus, Ciuitatum gubernacula, & Imperia ad hūc
quem nunc videmus statum, paulatim perducta fuerunt.

Prima societas inter mortales secundum naturam constituta
fuit, eamque Arist. 1. Polit. cap. 1. domum, seu familiam ap-
pellat. sed cum postea numero hominum paulatim excre-
scente ex singulis domibus plures domus, & familiae factæ
essent.

Secunda successit societas, quam idem Arist. Pagum appellat.

Tan-

Tandem sicut pluribus domibus simul iunctis Pagi fuerant constituti, ita iisdem planè de causis ipsi quoque Pagi simul iungi coeperunt, sicque.

Tertia societas, conglata fuit, quam Ciuitatem appellamus, & in qua Ciuiles leges constitutæ fuerunt.

Quæ triplex partitio à triplici etiam hominis consideratione emanasse videtur.

Primo namque homo considerari potest, tanquam animal inquantum ex communi naturæ affectione & instinctu mouetur, & tunc correspondet ei ius naturæ.

Secundo potest considerari tanquam Homo, humanæ scilicet, conditioni, & necessitati subiectus, & tunc correspondet ei ius gentium.

Tertio potest considerari tanquam ciuis, quatenus mouetur iuxta præcepta & instituta Ciuitatum, & tunc correspondet ei ius Ciuile, quod nihil aliud est, nisi ius propriū Ciuitatis.

Quare si lex vetet furari, & poenam fustigationis addat furanti non per hoc tamen prohibito furti, erit iuris Ciuilis cum non ea propria sit eius Ciuitatis; sed communis omnium

4 Gentium; poena vero Ciuilis erit, & propterea etiam si eandem poenam postea sequantur vicinæ Ciuitates, moxque reliqui deinceps populi, non hoc supplicij genus iuri gentium adscribendum erit, tametsi apud omnes gentes obseruetur, cum imitatione potius & exemplo, quam naturali ratione id faciant, siquidem id iuris gentium esse dicitur, in quod omnes gentes naturali iudicio consentiunt, & quod postquam cognitum est, statim ab omnibus non modo vt factum, sed vt probè, & iustè factum comprobatur, veluti de bello, & belli iure inducta seruitute: nemo enim fuit, qui vim vi repellere, arma armis opponere, res ablatas bello repetere, victos quos occidere fas erat seruare, & seruatos in punitionem eorum, qui finitimas gentes bellis iniustis persequabantur, victoribus seruire æquum esse non existimauit. Idem & de emptione dicendum est, & licet Paul. l. c. in l. 1. ff. de contrah. empt. neget vsum emptionis Troiani belli temporibus fuisse cognitum, idque Homeri testimonio comprobet, per hoc tamen non sequitur emptionem esse seru-

se iuris civilis quia posterius introducta quoniam, & manumissionem, quam tamē iuris gentium esse constat, Tullum hostilium quod ancilla gentis esse putaretur, primum induxisse Halicarnasseus scribit. Ex quo sequitur ius gentium, & Civile non antiquitate, & ordine temporum distingui, sed usu, & ratione, nam in quo gentes omnes naturali iudicio consentiunt ius gentium appellatur, tametsi posteriore tempore fuerit cognitum; ut numo reperto nemo fuit, qui eo postea usus non sit, quod eum videret rebus contrahendis necessarium, ex quo emptio fluxit: Hodieque etiam si quid noui excogitaretur, quo agnito iponte sua & libenter omnes uterentur. diceretur esse ius gentium: quia ratio naturalis id apud omnes gentes constitueret. Sicut nec si qui sint populi rudes & barbari, qui usum emptionis non habeant, non ideo minus ius gentium censenda erit, cum nonnulli adhuc esse dicantur, qui nullos contractus norūt, quia omnia sint inter ipsos communia: neque propterea hos contractus ius gentium denegare oportet.

Romani Iuris Origo.

Tres olim Ciuitates fuerunt, quæ particulariter iura Ciuilia sibi constituerunt, scilicet, Atheniensium, Lacedæmoniorum, & Romanorum, Athenienses iure scripto, Lacedæmones non scripto, nempe consuetudine. Romani verò Athenas, & Lacedæmona, duo Græcie lumina imitati, partim scripto, & partim non scripto, vti sunt §. sine scripto instit. de iur. nat. gent. & ciuil. Quod ut & clarius intelligatur, sciendum est: quod.

Principio vrbis Romæ, Populus Romanus sine certo iure, & sine certa lege vivebat arbitria Principium pro legibus erant l. 2. in principio hoc Tit. sed aucta aliquantum Ciuitate Romulus. qui primus Romanorum Rex fuit in primis iuuentutem Romanam in classes militares, & legiones diuisit, quarum singulæ, tria millia peditum, & equites trecentos continebant. Inde postea ex optimatibus centum Senatores creauit, qui, & Patres honoris gratia, eorumque

C pro-

18. Pandectarum Liber Primus.

progenies Patricij dicti fuerunt, pauloque post adscriptis in-
eorum ordinem pluribus alijs, Patres conscripti dici coepe-
runt, vt Plutarchus in Romulo, & Lilius lib. 1. tradunt.
Demum, totum populum, in tres partes diuisit, quas Tribus
vocaui, singulisque Tribus, singulos praefecit Duces, quos
Tribunos vocauit, &

Rursus, singulas Tribus, in decem alias partes, diuisit, quas Cu-
rias nuncupauit, eisque suos fortissimos Duces, Curiones
appellatos, designauit.

Ceterum, denuo Curias, in Decurias diuisit singulisque De-
curijs, suos Duces constituit, quos Decuriones nuncupauit.

Atque tandem, & quinque aliae superaditae fuerunt. Curiae, &
ita Romae trigintaquinque Curias fuisse Ascon. Pedian. 2.
verr. & Appian. De Bello Ciuili lib. 1. tradunt.

Romulus igitur populo curiatim vocato, leges nonnullas ro-
gauit, quas à Curijs, Curiatas appellauit, inter quas illa ve-
hemens fuit; Quae, omnem vitae, necisque potestatem pa-
tri in filium concessit. Illam quoque pertulit, Ne bello ca-
ptae vrbes euerterentur, aut in seruitutem redigerentur. De
Dijs immortalibus, non nisi optima, & sentire, & loqui ius-
sit. Cumque Sabinum bellum, prudentia raptarum mulie-
rum extinctum vidit: Foeminis honorem lege lata detulit;
Vt mulieri deambulanti prior à viro locus concederetur.
Vxoremque dum per sacras leges viro coniuncta esset re-
rum omnium sociam con marito fecit Plutarchus in Ro-
mulo & Halicarnas. Antiquit. lib. 2.

Tulerunt leges, & sequentes leges, puta, Numa Pompilius;
Tullus Hostilius, Ancus Martius, Tarquinius Priscus, Ser-
uius Tullius, & Tarquinius Superbus, in quo tandem Re-
gia dominatio extincta, & in consularem conuersa fuit.

Has regias leges Sextus Papyrius posterorum memoriae com-
mendauit, conscriptoque ea de re nominatim libro, Papy-
rianum dixit ut traditur in d. l. 2. §. 1. hoc Tit.

Sunt qui putant, licet mendosè, hunc Papyrium fuisse, illum;
qui puer adhuc matrem nimis anxie percunctantem, quid
in Senatu ageretur, (tunc enim mos erat praetextatos filios
con patribus in Curiam ire) festiuo mendacio delusit, disce-

ptatum

ptatum in Senatu dicens; Vtrum esset utilius, una potius, ut duobus nuberet, An vnus duas vxores haberet. qua de re Macrob. Saturnal. lib. 1. cap. 6.

Exactis igitur Regibus, Tarquinio, scilicet, superbo, & alijs, qui post eum futuri erant, Lucio Iunio Bruto Suafore, & Duce, ob iniuriam nocturna vi à Sex: Tarquinio superbo illatam in Lucretiam castissimam, & nobilissimo genere ortam;

Omnes Regiæ leges etiam exoleuerunt. Tanto enim in Regiam potestatem Iunius Brutus odio flagrauit, tamq; exolum regium nomen Populo, visum fuit, vt non modo Reges verum etiam eorum leges, & decreta aboleri voluerit. Sicque iterum Populus incerto magis iure, & consuetudine vti cœpit, Consulesque ut Rei P. consulere possent duos creauit d. l. 2. §. exactis. Qui fuere Lucius Iunius Brutus, qui tantum gloriæ in explodendis Regibus meruit, & Lucius Tarquinius collatinus stupratæ Lucretiæ maritus.

Verum cum Plebs, varijs iniurijs, & præsertim creditorum malignitate, qui corpora debitorum pro seruis detinebant, stimulata esset; Nec Primores patrum, apud quos sæpè cōquestæ erant, auxilium ferrent; tanquam à Senatu Consulibusque premeretur, cum delectu militum anno à pulsibus Regibus sexto decimo Sicinio Auctore secessit, sacrumque montem insedit armata, ubi per aliquot dies se continuit, donec Menen Agripa ad Plebem missus Orator, uir sanè facundus, & quod inde oriundus esset, Plebi carus, iram Plebis in patres leniuit, in conditionesque itum est, vt duo ex Plebe Magistratus crearentur, qui ueluti defensores Plebis, aduersus Patricios, & Consules essent, & nulli patrum, eum magistratum capere liceret. Sicque Duo Tribuni Plebis creati fuerunt C. Licinius, & L. Albinus.

Item ut debitores inopes solutione liberarentur, & si quorum corpora legitimo tempore detinerentur, libera essent Halicarnas. lib. 6. & hæc fuit prima Plebis à Patribus secessio. Atque ita Plebs & Patres, intestinis, & quotidianis seditionibus agitati, nullis certis legibus, nulla certa consuetudine uiuebant.

Sed cum hominum instituta, nisi publica auctoritate firmentur, variare, atque ad vulgi libidinem fluctuare soleant, visum fuit, Ciuitatem certis legibus fundari, easque exteras, vt omnis inuidiæ prætextus recideretur, aduocari placuit L. ius lib. 3. In legibus enim salus Populi posita est, & vt corpora nostra sine mente, sic Ciuitas sine lege, vt Cicero pro Cluentio scribit, suis partibus, & nervis, ac sanguine, vt non potest.

Instructis igitur ex publico triremibus Tres legati Athenas missi fuerunt, qui inelytas Solonis leges scriptas ferrent, iura etiam, & mores aliarum Ciuitatum, maximè Lacedæmoniorum noscerent, & fuere Sp. Posthumius Albus, Aulus Manilius, & P. Sulpitius Camerinus.

Athenienses vt tradit Accurs. in d. l. 2. §. exactis in verbo constitui, non statim copiam suarum legum Romanis facere, sed prius explorare voluerunt, An digni essent suis legibus, ad quod explorandum miserunt quendam sapientem Græcum Romam. Quod quidem præscientes Romani, decreuerunt eum irridere, obtruleruntque ei quendam stultum Romanum. Græcus credens illum sibi obiectum sapientem esse, cœpit cum eo disputare, nutu, & signis. & eleuauit vnū digitum, significans in corde suo vnum esse Deum; At stultus credens, quod sibi vellet eruere oculum, eleuauit duos digitos, & etiam pollicem, & sic tres, dicens in corde suo, si vis mihi eruere vnum oculum, ego eruam tibi duos. At Græcus sapiens credidit, quod de Trinitate intelligere vellet. Ideo iterum sapiens ostendit illi stulto manum apertam, significans quod omnia sunt manifesta Deo, stultus, credens, quod sibi vellet dare alapam, statim ostendit ei pugnum clausum, significans, quod si percutiet alapa, ipse pugno repercutiet. At Græcus credidit, quod per pugnum vellet significare quod Deus omnia manu claudat. Et sic putauit Romanos esse valdè sapientes, & reuersus Athenas, retulit Romanos legibus dignos esse.

Sed hoc Accurtij commentum ridet Budeus in Adnotationibus suis, & iocos miscere voluisse, dicit Zazius, nam eo tempore, nec Græci, nec Romani, vel Vnitatem Dei, vel Trinitatem.

tatem cognouere falsorum Deorum veneratione præstri-
cti, ideo fabulam, & vanam, & falsam esse dicemus.

Tres igitur illi Legati Athenas missi, tertio postquam recesserant, anno, Romam reuersi leges scriptas, vti ab Atheniensibus ipsas interim susceperant, moreque aliarum Ciuitatum Populo Romano referunt.

Populus, statim, decem viros creauit, qui ex Græcijs institutis, patrijsque moribus, Romanas leges, & conderent, & scriberent, & in Centuriatis Comitijs exponerent. Dissolutisque & abrogatis eo anno, omnibus alijs Magistratibus, summam potestatem eis, uno tamen anno tantum duraturam Populus concessit, vt & leges corrigerent si opus esset, & interpretarentur, & decimo, singuli, die, ius populo redderent, eoque tempore penes iuris præfectum Fasces 12. forent. placuitque ne ab illis prouocatio esset. Mirandum certè, nam Regum tempore, qui tamen eximio pollebant Imperio, prouocandi ius ad Populum fuit; Horatius enim, cum Curiatios Albanos singulari certamine vicisset, & Romam ingressus sororem uirginem, quæ vni ex Curiatijs desponsata erat, sponsi sui fata lugentem, stricto gladio transfixisset, à Tullo Hostilio Rege Perduellio iudicatus, ad Populum prouocauit, à quo tandem virtutis admiratione magis, (inquit Liuius, lib. 1.) quam iure causæ absolutus fuit.

Decem viri fuere, vltra tres illos legatos, quos memorauimus. Appius Claudius. T. Genutius, Pub. sextius, L. Veturius. C. Iulius. Pub. Curatius, & Tit. Romuleius.

LEGES X. TABVLARVM.



Hi decem viri, elapso eorum anno, scriptis, & conditis legibus in Decemq; Tabulis, propositis, ingenti omnium expectatione, populum ad concionem vocarunt, ireq; & legere propositas leges iusserunt, contestantes, se quantum decem hominum ingenijs, prouideri potuit, omnibus summis, infimisque iura æquasse.

Itaque Centuriatis Comitijs Decem Tabularum leges tulerunt;

22 Pandectarum Liber Primus.

runt; easque in tabulas æneas incisas, & perscriptas, exemplo Minois, qui, & leges suas Cretensisibus, datas, æreis tabulis inscripsit, pro Rostris, seu mauis, ante Rostra posuerunt. Sicque officio suo honorificè perfunctis, sua sponte, se simul magistratu abdicarunt d. l. 2. §. exactis Rostra vt Liu. tradit, Forum erat ante Curiam hostiliam, quæ senatorum fuit, vbi culpitum erat rostris nauium ex Ansatibus captarum ornatum.

LEGES XII. TABVLARVM.

Vulgatur deinde rumor, deesse duas alias Tabulas, quibus vniuersum corpus populi romani absolui possit. Propterea sequenti anno alij Decem viri, iterum creati fuerunt inter quos Appius Claudis vnus ex primis, qui solus pessimo exemplo, cum haberet comitia, semetipsum creauit, imperiumque continuare affectauit.

Hi Decem viri, Duas alias Tabulas, nō zelo virtutis, aut amore Rei P. vt tyrannica eorum potestas declarauit, sed Plebistimore, ac Populi iussu adiecerunt, & sic leges 12. Tab. factæ fuerunt d. l. 2. §. exactis. Quas 12. Tab. leges tanti fecit. M. Crassius apud Ciceron. de Oratore, vt dicere nō dubitauerit, Bibliothecas omnium philosophorum, ab vno. 12. Tab. libello, & auctoritatis pondere, & vilitatis vbertate superari.

Constitutis igitur. 12. Tab. legibus Explosoque Decem virorum Magistratu, Populus iterum Consules creauit, & Tribunos suos Plebi restituit.

L E X P O P V L I.

Consules, vbi lex. 12. Tab. non disponebant de aliquo negotio, senatum in primis adibant, ei que rogationis suæ sententiam exponebant, inde populum informabant, & vt ioequius ipsi postea videbatur, decidebant, talisque decisio lex erat de qua in §. lex inslit. de iur. nat. gent. & ciuil.

PLEBIS-

P L E B I S C I T A.

Similiter & Tribunus Plebis idem faciebat cum Plebe, quod
 Consul con populo, eiusque decisio erat lex, quæ dicta fuit
 11 Plebiscitum, de quo in §. Plebiscitum instit. de iur. nat. &
 in d. l. 2. §. Deinde cum esset.

Verum, quia eo iure, quod Plebs statuebat Patricij, & sena-
 tores non tenebantur, multæque discordiæ ob id inter Pa-
 tricios, & plebem nascebantur ideo placuit, ut eo iure quod
 Plebs statuisset, omnes tenerentur d. l. 2. §. augescente
 ciuitate.

S E N A T U S C O N S V L T A.

Deinde, quia difficile erat, ut Plebs, & multo difficilior, ut
 Populus, ob multitudinem in vnum conuenire posset; ideo
 necessitas ipsa curam Rei P. ad senatum deduxit, sicque cæ-
 12 pit. senatus se interponere, & quicquid statuisset, obser-
 uabatur insque ab eo constitutum Senatusconsultum di-
 ctum fuit, d. l. 2. §. Deinde quia difficile.

P R A E T O R V M E D I C T A.

Et quia quandoq; Consules extra urbem proficisci debebant;
 ideo ne Ciuitas Rectoribus careret, facti fuerunt Duo Offi-
 13 ciales, dicti Prætores, quorum vnus dicebatur Prætor Vr-
 banus, qui præerat ciuibus, Alier Peregrinus, qui causas
 Peregrinorum audiebat.

Hi Prætores quædam proponebant edicta in albo, quæ per
 Populum approbata, habebant vim legis, dictaque fuerunt
 Prætorum edicta, de quibus in §. Prætorum quoque instit.
 de iur. nat. & in d. l. 2. §. eodem tempore.

Et quidem olim hæc edicta habebant vim legis, non quidem
 perpetuæ sed annalis, quoniam cum magistratu ipso, qui
 annuus erat finiebantur ut per Tot. Tit. instit. de Perpet. &
 Temporal. Action. Sed Cornelius Tribunus Plebis, ani-
 maduertens, multitudinem, & varietatem edictorum Rei
 P. perniciosam esse, multis inuitis, legem tulit, ut Præto-
 rum edicta perpetua essent; Quæ res gratiam ambitionis

Præ-

24 Pandectarum Liber Primus.

Prætoribus sustulit, qui ut de suo aliquid in Rem P. contrahere, viderentur, singulis annis nova edicta proponebant, cuius rei nomine Cicero in Verrem acriter inuehitur.

Primus postea Aulus Offilius prætorum edicta confusa colligens in vnum redegit d. l. 2. §. ex his, & post eum Iulianus, idem multo felicius præstitit l. 1. §. sed quia. C. de Veter. iur. enucleand.

Ædiles Curules etiam iuris constituendi facultatē habebant, & edicta quædam proponebant de quibus per Tor. Tit. ff. de Aediliæ. edict. & in d. §. Prætorum quoque instit. de iur. nat. gent. & ciuil.

PRINCIPVM PLACITA.

Nouissimè postea cum senatus omnes prouincias probè regere nō posset, Populus necesse esse vidit, ut rursus per vnum consuleretur, atque ideo omne suum imperium, & potestatem in Principem contulit, ut quidquid ei placeret legis vigorem haberet, dictumque fuit Principis placitum de quo in §. sed quod principi instit. de iur. nat. gent. & ciuil. & in d. l. 2. §. nouissimè.

RESPONSA PRVDENTVM.

Postremò, quia Princeps tot, tantaque negocia, tam domi, quam foris, sustinere non poterat, creauit quosdam viros sapientes lreconsultos appellatos, quibus data fuit a Cæsa-
15 re Augusto autoritas de iure respondendi, quorum responsa tantæ auctoritatis fuerunt, ut pro lege seruarentur, dictaque fuerunt responsa prudentum de quibus in §. responsa instit. de iur. nat. gent. & ciuil. & in d. l. 2. §. Ut obiter. Et hæc de origine iuris.

MAGISTRATVVM SVCCESSIO.

Nunc post originem iuris, Consequens est etiam, ut de Magistratum nominibus, & origine cognoscamus, quoniam, ut
in-

inquit Pomponius. I. C. in d. l. 2. §. post originem iuris, parum esset ius in Ciuitate esse, nisi etiam sint, qui iura reddere possint.

Quod igitur ad Magistratus attinet, constat initio vrbs Romæ nomen imperij apud Reges fuisse, d. l. 2. §. quod ad Magistratus.

R E G E S.

Primus apud Romanus Rex fuit Romulus, qui condita Ciuitate, prospiciens, tres esse Rei P. gubernandæ species, Monarchiam, quæ Regum est, Aristocratiam, quæ est Optima-
17 tum, & Democratiam, quæ est popularis. Perfectissimam, & Platoniam, quæ ex his tribus constat, instituit. Sicque ipse se Regem dedit, senatores centum elegit, & Populum in triginta Curias diuisit, Dionysius, & Polybius auctores sunt.

Post Romulum, sequuti sunt, & alij Reges, puta, Numa Pompilius, Tullus Hostilius, Ancus Martius, Tarquinius Priscus, Seruus Tullius, & Tarquinius superbus, in quo tandem Regia dominatio extincta, & in Consularem conuersa fuit.

T R I B V N V S C E L E R V M.

Iisdem temporibus, quibus Reges, & Tribunum Celerum fuisse constat, qui equitibus præerat, velutique secundum locum à Regibus obtinebat d. l. 2. §. quod ad Magistratus. Habuit enim Romulus, non belli modo tempore, sed etiam
18 pacis ad custodiam corporis, & vrgentia Rei P. ministeria, trecentos armatos equites, quos Celeres nuncupauit, & quibus eis præerat, Tribunus Celerum dictus fuit Lilius lib. 1. & Plinius lib. 33. cap. 2. huncque morem à Lacedæmonijs Romulum traxisse constat, apud quos trecenti itiuenes ex generosissimis familijs Regum Custodes eligebantur Halicarnas. lib. 1.

D C O N.

Exactis Regibus Romana Res P. statum mutare cepit, pro-
 que regio qui 244. annos durauerat, Cōsularē assumpsit.
 Consulum summa fuit potestas, eadem nimirum quę Regum;
 datum enim fuit eis, vt omnia possent, quęcunque Regibus
 antea licebant, nihilq; immutatum fuit, nisi quod pro per-
 petuo vnus imperio, annuū duobus datū fuit Liuius lib. 1.
 19 & 2. in principio. Sed ne per omnia Consules regiam sibi
 potestatem vindicasse viderentur factum fuit vt ab eis pro-
 uocatio esset, nevē possēt in caput ciuis romani animadu-
 tere iniussu populi: solum relictum illis, vt coercere pos-
 sent, & in vincula publica duci iuberent d. l. 2. §. exactis
 deinde regibus.

CENSORES.

Post deinde cum census iam maiore tempore agendus esset,
 & consules non sufficerent, huic officio Censores duo con-
 sultuti sunt. d. l. 2. §. post deinde; sic dicti, eo quod eorum
 20 proprium munus esset, censum agere, hoc est, ciuium nu-
 merum recognoscere, ac eorum patrimonium estimare, &
 recensere Liui. lib. 4. item sub eorum potestate, morum,
 & disciplinę censura, decoris, & dedecoris discrimen posi-
 tum erat, vt & a senatu etiam mouere indignos, eis ius esset
 Liui. lib. 39. 62. & 98. quapropter Cic. in Orat. pro Cluentio
 Censores dicit esse præfectos moribus, magistrōs veteris di-
 sciplinę, & seueritatis, de qua re apud Gell. Fenestell. &
 alios auctores complura pulchra exempla traduntur, sed
 nec illud iocosum præteribo; Catonem seniore in Cen-
 sura Maniliū senatu mouisse, quod vxorem, spectante fi-
 lia, fuisset osculatus. Horum Censorum magistratus, non
 vt alij, annuus erat, sed quinquennio durabat. primi quę
 Censores ex patribus creati fuerunt, non nisiq; patres hunc
 magistratum initio rerum gerere poterant, sed vt in alijs
 etiam magistratibus immutatum fuit, ita & de plebe Cen-
 sores creari ceperunt, seruatum. quę fuit, vt vnus patricius,
 alter

alter plebeius eligeretur Liu. lib.10. & Plutarch. in Magico Catone.

D I C T A T O R E S.

Populo deinde aucto, cum crebra orirentur bella, placuit maioris potestatis magistratum constitui itaque Dictatores proditi sunt quorum summa fuit potestas, & maior quam consularis, nam & capitis animaduersio data, & prouocatio. 21 di ius ab ipsis non fuit d.l. 2. §. populo deinde aucto. Quinimo Dictatore creato, Consul, Praetor, Aedilium, ceterorumque magistratum, praeterquam Tribunorum cessabat auctoritas, quam ideo veteres durare voluerunt, ut ad tyrannidem Dictatori aspiranti frenum aliquod iniiceretur Polib. lib. 3. & Liu. lib. 22. & hunc magistratum, quia tantam potestatem habebat, ultra sextum mensem retineri fas non erat d.l. 2. §. populo deinde aucto, principioque rerum ad tantae dignitatis fastigium non nisi patricij euehebantur, at procedente tempore ex plebe quoque creari ceperunt Liu. lib. 7. fuitque etiam in more positum, ut Dictator non nisi noctu crearetur, idem Lib. lib. 9.

MAGISTER EQVITVM.

Sicut ab initio Tribunus Celerum Regi aderat, imperatoribus Praefectus praetorio, ita, & Dictatori Magister equitum adiunctus fuit, qui veluti magister consiliorum adesset, ac si forte Dictatori abesse, aut grauiore morbo laborare, contingeret, eius vices gereret, & munia obire posset, factus veluti socius imperij, virtutisque & ignauiae Dictatoris testis. Huic Magistro equitum summa militum credebatur, tantumque ei ius in milites fuit, quantum Dictatori in populum; Milites enim omnes Magistro equitum, ipse vero solius Dictatoris dicto audiens erat. nec vnus sine alio creari poterat Halicarn. lib. 5. Quinimo & Vterque simul imperium deponebat, prius enim Dictator magistrum equitum magistratu abire iubebat, ne ipse qui proxima pollebat potestate

in honore summo habitus, solus aliquid moliretur, & postea ipse se magistratu abdicabat d. l. 2. §. deinde Liu. lib. 4. & Pater meus de Venet. & Roman. magistrat. inter se comparat. ad l. 1. ff. de Offic. eius. num. 66. & 67.

T R I B U N I P L E B I S .

Iisdem temporibus, cum Plebs à patribus secessisset, anno ferè septimo decimo post exactos Reges, Tribunos sibi in monte sacro creauit, qui essent plebei magistratus, & quos Plebs
23 ipsa veluti defensores haberet aduersus Senatum, & Consules d. l. 2. §. iisdem temporis. Quorum munus, & officium erat intercedere, ac prohibere, nec enim iuri dicundo, nec causis, querelisve cognoscendis, sed intercessionibus tantum faciendis, & iniurijs arcendis, creati fuerunt, magisque ad impediendum, vt inquit Plutarch. quam ad agendum. Verum bene est, quòd si eorum intercessionibus non parebatur, iusprehendendi, ac in carcerem adducendi habebant, adeò quidem, vt etiam in Consulem ipsum manus injicere, & in vincula publica duci iubere possent Liu. lib. 4.

Quin etiam habendi dissoluendi ac intercedendi Senatus potestatem habebant; positis enim ante Curiae fores subsellij, Senatus decreta excipiebant, quae si probabant, littera T. subscribebant, sin minus senatusconsultum per intercessionem impediabant. Ac inde postea etiam in ipsa Curia subsellia habere coeperunt, donec Attimio plebiscito Senatores effici meruerunt, scilicet, quem Tribunum Plebs creasset, is hoc ipso in posterum Senator esset Coras. in d. l. 2. §. postea aucta h. t. & pater meus. in d. suo Tractat. num. 79. Sacrosanctus fuit hic magistratus adeo quod nec prehendi, nec violenter duci poterat, Liu. lib. 3. & si aliquando forte vnum ex Tribunis cogi oportebat, id munus ceteri Collegae praestabant, inuicem errata sua moderantes, & corrigentes Valer. Max. lib. 6. cap. 5. & quia principaliter creati fuerunt, vt ab eorum iniuria plebem arcerent, propterea Tribuni ianua nunquam, nec noctu quidem claudebatur, vt omni tempore eorum auxilio indigentibus, presto esse possent,

set, & a principio Duo tantum fuerunt, sed gliscente in dies seditione inter patres & plebem vsque ad Decem Tribunorum numerus creuit vt munitior esset plebi libertas, & tutior aduersus patriciorum potentiam status Liu. lib. 3.

A E D I L E S .

Insuper quoniam Consulum arbitrio, plerumque scita plebis supprimebantur, ideo Duo ex plebe creati fuerunt Aediles 24 dicti, eo quod ædibus præerant in quibus omnia scita plebs deferebat d.l.2. §. itemque vt essent.

Postea ex patribus alij duo creati fuerunt Curules dicti à sella eburnea incuruos pedes habente, cui ius dicendo, infidebant d.l.2. §. Deinde cum placuisset. Quorum officiũ erat, sacrorum publicorumque locorum, curam habere, ludos publicos apparare, providere vt cloacæ publicæ, aquæductus, omniaque munda, & incorrupta adseruarentur de quibus etiam ius reddebant & ædilia proponebant l. ult. ff. de via publica ponderibus pariter & mensuris præerant, & si aliqua iniusta, aut minora reperissent, frangi iuebant l. Item quæritur §. si quis mensuras ff. locat. quam legem Accurs. ibi parum assecutus est, Aedilitij quoque muneris fuit providere, ne quid occulti latentisve vitij, vel morbi in re vendita inesset l. 1. & Tot. Tit. infra de Aediliæ. edict. Cic. lib. 3. Offic. & Liu. lib. 4.

Fuit olim Romæ Aedilitas inter minores magistratus, ac proinde adoloscens prima commendatione Aedilitatem consequebantur. Vnde & Publ. Cornel. Scipio qui postea Africani nomen sumpsit, Aedilis Curulis, cum vix ex phebis excessisset, creatus fuit, cui cum obsisterent Tribuni plebis negantes rationem eius habendam esse, qui nondum ad p-
25 tendum legitimam ætatem nactus esset, versutè respondit, si me Omnes Quirites Aedilem facere volunt, satis annorum habeo; tantoque inde fauore ad suffragium in Tribus discursus est, vt Tribuni incepto desisterent Liu. lib. 25. Quandoque tamen in tantum honoris culmen Aedilitas prouecta fuit, vt absentibus, vel impeditis consulibus sum-

ma rerum, & maiestas Consulares impetij ad eos sæpè delata fuerit Alex. ab Alex. lib. 4. Genial. di. cap. 4. multa scriptis Pater meus d. loco num. 82. con. seq.

Fuerunt quoque cum Iulius Cæsar rerum potiri cœpit, Aediles alij duo creati, qui curam gererent annonæ forensis, cœpiæque cibariorum, Cereales idco dicti, à Cerere nimirum quæ Dea frugum existimatur, nam cum antea homines gladii vescerentur, fruges à Cerere primum in Sicilia inuentas, & deinde ab eadem Athenas allatas fuisse, Cicero Act. 6 in Verrem scribit, quod & Ouidius indicat dum ait lib. 5. Metamorph.

Prima Ceres vincto glebam dimouit aratro

Prima dedit fruges, alimenta que mitia terris.

Cura igitur eorum erat, providere, ne vrbs penuria annonæ, neve caritate laboraret, apparare frumentum & oleum, ceterasque fruges conuehere, commeatus, quæque bello viui forent in castra deferre d. l. 2. §. item vt essent, & §. deinde Cornelius.

Q V A E S T O R E S.

Deinde cum ærarium populi auctius esse cœpisset, qui illi præessent constituti sunt Quæstores ab eo dicti quod inquirendæ, ac conseruandæ pecuniæ causa creati essent d. l. 2. §. deinde cum ærarium. Idque factum fuit, ne leuioribus his occupationibus Consules detenti à cura grauiarum rerum auocarentur; tum etiam ne si ferueret auaritia ansam haberent, ærario sibi permissio malè faciendi.

Hi ab initio quatuor fuerunt. Duo qui publicæ pecuniæ in vrbe & ærario præsidebant, & Duo qui Consulibus ad belli ministeria præsto erant. sed procedente tempore sex, ac deum etiam eousque fertur Quæstorum ampliatus numerus, vt viginti forent Liu. lib. 4. Inter quos & Parricidij Quæstores nominabantur, qui capitalibus rebus præerant, adeoque pœnas ad mortem etiam vsque exigebant, quod Consulibus prohibitum erat d. l. 2. §. deinde cum ærarium. Ascō. 2. Act. in Verrem Quæstores nominat, eo quod iudicijs crimina-

iminalium quaestionum praessent, vt & Verg. 6. Aeneid.
Minocem capitalium rerum apud inferos iudicē facit, ibi.

Nec verò hæc sine sorte data, sine iudice sedes

Quasitor Minos vnam mouet: ille silentum

Conciliumque vocat, vitasque & crimina discit.

Et Claudianus de Raptu Proserpinæ lib. 3.

Quasitor in alto

Conspicius folio pertentat crimina Minos.

DECEM VIRI.

Et cum placuisset leges quoque ferri; Tresque legati Athenas
missi, Romam reuerſi essent; Decem viri creati fuerunt, qui
ex græcijs institutis patrijsque moribus Romanas leges con
27 derent, abrogatisque omnibus alijs magistratibus, summa
potestas eis vno tamen anno tantum duratura, concessa
fuit, nec ab ipsis prouocatio sicut à reliquis magistratibus
fuit d. l. 2. §. exactis il. 1. & §. & cum placuisset. Hi cum ma-
gistratum etiam vltra annum sibi prorogarent, & rem iniu-
riosè tractarent, neque vellent sufficere magistratus, vt ipsi
& factio sua perpetuò occupatam Rem P. retinerent, vt nō
immeritò à M. Horatio Barbato in frequēti Senatu decem
Tarquinij appellati fuerint, eo nimia atque aspera domina-
tione Rem P. perduxerunt, vt exercitus a Re P. secederet.
Initiumque secessionis fuisse dicitur Virginius quidam vir
plebeius, cæterum rei militaris peritissimus, qui cum filiam
haberet honestissimam, & forma præcellentem L. Icilio
tribunitio desponderat, hanc Appius Claudius perditissimè
amans, M. Claudium clientem suum supposuit, qui virginē
seruam suam esse diceret, veluti domi suæ natam, furtoque
inde in Virginij domum translata, pro qua cum P. Numi-
torius puellæ auus, & Icilius spontus cæterique amici, ab-
sente patre Virginio, qui tunc honestum in exercitu ordinē
ducebat, postularent, vt vindicias Appius daret secundum
libertatem, hoc est commodum possessionis, Appius legem
calumniatus à se & decem viris in 12. tabulis translata,
quo cautum erat, vt si ex libertate quis vocaretur in serui-
tutem

52 Pandectarum Liber Primus.

tutem frueretur interim ille datis saltem vadibus commodo libertatis; eam locum habere dixit, vbi appareret pater libertatis filiae assertor, sed si pater abesset dominum esse potiorum, sicque secundum seruitutem vindicias decreuit, qua de re turbatus Virginius qui iam è castris redierat, indignatusque quod vetustissima iuris obseruantia in persona filiae suae defecisset, vtpotè cum Brutus qui primus Romae Consul fuit, vindicias secundum libertatem dixisset in persona vindicij viteliorum serui, qui prodicionis coniurationem detexerat, concepit animo facinus amarum sanè patri, cæterum libero viro dignum, arreptoque cultro de taberna Lanionis pectus puellae pius parricida transfixit; in hoc, scilicet, vt morte virginis Contumeliam stupri arceret, ac protinus recedens à cede, & adhuc filiae cruore madens ad commilitones confugit, qui omnes sceleris atrocitate partim concitati, partim spe repetendae libertatis relictis pristinis Ducibus in Aventinum montem signa transtulerunt, ad quem & omnis vrbana plebs se contulit, atque ita populi consensu partim Decem viris in carcere necatis, partim in exilium actis Romana Res P. iterum suum statum recepit. d. l. 2. §. & cum placuisset.

TRIBUNI MILITVM.

Deinde cum post aliquot annos quàm xij. tab. leges latae fuerunt, & Plebs contenderet con patribus, & vellet ex suo quoque corpore Consules creari, & patres recusarent, factum est, vt Tribuni militum crearentur partim ex plebe partim ex patribus consulari potestate, d. l. 2. §. Deinde cum post aliquot annos.

Fuit & aliud Tribunorum militarium genus, qui non in vrbe, sed in castris tantum pollebant, quorum munus erat, milites in officio continere, eorum quærellas audire, vigilias circumire, & similia, quæ recensentur in l. officium. ff. de Re milit.

PRAE-

PRAETOR VRBANVS.

Deinde cū placuisset creari etiam ex plebe consules vt aliquid pluris patres haberēt, placuit duos ex numero patrum constitui, qui Curules Aediles dicti fuerunt, de quibus supra dictum est. Cumque Consules auocarentur bellis finitimis, neque esset, qui in ciuitate ius reddere posset, factum est, vt Prætor quoque crearetur, qui vrbani appellatus est, quod in Vrbe ius diceret d. l. 2. §. Deinde cum placuisset, isque ex patribus fuit, sed ne hic honos diu apud patricos mansit, sed vt Consulatus, ita & prætura con plebe communicata fuit Liu. lib. 8.

PRAETOR PEREGRINVS.

Post aliquot deinde annos, non sufficiente eo prætore, quod multa turba peregrinorū in ciuitatem veniret, creatus est, & alius Prætor, qui Peregrinus appellatus est, ab eo quod plerumque inter peregrinos ius diceret d. l. 2. §. post aliquot. Capta deinde Sardinia, Sicilia, Hispania, & alijs, totidem Prætores quot prouinciæ in ditionem venerant, creati fuerunt, partim qui vrbani rebus, partim qui prouincialibus præeiserent d. l. 2. §. Capta deinde Sardinia; & alij insuper additi vsque adeo, vt ad decem & octo Prætorum numerus creuerit d. l. 2. §. Deinde Cornelius.

CENTVM VIRI.

Deinde cum esset necessarius magistratus qui hastæ præesset centū viri litibus iudicandis creati fuerunt d. l. 2. §. deinde cum esset. Erant enim Romæ triginta quinque Tribus, quibus singulis Tribus, Tres ad iudicandum eligebantur, qui licet vniuersi amplius quam centum essent, tamen commodioris locutionis gratia, vt Festus docet, Centum appellati fuerunt. hastæque præesse huiusmodi Centum Vi-

E ri

34 Pandectarum Liber Primus.

ri dicebatur quia hasta in medio posita congregabantur.
Sueton. in August. hinc & Martial. lib. 7. Epigr.

Hunc miratur adhuc centum grauis hasta virorum

Hunc loquitur grato plurimus ore eliens.

Hastaque Romanos in iudijs ideo vfos fuisse puto, quod ea sit:
præcipuum armorum, & imperij signum. Potest illud quo-
que dici hunc hastæ morem in iudicijs. Romæ quondam
irrepisse in memoriam Romuli, quem assidue hasta vsum
fuisse ferunt. Huius centum Viralis iudicii, sit mentio in
l. Titia infra de inoffic. testā. & in l. vlt. C. de Petit. hęredit.

Q V A T V O R V I R I.

Eodem tempore, & Quatuor Viri qui curam viarum agerent:
32. constituti fuerunt d. §. Deinde cum esset..

TRIVM VIRI MONETALES.

Item, & Trium Viri Monetales qui cudendæ monetæ & ne-
quid corruptelæ admisceretur, & vt probi auri, & argenti,
33. iustique ponderis essent, curam haberent d. l. 2. §. deinde,
cum esset.

TRIVM VIRI CAPITALES.

Trium Viri quoque Capitales eodem tempore creati fuere,
qui carceris custodiam haberent, & cum animaduerti oport-
34. teret eorum interuentu fieret d. §. deinde cum esset..

Q V I N Q V E V I R I.

Et quia magistratibus, vespertinis temporibus in publicum
esse inconueniens erat, usque adeo vt post occasum solis dis-
solui tenarum Romani voluerint Gell. lib. 14. cap. 7. ideo
35. Quinque Viri cis Tyberim constituti fuerunt, qui magi-
stratum munere, & officio vespertino tempore fungi pos-
sent.

sent d. l. 2. §. & quia. Sic Arcopagitarū seueri illi, & incorrupti iudices Athenienses, nunquam die iudicabant, sed noctu, & in tenebris, ut procul ab omni affectu rem ipsam noscerent, atque duntaxat quæ dicerentur non dicentium personas spectarent Lucianus in sectis.

P R A E F E C T V S V R B I

Et hæc omnia quoties in Vrbe erant magistratus. At quia sæpe ob bella Prætores etiam ipsos, licet ad ius dicendum principio creatos, Vrbem relinquere oportebat, & foris imperium armis exercere, bellique curam suscipere, ideo ne quis in Vrbe tumultus fieret, soliti fuerunt Romani magistratum in tempus creare, qui ius redderet, ac in vniuersæ Vrbi præcideret, ob id Præfectus Vrbi dictus & d. l. 2. §. & hæc omnia. Qui & olim à prima etiam antiquitate ceteris magistratibus absentibus constitui solitus fuit, ita quod in eum casum proptereopore deputaretur quod & Penestella scribit, & Tacit. lib. 5. docet. Postea verò & latinarum feriarum causa introductus, & quotannis observari solitus fuit d. §. & hæc omnia. Latinae feriæ significant conceptos illos dies, quibus latini populi in signum æternæ pacis con Romanis ad sacrificandum Ioui in montem Albanum ex Tarquinij instituto conveniebant Halicarnas. Lib. 4. quiescebantque omnes magistratus cum latinae feriæ indicebantur, adeoque Consules Tacit. lib. 3. durat, inquit, Præfecti Vrbi simulacrum hodie, quoties ob ferias latinas præficitur, qui consulare munus vsurpet.

P R A E F E C T V S A N N O N A E.

Sanè cum ob desertum agrorum cultum tam acerba fames Romam inuasisset, ut multi ex plebe, sicuti Lilius memorat lib. 4. potius quam ut fame cruciarentur, trahendo animam capitibus obuolutis se in Tyberim præcipitarent, factum fuit, ut ob id Præfectus annonæ crearetur d. l. 2. §. & hæc omnia; cuius officium, & munus erat annonam vndi-

que coëmere, & Romam ad euhendam curare, ac cogere eos qui frumentum ultra proprios vsus possident, iusto pretio vendere. Celebre est illud Gn. Pompei, qui cùm magna frumenti copia comparata, è Sicilia nauem soluere vellet, & nautæ contenderent, non esse committendam seuienti pelago classẽ, emisisse fertur memorabilem illam vocem. Nauigare nobis necesse est, viuere non est necesse. Is Præfectus annonæ ab Aedilibus Cerealibus eo differt, quòd Hi iure ordinarij magistratus rem frumentariam curabant, illi extra ordinem, si necessitas instabat, creabantur, eratque non perpetua, sed temporaria potestas.

PRAEFECTVS VIGILVM.

Item & Vigilum Præfectus præsertim ob incendia creatus fuit d. l. 2. §. & hæc omnia.

Hos Præfectos annonæ & Vigilum, non esse magistratus voluit Pomp. d. loco. Cæterum Liu. lib. 4. ab ipso Pomp. dissentit, vt non immeritò hic Coras. dubitet. alibi tamẽ non legi, hos præfectos non esse magistratus: Feneftella eos magistratum gerere tradit, sed & in l. 1. & 3. infra de Offic. Præfect. Vigil. cognitionem de incendiarijs, furibus, & effractoribus Præfecto Vigilum fuisse, scribitur. Vnde puto eos hic non dici magistratus, quia inter minores fuere, eisque senatus vocandi ius non erat, vt maioribus magistratibus: quod docet Gellus. Non quotannis tamẽ sicut ceteri magistratus creabantur, sed extraordinarie, & pro emergente vrbis de improviso necessitate, famis, vel incendij d. §. & hæc omnia: Hi tamen, & quos cis Tyberim, diximus, hoc est, Quinque Viri procedente tempore creati defierunt, totaque eorum Cura ad Aediles translata fuit, quibus & conuehendæ annonæ, arcendorum incendiorum, atq; adeò totius vrbis cura, & tutela demandata fuit prout ita intelligit tex. Coras. in d. §. & hæc omnia, hac in re, ambiguum quidem, & obscurum, quem nec Zazius ipse, vir alioqui benè doctus assequi potuit.

Et sic Duo Consules, Decem Tribuni plebis, Decem & octo
Præ-

Prætores, & sex Aediles in Ciuitate iura reddebant d. §. & hæc omnia in fine.

PRUDENTVM SVCCESIO.

Iuris ciuilibus scientiam plurimi & maximi viri professi sunt, sed qui maximæ dignitatis apud Pop. Rom. fuerint, eorum mentio simul con Pomp. nostro in d. l. 2. à nobis habenda 39 est, neque enim parum refert intelligere, quo autore, & quo tempore scriptæ sint leges, quæ sit prior, & quæ posterior, cum ex diuersitate temporis multa explicari possint, quæ aliis non tam faciliè percipiuntur ab his qui iurisperitorum tempora non obseruauerint vt ob id in magnos errores interdum Doctores nostros lapsos esse videamus.

Primo igitur peritus fuit Sextus Papyrius, qui leges regias in vnum contulit.

Secundo Appius Claudius, vnus ex Decem viris, cuius maximum consilium in 12. tabulis scribendis fuit.

Tertio alius quoque Appius Claudius eiusdem generis, vir acris ingenij, sed plebi atrociter infestus, vt scribit Liu. lib. 9. & quia luminibus orbatus cæcus dictus fuit, d. l. 2. §. fuit autem. Is senectute iam & orbitate oculorum à Rei P. muneribus cessans, audito quòd senatus ad pacem & còcordiam con Pyrrho Rege componendam, & ipsum in urbem recipiendum, inclinabat, lectica per forum delatus in Curiam venit, vbique suo loco constitit, silentio in Curia factò, se antea suam oculorum fortunam permolestè tulisse dixit. tunc autem se dolere, atque angere vehementer, quòd non etiam surdus esset, ne tam turpes consultationes, atque sententias, quæ urbis Romæ gloriam subuertunt, audire compelleretur, sicque pacem vt minus vtilem fortiter disuasit, & omnium animos ad belli studium traduxit, eiusque consilium salubre Rei P. euentus comprobauit huius orationis meminit Cicero in Catone maiore, eamque apud eundem versibus profecutus est Ennius adiungens.

Quo vobis mentes rectæ quæ stare solebant.

Ante hac dementi se se flexere ruina.

& Plu-

38 Pandectarum Liber Primus

& Plutarchus etiam eandem accuratè refert in Pyrrho.

Quarto fuit Sempronius quem Pop. Rom. sophum appellavit quicum Tribunus plebis esset in Appium Claudum Cæcum, Censura se abdicare nolentem acerrimè estinuctus d. l. 2. §. Fuit post eos.

Quinto fuit, C. Scipio Nasica à magnitudine nasi sic dictus, qui à senatu optimus appellatus est, & cui etiam publica domus in sacra via data fuit, quo facilius consuli posset, d. §. fuit post eos.

Sexto fuit Q. Fabius qui ad Carthaginenses missus legatus, cum ei essent duæ tesserae positæ vna pacis in qua sculptum erat Caduceum, hoc est, sceptrum Mercurij pacis symbolum, sic dictum, quod discordias & bella cadere faciat. Altera belli, in qua simulacrum hastæ incisum erat; erat enim hasta signum belli ut Festus scribit. arbitrio sibi dato, vtram vellet, referret Romam: vtranque sustulit, & dixit, Carthaginenses petere debere, vtram mallent accipere d. §. Fuit post eos, & sic pro tessera hoc in loco, signum intelligitur, quo cognoscitur bellum ne, an pax deferatur.

Est & tessera militare signum quod Duces suis militibus dare solent ad hostes, & exploratores dignoscendos, & à veget lib. 3. de Re militar. vocale dicitur, eo quod pro arbitrio eius qui præest exercitui, voce verboq; detur. Inuento enim fuisse Palamedem in bello Troiano scribit Plin. lib. 7. cap. 56. Vergilius etiam tesserae verbo Symbolum quidem bellicum significari sentit, at illud quod exeuntibus ad pugnam datur, ne qua inter milites oriatur confusio lib. 7. Aeneidos, ibi.

Classica iamque sonant, it bello tessera signum.

Et hi sunt, qui in latenti ius Civile retinere cogitabant solumque Consultoribus potiusquam discere volentibus se præstabant Horat. lib. 1. sermon. satyr. 1.

Agricolam laudat iuris legumque peritus.

Sub Galli cantum, Consultor ubi ostia pulsat.

Sequentes autem de quibus dicturi sumus, publicè etiam professi sunt, inter quos recensetur.

Primo T. Coruncanus cuius tamen scriptum nullum extat, licet

cet responsa complura & memorabilia eius fuerint d.l.2. §. Iuris ciuilibus scientiam, & §. Post hos fuit.

Secundo sextus Aelius, & frater eius Publius Aelius, ac filius & L. Attilius, qui omnes maximam scientiam in proficundo habuerunt d.l.2. §. post hos fuit.

Tertio clariuit, & superiores sectatus est Marcus Cato princeps Porciæ familiæ d. §. post hos in fine, qui tria detestari solebat, arcanum credere foeminae, nauis transire quo pedibus ire liceret, & diem per incuriam inanem effluere.

Quarto loco fuerunt P. Mutius, & Brutus, & Manilius, qui firmauerunt, ac veluti fundamento quodam ius ciuile stabilierunt d.l.2. §. post hos fuerunt.

Quinto loco ab his profecti sunt Publ. Rutilius Rufus, Paulus Virginius, Quintus Tubero, & Sextus Pompeius d. §. post hos fuerunt.

Publius Rutilius Rufus fuit Romæ Consul, & Asiæ Proconsul vir optimus, & suæ ætatis clarissimus. I. C. de quo præclarum illud probitatis dictum fertur. Cum enim ei amicus qui iniuste quædam rogauerat, nec impetrauerat, indignatus dixisset. Quid ergo mihi amicitia tua opus est; si quod rogo non facis? Rutilius respondit; imò quid mihi tua, si propter te, iniuste aliquid facturus sum? Valer. Maxim: hb. 6. cap. 4. & de hoc Rutilio Ruso mentionem facit Vlp. in l. 3. §. ligna. ff. de Penu legat.

Paulus Virginius quis fuerit non satis compertum extat, dum enim Romæ fuerunt Virginiolorum familiæ, vna plebeia, quam pio patricidio L. Virginius filia interfector in omne æuum illustrauit, Altera patricia antiquissima ex qua autem is Virginius fuerit, incertum est.

Quintus Tubero stoicus fuit, stoicamq; disciplinam tam arcte seruauit, vt seuerus nimis, durus, & auster haberetur quemadmodum Cicero de Claris Oratoribus tradit.

Sextus Pompeius Gn. Pompei patruus est ille, quem Cicero in Bruto præstantissimo ingenio claruisse dicit.

Fuit & eodem tempore Celijs Antipater, qui historias conscripsit, sed plus eloquentiæ quàm scientiæ operam dedit. Item & Licinius Crassus frater Publij Mutij, quem Cicero Iuris-

Iurisconsultorum disertissimum vocat d. l. 2. §. fuit & eodem tempore.

Sexto post hos fuit Q. Mutius Publij filius Scœvola dictus, qui primus ius civile confusum, & dissipatum in ordinem redegit d. l. 2. §. post hos, de quo in l. Scœvola. ff. ad S. C. Trebell. Sepimo huius Q. Mutij Scœvole auditores fuerunt, Gallus Aquilius de quo extat celeberrimum illud responsum in l. Gallus. ff. de liber. & Posth. item Balbus Lucilius, sextus Papyrius, & T. Iuuentius, quorum nomina essent quidem incognita, nisi à Seruo Sulpitio Gallo eorum discipulo nominarentur d. §. post hos.

Octavo successit & Seruius Sulpitius, qui cum in causis orandis primum locum, aut certè post M. Tullium obtineret, & Q. Mutium Scœvolam de iure respondentem parum intellexisset, ab eoque ob id obiurgatum fuisset, dicente, turpe esse causas oranti ius in quo versatur ignorare, ea veluti cõtumelia tactus adeo iuri civili operam dedit, vt breui in iuris scientia palmam alijs ereptam ipse gloriose retulerit, vt Cicero de Claris Orator. scribit, & habetur in d. l. 2. §. Seruius autem. Et certè, est res reprehensione non indigna, solos linguæ operarios tribunalia fatigare, & quam minimè norunt, iustitiæ legem iudici velle persuadere, sic olim Publius Consa, qui se Iurisconsultum iactitabat, cùm tâquam testis interrogaretur, & se nihil scire diceret: Cicero in eius imperitiam iocatus, Disce quæso, ait, forsan de iure te interrogatum credis?

Nono ab hoc Seruo Sulpitio plurimi processerunt, qui ferè omnes etiam libros conscripserunt, vt Alfenus Varus Iurisconsultus sua ætate celebris, rerumque antiquarum sicuti Gellius lib. 6. cap. 5. ait, non incuriosus. Caius, qui libros institutionum scripsit Aulus Offilius, qui primus edictum prætoris composuit d. l. 2. §. ex his. Titus Celsus, Aufidius Tuca, Aufidius Namusa, cuius in iure nostro passim laudatur auctoritas l. 2. §. apud Namusam, ff. de Aqua pluuiæ arcenda Flavius Priscus, Caius Atteius Pacuius; Labeo Antistius Labeonis Antistij pater, qui fuit sapientiæ nomine illustris, vt scribit Appian. lib. 4. bell. civil. Gn. Cinna qui fuit vnus

ex coniuratis in Cæsarem, & qui primus, cum prætor esset, & Cæsari cognatione deuius, Cæsarem tyrannum cepit acclamare Appian. bell. ciuil. lib. 2. Item & Publius Cæcilius de quo meminit Macrobius lib. 2. & de his omnibus habetur in d. l. 2. §. ab hoc et §. ex his.

Fuit eodem tempore, Trebatius, Aulus Cassellius, & Q. Mutius d. l. 2. §. fuit.

Trebatius plures scripsit libros, qui tamen parum frequentabantur vt inquit Pompon. in d. §. fuit, & ex multis Pandectarum locis colligitur in quibus Trebatij dicta passim conuelluntur Aulius Cassellius l. C. & doctus & eloquens fuit, quod & Flaccus significat in arte poetica, ibi.

Nescit quantum Cassellius Aulus.

Q. Mutius Volusij auditor fuit, & in eius honorem Publiū Mutium nepotem eius testamento reliquit hæredem, miræ certè Discipuli gratitudo, qui cum Q. Mutio præceptorī tū fortè mortuo dignam gratiam referre non posset eius posterōs remunerare voluit Pub. Mutium illius nepotem hæredem faciendo. Sed dicet aliquis, quomodo cum esset Volusij nepos, nomē habuit testatoris? Dici potest, testatorem voluisse, vt eius nomine nepos Volusij censeretur argum. l. facto, §. quod si conditio, ff. ad S. C. Trebell. nisi fortè intelligas vice versa Publ. Mutium, nepotem Q. Mutij à Volusio in honorem Mutij esse institutum; quod Zazius voluit, vel nisi con Corasio legas Q. Mutij Volusij, quod, scilicet, Aulus Cassellius fuerit Q. Mutij Volusij auditor, & in eius honorem Publ. Mutium nepotem eius testamento reliquerit hæredem; quod & mihi magis placet, neque enim de alijs Iureconsultis agit Pompon. in d. §. fuit quàm de Trebatio, & Cassellio.

Decimo, post hos fuit Tubero, qui Offilio operam dedit, & transit à causis agendis ad ius Ciuile, maximè postquam Quintum Ligarium accusauit apud Cæsarem, nec obtinuit, d. l. 2. §. post hos, cum enim Cicero defendit tanta eloquentiæ vi, vt Cæsar, qui iam damnare Ligarium proposuerat, condemnatoriosque in manu tenebat libellos: audito Ciccone, mutato vultu exiluerit, & libellos damnationis abie-

F cerit,

cerit, ac tandem reum contra propositum absoluerit, vt Plutarchus refert in Cicerone.

Vndecimo maximæ auctoritatis fuerunt, etiam Atteius capito, qui Offitium sequutus est, & Antistius Labeo, filius illius. Antistij Labeonis cuius supra diximus, ciuilibus studijs parente celebrior, & à Trebatio potissimum institutus d. l. 2. §. post hunc. Atteius Consul fuit, Labeo noluit; sed plurimum studijs operam dedit, & totum annum diuisit, vt Romæ sex menses con studiosis esset, vt interim & ipse frueretur aliqua requie, & sex mensibus secederet, & conscribendis libris operam daret d. §. post hunc continuo enim labore, & vires corporis obteri, & animi acumen hebetari constat. Vnde & ab Iurisconsultis dies festos institutos dicit Seneca: vt ad hilaritatem homines publicè veluti cogerentur, libro de Tranquillitate vitæ, atque hinc prouerbialis ille versus.

Nec durare potest; qui semper tenditur arcus.

& quemadmodum fertiles agros exhaurit non intermissa: fecunditas: ita corpus & animum assiduus, immodicusque labor frangit, quod & Ouidius admonet. ibi.

Quæ nunquam vacuo, solita est cessare nouali;

Fructibus assiduis, lassæ senescit humus.

Occidet ad Circi, si quis certamina semper,

Non intermissis cursibus, ibit æquus.

Et alibi idem Ouidius Epist. 4.

Quod caret alterna requie, durabile non est:

Hæc reparat vires, fessaque membra leuat.

Hæc duo Atteius capito, & Antistius Labeo diuersas sectas, & factiones fecerunt, cuius quidem multa adhuc etiam in iure nostro vestigia extant; veluti an sine numis consistat venditio §. item pretium Instit. de empt. & vendit an vxor furtum committat l. i. ff. Rer. amotar. dominium rei ex aliena materia confecte ad quem pertineat l. adeo §. cum quis, ff. de Acquir. rer. domin. & §. cum ex aliena Instit. de Rer. diuision. & alia innumerabilia, vt in l. illud quoque, ff. de Petit. hæredit. in l. ex facto, ff. de Hæred. Instit. & alijs sexcentis similibus.

Atto.

Atteio Capitoni Massurius Sabinus, successit Labeoni Nerua, qui adhuc eas disputationes auxerunt, Nerua familiarissimus Cæsari fuit; Massurius Sabinus in equestri ordine, & primus qui à Tyberio Cæsare publice de iure respondendi auctoritatem habuit, cum antea multi quidem respondissent, sed non publica principis auctoritate, & quia ei etiam non amplæ facultates erant, à suis auditoribus plurimum sustentatus fuit d.l. 2. §. & vt obiter. E quidem hominibus eruditis, & virtute aliqua præcellentibus peculiare est, vt inquit D. Hieron. in Ecclesiast. vt nisi verulta sint à maioribus diuinitæ egestate præmantur, & hoc quia nollunt nisi honestè sibi diuitias parare.

Huic Sabino successit Caius Cassius Longinus. Neruæ verò successit Proculus, atque hinc partim Cassianorum, partim
44 Proculianorum factio facta fuit, quæ iam antea initium cœperat à Capitone, & Labeone d.l. 2. §. huic successit.

Cassio iterum successit Celsus Sabinus, qui an fuerit filius vel nepos Masurij Sabini incertum est, vt cumque sit, magnæ fuit auctoritatis tempore Vespesiani vt inquit Pompon. in d.l. 2. §. Cassio, luculenterque scripsit de seruis fugitiuis, vt in l. quis sit fugitiuus, ff. de edict. edict.

Proculo successit Pegasus, qui tempore Vespesiani Præfectus vrbi fuit d. §. Cassio.

Cælio Sabino successit Priscus Iauolenus, qui Iuliani præceptor fuit vt in l. an manumittere, ff. de Manumiss. vindict.

Pegaso successit Celsus pater, patri Celso, Celsus filius cultor æquitatis, adeò, vt & patrem ipsum nescio quid alienum ab æquitate statuente reprehenderit vt in l. 3. §. si quis, ff. de condict. caus. dat. Item & Priscus Neratius qui tantæ fidei, & auctoritatis fuit, apud Traianum, vt ei aliquando dixerit. Commendo tibi prouincias meas, si quid mihi fatale contingat Dion. in Traiano.

Prisco Iauoleno successit Aburnus Valens & Tuscianus, item & Saluius Iulianus, quem Iustin. in l. inter antiquam, C. de usufruct. summum iuris scientiæ auctorem nuncupat.

Et hi sunt qui à Pomponio enumerantur in d.l. 2.

Sed præter istos fuerunt etiam & multialij, inter quos Ter-

44 Pandectarum Liber Primus.

tyllianus de quo in Tit. ad S. C. Tertyllian. Metianus de quo in l. Diui fratres, ff. de iur. patronat. Marcellus de quo in l. Marcellus, ff. de Rei vindicat. Serbidius Scauola quo iurisperito præcipuè vsus est Marcus Imperator de quo in l. Scauola, ff. de verb. significat. Papinianus de quo in l. Papinianus, ff. de Minorib. quem Caracalla pessimus Imperator interficere iussit, quod vir iustus fratris necem apud Senatum excusare nollet. Modestinus eius discipulus de quo in l. munerum, ff. de Muner. & honoribus Caius de quo in l. quid ergo, ff. de vsufruct. Ulpianus de quo in l. i. ff. de censib. Paulus Patauinus de quo in l. Paulus, ff. de solution. Mauritianus de quo in l. hæres, ff. de legat. 3. Pomponius auctor legis nostræ Terentius Paternus Aemilius Macer, & Martianus de quo in l. si duo, ff. de Dolo. Terentius Clemens discipulus Papiniani de quo in l. si mihi, ff. de Legat. 2. Menander, & Arcadius Charisius de quo in l. i. ff. de Testib. Licinius Rufinus de quo in l. quod legitur, ff. de iudic. Papyrius Fronto, siue Iustus de quo in l. nauis, ff. ad l. Rhod. de iactu, Furius Antonianus de quo in l. fin. ff. de Dolo. Maximus de quo in l. hæreditatum eod. Tit. Hermogenianus de quo in l. minor, ff. de Minorib. Aphricanus de quo in l. mandasti eod. Tit. cuius responsa adeò obscura sunt ut in prouerbum ierit, lex Aphricani, id est, difficilis. Florētinus de quo in l. coram, ff. de verb. significat. Triphonius de quo in l. auxilium, ff. de Minorib. Claudius Saturninus de quo in l. aut facta, ff. de Pœn. Calistratus de quo in l. etiam, ff. de Minorib. Venuleius Saturninus de quo in l. Diuus, ff. de Pœn. Iulius Aquila, & Aelius Gallus qui latissimè scripsit de verb. significat.

Et hi omnes Iuriconsulti varios, ac propemodum infinitos responsorum libros scripserunt, adeo quod tempore Iustiniani, immensa, ac infinita erant legum volumina, ex legibus 12. tab. Populi, Plebiscitis, Senatusconsultis, Prætorum edictis, Principum placitis, & Responsis prudentum, ut vix percurrere, ne dicam cognoscere, soli homini datum esset. Fuerunt enim Duo penè millia librorum, & plus quàm tricies centena millia versuum, hoc est, paragraforum, ut dicitur in l. vnica, §. sed cum oia. C. de Veter. Iur. Enuclead. Ideo.

Ideo animaduertens, Iustinianus iuri operam dare, opus quodammodo desperatum esse, sciensque Imperatoriam maiestatem non solum armis decoratam, sed etiam legibus oportere esse armatam, ut utroque tempore, & belli, & pacis recte gubernare posset, ut dicitur in principio Institutionum proinde cum difficillima bella, & res maximas armis gefisset, cepit etiam de togata administratione cogitare, ut Res P. legibus regeretur. Et sicut Narsetis, & Bellisarij fortissimorum Ducum auspicijs hostium vires, & copias debilitauit, ac fregit. Ita immensa legum volumina, caelesti fauore confusus, opera Triboniani, Dorothei, Theophili, ac aliorum, in vnum congescit, ut studium Iuris tot anfractibus inuium, tot meandris perplexum peruium homini faceret. Id quod ante ipsum Pompeius magnus, & Iulius Cæsar nisi bellis impediti fuissent, facere in animum sumpserant. Mandauit igitur in primis, ut Principum placita, maximè eorum qui ab Hadriano in suam usque ætatem gubernarunt, (nam retro principum sanctiones à Iulij Cæsaris temporibus usque ad Hadrianum nullæ ferè nobis supersunt nisi vel ab Historicis, vel à Iureconsultis in Pandectarum libris ex parte referantur) tribus codicibus, Hermogeniano, Gregoriano, & Theodosiano, comprehensa, in vnam consonantiam redigerent, & vnum ex omnibus componerent, ipsumque ut plus auctoritatis haberet, Iustinianicum Codicem appellarent, l. i. C. de Nouo Codic. faciem. & l. i. C. de Iustin. Codic. confir. Ediditque regni sui anno 2.

Deinde anno imperij sui. 7. reliquas constitutiones, ac leges, quas iam ab anno sui imperij. 3. componendas mādauerat, passim sparsas & cōfusas ex infinitis Populi, plebis, senatus, Prætorum, nec non veterum Iurisconsultorum scriptis, & re-
48 sponfis, huc illuc tanquam Sybillina essent folia dissipatis in 50. libros pari cura enucleatos redigi & in lucem exire curauit. Qui & Pandectæ & Digesta vulgo dicuntur.

Post hæc ne statim ab initio rudis & adhuc infirmus studiosi animus multitudinè, & varietate rerum oneratus, duorum alterum, aut studia defereret, aut cum magno labore, sæpe etiam cum diffidentia, quæ iuueniles animos nō semel concutit,

46 Pandectarum Liber Primus.

cutit, serius ad id perduceretur, ad quod leuiore via ductus,
 49 sine magno labore, & sine vlla diffidentia maturius perdu-
 ci potuisset, Compendium iuris partim ex 50. Pandectarum
 libris, & Codice, partim ex Caij. commentarijs in gratiam
 iuuentutis collectum, in quatuor institutionum libris ponend-
 um curauit, idque intra vndecim. menses post compilatio-
 nem Digestorum fieri & edi voluit, & fuit xj. Calend.
 Decembris anni septimi sui imperij.

Denuò proximo anno Imperij sui 8. ad prioris Codicis emen-
 dationem, & ad secundam eius editionem animum appli-
 cuit, ipsumque renouatum & emendatum, inter is nonnul-
 lis nouellis ipsiusmet Iustiniani constitutionibus num. 50.

50 quæ post primam editionem interim factæ erant & qui-
 busdam detractis in lucem edidit, repetitam Codicis edi-
 tionem appellans, & is est codex quæ nunc habemus 12. li-
 bris comprehensus, vt quidam putant ad imitationē 12. tab.

Postremò cum nouæ in dies controuersie, vt fit, ex negocio-
 rum varietate emergerent, nouis legibus, vt nouis morbis
 Medici solent, occurrere oportuit. Ideo nouas constitu-
 tiones seu nouellas, quem vulgo Authenticorum librum
 nuncupant in nouem collationes distinctum; in quibus 165.

51 constitutiones continentur, protulit, et in lucem efferri ius-
 sit, in quo etiam multæ leges tam Pandectarum quam Co-
 dicis corriguntur & Authenticus liber iste dicitur pro re
 certe fidei eo quod ab originali græco ipsiusmet Iustiniani
 processerit, vt scribit Alciatus lib. 2. Parerg. cap. 46.

Et hoc est totū ius ciuile auctore Iustiniano nostro ex tot anti-
 quorum voluminibus collectum & compositū, quod sum-
 mo studio Græcia colere cepit, & magna contentione
 profiteri.

Verum vt sunt rerum vices quadraginta post annis ius illud
 sanctissimum sensim collabi permisit Phocas imprudens
 Imperator, tam in conseruandis legibus ignauus, quam re-
 pellēdis hostium insultibus vecors, nec multò post regnan-
 tibus Longobardis in Italia. Romanæ leges per multos an-
 52 nos iacuerunt, viceque earum, Hunorum, Vandalorum,
 Longobardorum, & Gothorum barbaræ leges grassabatur.

Vnde

Vnde Feudorum consuetudines, & de conseruandis familiaribus leges profluxerunt. ex quibus tandem Duo Feudorum libri constituti sunt.

Euerfo postea Longobardorum cum eorum legibus imperio, quod ducentis tribus annis floruerat, nulla amplius restituendi iuris Romani ratio inueniri poterat, sed trecentis viginti sex annis post sub Lothario Saxone Irnerius magnæ in aula Reginæ Mechtildis, auctoritatis, longo situ, & puluere propemodum consumptos legum Romanarum libros euerfa Melfinita Ciuitate Apuliæ in Bibliothecis à Pisanis ripertos & summa religione asseruatos euulgat, eosque in Scholis tractari, & in iudicijs locum habere voluit Lotharius Imperator Optimus, atque ita ius Ciuile iterum in magno honore haberi, & publicè edoceri cæpit; additis supradictis duobus Feudorum libris compositis partim ex consuetudinibus de quibus diximus supra, partim ex constitutionibus imperialibus quales sunt Conradi, Lotharij, Fridèrici primi & secundi, collectæ per Obertum de Orto, & Gerardum Capigisti, quibus omnibus extrauagantes quædam adiectæ sunt, quas commentauit Bart. & ita clauditur totum Iuris Ciuilis corpus, quo hodie vtimur.

Tertium caput est de iuris partibus & speciebus in Titulo.

De Legibus, Senatusconsultis & longa consuetudine.

Tit. III.

S V M M A R I V M.

- | | |
|------------------------------------|---|
| 1. Quid veniat appellatione leges. | 6. Qua sit vis & auctoritas consuetudinis. |
| 2. Quid sit lex. | 7. Contradictum iudicium quid sit. |
| 3. Quot sint virtutes legis. | 8. Qualiter sit facienda interpretatio legum. |
| 4. Quid sit Senatusconsultum. | |
| 5. Quid sit longa consuetudo. | |

Legis

LEgis appellatione non populi tantum, sed etiam Plebis scita significantur, quæ ex l. Ortenfia non minorem auctoritatem habent, quam totius populi iussa ut dicitur
 1 in §. Plebiscitum Instit. de iur. nat. Gent. & Ciuil.

QV I D S I T L E X.

Lex definitur in l. 1. ut sit commune præceptum virorum prudentium consultum, & delictorum, quæ spontè, vel ignorantia contrahuntur coërcio. Quod quidem verum est, si
 2 ignorantia sit iuris, quæ neminem excusat l. 1. 2. C. de iur. & fact. ignorant. vel facti, sed con culpa l. 45. & 52. ff. ad l. Aquil. vbi punitur qui proiecit lapidem, & prætereuntem casu percussit, secus si sit sine culpa ut in l. 9. §. fin. ff. ad l. Pomp. de parricid. vbi excusatur furiosus qui interfecit patrem, quia ignorat quid agit, & ibi Bart. in eo qui dormiendo percussit alium, distinguit, dicens, aut sciebat hoc evenire sibi, quod, scilicet, dormiendo à lecto surgere, ensẽ euginare, & similia facere soleat, & tunc sibi debet providere, ut iaceat solus, vel ut nemo sit in camera sua, & si non fecit est in culpa, & propter culpam tenetur, sicut putator arboris, qui non admonuit transeuntes l. si putator, ff. ad l. Aquil. si vero hoc ignorabat parçitur ei, quia dormiens æquiparatur furioso l. 1. §. 1. ff. de Acquir. possession.

QVOT SINT VIRTUTES LEGES.

Legis virtutes recensentur in l. 7. quæ sunt, imperare, vetare, permittere, & punire. Primo imperat lex ea quæ iusta sunt.
 3 Secundo vetat, quæ sunt iniusta. Tertio permittit quædam, quæ nec iusta, nec iniusta omnino sunt, veluti propter necessitatem famis furtum cap, si quis de Furt. filij venditionem l. 2. C. de Patrib. qui filios distraxer. permittit patri filiam in rebus veneris repertam occidere l. 23. ff. ad l. Iul. de adulter. & marito vxorem in adulterio deprehensam l. Gracchus, & ibi not. C. ad l. Iul. de adulter. Quarto punit lex eos qui legibus non parent, ideo dicitur quod non lude

lex condemnat hominem, sed lex cap. de occidendis 18. q. 1. Addit Accursius aliam virtutem legis, consulendi, quæ non obligat, sed liberam tantum voluntatem excitat cap. quod debetur 14. q. 1.

QVID SIT SENATVS CONSULTVM.

Senatusconsultum est quod Senatus iubet atque constituit, nam non ambigitur Senatum ius facere posse l. 9. h. t. sic Velleianum, quod mulieribus pro alio intercedentibus, Ma
 4 cedonianum, quod filij familias mutuam pecuniam accipientibus, & Trebelianum, quod hæredibus ultra dodrantem grauatis succurrit, pluraque alia senatusconsulta facta fuerunt de quibus ius locis videbimus.

QVID SIT LONGA CONSVETVDO.

Longa consuetudo est vsus diuturnitate temporis approbatus tantæ auctoritatis, vt vbi deficit lex pro lege seruetur, l. 32. 33. 35. & 36. vbi dubia est, eam interpretur l. 37. & 38.
 5 & vbi contraria est, eam tollit d. l. 32. in fine. Et quidem cum longo tempore inoleuerit consuetudo contraria legi, euentus docet, eam legem moribus populi non conuenientem, atque ideo non seruandam esse, quia vt D. Augustinus dixit in cap. in iustis 4. Distinct. tunc leges firmantur, cum moribus vtentium approbantur. Atque hinc Solon interrogatus quas leges optimas condidisset Atheniensibus, respondit eas se iudicare optimas, quibus populus vteretur. Hinc Orat.

Quid leges sine moribus vana proficiunt.

Et Plautus in Trinumo ludens in leges 12. Tab. quæ in æs incisæ pendebant in fore, cum interim prauis moribus dominarentur in Ciuitate, inquit.

*Hæ misere etiam ad parietem sunt fixæ clauis ferreis
 vbi malos mores adfigi nimio fuerat æquius.*

Neque obstat l. 2. C. Quæ sit long. consuet. vbi dicitur, consuetudinis non vilem esse auctoritatem, sed non vsque adeo vt

G ratio-

- 6 rationem vincat, aut legem: nam debet intelligi, omiſſis Gloſſæ, & Doſtorum ſolutionibus, pro vt explicat Duarenus, nempe, quod licet ſit magna auctoritas conſuetudinis, attamen non eſt tanta, quam lex, & propterea ſicut leges poſteriores derogant prioribus l. 28. ita & conſuetudines poſteriores legibus prioribus derogare debent, cum eiufdem roboris ſint, & eandem auctoritatem habeant.
- 7 Et quia eſt difficilis probationis conſuetudo, ideo vile erit iudicium aliquod contradicium proferre quo ea confirmata ſit l. 34. contradicium iudicium vocat. Duaren. illud in quo altero ex litigatoribus contradicente, & talem non eſſe conſuetudinem contendente, iudicatum tandem ſit pro conſuetudine,

Qualiter ſit faciendâ interpretatio legum.

- Legi adiuncta eſt interpretatio, in qua illud in primis obſervandum eſt, vt diligenter ſingula verba legis perſcrutemur, nam in ciuile eſt, niſi tota lege perſpecta iudicare l. 24. Secundo vt benigniorem interpretationem, & ſemper quæ vitio careat accipiamus l. 18. & 19. & vitioſa dicitur quoties ſcripturam. potius quam voluntatem ſequimur, nam ſcire leges non eſt earum verba tenere, ſed vim ac poteſtatem l. 17. Ideo in fraudem legis facere dicitur, qui ſaluis verbis legis, ſententiam eius circumuenit l. 29. & ibi Accuſ. plura exempla refert, in quibus ex nimia verborum obſervatione fraus legi fieri poteſt. Tertio quoniam iura non in ſingulas perſonas, ſed generaliter conſtituuntur l. 8. & omnia legibus comprehendere non poſſunt l. 12. ideo de ſimilibus ad ſimilia eſt procedendum l. 13. & ad ea quæ frequenter potius, quam quæ raro accidunt lex adaptanda l. 5. cum ex his, quæ fortè vno aliquo caſu accidere poſſunt, iura non conſtituantur l. 4. Quod ſi certi iuris lex ſit ceſſat interpretatio, & illud omnino eſt ſequendum, licet fortè nobis ratio cognita non ſit, nam non omnium, quæ à maioribus conſtituta ſunt ratio reddi poteſt l. 20. & ideo rationes eorum quæ conſtituuntur inquire non oportet l. 21. Sed ſufficit, quod lex.

De Constit.Princip. Tit. III. 51

lex ita scripta sit, quia etiam dura est seruanda, l. prospexit, ff. Qui & à quibus. Et quia species & pars iuris est etiam constitutio principis, ideo & de hac dicitur in Titulo.

De Constitutionibus Principum.

Tit. III.

S V M M A R I V M.

- | | |
|---|---------------------------------|
| 1 Quid sit constitutio. | 4 Differentia inter Beneficium, |
| 2 Quotuplex sit constitutio. | & Priuilegium. |
| 3 Principum beneficia latissime sunt interpretanda. | 5 Locorum lex. |

QVID SIT CONSTITVTIO.

Constitutio est nomen generale significans ius omne, quod à Principe animo condendi legem, statuitur; habetque has sub se species, Epistolam, Mandatum, Rescriptum, Decretum, & Edictum. Quæ omnia vim legis habent, & si non interuenerit populi consensus, sed sola principis voluntas. Sic enim accipienda sunt, verba illa l. 1. Quod principi placuit legis habet vigorem.

QVOTVPLEX SIT CONSTITVTIO.

Constitutionum alie generales sunt, quæ ad omnes pertinent, & alie personales, quæ personam non egrediuntur, & ideo si princeps ob merita indulget, vel pœnam remittit, aut personæ subuenit ad exemplum trahi non debet d. l. 1. Quia hæc propriè priuilegia dicuntur, & strictè sunt intelligenda l. 14 15. & 16. supra de Legibus.

Secus tamen est in beneficij, nam beneficia principum latissime sunt interpretanda l. 3. quia liberalitas principis freuo

G 2 subia-

- fubiaccere non debet, l. pen. C. de Donat. inter vir. & vxor.
- 3 Scribit Herodorus, quod cum Alcimæon prægrandi tunica indutus, & calceis altissimis calceatus, accessisset ad Thefauros Cræsi, Cræso permittente; ibi in acervos aureorum procumbens primum referfit calceos auro, deinde omnes sinus vestimenti, quin etiam ramenta auri crinibus implicuit. os quoque & manus auro compleuit, exiuitque suffarcinatus non homini, sed monstro similis, cuius os erat turgidum, & cuncta membra auro onusta; quod cum vidisset Cræsus, dixit. Video certè quam beneficium principis est latissimæ interpretationis.

Differunt inter se Beneficium, & Priuilegium, quia Priuilegium est contra ius commune, Beneficium, secundum, aut præter ius commune; Vtrumque tamen quando conceditur, intelligitur semper sine præiudicio tertij l. nec auus, C. de Emancipat. liber. l. 2. §. merito, & §. si quis à principe, ff. Ne quid in loco publico.

- Illud cauere debet Princeps, ne aliquid nouet contra ea, quæ diu iusta visa sunt, quia, vt inquit Vlpian. in l. 2. in rebus nouis constituendis euidens utilitas esse debet, vt recedatur ab eo iure quod diu æquum visum est: memorabilis est Locrorum lex, cuius meminit Demostenes in Oratione contra Timocratem, qua cauebatur, ne quis nouam legem ad populum ferret, nisi inserto prius in collum laqueo eam populo exponeret, quod si lex populo placeret, ei pareret, si vero displiceret, strangularetur. & hæc quoad primam partem iuris absolute considerati.
- 5

Secunda Pars iuris relatiuè considerati, & suo obiecto accommodati, similiter tria habet capita Primum est de personis, quarum personarum vna diuisio est ex iure gentium, quo iure omnes homines aut liberi sunt, aut serui, de qua in Titulo.

De

S V M M A R I V M.

- | | |
|---|---|
| 1 <i>Quid sit hominum status.</i> | 4 <i>Qualiter respectu familiæ.</i> |
| 2 <i>Qualiter consideretur status hois respectu libertatis.</i> | 5 <i>Natus septimo mense iustus filius dicitur.</i> |
| 3 <i>Qualiter consideretur respectu ciuitatis.</i> | 6 <i>An vndecimo mense iustus partus nascantur.</i> |

QVID SIT HOMINVM STATUS.

STatus nihil aliud est nisi qualitas & conditio hominis respectu libertatis, ciuitatis, vel familiæ, quæ si mutetur sequitur capitis diminuutio maxima respectu libertatis, media respectu ciuitatis, & minima respectu familiæ vt infra in Tit. de Capit. diminut. per totum.

Qualiter consideretur status hominis respectu libertatis.

Prima conditio hominis respectu libertatis proponitur in l. 3. quæ est, quod omnes homines, aut liberi sunt, aut serui; Libertas definitur in l. 4. naturalis facultas eius quod cuique facere libet, nisi vi, aut iure prohibeatur, & seruitus, constitutio iuris gentium, qua quis dominio alieno contra naturam subijcitur, hoc est, contra id quod in primo naturæ statu fuit, quo omnes homines liberi nascebantur. Et rursus in l. 5. seruorum quo ad statum vnam esse eorum conditionem dicitur, sed quo ad modum alios esse de iure gentium qui ab hostibus capiuntur, aut ex ancillis nostris nascuntur, & alios de iure ciuili, qui ad pretium participandum cum maiores 20. annis sint, se venditari patiuntur. Libero-
rum verò alios esse ingenuos, & alios libertinos. Et ingenui vocantur, illi qui ex matre libera nati sunt, sufficitque aliquo tempore matrem fuisse liberā vt in d. l. 5. 18. 22. nam
qui

54 Pandectarum liber Primus.

qui est in vtero semper quando de eius commodis agitur pro nato habetur l. 7. & 26. imo eodem momento quo partus nascitur, si mater libera efficiatur, partus simul cō libertate solem respicit l. 15. & 16. Libertini autem sunt qui ex iusta servitute manumissi sunt l. 6. & 22.

Qualiter consideretur status hominis respectu ciuitatis.

Altera cōditio hominis respectu ciuitatis proponitur in l. 17. vbi dicitur quod omnes qui in Imperio Romano sunt ex constitutione Imperatoris Antonini Ciues Romani effecti sunt, quod eo pertinet ut magistratus creari, & honores in
3 ciuitate adipisci possent, nec nō legitimas hæreditates adire, testamenta facere, liberos in potestate habere, & similia. l. 1. C. de Hæred. Instit. l. 1. ff. ad l. Falcid. Instit. de Patr. potest. tradit Duarea. hic, & Alciat. Dispunct. lib. 2. cap. 21.

Qualiter consideretur status hominis respectu familiæ.

Tertia pars status hominis respectu familiæ est, quod filij nati ex iustis nuptijs sequuntur patrem, vulgo quæsi matrem l. 19. & qui sint vulgo quæsi declaratur in l. 23. & natum
4 etiam septimo mense nuptiarum, iustum filium esse ex auctoritate Hippocratis, ostenditur, in l. 12. recepta enim est inter medicos, & philosophos opinio, gigni hominem, septimo mense, nono, & decimo, & quandoq; etiam vndecimo, quem tamen, summum, atq; vltimum finem esse voluerūt. Varo autem lib. 14. rer. diuinar. in mensibus genitalibus nominandis non prætermisit octauum, eiusque sententiæ Aristotelem laudat auctorem lib. 7. de histor. animal. cap. 4. Id tamen non omittam dicere, octauum mensem in Italia, & Græcia non esse vitalem, sed bene in Aegypto, imò apud eos ita frequentem, sicut apud nos nonum, & decimum. Inter Iurisconsultos verò vltra decimum mensem, tempus
5 pariendi non videtur concessum: Et ideo post decem menses

fes mortis patris natus non admittitur ad paternam hære-
 ditatem l. intestato. ff. de suis & legit. hæred. l. Gallus. ff. de
 liber. & posth. Auth. de Restitut. & ea quæ parit in vnde-
 cimo mense. At nonnulli contra hoc obijciunt, Adrianum
 Imperatorem cum matrona quædam Romana vndecimo
 6 mense peperisset, accersitis philosophis, ac medicis, & mu-
 lieris pudicitia cognita, decreuisse partum fore legitimum,
 & ad legitimam hæreditatem esse admittendum, quemad-
 modum ab Aulo Gellio relatum est Noctium Atticarum
 lib. 7. cap. 16. Vnde Alciatum non pudit Paradox. lib. 3.
 cap. 7. quasi iniustitiæ & iniquitatis, vel certe nimis rigo-
 ris Iustinianum nostrum arguere, qui in d. auth. de Restitut.
 & ea quæ parit in vndecimo mense, in §. Vnum siquidem;
 mulierem damnauerit, ob id quod vndecimo mense pepe-
 risset, nec erubuit Alciat. à Castris Iustiniani tam leui ex-
 causa deficere. Occuramus igitur huic difficultati, & dica-
 mus, ad iustum, ac certum pariendi tempus legislatores
 voluisse se referre, & ideo cum raro id euenire soleat, vt
 mulier in vndecimo mense pariat, propterea apud Iuriscon-
 sultos non haberi in consideratione ad l. nam ad ea. ff. de
 legibus. Sic in simili videmus, quod licet in 14. anno quis
 generare possit, tamen non potest adoptare nisi 18. annis
 adoptatum præcedat vt in §. minorem Instit. de Adopt. ea
 ratione, quia licet re vera in 14. anno leges præsumperit
 adesse possibilitatem generandi, attamen quia in adoptio-
 ne de certa generatione agitur, leges se retulerunt ad æta-
 tem in qua non solum sit possibilis generatio, sed à commu-
 niter accidentibus omnes puberes sunt, vt dixi in d. §. mino-
 rem. Possumus etiam dicere Adrianum Imperatorem di-
 numerasse tempus à conceptione, pro vt Varro, Plin. &
 cæteri dinumerare solent quam quidem dinumerationem
 etiam nostris legibus vsque adeo comprobata video, vt
 affirmare auserim etiam vndecimo mense iustum partum na-
 sci posse, nam si nouissimo die decimi mensis post mortem
 patris iustus partus nascitur, certe à conceptione vndecimo
 mense nasci, necesse erit, nec enim eadem ipse d. e mortis
 concepisse, verisimile, aut possibile est, nisi morte repentina
 obijcet,

obijisset, quod tamen tanquam de raro eueniens, in consideratione habendum non est. At quia dies conceptionis, aut obscurus, aut omnino incognitus est, & consequenter diminutio ab eo fallax esset, propterea noluerunt legislatores sub incerto principio vagari, sed ex certo initio; certū etiā finem præscribere voluerunt, ad duo potissimum respicientes, vnum ne ex nimio angusto pariendi tempore, verus filius excludatur. Alterum, ne ex nimio longo, viduis stupri occasio præbeatur. Quod consequi posse existimauerunt, si certam nascendi metam à morte præfinirent, eamque decem mensium, statuerent. Nec obstat si dicatur, quod per hoc non tollitur occasio stupri viduis nono mense gignere solitis, quoniam Resp. huius rei naturam eam esse, vt per omnia fraudibus abique partus detrimento, obuiari nequeat, & ideo satius, iudicauit lex falli posse, quam per talem suspensionem verum filium excludere, sicut & in simili statuit, melius esse nocentem absolvere, quam innocentem condemnare l. absentem. ff. de Pœnis.

Altera diuisio personarum est ex iure ciuili, quo iure homines partim sui iuris, & partim alieni iuris esse censentur, de quo in Titulo.

De his qui sunt sui vel alieni iuris.

Tit. VI.

S V M M A R I V M.

- | | | |
|---|---|---|
| 1 | <i>Qui dicantur sui, & quia alieni iuris.</i> | <i>potesas.</i> |
| 2 | <i>Quis proprie filius dicatur.</i> | 4 <i>Filius familias in publicis causis habetur pro patre familias.</i> |
| 3 | <i>Qualiter diminuaturs patria</i> | |

Qui sui, & qui alieni iuris esse dicuntur.

SVi iuris sunt Patresfamilias, Alieni iuris serui de quibus in l. 1. & 2. & Filijfamilias ex iustis nuptijs, nati de quibus in l. 3. 4. & 5. in quibus legibus declaratur etiam qualiter ipsa patria

patria potestas acquiratur, & in esse deducatur, tam in persona filij, quam nepotis. Et ad cognoscendum postea, quis dicatur propriè filius, & qualiter probetur filiatio, habetur in l. 6. & quia etiam dubitari poterat, si lata esset sententia pro filio contra patrem in causa alimentorum, an talis sententia præiudicaret ipsi patri, si eundem neget filium suum esse, & dicitur in l. 10. quod non intelligite quādo incidenter, secus si con plena causæ cognitione lata esset, nam tunc præiudicaret non solum quo ad alimenta, sed etiam quo ad cætera alia omnia l. qui liberos. ff. de Ritu nupt. l. fin. §. neque enim leges. C. de Dotis promission. & hætenus qualiter patria potestas acquiratur, qualiter autem diminuatur habetur in l. 9. in qua dubitatur, numquid patria potestas sicut cōsideratur in his quæ ad familiam pertinent, ita etiam consideretur & in his quæ ad Rem. P. spectant, & dicitur quod non, quia in publicis causis filius familiæ habetur pro paterfamiliæ, intelligite si agat vt persona publica, veluti si magistratum gerat, aut tutor detur, vt dicitur in d. l. 9. secus si tanquam priuatus aliquid faciat, vt testamentum, nam licet sit publici iuris l. 3. ff. de Testam. tamen filius familiæ facere non potest.

Et quia alieni iuris sunt etiam hi qui adoptantur, & multi modi sunt per quos patria potestas soluitur, ideo subiicitur Titulus.

De Adoption. & Emancipat. & alijs modis quibus patria potestas soluitur.

Tit. VII.

S V M M A R I V M.

- | | |
|---------------------------------|-----------------------------------|
| 1 Origo Adoptionis. | 4 Quid sit legis actionem habere. |
| 2 Quid sit Adoptio. | 5 Quæ requirantur in Adrogatione. |
| 3 Quæ requirantur in Adoptione. | |

H 6 Cur

6 *Cur requiratur maior scem-
nitas in Adrogatione, quā
in Adoptione.*

7 *Qui adoptare possint, & qui
non.*

8 *Quid sit emancipatio.*

ORIGO ADOPTIONIS.

Adoptionis originem, & usum, vel ex eo vetustissimum esse constat, quod a filia Pharaonis Mosem adoptatum fuisse sacrae testantur litterae Exodi cap. 2. Tharsenum item fortissimum illum Athenarum Regem, herculeque virtutis æmulum ab Aegeo adoptatum legimus, talemque in alienam familiam transitum, magna ratione veteres induxerunt, ad leniendum nempe dolorem, & in solatium eorum, qui nullum, aut sterile matrimonium experti liberos non habebant aut quos habuerāt infelicitate fortunæ amiserant, vel habebant, sed degeneres, & improbos, aut debiles, malaque valetudine affectos, & hoc ne familiarum dignitas naturalis sobolis penuria periret; Sicque lex benigna mater defectum naturæ supplens, sterilitati, & mortalitati deficientium familiarum medetur. Hac ratione Aphricanus maior cum filium haberet minus benè valentem & gignendis liberis parum idoneum, Pauli Aemilij filium adoptavit, qui post modum ob delectam feliciter Carthaginem Aphricanus minor dictus fuit. Sic Augustum a Iulio Cæsare, Tyberium ab Augusto, Traianum a Nerua, Aeliū Adrianum a Traiano, ab Adriano Antoninum, & a Iustiniano adoptatos legimus; tamque necessarius visus fuit sapientibus hic ad discendi liberos modus, ut Plato constituerit lib. 9. de Legibus, plures masculos filios habentem teneri omnes præter unum, quem sibi retineret, cuius non haberent, & id postulanti tradere.

QUID SIT ADOPTIO.

Adoptio est legitimus actus ad eorum qui liberos non habent solatium inuentus, per quem auctoritate iuris civilis, qui filius non est, ad similitudinem naturæ filius efficitur. Estque nomen.

- 2 nomen generis comprehensens, & adoptionem, & adrogationem, l. 1. Adoptantur tamen filij familias, Adrogantur qui sui iuris sunt, d. l. 1.

Quæ requirantur in adoptione.

- In adoptione requiritur autoritas magistratus l. 2. qui legis actionem habeat l. 4. & quia voluntariæ iurisdictionis est, neque enim fieri potest, nisi & adoptantis, & adoptati simul consensus interueniat, ac etiam patris adoptati, si patrem habeat l. 5. ideo Magistratus apud quæ legis actio est, & emancipare filios suos; nam & hæc voluntariæ iurisdictionis est, & in adoptionem dare apud se potest d. l. 4. Quod si quis aliquem in nepotem adoptet quasi ex filio, tunc etiam filij consensus requiritur, nec ei inuito suus hæres agnascatur l. 6. & 11. secus tñ est, si in nepotis locū simpliciter adoptet, nā tunc consensus filij nō requiritur, cum nec adoptatus ei suus hæres agnascatur, vtpotē qui magis ex alio filio, quem adoptans habere potuit, quā ex hoc adoptatus esse intelligatur, l. 43. & 44. Sed quid sit, magistratum legis actionem habere, declarat Accursius in d. l. 4. dicens eum esse apud quem actus legitimi explicari possunt. Budæus & Alciat. legis actionem, modò ad cessionem in iure actionis formulam antiquissimam referunt de qua apud Caium lib. 2. Instit. modò apud eum legis actionem esse dicit Budæus in d. l. 4. qui plenam iurisdictionem habet, & apud quem experiri omnia actione aduersus vnumquemque possumus, & Alciat. Parerg. iur. lib. 3. cap. 2. qui merum, & mixtum imperium habet. Hinc Actor lege agere dicitur, qui actionem ex legum præscripto intendit, & exercet l. Barbarius infra de Offic. Prætor. Cicer. lib. 1. de Orat. Alter inquit, plus, lege agendo petebat, quā quantum lex in 12. tabulis permiserat. & Rursus, cum egiisset legē in hereditatem paternam, testamento ex heres filius, quæsitum est de iure Ciuili, posset ne paternorum bonorum ex hæres esse filius.

Quæ requirantur in Adrogatione.

In adrogatione requiritur maior solemnitas, nempe, auctoritas Principis d. l. 2. consensus adrogati, & adrogantis d. l. 2. & 5. causæ cognitio l. 15. & 17. de qua causæ cognitione agitur apud Cicer. in Orat. pro domo sua, ubi de Claudij adoptione dixerit. Et si impubes adrogetur requiritur etiam satisfactio, de restituendis bonis ijs ad quos bona peruenissent, si adrogatio facta non fuisset l. 18. & 19. quæ tamen satisfactio locum habet solum, si adrogatus impubes decedat, nec ultra extenditur l. 20. Et ratio est, quia post pubertatem cessat interesse eorū qui ei pupillariter fuerint substituti, cum pupillaris substitutio expiret adueniente pubertate §. finitur Instit. de Pupillar. Quod si pater alias etiam substitutiones fecerit, veluti fideicommissarias, quæ adhuc post pubertatem durant; tales in consideratione habendæ non sunt, quia cum non sint testamentum pupilli, sed patris non extinguuntur per adrogationem impuberis, sicut pupillaris, quæ est testamentum filij. Imo durant, & possunt peti ex testamento patris etiam durante adrogatione l. in adrogatorem, ff. de Pecul. §. fin. con Gloss. Instit. de Acquisit. per adrogat. Sed dubium est, cur non extendatur saltem propter venientes ab intestato, qui omni tempore successissent, si adrogatio facta non fuisset. Respondetur, quod post pubertatem venientes ab intestato propter adrogationem, non patiuntur certitudinaliter damnum sicut ante pubertatem. patet, quoniam si adrogatus factus fuisset maior. potuisset facere testamentum, instituere extraneos, & venientes ab intestato excludere, ideo lex non curauit in hoc casu providere, cum certitudinaliter non fuissent omnino successuri, prout curauit providere, quando est impubes, nam tunc certitudinaliter successissent.

In adrogatione autem ideo maior solēnitas requiritur quàm in adoptione, quia adrogatus transit in familiam, & potestate in adrogantis simul con omnibus suis liberis & bonis, si quos in potestate habet l. 2. 15. & 40. quod nō est in adoptione.

De Adoptionibus. Tit. VII. 61

rato, qui transit quidem in familiam, sed non in potestatem adoptantis l. 10. C. eod. nisi adoptetur ab Ascendente d. l. 10. §. si vero item adrogatus filius succedit patri adrogatori, & ex testamento, & ab intestato, & etiam contra testamentum, & ideo si prætereatur vel sine iusta causa exheredetur: ultra bona sua omnia, quæ ad adrogatorem transiit, consequitur etiam ex constitutione D. Pij quartam bonorum adrogatoris. §. item non aliter Instit. de Adopt. l. 22. hoc Tit. & l. 10. §. ult. C. eod. At adoptatus succedit quidem ab intestato patri adoptiuo etiam simul con alijs filijs legitimis, & naturalibus, sed non contra testamētum, §. sed hodie Instit. de Adopt. & d. l. 10. §. Sed ne articulum nisi sit adoptatus ab Ascendente, nam tunc succedit etiam contra testamentum, §. adoptiuo Instit. de exheredat. liber. §. 1. Instit. Quib. mod. test. infirmis, l. 1. & l. non putauit, §. si quis, ff. de Bon. posses. contra tab. Item Adrogator succedit ab intestato filio arrogato post pubertatem, §. 1. Instit. de Acquisit. per arrogat. & quidem in totum & solus si filij non extent, qui eum excludant secundum Gloss. ibi. vel non extent fratres, aut sorores vtrinque coniuncti; qui in capita simul con eo admittantur, §. mortuo eod. Tit. de Acquisit. per arrogat. Dixi post pubertatem, quia si impubes decedat, patri adrogatori nihil debetur, sed tota hereditas, vel parentibus si extent defertur, vel alijs proximioribus agnatis ex cautione quæ præstari solet, quando quis arrogatur, de qua supra diximus. At adoptiuus pater non succedit filio adoptato d. l. 10. §. sed ne articulum, nisi sit Ascēdens d. l. 10. §. si vero.

Qui adoptare possint, & qui non.

Qui adoptare possint, & qui non habetur in l. 9. 16. 30. 37. 40. & 43. circa quas obseruandum est, nam dicitur in l. 16. quod adoptio in his personis locum habet, in quibus etiam natura potest habere; & tamen in l. 37. habemus quod quis nepotis loco adoptare potest, etiam si filium non habeat, quod quidem secundum naturam impossibile esse videtur, vt qui filium non habet, nepotem habere possit.

E con,

E conuerso verò habemus in l. 40. quod adoptans decem & octo annis adoptatum præcedere debet, & tamen in 14. anno quis potest contrahere matrimonium generare, & filios habere. Respondeo ad primum, eum qui in locum nepotis adoptat fictione quadam, & commentitio iure videri filium habuisse, id quod lex iure fingere potest, cum hoc possit esse secundum naturam habitu, quamuis actu non sit. Ad secundum Dico, quod quamuis re vera in 14. anno leges præsumpserint adesse pubertatem ad possibilitatem generandi, tamen quoniam in adoptione de ciuili & certa generatione agitur leges se retulerunt ad ætatem, in qua non solum sit possibilis generatio, sed à communiter accidentibus omnes puberes sunt argumento l. nam ad ea, ff. de legibus.

QV ID SIT EMANCIPATIO.

Emācipatio est paternæ potestatis relaxatio, & est vnus ex modis, quibus patria potestas soluitur de quo in l. 15. §. qui duos in l. 25. 28. 31. 32. 33. 36. & 41. Alios soluendæ potestatis modos, & si Titulus polliceatur, at tamen de ipsis nihil particulariter dicitur; Sed d. Rubricæ particula; & alijs modis &c. adiecta est, vt opinor propter leges quasdam huius Tituli generales, quæ pertinent ad quemcunque modum soluendæ patriæ potestatis vt in l. 12. & 13. Secundum caput iuris relatiuè considerati, & suo obiecto accommodati est de Rebus in Titulo.

De Rerum diuisione, & qualitate.

TIT. VIII.

S V M M A R I V M.

- | | |
|---------------------------------------|---|
| 1 Quot sint rerum Genera. | 3 Quæ dicantur esse iuris humani |
| 2 Quæ res iuris diuini esse dicantur. | 4 Quæ sint res corporales, et quæ incorporales. |

QVOT

QVOT SINT RERVM GENERA.

- 1 **R**erum omnium Duo sunt genera; nam aliæ diuini, & aliæ humani iuris sunt l. 1. h. t.

QVÆ RES DIVINI IVRIS SINT.

- Diuini iuris sunt, Res sacræ quæ Deo sacratæ sunt l. 6. §. sacræ Religiosæ in quibus mortui sepeliendi gratia inferuntur
2 d. l. 6. §. religiosum, & Sanctæ, quæ sanctione quadam ab hominum iniuria cōfirmate sunt, vt portæ, & muri ciuitatum, l. 8. 9. & ult.

QVAE RES SINT HVMANI IVRIS.

Humani iuris sunt, res prophanae, quæ aut sunt communes, vt aer, aqua profluens, mare, & litora maris l. 2. 3. & 4. Ouid. 6. Metamorph.

*Quid prohibetis aquas? vsus communis aquarum est
Nec solem proprium natura, nec aera fecit,
Nec tenues vndas, ad publica munera veni.*

- Aut publicæ vt flumina, portus, & ripæ l. 4. 5. & 10. aut vniuersitatis, vt theatra, stadia, & similia l. 6. §. vniuersitatis, aut
3 singulorum, quæ ex varijs causis cuique adquiri possunt l. 1. & 2.

Item quædam res sunt corporales, vt fundus, homo, & c. & quædam incorporales, vt hæreditas, vti fructus, obligatio,
4 seruitutes, & similia d. l. 1. §. quædam.

Tertium caput iuris relative considerati est de Actionibus quarum principia in tribus potissimum versantur. Aliæ enim versantur in describendis magistratibus, a quibus actio impetrari, & coram quibus institui debet de quâ Tit. de Senator. vsque ad Tit. de iniur. vocand. Aliæ in prælusorio actoris, & rei certamine à d. Tit. de iniur. vocand. vsq; ad Tit. de in integr. restitut. Aliæ in actionibus restituendis & purgandis à d. Tit. de in integr. restit. vsque ad finem libri

Quarti,

Quarti, & per consequens usque ad finem primi tractatus.
Iterum quoad Magistratus attinet, triplicem gradum obseruare debemus.

Primus est, quia alij sunt in Vrbe in Tit. *de Senator.* con sex alijs Titulis sequentibus. Alij extra Urbem, vt in Tit. *de Offic. Proconsul. & Legat.* con alijs quatuor Titulis sequentibus.

Secundus gradus est, quia alij sunt Ordinarij vt in d. Tit. *de Senat.* con vndecim alijs Titulis sequentibus. Alij Delegati vt in Tit. *De officio eius cui mand. est iurisdict.* quibus omnibus accedunt Assessores de quibus in tit. *de Offic. Assessor.*

Tertius est, nam aut considerantur respectu officij, vt in Tit. *de Offic. Consul.* con duodecim alijs Titulis sequentibus. aut respectu iurisdictionis vt in Tit. *de Iurisdict. omn. iudic.* con duobus alijs Titulis sequentibus.

Inter Magistratus qui in Vrbe sunt. Primo loco recensentur senatores de quibus in Titulo.

De Senatoribus. Tit. IX.

S V M M A R I V M.

- | | |
|------------------------------------|---|
| 1 Qui Senatores esse dicantur. | genera. |
| 2 Qualis esset senatus auctoritas. | 4 Qui sint effectus senatorie dignitatis. |
| 3 Quot olim essent senatorum | |

QUI SINT SENATORES.

Romulus condita vrbe centum viros elegit, quorum consilio Rem P. moderabatur, quos ab ætate, & probitate Senatores dixit, vt tradit Liu. lib. 1. Prisci enim optimos quosque viros senes nominabant, vt Cicero de senectute scribit. Eorumque Collegium Senatum vocauit. Hos etiam Patres appellare illi placuit, non tam ob honorem, quam vt con-

continuò recordarentur, oportere eos paterna pietate humiliorum causas tractare.

Qualis esset Senatus auctoritas.

Fuit apud Senatum omnis Rei P. cura, adeo vt, nec Rex, Dictator, Consul, aut Imperator, inconiulto Senatu, se de Re P. vllatenus interponeret; vnde frequenter in iure nostro legimus D. Marcum, aliosque Cæsares orationes apud Senatum habuisse, vt ei quod rogabant, more maiorum Senatus auctoritas accederet. l. oratio. ff. de sponsalibus. l. cum hi. ff. de Transact. l. diuus. ff. de seru. fugit. l. cum hic. status. ff. de Donat. inter vir. & vxor. &c. Verum enim verò centum viri qui litibus iudicandis longo post interuallo creati fuerunt & de quibus in l. 2. §. deinde cum esset supra de origin. iur. à senatoribus longè latèque differebant, nam senatores moderandæ soli reipublicæ intenti, controuersias priuatorum lites non iudicabant.

Quot olim essent Senatorum genera :

Senatores triplicis generis fuisse constat. Patricios, qui à centum illis patribus à Romulo primum creatis originem traxerunt. Conscriptos, qui postea in eorum locum, & ordinem conscripti fuerunt. Et Pedarios, qui facultatem dicendæ sententiæ non habebant, sed taciti in aliorum sententias pedibus ibant.

Qui sint effectus senatoriæ dignitatis.

Dignitas senatus communicabatur non tantum ipsi senatoribus, sed etiam eorum vxoribus, post mortem quoque ipsorum, & donec alijs inferioris ordinis nō nupserint. l. 8. item & liberis, omnibusque eorum descenditibus siue naturales, siue adoptiui sint. l. 10. etiam ante senatoriam dignitatem susceptis,

66. Pandectarum Liber Primus.

susceptis, & natis, l. 5. item et post mortem patris l. 7. non sic conceptis, & natis, post amissionem patris dignitatem, licet; si concepti sint antequam pater a senatu remoueat, senatoris filij dicantur. d. l. 7. item & emancipatis d. l. 7. nisi sint adoptiui, qui dignitate patris, adoptiui gaudent quamdiu in familia eius manent non emancipati l. 6. retinent tamen semper dignitatem patris naturalis, & si ab alijs etiam inferioris dignitatis adoptati sint. d. l. 6.

Secundo loco inter magistratus qui in vrbe sunt recensentur Consules de quibus in Titulo.

De Officio Consulis.

Tit. X.

S V M M A R I V M.

1. Quod sit Consulis Officium. rogatus §. fin. ff. de Manu-
2. Conciliatur l. 1. h. t. con l. si. miss. vindiēt.

Quod sit Consulis Officium.

Consulis Officium erat præbere consilium manumittere volentibus, & alia facere de quibus in l. 1. Circa quam animaduertendum est, dum in ea dicitur quod Consul apud se manumittere non potest, si eueniat quod minor 20. annis sit; nam totum contrarium videtur statuere idem Vlpianus auctor vtriusque legis in l. si rogatus. §. fin. ff. de Manumiss. Vindiēt, dum ibi scripsit; Consulem apud se manumittere posse etiam si euenierit, vt minor 20. annis sit. Vterque enim locus accipiendus est; quod scilicet, nō possit manumittere, ita vt ipse causam manumissionis examinet sic procedit lex nostra. Cæterū probata manumittendi causa apud collegā poterit ipse manumittere vt in d. l. si rogatus.

Tertio loco recensetur Præfectus prætorio, de quo in Titulo.

De

De Officio Præfecti Prætorio.

Tit. X I.

S V M M A R I V M.

- 1 Qui sint Præfecti Prætorio. 3 Qualis olim esset eorum dignitas.
 2 Vbi essent eorum sedes. 4 Quibus comparentur.

Qui sint Præfecti prætorio.

Q Vales apud Reges Tribuni celerum, apud Dictatores magistri equitum tales fuere Præfecti prætorio apud Cætares, qui cum bellis alijsq; negotijs occupati, in omnibus, liminibus imperij quod valde amplum erat, adesse non possent, Prætoria, idest, sedes, & Atria exerxerunt quibus in re militari exercitatissimos, et iam omnibus prope honoribus perfundos, præfecerunt.

Sedes præcipuas horum Præfectorum prætorio, quatuor fuisse constat. Vna erat in Oriente. Altera in illirico de quibus
 3 in Tit. de Officio Præfecti prætorio Orientis & Illirici Tertia in Africa de qua in Tit. de Officio Præfecti prætorio Africae. & Quarta in Italia de qua in Codice Theodosiano in l. 12. in Tit. de Extraordinarijs muneribus Tit. 16. lib. 11.

Qualis olim esset eorum dignitas.

Horum dignitas, & potestas maxima fuit, nam supremi iudices erant, de appellationibus aliorum cognoscebant, l. præcipuus, C. de Appellat. ipsi vero sine appellatione ius dicebant aduersusque eorum sententias ipsimet non alij magistratus restituebant l. 1. h. t. l. vnica, C. de Sentent. Præfect. prætor. Præter Ciues & Criminales causas, belli etiam, & armorum administrationem tractabant, nec modo res bellicas, sed etiam disciplinam bene vniuersi curabant, vt in d.

I 2 l. 1.

68 Pandectarum liber Primus.

l. 1. In iudices inferiores anisnaduertebant, ac ius dummodo nihil legibus contrarium facerent, statuebant l. 2. & 3. C. eod. Sicque potestatem principi proximam, & propæqualem habebant. Libellus tamen ei datus litis contestationem non inducebat l. 1. C. eod. sicut principi datus l. 1. C. Quando libell. principi dat lit. contestat. fac.

QVIBVS COMPARENTVR.

Sed quibus hodie Præfecti prætorio comparentur dubium est. Accursius Cardinales, & Episcopos his comparauit. quã
4 opinione Bart. & nonnulli alij probant, Alij iure reprehendunt. Bald. & Ias. Regibus similes aiunt, quod ab his, sicut ab illis prouocatio non sit. Marius Salamonius Præfectis prætorio Apostolico, qui vulgò Auditores Rotæ dicuntur, æquiparat. Budæus variat, & nunc magno Franciæ Cællario, nunc Conttabulario, nunc Magno magistro hospitij similiores affirmat. Hispani auctores Præfectum prætorio eum interpretati videntur, quem vulgo supremo Regis consilio Præsidentem vocant, & dubia quidem res est.

Quarto loco recentetur Præfectus Vrbi, de quo in Titulo.

De Officio Præfecti Vrbi.

Tit. XII.

S Y M M A R I V M.

- | | |
|---|--|
| 1 Quod sit officium Præfecti Vrbi. | poteſtas. |
| 2 Ad quid & vsque ad quem locum extenderetur eius | 3 Lapidem pro milliario Boni auctores accipiunt. |

Quod sit Officium Præfecti Vrbi.

P Ræfectus Vrbi ius dicebat in vrbe, & criminum omnium cognitio, quæ intra urbem admittebatur, ad ipsum pertinebat l. 1. Cura etiam annonæ ad eius officium spectabat d. l. 1. §. cura carnis. Item quies popularium, disciplina spectat.

De Officio Præfecti Vrbi. Tit. XII. 69

- 1 spectaculorū, & cætera id genus de quibus in d.l. 1. §. quies; varijsq; poenis utebatur, animaduertēdo in facinorosos vt in d.l. 1. Causarum verò ciuiliū, & pecuniarum nulla ei cognitio erat. Præterquam certis ex causis, veluti in negocijs argentariorum vt in l. 2. Verum hæc potestas vrbis fines, aut certè centesimū lapidem, seu milliare non excedat l. 1. §. cum vrbe, & l. ult. Milliaria enim constitutis lapidibus signabantur. Primusque fuit Gaius Gracchus, si Plutarcho credimus in vita Gracchorum, qui singulis miliarijs lapideas columnas spacijs signa præferentes defixit. 3 Inde factum, vt lapidem pro milliario boni auctores frequenter vsurpent Martial. lib. 3. Epigram.

Ad lapidem Torquatus, habet prætoria quartum

& Tranquillus de Tyberio, iterum Appia vsque ad septimum lapidem, sed prospectis modo, nec aditis vrbis mænibus, redijt, Sueton. in Tyberio.

Quinto loco recensentur Quæstōres de quibus in Titulo.

De Officio Quæstoris.

Tit. XIII.

S Y M M A R I V M.

- 1 Quæstorum Origo. 2 Quot sint Quæstorū genera.

ORIGO QVÆSTORVM.

- O** Rigo Quæstoris creandi antiquissima apud Romanos fuit, suoque tempore memorat Vlpianus indifferenter tam patricios, quam plebeios creari solitos fuisse, eo quod ingressus esset, & quasi primordium, gerendorum honorum, sententiæque in Senatu dicendæ l. vnica in fine hoc Tit. Quippe hic erat Ordo Romæ, vt quis primū fieret Quæstor, deinde Aedilis, postmodum Prætor, ac denique Consul, vt ita per honorum gradus nobiles viri ad consulatum

fulatum tenderent, nec transcendendo media, in finis summa continuarent iuxta l. vt gradatim, ff. de Muner. & honoribus quemadmodum M. Fulvius, & M. Curtius Tribuni Plebis contra T. Quintium Flaminium ex Quæstura Consulatum petentem, præclare disseruerunt Liuius lib. 39. Neq; officit, quod supra diximus in Tit. de Origin. iur. adolescentibus Romæ prima comendatione Aedilitatem consequi solitos fuisse, id quod & Cicer. tradit lib. 3. de legibus, dū scribit, Aedilitatem primum esse ad dignitates ascensum, nam Resp. verum esse Aedilitatem primum fuisse magistratum. Cæterum ante Aedilitatem Quæstura geri solebat, quæ non erat ex ordine magistratuum: Nec Vlpianus noster hoc loco scribit, Quæsturam primum fuisse magistratum, aut primum honorem, sed introitum, ac veluti primordium gerendorum honorum; sic Cicer. 8. in Verrem scribit, Quæsturam esse primum gradum honoris.

Quot sint Quæstorum genera.

Porro, Quæstorum varia fuerunt genera; Quidam enim publicæ pecuniæ curam gerebant; & in prouincias mitti solebant, vt vectigalia exigerent; indeque pecuniam exactam fideliter asseruarent, & in necessarios vsus distribuerent d. l. vnica, §. ex quæstoribus hoc Tit.

Alij candidati principis dicebantur, qui epistolis eius in senatu legendis vacabant d. l. vnica, §. ex quæstoribus.

Fuerunt præterea, & Quæstores parricidij, qui capitalibus rebus præerant de quibus diximus supra in Tit. de Orig. iur. Sexto loco recensentur Prætores, de quibus in Titulo.

De Officio Prætorum.

Tit. XIII.

S V M M A R I V M.

- | | |
|-----------------------------------|-------------------------------------|
| 1 Quot olim fuerint Prætores. | 3 Prætores an habuerint ius gladij. |
| 2 Quæ fuerit Prætorum auctoritas. | 4 Communis error facit ius. |

QVOT

QVOT OLIM FVERINT PRAETORES.

DVo olim Romæ Prætores fuerunt, qui in civilibus causis ius reddebant. Vnus qui ius dicebat inter Ciues, & Urbanus appellabatur. Alter, qui inter peregrinos, vel inter ciues, & peregrinos, & Peregrinus dicebatur l. 2. §. cumque Consules supra de Origin. iur.

Quæ fuerit Prætorum auctoritas.

Penes Prætores fuit, omnis publici, ac priuati iuris potestas, sic vt causas, aut ipsi cognoscerent omnes, aut ijs cognoscendis iudices darent l. 1. C. eod. l. 1. infra de iurisdic. omn. iudic. Hinc tria illa verba do, Dico, & Addico. Dabant siquidem iudices, & iudicia Dicebant ius nonnunquam per se iudicando; Addicebant denique inopes debitores qui soluendo non erant ex l. 1. 2. tab. in temporariam seruitutem creditoribus, vnde Milphio seruus apud Plaut. in Penulo.

Neque id vnde efficiat, habet vbi in ius venerit

Addicet Prætor familiam totam tibi

Quantaque olim fuerit Prætorum iurisdicção, ipsorum edicta demonstrant, quæ tam amplam materiam interpretandi, ac de iure respondendi iurisconsultis præbuerunt; eaque quæ voluntariæ erant iurisdicçãois, ac mixti imperij etiam peræquæ atque Consules exequabantur l. 1. & 2. hoc Tit. l. 2. infra de iurisdic. omn. iudic.

Dixi quod Prætores in civilibus causis ius reddebant, nam de criminibus eorum cognitio non erat; specialiter tamē per senatusconsultum Syllanianum vno casu data fuit cognitio Prætori, nempe si Dominus à familia occisus esset, l. 1. l. si seruus, & l. lege Cornelia, ff. ad S. C. Syllan. vt ob id miretur Fulgos. quomodo Prætor habuerit ius gladij, cum Præfectus Urbis omnia sibi crimina in Vrbe vendicaret l. 1. supra de 3. Offic. Præfect. Urb. Sed mirandum non est, quia vt dixi, specialiter hoc ei per S. C. Syllan. tributum fuit. Et sic pro ratione temporum, Prætores etiam ius gladij habuisse constat.

Famosa,

Famosa est sub hoc Tit. l. Barbarius Philippus, qui cum esset seruus, præturam petijt, & obtinuit; eamque gessit; & quia dubium esse poterat, an gesta per eum valerent; Respondit Vlpianus quod sic. Ex quo colligunt DD. & præsertim
 4 Accurs. q. communis error facit ius, quod etiam docet tex. in l. 3. in fine, ff. de supplect. legat. & facit l. 1. C. de Testam. Septimo recensetur Præfectus Vigilum de quo in Titulo.

De Officio Præfecti Vigilum.

Tit. XV.

S V M M A R I V M.

- 1 Quid sit Officium Præfecti Vigilum. 3 Pudor & verecundia interdum est loco pænæ.
 2 Verbalis castigatio.

Quod sit Officium Præfecti Vigilum.

Officium Præfecti Vigilum erat, per totam noctem vigilare, ac curâ adhibere, ne per negligentiam vt sæpe evenire solet, incendij casus oriatur l. 1. 2. & 3. Ob idq; de incendiarijs funibus effractoribus, & similibus cognoscebat, poteratq; in eos animadvertere, vq; ad fustem, & flagella. l. 4. Quod si gravius atq; atrocius delictum esset quam vt eiusmodi pœna vindicari deberet, vt puta quia dolo malo incendium commissum esset, ad Præfectum vrbis res remittenda erat. d. l. 4.

Quandoque tamen seuera interlocutione comminatus etiam fustium castigationem remittebat d. l. 3. §. cognoscit. Id autem verbis tantum, aliquem corripere, non iniuste constitutum esse videtur; nam satis sustinuisse videtur pœnæ ex levi
 1 offensione, qui verbis duntaxat paulo asperioribus emendatus sit, homo præsertim ingenuus, & liberaliter educatus, cui pro supplicio verecundia, & pudor esse debent. Nam & Pontifex Innocentius Agathensem Episcopum, qui non
 nihil

- nihil deliquerat propter pudorem laboresque quos pertulerat, quosque supplicij loco sibi esse iubet, absolui imperat in c. cum dilecti extra de Accusat. vnde & interpretes ibi notant, pudorem, & verecundiam pœnæ loco subrogari, culpamque sileus sit extinguere. Sic apud Plaut. in Mostellaria, Teuropides senex à Callidate rogatus vt filio suo ignoscat, qui patris ora verebatur, neque in conspectum suum præ pudore, & verecundia prodire audebat, quod substantiam, suam penè omnem prodegisset, ignoscit illi, dicens, se satis à filio supplicij sumplisse, modo adolescentem pudeat tantum fecisse sumptum. Plaut.

Callid. *Omnium primum sodalem me esse scis gnato tuo.*

Is me adiit: nam illum prodire pudet in conspectum tuum.

Propterea quod fecit, quæ te scire scit, nunc te obsecro.

Stultitia atq; adolescentiæ eius ignoscas, tuus est.

Teurop. *Non potuit venire Orator magis ad me impetrabilis.*

Quam tu. neq; illi sum iratus nec quicquam succenseo.

Si hoc pudet fecisse, sumptum supplicij habeo, satis.

Et sic ex ijs constat, Veteres leuia delicta admonitione tantum, & verborum castigatione corripuisse; scribit Liui. 2. bell. pun. lib. 7. cum Lucani & Volscentes qui ad Annibalem deferant traditis Annibalis præsidij quæ in urbibus erant Romanis se dedissent. Clementer a Q. Fulvio Consule con verborum tantum castigatione ob errorem præteritum receptos fuisse; & apud Dionem Liuiæ eos qui propter adolescentiam, aut imprudentiam, aut ignorantiam, aliove casu volentes deliquerint, aut inuiti arbitratur esse tantum admonendos propositisque minis continendos. Cuius oratione permotus Augustus plurimos verbis solum admonitos dimisit. Dion. in August. & hæc quo ad magistratus qui in urbe erant.

Quo autem ad magistratus qui extra Urbem proficisci debent mittebantur tales magistratus, vel in prouincias Consulares senatus populi que nomine con generali summoque imperio, Vt Proconsules, & eorum Legati de quibus in Titulo.

De Officio Proconsulis, & Legati.

Tit. XVI.

- | | |
|--|---|
| 1 <i>Quid sit Proconsul.</i> | 5 <i>Quæ differentia sit inter man-</i> |
| 2 <i>Quod sit eius officium.</i> | <i>dare iurisdictionem, & da-</i> |
| 3 <i>Praeaudita custodia quæ.</i> | <i>re iudicem.</i> |
| 4 <i>Quid sit Legatus & eius of-</i> | 6 <i>An apud legatum Proconsu-</i> |
| <i>ficium.</i> | <i>lis manumitti possit.</i> |

QVID SIT PROCONSUL.

Proconsul est, qui con potestate Consulis in Prouincias mittebatur, dictus quasi Consul procul missus & ideo statim etiã atq; vrbe egressus erat vbique proconsularia insignia habebat. l. 1. sic & Legatus Papæ vbique insignibus vititur non idem Archiepiscopus Abb. in c. ex tuarum de Auctorit. & Vsu pal. iurisdictionem etiã exercebat, voluntariam tamen non contentiosam l. 2. eam enim solum in Prouincia sibi decreta exercere poterat. d. l. 1. & 2. in qua & summum imperium, atque maius omnibus post principem habebat. l. 7. & 8.

Quod sit Proconsulis officium.

Proconsul postquam ingressus prouinciã erat, mandare iurisdictionem legato suo debebat, neq; tamen hoc ante facere poterat, quàm fuerit prouinciã ingressus l. 4. §. post hæc.

2 Aliquando tamen, & ante poterat, veluti si necessariam moram in itinere patiatur, & maturissimè legatus in prouinciã peruenturus sit, d. l. 4. §. aliquãdo. Adire autem postquam mandauerit iurisdictionem legato Proconsul licet. Summo iure posset, attamen hoc facere non debebat inconsulto principe l. 6. §. sicut. Et Ratio est, quia, vt inquit. Cuiac. obseruat. lib. 7. cap. 21. non optat ipse sibi legatum, sed

De Officio Proconsulis. Tit.XVI. 75

sed ei datur quasi adiutor ex senatusconsulto. Solebat etiam Proconsul custodiarum, hoc est reorum in vinculis detentorum, (sic enim custodias accipit Vlpianus pro reis delatis, qui in vinculis, & carceribus detinentur ob eam rem sic appellati, quia custodiuntur) cognitionem legato mandare, ut de crimine cognoscens, si reos condemnatione dignos animaduernerit, non ipse iudicet, sed ad se proconsulem præauditas custodias remittat, (præaudita custodiæ tum dicuntur cum rei tanta cura, diligentiaque auditi sunt, & examinati, ut nihil præter sententiam diffinitivam supersit) sin vero innocentes eos, & ita absolutionem merentes compererit, ipse legatus liberet l. 6. in principio; Quod mandati genus extraordinarium dicitur cum regulariter is condemnare possit, qui absolvere l. 3. ff. de Re iudic. sed innocentiae fauor id suadet sustineri, neque nouum ea de causa videri debet, si is absolvere possit, qui non condemnat, l. fin. §. adeo, C. vbi Senat. vel Clariss. Clem. 1. & ibi Gloss. extra de Hæretic. Circa aduocatos autem Proconsulem patientem esse oportere item petentibus aduocatos indulgere debere præsertim sceminis, pupillis, vel alijs debilibus, & ijs, qui per potentiam aduersarij se aduocatos non inuenire dixerint idem Vlpianus tradit in l. 9. §. circa aduocatos.

Reuersus postea Proconsul, eo ipso quod portam Romæ ingrediebatur, imperium deponebat l. vlt. Sic & Episcopi, atque Archiepiscopi, urbem Romam ingressi omnem auctoritatem deponunt, adeo ut, nec Archiepiscopus insignia Crucis ante se deferre, neque Episcopus sacerdotia conferre possit, quod à Fulgasio, Oroscio, Corasio, Rebuffo, & alijs adnotatum est in d. l. vlt.

Quid sit Proconsulis Legatus, & eius Officium.

Legatus Proconsulis est, qui in minoribus & ciuilibus locum Proconsulis tenet, & eius vice fungitur, propriamque habet iurisdictionem, & suo iure l. 4. infra de Offic. eius, licet non ante quam ei à Proconsule mandata sit, l. 13. gladij tamen potestatem non habet d. l. 6, nisi ea prærogatiua à Principe

K 2 singu-

singulari fauore extra ordinem donatus sit, vt olim Legatus Gordiani Proconsulis Africæ, quem gladij potestate succinctum fuisse Capitolinus in Gordiano scribit. sed solum accusatione coram Proconsule proposita, processum instruere poterat, condemnatoria sententia ipsi Proconsuli reseruata d. l. 6. in principio, & l. vnica, C. de offic. Proconsul. suspecti autem tutoris, cognitionem, & si non nihil criminis admixtum habeat, pupillorum tamen utilitas suadet, legato dari, l. 1. §. damus, ff. de suspect. Tutor. l. cognitio infra de offic. eius. Item & iudicis dandi ius legatus habebat l. 12. Neque officit, quod à iudice Iudex datus, iudicis dandi non habeat potestatem l. à iudice, C. de iudic. nam legatus iudex datus non est, sed mandatam habet iurisdictionem, vnde aliud est mandare iurisdictionem, aliud iudicem dare, nam iudex datus, cum ei vnus tantum causæ cognitio committatur vt in l. sæpè in fine con l. seq. infra de offic. Præsid. iurisdictionem non habet, sed est veluti nudus quidam minister eius, qui eum dedit, c. fin. §. fin. extra de offic. delegat. ideo mirum non est si iudicem dare non possit. At qui mandatam habet iurisdictionem, quia iurisdictione fungitur, licet alieno beneficio l. 1. §. 1. infra de offic. eius potestatem dandi iudicem habet, l. cum prætor, §. is quoque, ff. de iudic. Manumitti autem, vel adoptari apud legatum Proconsulis non poterat, quia nec apud eum legis actio erat, hoc est, liberum, & absolutum vtriusque iurisdictionis & contentiosæ, & voluntariæ exercitium l. 2. in fine, & 3. & plura quid sit legis actionem habere dixi supra in Tit. de Adoption. Sed obflare videtur tex. in l. apud Proconsulem, ff. de Manumiss. vindiçt. vbi & apud legatum proconsulis manumittere possumus. Cuiac. obseruat. lib. 1. cap. 1. vt tollat contrarietatem, sic emendat d. l. apud proconsulem, vt negatiuè legatur, in hæc verba; (sed & apud eius legatum manumittere non possumus) quæ lectio negatiua abest à pandectis florentinis. Ideo mihi magis placet lectio affirmatiua, quæ est communis, & in pandectis florentinis habetur; Et pro resolutione contrarietatis considero, quod Proconsules statim vbi Romam egressi erāt, iurisdictionem

habe-

De Officio Proconsulis. Tit. XVI. 77

habebant, voluntariam tantum non contentiosam, & ideo apud eos manumitti, & emancipari poterant, tam liberi, quam serui, vt inquit I. C. in d. l. 2. apud legatum verò nemo manumittere poterat, quia talem iurisdictionem non habebat, id est, voluntariam, Addit l. 3. nec adoptare posse legatum, quia apud eum legis actio non est, quod intelligendum est secundum l. 2. nempe statim vbi Roma egressus est, proconsul, & per consequens antequam in prouinciam ingressus sit, & Ratio est, quia legati nullam habent iurisdictionem, nisi à Proconsule eis mandata sit, l. 1. 3. Proconsul autem non debet mandare iurisdictionem legatis nisi postquam fuerit prouinciam ingressus, l. 4. §. fin. ideo mirum non est, si non possit manumittere nisi postquam fuerit proconsul prouinciam ingressus, & eis iurisdictionem mandauerit; & sic cessat contrarietas, Iurdictio, vt Accurs. & alij hic in l. 2. notant dicitur, quæ redditur in inuitos: voluntaria quæ in volentes.

Vel mittebantur magistratus in Cæsareas prouincias con Imperio non æquè libero, sed ad principis diploma restricto, vt Præfectus Augustalis, de quo in Titulo.

De Officio Præfecti Augustalis.

Tit. XVII.

1 *Quid sit Præfectus Augustalis & vnde dictus.*

2 *Aegypti regio fertilissima.*
3 *Nilus fluminiū maximus.*

Quid sit Præfectus Augustalis, & vnde dictus.

P Præfectus Augustalis est qui Aegypto præficebatur ideo sic dictus quia ab Augusto primum autoritatē accepit. Marco Antonio enim, & Cleopatra Aegypti Regina deuictis Præfectum illuc mittendum esse Augustus censuit, & Augustalem appellari voluit. l. 1. & 2. C. de offic. Præfect. August.

78 Pandectarum Liber Primus.

gust.isque non prius imperium deponebat, quam Alexandriam ingressus esset successor eius, licet in prouinciam uenerit. l. vnica. Quod in alijs præfectis & præsidibus secus est, quippe qui deponunt præfecturam & imperium, cum successores prouinciam ingrediuntur. l. 4. §. antequā & l. 10. atq; adeo biduū ante §. fin. Auth. de Administrat. collat. 7.

Aegyptus regio est fertillissima in qua citissime fruges omnes murescunt, adeo ut tertio die illic legumina nasci Plinius scribat lib. 18. c. 7. & alibi omni mense saturationem fieri lib. 17. cap. 18. ut non immerito publicum orbis horreum veteres ægyptum dixerint, quæ maxima terræ fecunditas, mirabilis est, cum aquæ celestes eam non adiuuent, sed hoc Nilus efficit omnium fluuiorum maximus coloni vice fungens quemadmodum scribit Plin. lib. 18. cap. 18. & Pōp. Mela lib. 1. de situ orbis, Nam ut inquit Seneca, sterilis, aut fertilis annus est, pro ut ille magnus influxit, aut par-tior, unde Tibullus ad Nilum, lib. 1.

Te propter nullos telus tua postulat imbres :

Arida nec pluuio supplicat herba Ioui.

Et Claudianus de Raptu Proserpinæ.

Ægyptus sine nube ferax, imbresque serenos.

Sola tenet secura poli, non indiga venti

Gaudet aquis, quas ipse uehit; Niloque redundat.

Item mittebantur similiter in Cæsareas prouincias con-imperio non æquè libero, etiam Præsides de quibus in Tit.

De Officio Præsidis. Tit. XVIII.

1 *Quid sit Præses.*

tare.

2 *An Præses possit depor-*

3 *Quod sit Præsidis officium.*

Q U I D S I T P R A E S E S.

Præsidis nomen generale est, & ad omnes in vniuersum prouinciarum rectores porrigi potest ut dicitur in l. 1. Proconsulis uero appellatio specialis est, nam Proconsul eligebatur ex Consulibus, & consulis loco in decretam sibi pro-

1. provinciam mittebatur ut ibi Consulis vices ageret, nam quo anno quis consul fuisset, sequenti Proconsul remanebat, et provinciam cum imperio sortiebatur; Proprie tamen Præsidis nomen eos significat, qui post Principem (non quidem ut Principes, quemadmodum Proconsules) maius imperium in decreta sibi provincia habent. l. 4. Ius enim gladij habebant, & in metallum damnandi potestas eis permissa erat l. 6. §. qui uniuersas, ut ob id mirum videri debeat, cur eis etiam in insulam deportandi potestas non esset l. 2. §. 1. ff. de Penis, nam si ius gladij & ita potestatem reos morte multandi habebant multo magis & deportandi? Respondeo Præsidem provincie pronunciare quidem posse, quem deportandum l. diui, ff. de poenis cæterum assignare insulam damnato, quæ non sit in provincia, cui præsidet, non posse ne suæ iurisdictionis terminos excedere videatur l. fin. supra de offic. præfect. Vrbi, ideo imperatori rescribere debet, ut assignet insulam l. inter §. 1. & 2. ff. de interdict. & relegat, quam si sub se Præses haberet posse cum quoque assignare crederem con Corasio in d. §. qui uniuersas per l. relegatorum ff. de interdict. & Relegat.

Quod sit Præsidis officium.

De omnibus causis de quibus vel Præfectus vrbi vel Præfectus prætorio itemque Consules, & Prætores cæterique Romæ Magistratus cognoscebant Præsidum provinciarum in sua provincia cognitio erat l. 10. Omnia enim provincialia desideria, quæ Romæ varios iudices habebant ad officium præsidum pertinebant, l. 11. Verum licet is qui provincie præerat omnium Romæ magistratuum vice, & officio fungeretur non tamen ei spectandum erat, tam quid Romæ factum esset, quam quid fieri deberet l. 12. nec enim ut inquit Cicer. Philip. 9. maiorum exempla querenda sunt, sed consilium eorum, a quo exempla nata sunt inquirendum, & Iustinianus non à iudicibus exempla, sed veritatem, legumque & iustitiæ vestigia sequenda esse decreuit, l. nemo, C. de sentent.

Ad

Ad officium Præsidis etiam pertinebat, curare ut pacata atque quieta esset Prouincia, id quod faciliè obtinere poterat si eam malis hominibus purgaret, l. 2. & 13. Item sacrilegos latrones, Plagiarios, fures, atque eorum receptatores, sine quibus latro diutius latere non potest inquirere, atque coercere debebat. d. l. 13. illicitas exactiones, venditiones metu extortas, vel sine precij numeratione, lucra prohibita, item ne potentiores viri, humiliores, iniurijs afficerent, & ne tenuis vitæ homines, sub prætextu aduentus officiorum, vel militum, limine vnico vel breui suppellectili ad aliorum vsus translatis iniurijs vexarentur Præses prouidere debebat l. 6. in principio & §. ne potentiores. Liminis verbo eo in loco, significat. l. C. paruam quandam domunculam, aut locum, quem tenuiores homines inhabitant. Iuuenalis Satyr. 3.

*Limine summeor, perierunt tempora longi
Seruitij nunquam minor est actura clientis.*

& sic vult Vlpianus propter aduētum magistratuum, & militum, inopes & tenuis vitæ viros, sua non esse priuandos habitatione, translato suæ casulæ vsu in aduenas. Obseruare debebat etiam Præses ut in adeundo se facilem præberet ita tamen ut in vltiorem familiaritatem prouinciales non admitteret, nam ex cōuersatione æquali contemptio dignitatis nascitur ut dicitur in l. 19. sed & in cognoscendo neque excandescere aduersus eos, quos malos putabat neque precibus calamitosorum illacrimari. d. l. 19. Fines etiam prouinciæ suæ excedere non debebat, nisi voti soluendi causa & dummodo non abnotaret l. 15. sic & Romæ Tribunis diem integrum abesse Roma prohibitum fuit, ut scribit. Gell. lib. 3. cap. 2.

Vel mittebantur etiam Magistratus in prouincias con iurisdictione limitata, allegataq; aut ad certam causarum vniuersitatem, ut Procurator Cæsaris de quo in Titulo.

De

De officio Procuratoris Cæsaris,
vel rationalis.

Tit. XIX.

1 *Quid sit Procurator Cæsaris.* 2 *Quod sit eius officium.*

QVID SIT PROCVRATOR CAESARIS.

D Vos Procuratores habebat Princeps, per quos negotia sua administrabat, vnus Cæsaris dictus qui priuatum Cæsaris patrimonium moderabatur, Alter Fisci qui publica principis iura tuebatur. Sed vterque postea alio nomine Rationalis appellatur, eo quod & hic, & ille rationes principis tractet, l. 2. C. de Modo mulctar. Procurator tamen Fisci Rationalis Reipublicæ, procurator verò Cæsaris, rationalis rei priuatæ dicitur, l. fin. C. de Aduocat. fisc. l. vnuerſi, C. de Fund. rei priuat. lib. 11. ex quo constat particulam illam, vel rationalis in Rubrica positam, accipiendam esse, pro, idest rationalis. Sed & interdum etiam procuratorem Cæsaris pro Fisci procuratore accipi, & è contrariò docet Alciat. in l. procurator, C. de edend.

QVOD SIT EIVS OFFICIUM.

Princes Romanus, à quo iura nascuntur l. ineminisse, C. unde vi, legibus viuere volens, quamuis legibus solutus esset, l. digna vox, C. de legibus, ne quod alijs non licet, in sua causa ipse sibi ius diceret, l. 1. C. Ne quis in iua causa, Magistratum creauit, procuratorem Cæsaris dictum, qui in prouincia inter se & priuatos iudicaret l. 1. & per Tot. Tit. C. vbi causæ fiscales. de crimine tamen non cognoscebat, quia nec poenæ constituendæ ius habebat, l. vlt. & sic de pecuniarijs causis tantum, inter Principem, seu Fiscum, & priuatos

L

uatos

82 Pandectarum Liber Primus.

uatos Procurator Cæsaris cognoscebat d.l. 1. C. vbi caus. fiscal. & præsertim vbi colonorum Principis negotium vertebatur, cognitione alijs iudicibus pœnitens interdicta l. dominicis Eod. Tit. præterquã in causa criminali l. cū aliquid Eod. Tit. Administabat et Procurator Cæsaris priuata ipsius Cæsaris negocia, adeo quod quęcūq; ab eo gesta erāt, perinde comprobabātur, ac si ab ipso met Cæsare gesta essent, l. 1. Vel etiam mittebantur Magistratus con iurisdictione limitata ad certum locum, vt Iuridicus Ciuitatis Alexandriæ de quo in Titulo.

De Officio Iuridici Alexandriæ.

Tit. XX.

- 1 *Quid sit Iuridicus Alexandriæ.* 2 *Alexandriæ Urbis dignitas.*

Quid sit iuridicus Alexandriæ.

L Icet iurisdicatio totius Aegypti ad Præfectum Augustalem pertineret, & moris esset in prouinciarum administratione à Præsidibus prouinciarum iudices dari, Attamen peculiariter Alexandriæ potentissimæ Aegypti Ciuitati ab Augusto iudex datus fuit, iuridicus appellatus quasi iura dicens, & iuridicundo præpositus, Et quia apud eum legis actio erat, vt dicitur in l. 1. hoc est, libera de negotijs quibuscunque iuridicundi potestas, nam apud eum legis actio esse dicitur, qui actus & virtutes legis habet, vt imperare, vetare, permittere, & punire, l. legis virtus, ff. de legibus. Ideo apud eundem quoque adoptare quis poterat d.l. 1. eique etiam specialiter concessa fuit tutoris datio l. 2. & vlt. hoc Tit. & donationis inlinuatio, l. vnica, C. eod. Alexandriæ vrbs Aegypti, fuit potentissima, & caput; sic appellata quod conditorem habuerit magnum illum Alexandrum Macedonicum, cuius corpus ibi iacere Strabo scribit lib. 17.

De Off. eius cui mand. est iur. Tit. XXI. 83

lib. 7. Tantaque olim fuit huius loci dignitas, & æstimatio, ut medicis ad se, suamque commendandam artem, satis fuerit dicere, se Alexandriae eruditos floruit, si quidem Alexandria omnium liberalium artium scholis.

Post exposita Magistratuum genera, & officia, consequens est etiã explicare officium eorum, quibus iurisdictione, & potestatem suam Magistratus demãdare solêt, de quo in Titulo.

De Officio eius cui mandata est iurisdictione.

Tit. XXI.

- | | |
|---|---|
| 1 <i>Quid sit mandare iurisdictionem.</i> | 4 <i>Quis dicatur iudex datus, & in quo differat ab eo cui mandata est iurisdictione.</i> |
| 2 <i>Qui possint mandare iurisdictionem.</i> | 5 <i>Quæ mandari non possint.</i> |
| 3 <i>Qualiter iurisdictione mandari possit.</i> | 6 <i>Quæ sit potestas illius cui iurisdictione mandata est.</i> |

Quid sit mandare iurisdictionem.

- 1 **M**andare iurisdictionem est alteri, vel magistratui, vel etiam privato, vices suas in iure dicendo committere l. 1. 3. & ult.

Qui possit iurisdictionem mandare.

- Mandare iurisdictionem is demum potest, qui eam suo iure, hoc est, vel à Principe, vel à lege habet l. 5. infra de iurisdictione.
- 2 non qui alieno beneficio, idest, nec à lege, nec à principe, sed à Magistratu accipit, nam is mandatam sibi iurisdictionem alteri demandare non potest, l. ult. & Ratio est, quia qui mandatam suscepit iurisdictionem proprium nihil habet, sed eius tantum qui mandavit iurisdictione, & auctoritate fungitur l. 1. §. qui mandatam, etiam si prætor sit, qui alienam exequitur iurisdictionem l. 3.

L. 2 Quali-

Qualiter iurisdictionis mandari possit.

Mandari iurisdictionis potest, vel omnis in vniuersum, vel species vna; vel inter certas personas generaliter, vel etiam specialiter de vna re, l. solet, con l. seq. infra de iurisdictione.

Vniuersa mandatur iurisdictionis, cum omnis in vniuersum cognitio, & iudicatio civilium causarum alteri committitur, l. i. §. damus, ff. de Suspect. Tutor. l. i. §. fin. ff. Quis & a quo; sicut facit Proconsul legato l. obseruare, §. fin. supra de Offic. Proconsul, & legat.

Mandatur species una iurisdictionis, ueluti certo negotiorum generi aliquis præponitur, ut cum Pedaneis iudicibus, humiliorum, causarum, iudicatio committitur, l. fin. C. de Pedan. iudicibus.

Inter certas personas generaliter mandatur iurisdictionis, ueluti cum committitur inter pupillos, & uiduas l. i. C. de iurisdictione. l. unica, C. Quando imper. inter pupil. & uiduas.

Inter certas uero personas specialiter mandatur iurisdictionis, ueluti cum committitur inter Titium, & Mæuium in certa, & particulari aliqua lite, l. Prætor infra de iurisdictione. Quauis hoc casu, magis propriè iudex dari dicatur, quàm mandari iurisdictionis l. sæpè, §. fin. con l. seq. supra de offic. præsid.

Vnde & iudex datus, quem interpretes nostri delegatum vocant, Is est, cui vnius causæ tantum cognitio commissa est l. iubemus in fine, C. de episcop. & cleric. l. a iudice, C. de iudic. Quo fit, ut re diligentius considerata, aliud sit mandare iurisdictionem, aliud iudicem dare d. l. sæpè con l. seq. Nam iudex datus, siue maior delegatus, non habet iurisdictionem l. ait prætor, ff. de iudic. Idcirco lata sententia iudex esse definit l. iudex Eod. Tit. eamque non exequitur, sed ille qui eum dedit l. a diuo pio Eod. Tit. At ille cui iurisdictionis mandata est, licet proprium nihil habeat, attamen mandantis iurisdictione utitur l. i. §. fin. suamque exequitur sententiam, nam mandata ei iurisdictione, censentur, & omnia ea mandata sine quibus iurisdictionis explicari nequit l. ult. Item iudex datus alium iudicem dare non potest l. a iudice, C. de iudic. & Ratio est, quia ipse iudiciario tantum munere

munere fungitur, hoc est, ipsemet de causa iudicare debet.
 At ille cui mandata est iurisdictione iudicem dare potest, l.
 cum pretor, ff. de iudic. quia mandata iurisdictione totum
 iuris dicendi officium tranſit l. 1. §. damus, ff. de Suspect.
 Tutor. & dando iudicem non abdicat à se iurisdictionem,
 sed nonionē tantum transfert, l. ait pretor, ff. de Re iudicat.

QVAE MANDARI NON POSSINT.

Mandari non possunt, nec mandata iurisdictione transferuntur ea, quæ specialiter, hoc est, nominatim, & expresse, seu peculiariter, & singulari quadam prærogativa, lege, senatusconsulto, vel constitutione principis, tribuuntur, sed ea tantum, quæ iure magistratus, hoc est, iure communi, & usitato more maiorum competunt l. 1. & Ratio est, quia si privatorum mandatorum fines diligenter sunt custodiendi, l. diligenter, ff. mandat. & qui mandatum suscepit, alteri delegare vices suas nequit, l. 2. ff. si Mensor fals. mod. dixer. multo magis præscripto legis, vel principis ex certa causa aliquid specialiter mandantis, parendum erit? Ideo merum imperium, quod à lege specialiter datur, mandari non potest, nec mandata iurisdictione transfertur, d. l. 1. Nisi in casu absentiae eadem l. 1. & dummodo absentia sit necessaria, quando iussu principis abest, §. ad hæc prohibemus Auth. de Collat. nulla enim alia ex causa datur facultas magistratui migrandi extra provinciam etiam si velet adire principem, l. nullus, C. de Offic. Reſt. provinc. Imo si sine iussu principis disceſſerit efficitur reus criminis læsæ maiestatis, §. si quis autem Auth. de Administrat. quod adeo verum est, ut licet abesse possit magistratus voti soluendi causa, tamen ei pernoctare non liceat, l. 1. §. supra de offic. præſid. Neque placet quod Bart. Dec. & alij tradunt in d. l. 1. & ad alia impedimenta extendunt, scilicet, quod, & si sit occupatus magistratus propter multitudinem causarum, vel propter infirmitatem, adhuc etiam causas meri imperij mandare possit, eo quia eadem militet ratio in infirmitate, quæ

quæ & in absentia; quia sicut absentia impedit iudicem, quod non possit tractare causas meri imperij, ita & infirmitas; nam Resp. solam absentiam de per se non operari effectum delegationis, sed requiri etiam, quod absit iussu principis, quo casu videtur facta delegatio con auctoritate, & consensu principis, & propterea mirum non est, si mandare, ac delegare possit in hoc casu, quod non est in infirmitate, & alijs impedimentis.

Sic, & decretum interponendum in alienatione rerum minoris mandari non potest l. 2. quia Prætori specialiter fuit concessum l. 1. ff. de Reb. eor. qui sub tut. vel cur. sunt, l. 1. C. de Præd. minor. Similiter, & transactio alimentorum, quia Prætori specialiter fuit concessa, mandari non potest l. cum hi in principio, & in §. sed nec mandare, ff. de transact. Eodem modo, & Tutoris datio, quia his tantum competit, quibus nom natum lege datum est l. muto, §. tutoris datio, ff. de Tutel. alteri mandari non potest l. nec mandante, ff. de Tutor. & Curat. dat. ab his qui ius dand. hab. Neque obstat l. 4. h. t. ubi cognitio de suspectis tutoribus mandari potest, & tamen Prætori in Vrbe, & Præsidi in prouincia nominatim data fuit l. 1. §. damus, ff. de Suspect. Tut. l. 1. §. suspecti, ff. ad S. C. Turpil. & §. 1. Instit. de suspect. Tutor. quoniam Resp. cognitionem de suspecto tutore sine accusatione, sine qua tutor vt suspectus plerunque rejicitur ob segnitiam vt in l. 3. §. præterea, & §. fin ff. de Suspect. Tutor. posse quidem propter vtilitatem pupillorum mandari vt in d. l. 4. secus si ob dolum solenni accusatione suspectus postuletur, nam tunc, non apud alios, quam apud Prætores, vel Præsides fieri poterit vt in d. l. 1. §. suspecti, ff. ad S. C. Turpil.

Mandata igitur iurisdictione ille, cui mandata est, proprium nihil habet, hoc est eorum nihil habet, quæ specialiter mandanti; lege aliqua sunt concessa, sed eius qui mandauit tantum iurisdictione fungitur, hoc est ea auctoritate, quæ iure communi solet magistratibus competere d. l. 1. §. qui mandatum; nimirum de civilibus causis cognoscendi nec non ad eius cognitionis, iudicijque effectum, coercendi, alias sine modica coercionē iurisdicatio explicari non posset. d. l. vl.

pro-

propterea concessa iurisdictione, & omnia etiam ea concessa esse videntur, sine quibus iurisdictione explicari non potest l. 2. infra de iurisdic. Illud tamen observandum est quod si is qui mādavit iurisdictionem decesserit, antequam res, ab eo, cui mandata est iurisdictione, geri cœperit soluitur mandatū l. 6. infra de iurisdic. sed si res geri cœperit & coram eo cœptum sit iudicium, ibi etiam finem accipiet l. vbi cœptum ff. de iudic. nam & Paulus scribit solere iudices à Præside datos in tempus etiam successorum eius durare, cogique pronunciare l. venditor §. fin. ff. de iudic. Porro, morte eius quoque cui mandatum est, finiri iurisdictionem constat l. inter causas §. 1. ff. mand. nisi sub nomine dignitatis rescriptum esset. §. & hæc verò iubemus Auth. vt nulli iudic. collat. 9. cap. quoniam abbas de offic. delegat. dignitas namque sicut ecclesia nunquam moritur c. liberti ecclesiæ 12. q. 2. l. annua §. Attia ff. de Annuis legat. c. si gratiosè de Rescript. in 6.

Et hæc de Magistratibus verum quia magistratibus assistebant, etiam Assessores, ideo, & de his dicitur in Titulo.

De Officio Assessorum.

Tit. XXII.

1 *Quid sit Assessor.*

2 *Quod sit eius officium.*

QVID SIT ASSESSOR

Assessores dicuntur Iurisperiti, quos Præsides in provincias secum ducebant, vt eorum consilio ius diceret. Nec enim Assessoris officium est iudicare, sed consulere, non pronunciare, sed assistere l. 2. C. de Assessor. Ideo & Cōsiliarij dicuntur in l. 5. h. t. à magistratuque ipso eligebantur, vt tradit Cicero pro Quintio, eisque nonnunquam à Præ-

Præsidibus proficiscentibus causas decidendas delegari cō-
fueuisse, & tunc Pedaneos proprie dictos esse Alciat. lib. 1.
Parerg. cap. 41. annotauit. Peritos ac prudentes etiam, eos
esse oportere constat, aliàs si imperitia vel imprudentia eo-
rum ius aliter magistratus dixerit, quā oportuerit, ipsi tenē-
tur l. 2. infra. Quod quisque iur. Dicere tamen solebat Ale-
xander seuerus imperator, qui primus salaria Assessoribus
constituit, eos esse promouendos, qui per se Rem P gerere
possent, non per Assessores, vt Lampridius in Alexandro
scribit.

Quod sit eius officium.

Horum officium describitur in l. 1. & qui possint assidere tra-
ditur in l. 2. 3. & vlt. Mortuoque magistratu intra tempus,
Assessorib. suis salariū residui tēporis deberi, deciditur in l.
4. quod salariū ex pecunia publica soluebatur, vt colligi-
tur ex l. vlt. & probatur in §. festinabis Auth. de mandat.
princip. Fallit tamen si eodem tempore Assessores alijs
Præsidibus assediissent, nam tunc eis non debetur d. l. 4. si-
cut nec etiam debetur, si successorem ante tempus magi-
stratus acceperit. d. l. 4. & Ratio est, quia cum magistratus
ante finitam administrationem mouetur verisimiliter eius
culpa contingit, ideo nec Assessoribus salariū residui tem-
poris debetur & hęc de Magistratibus eorumque officijs.

Finis Libri Primi.

LIBER

LIBER SECVNDVS

Pandectarum.

De Iurisdictione. Tit. I.

- | | |
|--|---|
| 1 <i>Quid sit Iurisdictione.</i> | 11 <i>Pæne honoraria quæ dicatur.</i> |
| 2 <i>Imperij vox quid significet.</i> | 12 <i>Quid sit mixtum imperium.</i> |
| 3 <i>Quid sit summum Imperium.</i> | 13 <i>Quæ differentia sit quod mixto imperio insit iurisdictione, vel mixtum imperium cohereat iurisdictioni.</i> |
| 4 <i>Quid sit merum Imperium.</i> | 14 <i>In quo consistat modica coercitio.</i> |
| 5 <i>Gradus appellatione quis veniat.</i> | 15 <i>Quid sit multa, & unde dicta.</i> |
| 6 <i>Quot sint gradus meri imperij.</i> | 16 <i>Differentia inter multam et pœnam.</i> |
| 7 <i>Exempla primi gradus meri imperij, quod magnum vocamus.</i> | 17 <i>Carcer de iure civili duplex est.</i> |
| 8 <i>Exempla secundi gradus meri imperij quod mediocre appellamus.</i> | 18 <i>Utilitas distinctionis mixti imperij cui iurisdictione inest ab eo quod coheret iurisdictione.</i> |
| 9 <i>Quæ differentia sit inter Deportationem & Relegationem.</i> | 19 <i>Quid sit simplex iurisdictione.</i> |
| 10 <i>Exempla tertij gradus meri imperij quod paruum dicimus.</i> | |

DEcurfis breuiter generibus magistratuum & officijs eorum, rectè ponitur Tit. de iurisdictione, in qua exercenda potissimum verètur magistratuum auctoritas, inscribiturq; hic Tit. in Pandectis Florentinis simpliciter de iurisdictione. At in vulgata editione additur, omnium iudicum. Quidam florentinam Alij vulgatam editionem magis probant. Vt cuiusque sit, satis constat tractari in hoc Tit. de iurisdictione, tam in Civili, quam in

M

Civ.

90 Pandectarum Liber Secundus.

Criminali, vt in l. Imperium, tam maiorum, quam minorum iudicum, vt in l. si idem, & in l. magistratus.

QVID SIT IURISDICTION.

Iurisdictio est nomen generis & speciei, sicut adoptio l. 1. supra de Adopt. & Agnatio, l. pen. ff. vnde legit.

Generaliter accipitur pro omni cognitione, tam in Ciuili, quam in Criminali causa cap. 1. §. 1. de Pace Constantiæ in
1 Vtibus feudorum; quo sensu non distinguitur ab Imperio, & Definitur vt sit publica iuris dicendi tam in ciuilibus, quam in criminalibus causis potestas.

Specialiter accipitur pro cognitione in causa ciuili, & definitur, vt sit publica in ciuilib. causis iuris dicendi potestas, l. 1. §. damus, ff. de suspect. Tutor. & secundum hanc significationem iurisdictio distinguitur ab Imperio, nam Imperium in specie accipitur, pro coercione, & ideo illi magistratus dicuntur esse con Imperio, qui possunt coercere l. 2. infra de in ius vocand. l. nec magistratibus, ff. de iniurijs con similibus. At quia coercio duplex est, alia in Criminali, alia in Ciuili causa, inde factum est, vt Imperium sit duplex, Aliud Merum, Aliud Mixtum, seu non merum l. vl. supra de offic. eius l. Imperium hoc Tit.

QVID SIT IMPERIUM.

Imperij vox sine vlla adiectione, cum de Populo, aut Principe loquimur, vniuersam, ac supremam eius potestatem, & ditionem significat l. 1. supra de Constitut. Princip. Quæ &
2 merum Imperium, & mixtum, & iurisdictionem, & alia multa etiam extra iurisdictionem continet; pro vt est condere leges d. l. 1. (errant enim qui condendæ legis potestatem ad merum imperium pertinere tradunt; cum nec in delinquentes animaduertatur, nec ius in foro dicatur) officia creare l. Barbarius in fine supra de offic. Prætoris, indulgentiam, & gratiam delinquentibus concedere l. 1. C. de sent. pass. & infra ad S. C. Turpil. per totum; veniam ætatis Tot. Tit. de his qui veniam ætat. impetrauer. sententias etiam in criminalibus mutare, l. Diui, ff. de Pœn. & alia multa facere, quæ nec in iurisdictione, nec in Imperio versantur, &
 soli

soli principi competunt, & ad solum eius supremum. Imperium pertinent.

Quid sit summum Imperium.

Imperium diuidere possumus, vt Aliud sit Summum, quod scilicet, apud solum principem residet, Aliud Merum, 3 & Aliud Mixtum; Atque hinc cessabit antiquorum altercatio, An apud solum principem sit merum imperium, de qua olim magna contentio fuit apud duo iuris nostri lumina Lotharium, scilicet, & Azzonem, facta etiam equi apud sequestrum sponfione. Hic enim apud omnes maiores magistratus esse contendebat. Ille verò apud solum principem, pro quo Henricus Imperator, qui tum fortè Bononiam venerat suæ causæ nimium fauens pronunciauit. Nam debemus intelligere apud solum Principem, summum Imperium esse, & regimen Rei P. & non ad alium, sed merum Imperium esse apud illos quibus Princeps concessit, veluti, olim apud Consules, Dictatores, Quæstores parricidij, Præfectos prætorio, Prætores, Præfectos Vrbi, Proconsules, Præfides, & alios, de quibus in l. 2. §. exactis supra de origin. iur. in lege prima, ff. ad S. C. Syllan. in lege prima, §. in urbem supra de offic. præfecti. Vrbi in lege septima, in fine, supra de offic. proconsul. in l. illicitas, §. qui vniuersas supra de offic. præfidis Idem, & in mixto dicendum est, vt apud illòs consistat, quibus a principe datum est; Et sic non est supremum imperium con mero, & mixto confundendum, cum ista a supremo proficiantur, licet DD. hætenus confuderint, & simul miscuerint, ex quo infinitæ prouenerunt interpretum confusiones, quæ facillè diluentur per prædicta.

Vidimus de summo, ac supremo imperio, quod apud solum principem residet; videamus nunc de Mero quod etiam maioribus magistratibus competit, & ipsum definiamus simul con Vlpiano in l. imperium hoc pacto.

M 2 Quid

Quid sit merum imperium.

Imperium Merum est habere gladij potestatem ad animaduertendum in facinorosos homines quod etiam potestas appellatur. Interpretes secuti Bartolum alio modo definiunt, dicentes Vlpianum hic non definire merum imperium, sed exempla tantum ponere. ego verò Definitio-

4 rium, ac Descriptionem apposuisse Vlpianum censeo in hoc secutus Angel. Fulgos. Alciat. Loriot. Rebuff. Bolognet. & alios.

Meri propria significatio est, vt ea tantum notet quæ sola sunt simplicia, & pura neque alteri rei aliquo modo permixta sic stipulatio dicitur merum factum continere cum factum tantum, non dationem continet l. qui res §. qui Romæ ff. de solutionibus mera pœna, quæ nullam rei, aut eius quod interest persecutionem habet l. vnica in fine infra si quis ius dicenti non obtemperauer. merum aurum, non commixtum con alio metallo, sed per se purum l. idem Pomponius infra de Rei vendicat. Sic igitur, & merum imperium a iure consultis dicitur quasi purum, solum nec ullatenus iurisdictioni, idest, ciuiliū causarum cognitioni coniunctum non probo sententiam Bartoli, vt merum dicatur liberum quo ad principem, & quo ad alios non.

Gladij autem appellationem, reiecta accursiana expositione intelligo de ciuili delictorum punitiuo prout Angel. &

5 omnes moderni faciunt alias enim si intelligeretur de materiali tantum prout Accurs. Bart. & plures alij ex antiquioribus crediderunt sequeretur quod non omne vltimum supplicium pertineret ad merum imperium sed illud tantum quo vita adimitur gladio materiali quod non est dicendum; nam Lex Pompeia de parricidio pertinet ad merum imperium & tamen non punit parricidam gladio, sed alia pœna §. alia Inst. de Public. iudic. Item mors naturalis datur per suspensionem concremationem damnationem ad bestias, & precipitationem, & tamen omnes illæ pœnæ

læ pœnæ continentur sub hoc nomine gladij vt omnes sententur. Neque obstat l. aut damnum §. i. ff. de Pœnis, ibi animaduerti oportet gladio non securi, non telo non laqueo, quia Resp. quod ideo ibi intelligitur de materiali, quoniam Iudex in sententia sua vsus fuerat eo verbo, gladij, quæ sententia semel dicta neque augeri, neque minui potest, sed quoquomodo dicta est ita mitti debet executioni. sic apud Spartianum legimus, quod Antoninus Caracalla pessimus Imperator qui iusserat. Papinianum gladio feriri eo quia fratricidium excusare noluerat, erga percussorem hæc verba protulit. gladio oportuit te exequi iussum meum, non securi. Et sic gladij appellatio intelligitur nedum de materiali, sed etiam de ciuili, & ita gladij appellatione merum imperium, seu ius vitæ, & necis significatur. Ideo autem de gladio mentionē facit l. c. quia meri imperij nota, & signum est gladius quem soli Imperatores gestare solebant, item Præfetti prætorio quibus illum Imperatores cōcedere solebant, Sic Trajanus Scuram Liciniū ad præfecturam promoturus gladium ei porrigens, in hæc verba locutus fuit, Accipe hunc gladium, vt eo si bene Imperaui, pro me, sin male, contra me utaris. Atque inde est, quod magistratus, qui habent merum imperium deferrunt gladium ante se cap. non solum cap. sunt quædam 23. quæstio. §. ad denotandum eos habere vitæ, & necis potestatem.

Quot sint Gradus meri imperij.

Meri imperij DD. plures gradus faciunt. Bart. sex ponit, dicens, Aliud esse merum imperium maximum. Aliud Maius. Aliud Magnum. Quoddam paruum; Quodam minus, & quodam Minimum.

In Primo gradu meri imperij maximi ponit Bartol. potestatem condendi leges.

In secundo gradu maioris imperij ponit vltimum supplicium membri abscissionem, damnationem in perpetuos car-

94 Pandectarum Liber Secundus.

ceres, & in metallum coercionem.

In tertio gradu magni imperij ponit Deportationem.

In quarto gradu parui imperij ponit Relegationem, & Torturam.

In quinto gradu minoris imperij ponit modicam coercionem corporis.

In sexto, & ultimo gradu minimi imperij ponit leuem multam.

Ego autem merum imperium diuidam in Magnum, Mediocre, & Paruum: exemplo Pauli l. C. qui lib. §. recepti. sentēt. Tit. 17. tria suppliciorum genera facit summa, Mediocria & Minima, ideo & ego, tres gradus meri imperij constituo.

Primi gradus meri imperij quod magnum vocamus multa, & uaria exempla adduci, ac in medium afferri possunt.

Primum exemplum erit, ultimum supplicium, quod exercetur in quatuor elementis, scilicet in terra cum quis decapitatur, qua pena nobiles damnari solent l. moris est §. sed. n. ff. de Poen. in aere, cum furca suspenditur quod poenae genus exercetur in latrones l. capitalium §. famulos ff. de Pen. & in seditionis auctores l. si quis aliquid §. auctores ff. Eod. in igne cum quis comburitur quod genus poenae exerceri solet in incendiarios d. l. capitalium §. incendiarii, in fortilegos, siue aruspices, l. 3. C. de Malefic. & Mathemat. in Monetarios l. 2. c. de Falsa monet. item, & in haereticos c. super eo de haeretic. lib. 6. & Ioan. cap. 15. ac demum in aqua cum quis in mare, vel flumen proijcitur, qua poena parricidae puniuntur §. alia Instit. de Publ. Iudic.

Secundum exemplum erit membri abscissio, quae poena, & ipsa capitalis est, & morti aequiparatur §. ad haec prohibemus Auct. de collat. nam poena afflictiva corporis in aliquo membro, totum corpus affligere dicitur argumento l. vulgaris ff. de Furt. quia ut dicunt Philosophi, ac etiam Theologi, anima est tota in toto, & tota in qualibet parte, & ideo si infans dum nascitur e ventre matris eduxerit, aut pedem, aut manum tantum in illis potest baptizari, & baptizatus recipit

pit sacramentum, & si moriatui debet in cimiterio sepeli-
ri Ricard. in 4. sent. Distinct. 3. Arct. 4. quæst. 3. Bart & Ias.
in l. 3. C. de Posthum. hæred. b. instit.

Hæc tamen pœna abscissionis membri de iure Digestorum co-
gnita non fuit. Vnum casum inuenio de iure Codicis in
quo pedis amputatio imponitur contra scruum fugitiuum
ad hostes transeuntem l. si fugitiui C. de seru. fugit. Alter ca-
sus est de iure Authenticorum contra executores tributo-
rum infideliter scribentem, qui amissione manus punitur §.
coges autem Auth. de Mandat. princip. Tertius est de iure
feudorum contra vulnerantem aliquem sub fide pacis cap.
1. §. si quis alium De Pace tenenda in vsibus feudorum. Quar-
tus est de eodem iure feudorum contra notarium conficien-
tem instrumentum alienationis feudi cap. Imperialem de
Prohibit. feud. alienat. per Federicum Quintus est de con-
suetudine contra conficientem instrumentum falsum Gan-
din. de malefic. Tit. de Pœnis num. 52. & 54.

Illud omitendum non est, quod abscissio vtriusque manus, &
vtriusque pedis prohibetur a Iustiniano in §. fin. Authen. Vt
nulli iudic.

Tertium exemplum morti proximum erit metalli coercio l.
capitalium, & l. quidam sunt, ff. de Pœn. Priscis enim Ro-
manorum religio fuit, hominem quemlibet malum, & Rei
P. perniciosum necare, vnde M. Cicero scribit, morte dam-
nare non Romanorum, sed externorum esse in orat. pro Q.
Ligario, omniumque crudelissimus Sylla habitus fuit, qui
primus Romæ multare morte reos introduxit: ideo alia
supplicia Romani excogitarunt, vt in metallum coercio-
nem, quod pœnæ genus Tarquinius superbus primus exco-
gitasse fertur, vt tradit Eutropius lib. 1. cap. 10. aquæ &
ignis interdictionem, Deportationem, Relegationem, &
similia.

Damnati in metallum grauib. vinculis pressi metallicum
opus faciebant, nam intra terræ venas metallum perquire-
bant, arenas lauabant. quod subsidebat, deinde coquebant
in fornacibus, diu, noctuque in labore perseuerabant, nulla-
que ab opere dabatur eis requies, aut laboris intermissio.

Quin

Quin plerunque verberibus vsque adeo augebatur eorum calamitas, vt ob miserix calamitatem mors vita obtabilior illis esset. Eademque pœna erat damnatorum in opus metalli, nisi quod leuioribus vinculis premebantur. Aut damnum §. inter eos, ff. de Pœnis.

Quartum exemplum primi gradus meri imperij erit, damnatio ad perpetuos carceres, morti simillima, quam pœnam habent iura canonica cap. nouimus de verb. significat. cap. quamuis de Pœnis in 6.

Et hæc quatuor exempla, scilicet, vltimum supplicium, Metallum coercio, membri abscissio, & ad perpetuos carceres damnatio ponuntur a Bart. in secundo gradu meri imperij. Nos tamen rectius in primo ponimus, quoniam condendæ legis potestatem, quam Bart. in primo gradu meri imperij enumerat, iam supra diximus, non meri, sed iupremi imperij esse, quod ad solum principem spectat.

Addere possumus in hoc eodem primo gradu meri imperij, etiam damnationem ad perpetuos triremes, quæ & damnationi in metallum, & ad perpetuos carceres, æquiparari rectè potest, cum dammentur ad vincula perpetua, & ad opus publicum. Aut damnum, §. inter, §. quisquis, §. in ministerium, & §. fin. ff. de Pœnis. Et sic conuequenter serui pœnæ efficiantur; Neque obstat, quod hodie iure nouo nemo liber homo per cõ. demnationem in perpetuum ad aliquod opus libertatem amittat, vt in Auth. sed hodie, C. de donat. inter vir. & vxor. quia hoc verum est quantum fit ad dispositionem iuris, secus quo ad veram corporis libertatem.

Et sic omnes supradictæ pœnæ, quæ vel vitam, vel libertatem adimunt, rectè a nobis in primo gradu meri imperij positæ sunt, cum n. si non mortis, morti saltem proximæ sint.

Secundi gradus meri imperij, quod mediocre appellamus multa etiam, ac plura exempla sunt, quæ respiciunt pœnas acris 8 ris castigationis, sed quæ tamen, nec vitam, nec libertatem adimunt.

Primum exemplum erit Deportatio, quæ licet esset species exilij atrocissima, attamen libertatem non adimebat, & ideo media capitis diminutio dicitur in §. minor siue media in lit.

Instit. de capit. diminut. Neque obstat tex. in l. cognitionē, ff. de Extraordin. cognit. vbi I. C. scribit, libertatem adimi, veluti cum aqua & igne interdicitur, quod in persona deportatorum euenit; quoniam Resp. quod I. C. in d. l. loquitur de libertate, quæ est iuris Quiritum, sed non adimitur ea, quæ est iurifigentium, ita conciliat Duaren. lib. 1. disput. cap. 9. & Cuiac. in d. §. minor.

Deportare est hominem de Ciuitate in certum aliquem locū ablegare; vt reliquo orbe disclusus ibi, delictorum suorum poenam luat successitque hæc deportatio in locum interdictionis aquæ & ignis, vt habetur in l. 3. ff. ad l. Iul. peculat. olim enim iure Quiritum Cui Romano vita adimi nō poterat, quod Cæsar apud Salustium in coniuratione Catilinæ elegantissimè persequitur; & nos suprā diximus. Eodem iure nemo inuitus, Ciuitatem, aut libertatem amittebat, vt Cicero tradit pro Balbo, pro Cecina, & pro Domo sua; Ideo ne delicta impunita remanerent, rationem Romani excogitarunt, qua noxios Ciues, saluis maiorum suorum legibus, Ciuitate pellerent, itaque aquam & ignem eis interdixerunt, vt his subsidijs, quibus humana vita continetur destituti in alias terras migrare, in aliamque Ciuitatem se conferre cogerentur, inquam postea recepti Romanam Ciuitatem amittebant, quia nemo duarum Ciuitatum ciuis esse poterat, vt Cicero in Orat. pro Balbo scribit. In talique interdictione nominatim comprehendebatur, ne liceret eos, quibus aqua, & igni interdictum erat tecto excipere, legeque Iulia de vi publica & priuata tenebantur, qui eos recepissent, celassent, vel tenuissent. Iuuenal. Satyr. 3.

Nemo cibo, nemo hospitio, tectoque iuuabit.

Et Ouid. Metamorph. lib. 7.

Dij te submoueant o nostri infamia secli,

Orbe suo, tellusque tibi, pontusque negetur.

Secundum exemplum est, Relegatio ad tempus, vel in perpetuum, vel etiam in insulam, quæ mitior est deportatione, nam Relegati omnia sua iura, & bona retinent, quod non est in Deportatis l. relegati, & l. relegatorum, §. hæc est differentia, ff. de interdict. & Relegat.

N

Inter

Inter Relegationem & Deportationem, Budęus in l. capitulum, §. in exilibus, ff. de Pœnis hoc interesse scribit, quod scilicet, Relegatio sit cum quis exire fines patrię iubetur. 9 Deportatio verò cum præter exterminationem certus etiã locus, ac limitatum spacium circumscribitur d. §. in exilibus. Quę discriminis ratio non satis probabilis videtur, cū etiam Relegatio interdum in certam insulam fieri, & certus locus Relegato circumscribi soleat vt patet in d. l. relegati & in d. l. relegatorum, & in d. §. in exilibus. Ideo ego existimo simul con Donello in l. 1. C. de Hered. instit. num. 10. Relegatos à Deportatis distinguere verba sententię, sic, vt Relegati intelligantur in quibus eiiciendis Præses relegandi verbo vsus sit, Deportati, in quibus vsus sit verbo deportandi, id quod & Bolognetus in l. imperium nu. 77. hoc Tit. voluisse videtur. Cuius rei exemplum etiam nobis præstat Ouidius, qui ab Augusto in Pontum relegatus, neque tamen exul, aut deportatus fuit. Sic enim ipsę suę infelicitatis testimonium perhibens lib. 5. Tristit. Eleg. 3. ad Augustum Cæsarem loquitur.

*Nec mihi ius ciuis, nec mihi nomen abest
Nec mea concessa est alijs fortuna, nec exul
Edicti verbis nominor ipse tuis.*

Arua Relegatum iussisti visere ponti.

Idem lib. 2. Tristit. Eleg. vnica.

Addo quod edictum quamuis immite, minaxque

Attamen in pœna nomine leue fuit.

Quippe Relegatus, non exul, dicor in illo.

Et lib. 5. Tristit. Eleg. 12.

Nec vitam, nec opes, nec ius mihi ciuis ademit:

Nil nisi me patrijs iussit abesse focis.

Ipse Relegati, non exulis vititur in me

Nomine.

Tertium exemplum est, Tortura, si ad pœnam fiat, Dec. hic in l. imperium num. 49. Socin. num. 24. Orosc. num. 34. Bolognet. num. 79. & alij. Si verò fiat ad veritatem inuestigandam, modò meri, modò mixti imperij dicetur, prout causa fit, ob quam quæstio fiat Bolognet, dicto loco.

Hæc

Hæc tria exempla ponuntur à Bart. sub diuersis gradibus, nam deportationem ponit in tertio relegationem verò & torturam in quarto. Nos tamen omnia sub eodem gradu ponimus, cum omnes sint pœnæ acrioris castigationis, & per quas corpus acriter afficitur. si quid erit supra de offic. proconsul. illud animaduertendum est, quod dum Iust. in §. fin. Auth. vt nulli iudic. dixit membrorum dissolutionem esse grauiorem vtriusque manus abscissione, non loquitur de Tortura, sed de dissolutione, & fractione membrorum perpetua, & quæ reducibilis non sit, Rotæ enim inferbantur noxij, & membratim rotarum conuulsi radijs, lentitudine mortis maximo cruciatu perimebantur Vergilius Aeneid. 6.

Saxum ingens voluunt alij, radijsque rotarum.

Districte pendet.

Nota est Ixionis fabula, qui cum cœli honore à Ioue dignatus esset arcanorumque ipsius particeps, Iunonem amatam de stupro interpellauit, illa in sui similitudinem, nubem obiecit, ex cuius complexu centauros genuit. Iupiter indignatus con fulmine eum ad inferos deiecit, Rotæque volubili, ac serpentum plenæ alligauit. Vnde & Vergilius.

Atqui Ixioni vento rota consistit orbis.

Et Ouidius.

Voluitur Ixion, & se sequitur, fugitque;

In hoc eodem gradu poni potest etiam excommunicatio, quæ est meri imperij secundum Innocent. in cap. transmissa de Election. & appellatione mortis de iure canonico comprehenditur excommunicatio cap. per venerabilem & ibi Abb. Qui fil. sint legit. & eodem modo appellatione pœnæ capitalis Gloss. in cap. 1. in verbo titulos de sent. excommunicat. nam nulla est maior pœna in Ecclesia quam excommunicatio cap. corripiantur 24. q. 3. Ideo Gloss. in §. minor Instit. de capit. diminut. dicit, quod excommunicatus æquiparatur Deportato, & Gloss. in cap. pastoralis in gloss. fin. post princip. de Appellat. dicit, quod æquiparatur relegato. Item poni potest etiam in hoc eodem secundo gradu meri imperij, carceratio ad tempus, vel condemnatio ad tempus

ad opus publicum l. capitaliū §. diuus, ff. de Pœnis & tradit post alios Bolognet. d. nu. 79. & omnes Moderni volunt.

Tertij gradus meriti imperij, quod Paruum dicimus multa etiā exempla afferri, ac in medium adduci possunt, quæ ad estimationem non ad capitis periculum pertinent, & quæ à Bart. in §. & 6. gradu ponuntur.

Primum exemplum erit, Fustigatio, quæ est famosissima l. fustium, C. ex quibus caus. infam. irroget. quando tamen ex turpi causa irrogatur l. ictus fustium inf. de his qui not. infam. Secundum exemplum erit, vinculorum publicorum, l. capitalium, §. ad statuas, ff. de Pœnis l. senatusconsulto, ff. de iniur. Intelligo vincula, machinas quasdam ligneas in quibus sunt foramina, vt collum imitatur, non autem intelligo de carcere, cum carcer non sit inuentus ad pœnam, sed ad custodiam l. aut damnum, §. solent, ff. de Pœnis. vide Cuiac. obseruat. lib. 12. cap. 29.

Tertium exemplum erit, in omnibus pœnis criminum irrogantibus infamiam, vt sunt remotiones à dignitate & missiones ignominiosæ l. 2. §. miles, & §. ignominiosam, ff. de his qui not. infam.

In hoc eodem gradu poni possunt etiam pœnæ honorariæ, cuius species multæ enumerantur à Io. Langleo Semestr. lib. 10. cap. 1. Fuit pœna honoraria illa, quam in militiæ desertores, eosque qui pro patria arma capere recusassent Charondas Thuriotum legumlator constituisse dicitur, lege enim sanxisse eum, Diodorus est author, vt huiusmodi viri muliebribus vestimentis induti, in medio foro sistere cogerentur, terque eodem singulis diebus, ante omnium ora suggesto, eodemque ornatu consistere. Tametsi enim ab antiquis legumlatoribus, mortis supplicio coercita huiusmodi ignauia fuisset, non minus grauis videbatur hæc honoraria multa, longè namque (ait ille) mortem præstat optinere, quam tantam ignominie calamitatem, diutius in media patria experiri, tamque abiecto ludibrio ciuibz suis, vulgoque vitam perpetuo obnoxiam trahere Diodorus Sicul. Biblio. suæ lib. 12. Fit, & ab eodem mentio honorarij alterius supplicij, quod & Charondæ legibus constitutum fuit.

fuit, aduersus eos qui calumniæ cuiquam illatæ conuicti fuissent, nempe, vt ij per urbem myrica coronati circumueherentur, cunctisque sic circumpassim ciuibus ostentati, innotescerent, peruulgato supplicij probro, veluti perniciosissimæ flagitij genere, contaminati, mores gererent, exagitarentur. Additque Diodorus fuisse nonnullos huius sceleris conuictos, quibus sibi ipsis manus afferre, mortemque sibi consciscere iucundius visum fuit, quam in tanta probri ignominia vsquam conspici: d. lib. 12. Fuit & honoraria pœna verbalis castigatio, de qua diximus supra in Tit. de offic. præf. vigil. sic apud Dionem Liuiam, eos qui propter adolescentiam, aut imprudentiam, aut ignorantiam aliove casu volentes deliquerint, aut inuiti, arbitratur esse tantum admonendos, propositisque minis continendos, cuius oratione permotus Augustus reos plurimos verbis solum admonitos dimisit. Dion. in August.

Item poni potest etiam exemplum in pœna pecuniaria, quando pœna fisco applicatur, nam tunc æquiparatur pœnæ corporali secundum Glossam in l. lex Cornelia in principio, ff. de iniur. & in l. 3. vbi & Bart. notat, ff. de sepulchr. violat. & tradit Riminald. & Bolognet. in d. l. imperium nu. 83.

Et hæc de mero imperio dicta sufficiant. Nunc de mixto videndum est.

Quid sit mixtum imperium.

Mixtum dici nemo ignorat quod alteri rei permixtum est, veluti plumbum con argento l. Idem Pomponius, §. sed si 12 plumbum infra, de Rei vindicat. vel quod naturam diuersorum sortitur, pro vt mixta actio dicitur, quæ tam rei, quam pœnæ persecutionem continet §. sequens Instit. de Action.

Ideo, & Mixtum Imperium dicitur, quod participat, & de Imperio, & de iurisdictione, & quod iurisdictioni, seu causarum ciuiliu cognitioni, ita coniunctum est, vt ei inseparabiliter cohæreat l. 1. §. vlt. supra de offic. eius. vnde recte possumus dicere, quod qui habet iurisdictionem, hoc quoque

Im-

Imperiū habere intelligitur vt in l. vlt. Eod. Tit. de off. eius. Atque hinc patet, merum, & mixtum inuicem opponi, quod & facit illud Martialis Epigramma de Caupone raenatæ ostendit. ibi.

*Sit scisterna mihi, quam vinea malo Raennæ
Cum possim multo vendere plus aquam
Callidus imposuit, nuper mihi caupo Raennæ
Cum peterem mixtum, vendidit ille merum.*

Mixtum igitur Imperium dicitur secundum Vlp. in d. l. imperium; illud, cui iurisdictionis inest, quod in danda bonorum possessione consistit. Papinianus autem in l. i. §. fin. supra de offic. eius, scribit, Mixtum imperium esse, quod iurisdictioni coheret id quod postea in modica coercione consistere dixit Paul. in l. fin. Eod. Tit.

Sciendum tamen est, differentiam esse. An in mixto imperio inest iurisdictionis, vt in d. l. Imperium; An verò mixtum imperium coheret iurisdictioni, vt in d. l. i. §. fin. Nam.

Mixtum Imperium, cui iurisdictionis inest, illud est, in quo vis imperij magis elucet, quam iurisdictionis, veluti, cum Prætor in integrum restituit l. eaque, ff. ad l. Municipal. iudices litigantibus dat l. i. hoc Tit. bonorum possessionem decernit l. 3. cauere iubet ex causa damni infecti l. 4. in possessionem ventris nomine, aut legatorum seruandorum causa mittit l. 4. §. vlt. supra de offic. eius, alijsque extraordinarijs postulationibus, quas nos officij iudicis implorationes vulgò dicimus, morem gerit l. hæreditas in fine, ff. de Petit. hæredit. l. pecuniæ §. actionis, ff. de verb. significat.

Mixtum autem imperium, quod iurisdictioni coheret illud est, quod deferuit iurisdictioni, & eius explicandæ causa exercetur d. l. i. §. fin. supra de offic. eius quod postea in modica coercione consistere dicitur in l. vlt. Eod. Tit.

Sed dubium est in quo consistat hæc modica coercio, Bart. in l. 1. 2. nu. 2. hoc Tit. putat eam consistere in verbis non in re, & ita intelligit, d. l. vlt. & probatur etiam.

Primo per l. i. ff. de iur. patronat. vbi libertus in officio patrono castigatur a Præsede verbis, sub comminatione seu-
ritatis non defuturæ, si rursus causam querelæ præbuerit.

Se-

Secundo per l. 1. §. cum patronus supra de offic. præf. vbi ;
vbi si patronus à liberto contemnat, Præf. vbi pro
modo querelæ corrigere, aut comminari, aut fustibus casti-
gare, aut vltius in pœna procedere potest.

Tertio per l. nec quicquam §. de plano supra de offic. procon-
sul. vbi dicitur posse Proconsulem de plano libertum non
obsequentem verbis emendare & filium à patre oblatum,
qui non vt oportet, conuersatur, minaciter terrere.

Quarto per l. 3. supra de offic. præf. vigil. vbi Præf. aut
fustibus castigat eos, qui negligentius ignem habuerunt aut
seuera interlocutione comminatus fustium castigationem
remitte.

Sed hæc iura, nihil faciunt ad rem ; quia ista castigatio verba-
lis, quæ honoraria dicitur, ex causa criminis originem tra-
hit, & ideo meri imperij infimi, prout supra etiam à nobis
posita fuit, & non mixti, censi debet.

Credo igitur ego, hanc modicam coercionem, quæ iurisdic-
tioni cohæret, consistere in executione rei iudicatæ in ci-
uilibus.

In actione enim reali fit executio, modo, & forma tradita in l.
qui restituere infra de Rei vindicat. quæ est, vt si rem ha-
beat Reus, militari manu cogatur eam restituere, si non
habeat, sed dolo deserit habere, condemnatur quanti A-
ctor in litem iurauerit, si nec habeat, nec dolo deserit habe-
re, quanti Actoris interfit.

In actione autem personali, fit executio captis pignoribus l. si
quis à liberis §. si quis ex his, ff. de liber. agnoscend. & hanc
coercionem habet etiam Magistratus municipales l. quem-
admodum §. magistratus, ff. ad l. Aquil.

Fit etiam coercio mulctis impositis l. 1. §. ex hoc rescripto, ff.
de ventr. inspic. Est autem mulcta pœna pecuniaria, qua
Magistratus pro modo iurisdictionis suæ contumaces, &
inobedientes coercent l. 2. §. vlt. infra si quis in ius vocat.
non ierit l. si qua pœna 13 l. & l. aliud est fraus 144 ff. de verb.
significat. Mulctam inde dictam M. Varro scribit lib. 19.
rer. human. quod cum olim pecuniaria peccati pœna vna
tantum exigi solet, vt Ovis, aut Bos, multa, seu multiplex
postea

postea exigi cœperit; Multæ vocabulum, non latinum, sed Sabinum esse, idem Varro author est. Erat autem olim maxima, multa triginta boum, & duarum ouium; minima autem vnius ouis Gell lib. 11. cap. 1. cuius solemnia verba hæc fuisse idem Gell. ex Varrone scriptum reliquit. M. Terentio quando citatus, neque respōdit, neque excusatus est. Ego ei vnam ouem multam dico. inde postea lege Aterina in pecunia multari cœptum fuit, & oues, singulas denis æris, boues centum æstimatæ fuerunt Gell. dicto loco.

Bart. tamen in vltimo gradu meri imperij, putat multam esse meri imperij. Sed animaduertendum est, quod constituitur differentia, inter pœnam, & multam. Primo quia multa infligitur contumaciæ, pœna delictis. Secundo, multa est pecuniaria tantum, pœna ne dum pecuniaria, sed etiam corporalis. Tercio multa consistit in solo arbitrio iudicis quamuis arbitrando, modum lege præscriptum excedere non possit. eos, C. de Modo multar. pœna ex constitutione iuris pendet d. l. aliud est fias, & d. l. si qua pœna.

Item coercetur debitor etiam captura personæ l. cum ab eo, ff. ad l. iul. peculat. nam debitores detinentur, si creditoribus non satisfaciant datis bonis Gloss. in l. 3. §. tutores, ff. de suspect. Tutor. & ibi Bart. num. 3.

Carcer de iure civili duplex est, alter ad custodiam delinquentium, alter ad custodiam debitorum. Si carceratio fiat ex causa delicti, est meri imperij, quia idem iudicatur de principio actus, quod de ipso actu l. oratio, ff. de sponsalib. con-
17 similibus, ideo si Reus carceretur ad hoc vt inde cōtra eum inquiratur de delicto, talis carceratio erit meri imperij, si cur ipsum delictum, pro quo detentus fuit. At si carceratio fiat ex causa debiti, erit mixti imperij, nam potest quis in multis casibus detineri in carcere pro debito, donec satisfaciatur l. 1. C. Qui bon. ceder. poss. & d. l. cum ab eo, ff. ad l. iul. peculat.

Hæc distinctio mixti imperij, cui iurisdictio inest, ab eo quod coheret iurisdictioni, non caret fructu, & vtilitate; quia
18 Mixtum Imperium, cui iurisdictio inest, mandari quidem nominatum potest l. 4. supra de offic. eius. Ceterum mandata sim-

ta simpliciter iurisdictione non transit, nisi singularis fauor causæ postulet d.l. 4. At mixtum imperium cohærens iurisdictioni, non modo specialiter mandari potest, sed etiam generaliter mandata iurisdictione transit, quia sine eo iurisdictionis nulla esset l. ult. supra de offic. eius & propterea dicitur in l. 2. hoc Tit. quod data iurisdictione, omnia censentur data, sine quibus iurisdictionis explicari non potest, & hæc de imperio & mero, & mixto dicta sufficiat restat nunc vt & de simplici iurisdictione dicamus.

Quid sit simplex iurisdictionis ?

Simplex iurisdictionis secundum eundem Vlpianum in eadem l. imperium, est iudicis dandi licentia. Mirantur plerique quod Vlpianus iurisdictionem esse iudicis dandi licentiam
19 dixerit, adeo vt & nonnulli paulo audaciores cõtenderint, legendum esse, non iudicis dandi, sed iuris dicendi, contra fidem omnium exemplarium. Ego autem, nihili verius & ad tempora Vlpiani accommodatius dici potuisse existimo, nam eo tempore, Prætores, & alij similes magistratus, iudicia, & iudices dare in causis priuatis & pecuniarijs magis, quàm iudicare solebant. Qua ratione idem Vlpianus docere volens quam latè pateat ius dicentis officium, ait in l. 1. eum posse iudices litigantibus dare, nec vllam cognitionis, aut iudicationis mentionem facit. Sed postea posteriorum Imperatorum temporibus, nempe à Diocletiano vsque ad Iustinianum, cognouerunt Magistratus, ac dandorum iudicium mos ferè obsoleuit. Prius enim constituit Diocletianus, Præsides posse cognoscere, de quibus causis ante iudices dabant, & veteabantur ipsi cognoscere l. placet, C. de Pedan. iudic. vnde si ad tempora Vlpiani inspicimus, rectè dicimus; iurisdictionem esse iudicis dandi licentiam; si verò posteriora tempora, nõ malè definiemus iurisdictionem esse cognoscendi, iudicandique facultatem in causis priuatis, ac pecuniarijs. Et hæc de iurisdictione etiam dicta sufficiant.

Cognita iurisdictione succedit impetratio iudicij, qua in par-

O

te, ac

te, ne quis, aut petere, aut concedere, ius, iudiciumve iniquū audeat, primum edicitur, ut quod quisque iuris quis in alium statuerit, vel obtinuerit, eodem & ipse contra se utatur, quæ est æquissima lex rationis, & utilis constituendis rectè iudicij regula in Titulo.

Quod quisque iuris in alterum statuerit ut:
ipse eodem iure utatur.

Tit. I I.

- | | |
|--|---|
| 1 <i>Edictum quod quisque iuris ad quid pertineat.</i> | <i>consilium contra se.</i> |
| 2 <i>Differentia inter magistratum ius nouum et iniquum statuentem & partem impetrantem.</i> | 4 <i>Quid si magistratus Affessorum opera utens aliquid noui statuerit.</i> |
| 3 <i>Si Doctor consuluit in vno casu, & similis sibi contingat, an teneatur sequi illud</i> | 5 <i>Quid de Procuratore.</i> |
| | 6 <i>Et an omnes possint vii re-torquitione contra impe-trantem..</i> |

Edictum quod quisque iuris, quod Ciceronis ætate in vfu etiam fuisse ex eodem Cicerone Epist. 1. ad Q. Fratr. lib. 1. constat, & cui conuenit illud. Quod tibi fieri non vis, alteri ne feceris, dictum ab Alexandro seuerο adeo dilectum, & veneratum, ut illud in Palatio, & alijs publicis operibus præscribi iusserit, quemadmodum Lampridius in illius vita narrat. pertinet non solum ad iurisdictionem coercendam eorum magistratuum, qui ius nouum, & iniquum contra alios statuunt, præcipiendo, statuendo, vel sententiando; sed etiam ad coercendam audaciam partium, quæ & ipsæ ius nouum, & iniquum, iniquam sententiam, aliquodve decretum contra ius aduersus alios obtinent; nam & Magistratus finito officio (quoniam donec illud gerit, in ius vocari non posse constat) 1. 2. infra de in ius vocand.) &

Para.

- Pars contra se, cum euenierit casus in eorum personis, eodem iure vti tenentur l. 1. §. qui magistratum, & §. si quis.
2. Differentia tamen est intr Magistratum, & Partem. Nam Magistratus non aliter tenetur, nisi quando dolo statuit l. 2. & tenetur etiam si pars potuerit appellare, & non appellauerit secundum Bart. & omnes, quia dolus præponderat culpæ. Pars verò tenetur etiam si sine dolo impetrauerit secundum Gloss. in d. l. 1. in verbo, si quis, quæ duplicem rationem reddit. Item non sufficit magistratum statuisse nouum ius, nisi & illud nocuerit alicui, quia verba con effectui accipi debent d. l. 1. §. hæc autem verba. At sufficit quod pars impetrauerit, licet eo vñ non fuerit l. 3. in principio; non, quia non haberet animum vtendi, si casus euenisset, sed quia ei non euenit casus vtendi. Secus si postquam impetrauerit, nolit vti, & renunciet impetratis, nam in hoc casu simul cō Bologneto in d. l. 1. §. si quis nu. 8. existimo, talem impetran-tem non incidere in hoc edictum. Ex quibus sequitur, & infer-ter quod si Doctor consuluit in vno casu vno modo, & similis casus sibi contingat, tenetur sequi illud consilium contra se Angel. Alex. & l. hic nu. 19. intellige in consilio decisiuo dato iudici, vt est casus in l. 2. secus in consultiuo, nam non daretur retorquutio contra consulentem, sed cōtra partem, vt probatur in l. 3. §. si procurator, & tradit Castr. hic. Sed quid si Magistratus Assessorum opera vtens ali-
4. quid noui iuris statuerit, An Magistratus, veleius Assessor teneatur, & dicitur in l. 2. Assessorem potius quam magistratum puniendum esse. Quid de Procuratore? distingui-ur in l. 3. quod si Procurator habet speciale mandatum, vel Dominus ratum habuit, tenetur Dominus, aliàs tene-ur Procurator. Deterior est conditio Tutoris, Curatoris, & similibus personarum, quæ indistinctè tenentur d. l. 3. §. si ta-men tutor: quod propter vtilitatem pupillorum statutū est.
5. Sed quæro, si quis impetrauerit ius iniquum contra Titium, An alij omnes possint vti retorquutione contra impetran-tem. Gloss. in l. 3. §. hæc pœna tenet quod solus Titius, sequitur Bart. Bald. Angel. Castr. Roman. Alex. & alij communiter. Ego tamen vereor ne non sit probabilior opinio aliud exi-

stimantium Azonis, scilicet, Placent. Mart. de Fan. Anfr.
 6 de Pis. Fulgofij, Iafonis num. 2 4. Orofcij & aliorum; Pro
 qua & verba d.l. 3. §. hæc pœna bene fe habent, ibi, *non fo-*
lum eo poftulante qui ab eo læfus eft, fed omni, qui quan-
doque experitur. Nec eft verus intellectus Gloff. quod in-
 telligatur quando impetratio fuit facta contra omnes ge-
 neraliter, quoniam diuinat & destruit tex. & hoc modo ef-
 fet de indubitabili, & refragantur etiam verba illa *non fo-*
lum eo poftulante qui ab eo læfus eft, nam fi impetratio fuiſſet
 generaliter facta, omnes ex impetratione fuiſſent læſi, &
 probatur etiam per l. ratas, C. de Reſcind. vendit. vbi eft tex.
 expreſſus, de quo Bart. non videns reſponſum remittit ſe ad
 Cynum ibi, qui diuinando dupliciter reſpondet, nec minus
 valet ſolutio Salicet. hic in d.l. 3. Et quod de poſtulante, ſeu
 aduerſario iura loquuntur in l. 1. & 3. in principio, quæ con-
 trariari videntur non ad impetrationis, ſed ad iudicij tem-
 pus referre oportet l. in delictis, §. ſi extraneus, ff. de Noxali-
 bus Secundo, vt ſua conſtet, iudicij, & decretis, viſ, a tque
 auctoritas, denunciatur pœnale iudicium his, qui ius dicen-
 ti non obtemperant in Titulo.

Si quis iuſdicenti non obtemperauerit.

Tit. III.

- | | |
|-------------------------------|----------------------------------|
| 3 Duum viri qui dicantur. | 5 Ad quid detur hoc ediſtum. |
| 2 Quæ ſit cauſa huius ediſti. | 6 Quanti ca res eſt, & id quod |
| 3 Quando quis dicatur non ob- | intereſt an idem ſint. |
| temperaffe iudici. | 7 Intellectus l. 1. §. hoc indi- |
| 4 Pro extremo iuriſdictionis | cium. |
| quid ſit intelligendum. | |

Proponitur nobis in hoc Tit. ediſtum aliud, ad munus, &
 officium ius dicentis pertinens, quo continetur pœna
 eius, qui ius dicenti non obtemperauerit. Ait enim Vi-
 pianus in l. 1. *omnibus magiſtratibus, non tamen Duum viris,*
ſecundum.

secundum ius potestatis suae concessum esse iurisdictionem suam penali iudicio defendere. Quidam legunt, non tantum Duumviris, Bart. inquit, vtra lectio melior sit, sed tandem primam recipit, & alij sequuntur.

Duum viri qui dicantur.

Duum viros crebrior Doctorum expositio, magistratus municipales intelligit Bart. Alberic. Angel. Salicet. Alex. & alij Municipia dicta sunt, vt Gell. docet lib. 16. cap. 13. Ciuitates, quæ cum omnino suis moribus, & legibus viuerent, munera con Populo Romano capiebant; vnde & Municipales appellati sunt Ciues illarum Ciuitatum, qui in vrbibus suo iure, & legibus vtentes, muneris tamen honorarij con Romanis, tanquam Romani participes erant; ob id municipales appellati quasi muneris participes. Hodie verò municipales dicimus, suos cuiusque Ciuitatis Ciues l. 1. ff. ad Municipalem & de incolis. In more enim olim positum fuit, vt prouinciarum Præsides in celebriore aliqua Ciuitate residentes, magistratus per cætera municipia constitnerent, quorum opera ius prouincialibus redderetur, neque enim ipsi singulis locis interesse poterant l. præcipimus, C. de Appellat. ob idque Decuriones primum creati fuerunt, qui eodem in municipijs, quo senatores in vrbe munere fungerentur Vall. lib. 6. cap. 32. non iudicandi, scilicet, sed publice consulendi gratia l. pupillus, §. decuriones, ff. de verb. signific. ex quibus tamen deligi solebant magistratus, qui ius dicerent, & iudicaret l. rescripto, ff. de Muner. & honorib. neque enim, qui decurio non erat, alijs honoribus poterat in municipijs fungi l. honores §. is qui ff. de Decurionib., & hi iuri dicundo ex ordine decurionum præpositi, magistratus municipales dicti fuerunt; Qui cum sine imperio & potestate essent, l. ea quæ ff. ad Municipalem ius coercendi non habebant, vt declarat Socin. in d. l. 1. nu. 4. & l. af. nu. 17. nam & inter minores magistratus semper relati fuerunt l. nec magistratibus, ff. de iniurijs.

Ego autem existimo, Duum viros non esse magistratus municipales

cipales iurisdictionem habeant, consequenter etiam & coercionem habere debent iuxta regulam l. 2. supra de iurisdic. iunta l. fin. de offic. eius. Item quia omnes magistratus mulctare possunt, dummodo non sint delegati l. aliud est fraus, ff. de verb. significat. Et dicere, quod intelligi debeat tex. ut scilicet, non possint in magnis causis, magnas mulctas, sed bene in parvis possint parvas mulctas imponere, est contra eiusdem tex. verba, ibi, *secundum ius potestatis suae*, quod nihil aliud est dicere, nisi quod magni magistratus possunt magnas mulctas imponere, & parvi parvas, unde exceptio de Duumviris superflua esset.

Alij igitur, Duumviros accipiunt, non iudices quibus sit iurisdic. sed qui solum administrationem Civitatis & gubernationem habent, nam isti mulctare non possunt quoniam iurisdictione non habet, sicut nec Procurator Fisci, & Cæsaris l. 2. & 3. C. de Modo Mulctar. & iste intellectus fuit Petr. Cyn. post Jacob. de Aret. quem etiam sequuntur Bart. Bald. Paul. de Castr. & alij, quorum sententiae ego magis accedo; rum quod cōtextui magis quadret, cum etiam quia Duumviri non magistratus municipales, sed Duo erant, qui ex ordine Decurionum eligebantur. Ex ijs enim qui summum honorem in municipijs gerebant, Duo fuerunt, idcirco Duumviri appellati, quibus carcerum, & negotiorum publicorum cura demandabatur absque potestate tamē mulctandi, l. unica, ff. de Albo scribe. ad l. duumvirum, C. de Decurionib. lib. 10. scribit Alciat. Dispunct. lib. 3. cap. 5. & Coras. in l. magistratibus num. 7. supra de iurisdictione.

Cæterum quod Accurs. putat Duumviros fuisse Defensores Civitatum, error est; nam Defensores Civitatum, non ex Decurionibus sed ex reliquo Civium corpore, tres numero eligebantur, quibus salus populi, & tutela urbis credebatur quorumque partes erant, curare, ne levioris fortis homines, a potentioribus opprimerentur, idcirco Defensores appellati l. 1. 2. l. defensoribus l. defensores 2. l. per omnes, & l. fin. C. de Defensorib. Civitat. Incognitus veteribus Iurisconsultis magistratus, cui iurisdic. civilium causarum vsque ad aureos trecentos, & leviorum criminum cognitio, legi-

Sī quis ius dicenti, &c. Tit. III. 111

Iegitimaque castigatio permiffa fuit, §. & iudicare, & §. audient Auth. de Defenforib. Ciuitat. dum feuera non exercent iudicia d. l. defenfores. 2.

Quæ fit caufa huius edicti.

- Caufa huius edicti eft contumacia non obtemperantis ius dicenti, vt ipfamet Tituli infcriptio indicat, & quod hic edicitur hoc edicto puniri eum, qui magiftratu non obtemperauerit, fic accipiendum eft, fi vſque adeo perfeuerauerit in contumacia ſua, vt quod extremum eft in iurifdictione, non fecerit. Sic enim loquitur Vlpianus in d. l. 1. §. is videtur, qui tex. difficillimus habetur à Doctõribus noſtris, adeo vt tres
- 2 intellectus referat Accurf. ſeptem Bart omnes communes, præter Bulgari vnum, quem cum cæteri repræhendant, Zazius, Duarenus, & recentiores quidam ſuſtentant. Omnes tamen fatentur congrue verba tex. intelligi non poſſe; nemo enim eſt qui non diuinet, vel ſuppleat, vel detrahat, vel verborum proprietatem corrumpat. Communis tamen opinio, vt tex Gloſſa intricatiſſima colligitur eſt, vt tunc dicatur non obtemperatum Iudici, quando, vel principium
 - 3 medium, aut finis iurifdictionis contemnitur, vt ſic, in quacunque parte litis fiat inobedientia puniri poſſit; Et ita, iuxta extremo intelligunt primum, & vltimum, & ea quæ in iurifdictione media ſunt, intelligunt per tex. cum dicit. *ſi ſequentia recuſauit*. Ego licet non contradicam, omnem inobedientiam Iudici factam, ex caufa puniri poſſe, in noſtro tamen edicto, eam ſolum puniri puto, cum Iudici ius dicenti non paretur, quod quando eueniat, tex. noſter ſatis aperte docet, dum ait, eum videri ius dicenti non obtemperaffe,
 - 4 qui quod extremum in iurifdictione eſt, non fecit; Pro extremo vltimum intelligo, non ſicut communis opinio habet, principium; & ideo ſi quis magiftratu ad ſe vocanti nõ paruerit, non continuo tenebitur pœna huius edicti, ſed ſi poſtquam magiftratus eum non comparentem iuſſerit duci l. iniuriarum actio, ff. de iniur. vel aduerſarium in poſſeſſionem ire, aut quid aliud ſimile fieri præceperit, & is adhuc non

non obtemperauerit, tunc tenebitur poena huius edicti; quia hoc extremum in iurisdictione est. Cum non possit magistratus vitra decernendo, aut ius dicendo progredi. Sed si sequentia recusauerit, idest, exequutoriales quoque iussus sprenerit, quod certè extremum est in iurisdictione, tunc dicitur non obtemperasse. Id quod non ab simili exemplo apertissimè Vlpianus docet, dum ait, *veluti si quis rem mobilem vindicari à se passus non est*, hoc est, si vocatus non compareat, sperans fortè, vt ita condemnationem euitet, cum lite non contestata non possit aduersus quenquam Romano iure sententia ferri; sed duci eam vel ferri passus est; Adde; scilicet, non incidit in poenam, quasi non obtemperauerit; quia, licet primo præcepto ius dicentis non paruerit, tamen sequenti præcepto obtemperauit; & idem dicendum est, si pluribus præceptis gradatim vsus sit magistratus, & extremo tantum præcepto paruerit Reus, nam quod extremum est in iurisdictione ab eo factum esse sufficit, vt hanc poenam effugiat. Idque optima ratione; nam cum & paruisset, & non paruisset eum verum sit, benignius est, edictum ita interpretari, vt poenam non incurrat, iuxta regulam l. si de interpretatione ff de Poenis. Cæterum si & sequentia recusauit; hoc est, si eam duci, vel ferri passus non est; tunc non obtemperasse videtur; & consequenter huius edicti poena tenetur; quia quod extremum in iurisdictione est, non fecit; nec mirum alicui videatur, quòd verba aliqua hic subaudienda sint, cum huiusmodi schemata apud veteres & bonos Auctores, vsitata sint, vt ostendit Duaren. lib. 1. Anniuersa. Disputat. cap. 50. qui vestigia Bulgari sequutus & ibi, & hic, simul con Zazio, hunc intellectum tenet. Et sic punitur ex hoc edicto, qui imperio, seu præcepto iudicis, ad executionem iurisdictionis pertinenti, non obtemperat, quia tunc certum est, eum non obtemperasse ius dicenti; Alioquin qui in ius vocatus non venit, is vtique contumax est, & malè facit? propriè tamen nihil adhuc ei præceptum est, quod contemnat, & in hoc differt hic Tit. qui grauiorem contumaciam habet, quam nos extremum iurisdictionis vocamus, ab illo; si quis in ius vocat. non jerit, qui leuio-

ris con-

ris contumaciæ species tractat. Sed animaduertendum est, quod, nec verba edicti ad Actorem contumacem pertinere, nec ratio agendi de qua loquimur contra Actorem locum habere posse videtur, cum in eo executio iurisdictionis considerari non possit? Resp. quod cum eadem sit petitoris, & eius vnde petitur ratio, Labeo existimauit, petitorum quoque hoc edicto teneri, id quod commodissime fieri poterit, denegando ei iurisdictionem, vt in l. sed & si per prætorem; §. sed & si dum decreto infra; Ex quib. caul. maior. quo in loco, & hic, Vlpianus Labeonem huius opinionis auctorem laudat. Sed quid dicemus, si Procurator, Tutor, vel Curator ius dicenti non obtemperauerit? & Vlpianus ait in §. si procurator, ipsos hoc edicto puniendos esse, non dominum, vel pupillum; Non enim Dominus, qui procuratorem dat, videtur ei mandare, vt ius dicenti non obtemperet.

Ad quid detur hoc edictum.

Hoc iudicium, non ad id quod interest, sed quanti ea res est, datur, & cum meram penam contineat, neque post annum, neque in hæredem datur, tex. est in eadem l. i. in §. hoc iudicium, qui tex. est difficilis, propterea quod videtur habere in se euidentem repugnantiam, propter illa verba, *non ad id quod interest, sed quanti ea res est*, quæ tanquam diuersa hic ponuntur, cum tamen paria sint. Triplex enim est interesse; Commune, Speciale, & Conuentum; Commune est, cum res æstimatur quanti communiter valet; Speciale, cum æstimatur quanti specialiter valet ad affectum, æstimantis, Conuentum, cum inter partes conuentum est, vt si aliquid non fiat, pro interesse, soluantur decem, vel viginti; Modo, siue inspiciamus interesse commune, quod veram rei æstimationem continet & de quo propriè loquitur tex. hic, siue speciale quod æstimationem ex affectu speciali habet; (nam de Conuento nihil ad nos) dicendum est, quod idem sit dicere, quanti interest, & quanti ea res est. De communi non est difficultas, tex. est enim apertus in l. fin. ff. de Prætorijis stipulat. & in l. inter hæc verba 179. ff. de verb. significat. De

P

spe-

speciali etiam idem est dicendum; quia tanti mea interest, quanti ea res est quo ad affectum, & probatur etiam in l. 1. §. hæc actio ff. Ne vis fiat ei qui in possess. miss. est, ubi si expellitur possessor, dabitur actio contra expulsores ad id quanti ea res est, id est, quantum specialiter interest expulsi. Idem in l. pen. §. 1. Infra, Ne quis eum qui in ius vocat. est, vi eximat. ubi Actori læso datur actio quanti ea res est, dicitur tex. ibi, *quod non continet veritatem, sed quanti per actorem interesse suum aestimatur.* Cum igitur hæc paria sint id quod interest, & quanti ea res est, & tot iura hæc duo parificent, quid est, quod hic tanquam diuersa ponuntur? item cum poena, & id quod interest diuersa sint, l. pen. §. 1. infra Ne quis eum qui in ius vocat. est vi eximat, quid est quod pro eodem ponuntur? certè mirum videri non debet, si DD. in intelligentia huius tex. sunt fatigati. Dicamus nos simul con Zazio, & Rebuffo, quod res hic ponitur pro offensione, ut sit sensus, quanti ea res est, id est, quanti est offensio, inobedientia, seu contemptus, & pro qualitate illius, rei enim appellatio est generalissima l. 1. §. rei infra si cert. pet. l. rei infra de verb. significat. Sic in l. 1. §. hæc actio infra Ne vis fiat ei &c. quanti res est exponitur, id est, quanti est ea expulsio. Sic in l. 4. §. in eum infra de Damn. infect. quanti ea res est, exponitur id est, quanti damnum est quod inciditur ob omisam cautionem. Et ita videtur sensisse etiam Alciat. in d. l. inter hæc verba, ff. de verb. sign. ubi resoluendo hunc tex. dicit, hic non venire interesse, sed poenam, vel grauiorem, vel leuiorem, quo maior fuit Iudex, qui contemnitur, vel quo cōtemptus est maior; & ideo dicitur in tex. quod hoc iudicium meram poenam continet, & propterea, et si calumniator fuerit actor, nihilominus hæc poena locum habet, ut scilicet, contempta Prætoris maiestas vindicetur argumento l. si familia supra de iurisdic. Quanti igitur ea res est, ubicumque Actor læditur circa iurisdictionem iudicis idem significat quod id quod interest, & ita procedunt iura adducta. Cæterum si & actor lædatur & offendatur iurisdic. quia maior est ratio offensæ iurisdictionis, quàm interesse actoris, quiescit, & cessat interesse, & solum consideratur offe-

sio iu-

De in ius vocando. Tit. III. 115

sio iurisdictionis, & ideo in hoc casu quanti ea res est, non id quod interest, significat, sed offensionem iurisdictionis, vt sic quanti ea est, & pro modo contemptus puniatur reus: nam cum ordinaria via per tot leges consultum sit Actoribus necesse fuerat, quod etiam offensæ iurisdictioni consuleretur, saltem per vnum edictum, vt hic; Et hæc quo ad magistratus; Quo autem ad prælusorium certamen actoris, & rei, similiter triplicem gradum obseruare debemus. Primus gradus est vocationis in ius, nam ordinata, atque munita iudiciorum, & actionum impetratione, rectè sequitur in ius vocatio; de qua in Titulo.

De in ius vocando. Tit. IIII.

- | | |
|---|--|
| 1 <i>Quid sit in ius vocare.</i> | 5 <i>In quibus casibus cesset hæc pena.</i> |
| 2 <i>Quæ persona in ius vocari non possint.</i> | 6 <i>Olim vocatus si non ibat inuitus duci poterat.</i> |
| 3 <i>Quæ persone vocari non possint sine venia.</i> | 7 <i>Casus in quibus dimittitur vocatus nec inuitus ducitur.</i> |
| 4 <i>De pena vocantis in ius sine venia.</i> | |

Inscribitur Tit. iste simpliciter de in ius vocando cum inscribi rectius debuisset. De in ius vocando, & si quis eum vocauerit, quem ex edicto non debuerit. Quæ verba malè in Titulum sequentem translata fuerunt; Cum huius rei edictum proponatur hoc Tit. non sequenti, vt aduertit Ant. August. lib. 3. emendat. cap. 1. & Cuiacius in Paratitilis hic.

Quid sit in ius vocare.

In ius vocare est ad eum qui iurisdictioni præest, iuris expediendi causa vocare l. 1.

Quæ personæ in ius vocari non possint.

Quædam personæ sunt, quæ iure ciuili, & more maiorum
P 2 exem-

exemptæ sunt ob legitimam rationem, ne in ius vocentur
 2. ad tempus, hoc est, perdurante causâ prohibitionis, veluti,
 magistratus maiores, l. 2. quandiu scilicet magistratu fun-
 guntur, nam annui erant apud Romanos magistratus l. 2.
 §. & cum placuisset supra de origin. iur. Hodie verò ubi per-
 petui sunt ratio non patitur vt in ius vocari non possint, li-
 cet con venia id faciendum esse existimem iuxta l. 1. 3. mi-
 nores etiam magistratus qui sine imperio sunt, & neque vo-
 cationem habent, neque prehensionem, vocari non prohi-
 bentur l. 3. 2. infra de iniurijs. Qui autem cum equo publico
 in causa publica transuehitur interim vocari non potest d.
 l. 2. Transuectio est, quam nunc vulgò monstram dicimus:
 cum equites, scilicet, solemniter recensentur, quomodo in-
 structi sint persona, equo, & armis, cuius transuectionis, &
 Liuius, & Tranquillus, meminerunt, similiter qui vxorem
 ducit, vocari non potest, index donec de causâ cognoscit, is
 qui apud Prætorem causâ agit, qui funus ducit familiare,
 aut pietatis causâ comitatur, & multò minus qui iusta mor-
 tuo facit, hoc est, exequias apparat ac alij de quibus in d. l.
 2. & 3. Omnibus enim parentibus, liberis, consanguineis, ac
 affinibus, Iustiniani lege concessum est, vt non ante dies
 nouem ab obitu numerandos molestentur §. pen. Auth. vt
 cum de appellat. cognoscit. & auth. sed neque, C. de sepul-
 chro violat.

Quæ personæ absque venia in ius vocari non possint.

Quædam personæ sunt, quas Præter ob publicam honestatem
 aliter non vult in ius vocari, quam impetretur venia ab eo
 qui iurisdictioni præest l. 3. veluti parentes vtriusque sexus
 3. in infinitum l. 4. §. 1. etiam naturales tantum l. 6. & adopti-
 ui l. 8. non sic patris adoptiui parentes quoniam hi parentes
 eius non sunt l. 7. Sic nec patroni, nec patronæ, nec liberi,
 nec parentes eorum vocari possunt l. 8. §. patronum cum
 tribus legibus sequentibus l. 1. 2. 14. cum duabus alijs sequen-
 tibus, l. 2. 3. & vlt. nec socer, nec socrus l. 1. 6. & 17. infra so-
 lut. matr. Et generaliter omnes personæ quibus reuerentia
 præ-

præstanda est, sine permissu prætoris in ius vocari non possunt l. 13. Sed an in Præceptore, & alijs huiusmodi personis, quibus paterna reuerentia debetur, edictum istud locum habeat; quæri potest? cùm generaliter dicatur, omnes personas quibus reuerentia præstanda est, vocari non posse; & puto non habere. Sed verba ista intelligenda esse de his tantum quibus necessitate legis reuerentia præstanda est, quales sunt parentes, & patroni. nam & si præceptori, aut seni, naturalis quædam ratio, & honestas suadeat reuerentiam præstari, nulla tamen lege id fieri præcipitur, nec quisquam ad id inuitus cogi potest, vt optime Duar. hic.

De Poena vocantis in ius sine venia.

Pœna est quinquaginta aureorum l. pen. vel si inopia labore castigatur l. vlt. neque rusticitas, aut simplicitas excusa l. 2. C. Eod. hæredi autem vel in hæredem, aut vltra annum cum pœnale sit iudicium non datur d. l. pen. Sed quid si in ius vocentur hi qui iure ciuili, & more maiorum vocari non possunt, erunt ne exempti à pœna qui eos vocant? Resp. 4. quod non, sed iudex ex officio suo illos puniet, pari, aut etiam maiori multa, cùm hi magis deliquisse censeantur, quam alij, facit l. 1. §. 1. ff. de Effraet. ibi. *causa cognita liberum erit arbitrium ei qui cognoscit.*

In quibus casibus cesset hæc pœna.

Primo cessat pœna si pœniteat vocantem, ad iuramentumque remittat l. 11. Secundo si vocatus non veniat, aut non inuitus 5 vocatus sit d. l. 11. Tertio si quis non proprio, sed tutorio nomine vocet l. 16. licet secus sit si ipse tutorio nomine vocetur l. 10. §. vlt. cuius diuersitatis rationem vltro & ignorare fatentur interpretes, Verum arbitror id esse, quia cùm quis in ius ducitur inuitus, quod fieri solitum fuisse inferius dicam: non ideo minus irreuerenter tractari videtur quod alieno nomine ducatur. At cum quis pupilli nomine id facit, à pupillo factum intelligitur, qui ad nullam reuerentiam

tiam vocato exhibendam obstrictus est. Præterea ex parte vocati est fauor, in hoc quod ei debetur reuerentia, & ideo cuiusque nomine vocetur, semper ei debebitur, At ex parte vocantis est pœna, ac proinde non punitur si ipse alterius nomine agat, quia odia restringuntur; & eo magis quia quod facit, facit ex necessitate, vnde facilius toleratur.

Illud omittendum non est quod olim veteri Romanorum iure permissum erat, etiam sine ullo apparitione ac iudicis præcepto aduersarium ad magistratum vocare, qui in ius nisi confestim iret, & vocantem sequeretur, inuitus ab eo duci poterat, vt colligitur ex l. 5. §. ult. infra Qui satisfacere cogant, & lege constitutum fuisse testis est Cicer. lib. 2. de legib. & lib. 2. Rhetor. argumentumq; est, quod actio aduersus eos qui in ius vocatos vi eripiunt, idest, è manibus vocantis, seu ducentis auferunt, à Prætoris proponitur infra titulo Ne quis eum qui in ius vocabitur in eximat Horat. satyra. 9. lib. 1. *rapit in ius, clamor vtrinq; vndiq; concursus facit* l. 4. ff. ad l. Iul. de vi priu. dum ibi dicitur *legis Iulia de vi priuata crimen committitur cum cæsum aliquis, & concursus fecisse dicitur quominus quis in ius produceretur*: & Cicer. pro Quintio *in ius vocat sequitur; iudicium postulat, non recusat*. Atq; hinc mirum non est, si filius in ius patrem vocare sine permissu Prætoris non poterat.

Aliqui tamen casus sunt, in quibus dimitti iubetur vocatus, nec inuitus ducitur Duo habentur in l. 22. Alter est in l. 18. de eo qui intra domum suam se recepit, ex ea enim inuitus extrahi non debet, quamuis si è publico conspiciatur, diem ei dicere liceat l. 18. & 21. h. t. l. nemo. ff. de Regul. iur. Dux ren. hic, & Cicer. pro Domo sua. Quid est sanctius, inquit quid omni religione munitius, quàm domus cuiusq; ciuium? hic arę sunt, hic fora, hic Dij pœnates, hic sacra, religiones cęremonia continentur, hoc perfugium ita est sanctum omnibus, vt inde abripi neminem fas sit. Tertius casus est, si quis iudicio sistendi causa satisfecerit aut cauerit. vocanti, satisfaciens enim, ex eorum numero est, qui tamen si vocantem non sequantur, inuiti tamen in ius duci nō possunt, hucq; pertinet sequens Tit. in ius vocati vt eant, aut satis

fatis vel caut. dent. sed quæ & qualis postea debeat esse vis atq; auctoritas vocationis in ius habetur in Titulo.

Si quis in ius vocatus non icrit, siue quis eum
vocaueit, quem ex edicto non
debuerit.

Tit. V.

1 *Vocatus ad iudicium com-
parere debet aliàs multa
damnatur.*

2 *Et quid si is sit qui ex edicto
vocari non debuit, nec po-
tuit.*

Huius Tituli duæ sunt partes prima contra vocatum in
ius, qui ex quacunq; causa vocatus sit, tenetur com-
parere coram Iudice qui eum vocauit, vt sciatur, an
iurisdictionis eius sit l. 2. in principio. Prætoris enim est
æstimare, an sua sit iurisdictione, vocati autem non contem-
nere auctoritatem prætoris, sed venire, & priuilegia sua
si quæ habet allegare l. si quis ex aliena infra de Iudic. quod
si vocatus non comparuerit, multa pro iurisdictione iu-
dicis dānabitur d. l. 2. & l. eos. C. de Modo multar. id quod
nobis argumentum erit, ad pedaneos, vel inferiores ma-
gistratus, hoc edictum non pertinere, cum tales ius dicen-
dæ multæ non habeant l. 5. C. de Defensor. ciuit. l. 2. §. fin.
infra de Iudic. & l. vnica supra si quis ius dicent non obtem-
per. & præter multam iudici dandam, si quis etiam promi-
serit iudicio sisti, nec certam pœnam adiecerit, si non ste-
terit, ad id quod interest incerti conditione con eo agen-
dum erit l. ult. & si fideiussorem sistendi causa dederit non
suppositum iurisdictioni illius, ad quem vocatur, pro non
dato habendus erit l. 1. quandoq; tamen, vel propter rusti-
citatē, vel si nihil actoris intersit, remittitur pœna d. l.
2. in fine.

Altera, & Secunda Pars huius Tituli est, pro eo, qui in ius
VOCA-

- vocatus est, qui, si is sit, qui ex edicto in ius vocari non debuerit, nec potuerit, pro ut sunt illi de quibus superiori titulo diximus, hoc edicto non tenebitur, & quia nec etiam huiusmodi edicto tenetur is, qui se iudicio statutorum satisfecerit, aut cauerit, ideo subiicitur Tit.

In ius vocati ut eant, aut satis vel
cautum dent.

Tit. VI.

- 2 In ius vocatus aut ire aut satis dare, vel cauere debet.
2 Pro necessariis personis qualiscunque fideiussor accipitur.

In ius vocatum Prætor, aut ire, aut satis dare, vel cauere iubet, fideiussoribus iudicio sistendi causa datis, qui pro rei qualitate locupletes sint l. 1. a qua tamen regula excipiuntur necessariae personæ, veluti, parentes, patroni, liberi, vxores & nurus eorum, pro quibus qualemcumque; fideiussorem necessarium accipi Prætor iubet d. l. 1. 2. & 3. presumitur enim pro necessitate sanguinis quod necessarius necessarium illaqueatum non sinat, ut dicit glo. in d. l. 2. & si quis duos sisti promiserit, & alterum tantum exhibuerit, eos stetisse non videbitur, l. vlt. & quia populari more olim permixtum erat, eum qui in ius vocatus, neque ire, neque satisfacere vellet, inuitum rapere interdumque contingebat, ut propinqui, & amici in ius vocatorum, eosque manibus vocantium eriperent, atque eximerent propterea pœnali iudicio prouidetur, ne ita raptum quis vi eximat, nec aliquo modo faciat quominus in iudicium veniat, ut in Titulo.

Ne

Ne quis enim qui, &c. Tit. VII. 121

Ne quis cum qui in ius vocabitur
vi eximat.

Tit. VII.

- | | | |
|---|--|--|
| 1 | <i>Quid sit eximere, & quæ sit
pæna eximentis,</i> | <i>is qui in ius vocari non po-
test.</i> |
| 2 | <i>Et quid si concursus factus
sit.</i> | 4 <i>Et quid si ad Pedaneum iu-
dicem vocetur.</i> |
| 3 | <i>An cesset pæna si eximatur</i> | |

EXimere videtur nō solum qui manibus eripuit, sed etiam
qui quoquomodo, vel per se, vel per alium facit, quo-
minus in ius eatur l. 4. & 5. qui, & condemnabitur, quan-

- 1 ti ea res, de qua controuersia est, ab Actore estimabitur d.
l. 5. & si fortē concursum, & cœtum fecerit, quominus quis
in iudicium producat, etiam lege Iulia de vi priuata te-
nebitur l. 4. ff. ad l. Iul. de vi priuat. & hoc etiam si quis ca-
lumniandi animo litem instituerit d. l. 5. nam, non ius acto-
ris, sed factum eximentis contra popularem legem Prætor
respicit, & si plures sint qui deliquerint in singulos hoc iu-
diciū dabitur, manente nihilominus eo qui exemptus est,
obligato d. l. 5. §. fin. & ult. Hæredibus autem ita datur si eo-
rum interfit, sed neq; in hæredem, nec post annum datur
3 d. l. 5. in fine. Cessat tamen hæc actio, si persona, quæ in ius
vocari non poterat, exempta sit, cum in hoc casu, magis
quis vocauit, delinquat, quam qui exemptus l. 1. & 2. Idem
est, & in eo, qui, alio quam quo debuerat, vocatus fuit d. l.
2. Item, & in eo, qui licet exemptus esset, in ius nihilomi-
nus productus fuit, nam verba con effectū accipi debent d.
leg. 5. §. docere. Quin, & si quis, eum, qui ad pedaneum
4 Iudicem vocatus sit, eximat, pœna similiter huius edicti
non tenebitur l. 3. Verum quia sæpè euenire solet, vt voca-
tus, licet veniat ad iudicium, non tamen persistat vsq; ad
finem litis, ideo curatur eo nomine satisfdari, vel aliter ca-
ueri pro qualitate personarum in Titulo.

Q

Qui

Qui satisfdare cogantur, vel iurato promittant,
vel suæ promissioni committantur.

Tit. VIII.

1 Qui teneantur satisfdare datis fideiussoribus.

sua promissioni committantur.

2 Qui iurato promittant, vel

OLim, ille, qui in ius vocatus erat, satisfdare iudicatum solui cogebatur, tam in actione in rem, quam in personam vt in §. 1. Instit. de satisfdat. sed hoc postea abolitum fuit, & satisfdatio de iudicio sisti, vt scilicet, in iudicio se presentet, dari solita fuit vt in d. §. 1. & §. sed hodie. Quinimo hodie etiam hæc satisfdatio iudicio sisti non datur, nisi in criminalibus vt tradit Rebuffus hic in principio Tituli. Non tamen omnes vno modo cauent, nam
1 alij satisfdare coguntur datis fideiussoribus, qui sint idonei non solum ex facultatibus, sed etiam ex conueniendi facilitate vt in l. 1. & 2. Alij, qui fideiussores inuenire non possunt, ne paupertas illis impedimēto, sit quominus ius suum prosequi valeant, iureiurando relinquuntur, vt illud pro satisfdatione præsentent l. ult. h. t. & l. 1. §. omnes, C. de Assert. tollend. sicut & illi, qui in dignitate constituti sunt l. pen.
2 C. de Dignitat. lib. 12. Alij, qui immobilla possident, etiam nuda promissione relinquuntur l. pen. h. t. & si agatur pro seruo, quomodo etiam talis cautio præstari debeat, habetur in Titulo.

Si ex noxali causa agatur quemadmodum
caueatur. Tit. IX.

1 In noxali causa qualiter caueatur.

2 Seruus litigiosus alienari non potest.

Siquis

SI quis eum, de quo noxalis actio est, iudicio fisci promississet, in eadem causa eum exhibere debet, in qua tunc erat cum iudicium acceptum fuit l. 1. & hoc, quia si post satisfactionem alienaretur, aut in potentio rem, aut in eum, qui in foro promissoris conveniri non posset, cum noxa caput sequatur, prior dominus satisfactione ad nichilum recedente, liberaretur, atque hoc modo ius actoris deterius efficeretur l. 2. quod quidem procedit, donec iudicium accipiat, ut dicitur in d. l. 1. per dominum nomine serui, & lis con eo contestetur, nam si lis fuerit contestata, non potest amplius servus, ut pote litigiosus à domino alienari l. 2. C. de litigios. & quia etiam ille, qui impedit aliquem iudicio fisci, coerceri solet, ideo subiicitur Tit.

De eo per quem factum erit quominus
quis in iudicio sistat.

Tit. X.

1 *Ad quid teneatur is per quem
factum fuerit quominus
quis in iudicio sistat.*

*lum, & Titulum. Ne quis
eum qui in ins vocab. vi
eximat.*

2 *Differentia inter hunc Titu-*

Quoniam effectus satisfactionis est, ut siue per alium, siue culpa promittentis, iudicio statum non sit, pena committatur, ideo si quis dolose impediatur aliquem iudicio fisci, Prætor ad eius dolum coercendum, aduersus eum in factum actionem concedit, in qua venit id quod interest actoris statum non esse, hoc est, id quod in iudicio petatum est, etiam si fideiussor minorem summam promiserit. Vnde si petam à Titio centum, & à fideiussore quinquaginta stipulatus sim si in iudicium non veniat, & dolo Caij factum sit, ne Titius veniat, centum a Caio consequar, quia tanti mea interfuisse videtur, quoniam si venisset, actio in centum mihi aduersus Titium fuisset l. vlt. Do-

Q 2 lo au-

124 Pandectarum Liber Secundus.

lo autem fecisse videtur, non solum is qui suis manibus, vel per suos retinuit, sed etiam, qui rogauit alios, vt cum detinerent l. 1. §. 1. vel ei aliquid triste, vt pote, vitæ periculum. mortem filij, patris, aut quid aliud simile pronunciauerit, propter quod necesse habuerit ad iudicium non venire d. l. 1. §. 1. & competit hæc actio non solum actori, sed etiam reo, quatenus eius interest pœnam non committi, si ab alio, scilicet, impeditus sit, secus si ab ipso met actore, nam tunc contentus esse debet exceptione, si ex stipulatu cõueniatur ad pœnam quod non venerit d. l. 1. §. si reus; & si plures dolo fecerint, omnes tenentur, at si vnus præstiterit pœnam, ceteri liberantur d. l. 1. §. si plures; & si stipulator dolo Titij, & promissor dolo Mœuij impeditus fuerit, quominus in iudicio sistatur, vterque aduersus eum, cuius dolo impeditus fuit, actionem in factum exercebit d. l. vlt. §. si & stipulator. At si stipulator dolo promissoris, & promissor dolo stipulatoris, impeditus fuerit, neutri eorum Prætor succurrit ab vtraq; parte dolum compensando d. l. vlt. §. si & stipulator. Hæredi etiam datur hæc actio, sed nõ ultra annum, in hæredem vero eatenus datur, vt ex dolo defuncti non lucretur d. l. 1. in fine.

- Et Dominus ex facto serui, si sciens fuerit, in solidum sin minus noxali actione tenetur l. 2. ex quibus constat differentiam esse inter hunc Titulum & illum. Ne quis eum qui in ius vocabitur, vi eximat. Nam illo coercetur vis, isto Dolus ex illo agit tantum is, qui in ius vocauit, ex isto etiam ille qui vocatus est. Item ex illo agit quanti in litem iuratum fuerit, ex isto solum ad interesse ibi singuli delinquentes in solidum tenentur nec solutio vnus liberat alios, hic omnes quidem tenentur at solutio vnus liberat alios, & sic durior ibi pœna est propter præbitam seditioni, ac concursionebus materiam, & ius publicum uiolatum, quod non est in isto, ubi utilitas, & interesse tantum actoris priuatum consideratur. Verum si non alius impedit, sed ipse met litigator sit, qui cautionibus non obtemperet, committitur stipulatio tam aduersus ipsum, quam etiam eius fideiussores, ut in Titulo.

Si

Siquis cautionibus, &c. Tit. XI. 125

Siquis cautio nibus iudicio sistendi causa factis
non obtemperauerit .

Tit. XI.

- 1 *Pœna non obtemperantis cau- causa factis.*
tionibus iudicio sistendi 2 *Quando cesset talis pœna.*

SI litigator, cautionibus iudicio sistendi causa factis, non obtemperet, in pœnam incidit promissam, & committitur stipulatio, tam aduersus eum, quam etiam eius fidei iussores, & si certa quantitas comprehensa fuerit in stipulatione, ad illam certi conditione, sin autem simpliciter, incerti conditio ad id quod interest, agetur, estimatione habita ad tempus, quo sisti promissor debuit, non quo agitur, quamuis deserit actoris interesse l. 1. 2. excusatur tamen si testimoniij ferendi gratia coactus fuerit ad aliud iudicium accedere, vel publico munere, valetudine, tempestate, vi fluminis impeditus fuit, aut alijs iustis causis detentus de quibus in l. 2. 4. 6. & 8. & si quis promittat sistere aliquem absentem, pro qualibet die 20. millaria dantur, non computato cautionis die d. l. 1. & quia etiam feriæ, & dilationes venientem in ius excusant, ideo subijcitur Tit.

De Ferijs, & Dilationibus, & diuersis
temporibus. Tit. XII.

- 1 *Quid sint feriæ.* 3 *Qui sint effectus feriarum.*
2 *Quot sint feriarum genera.* 4 *Quid sit dilatio.*

Q V I D S I N T F E R I E .

Feriæ sunt dies feriatî, quibus, nec ius dicitur nec sui potestatem magistratus facit l. 5. & olim iustitium dicebatur, eo quod tunc ius staret Gell. lib. 20. cap. 1.

Quot

Quot sint feriarum genera.

Ferix alix sunt solemnnes, alix indictæ, & alix repentinæ, solemnnes sunt, quæ ob cultum diuinum solemniter celebrantur, & l. fin. C. Eod. & Tot. Tit. extra Eod. Indictæ quæ colligendorum fructuum causa indicuntur l. i. h. t. Repentinæ, quæ Princeps, ob publicam gratulationem, vel ob res prospere gestas, extra ordinem, repente & subito indicit, ac denunciatur l. i. & 4. C. Eod. l. 24. §. si ferix infra Ex quibus caus. maior.

Qui sint effectus feriarum.

In omnibus prædictis ferijs, lites, & forenses controuersie cessare, nec aliqua, quæ ad contentiosam iurisdictionem pertinent, tractari debent l. i. & 6. nisi consensu partium tractentur d. l. i. & 6. quod tamen intelligi debet in ferijs indictis litigatorum gratia, vt puta, messium, & vindemiarum, secus in solemnibus, aut repentinis, quibus, a priuatis renunciari nequit, cum nec priuatorum causa indicantur, c. fin. extra Eod. l. si feriatis infra de Arbitr. Excipiuntur tamen certe causæ, quas necessitas, aliave iusta causa tractandas esse suadet de quibus in l. i. 2. & 3. item excipiuntur, & ea quæ ad voluntariam iurisdictionem pertinet, vt emancipare, manumittere, testamenta condere, instrumenta celebrare, & alia similia facere l. 2. & 8. C. Eod. item, & quæ ad disciplinam militarem spectant. l. 9. h. t. Quare & studere scholasticos posse, vel veteri pro uerbio admonemur. Qui non studet in festis, parum scit in Codice, & minus in Digestis. Appellari etiam die feriato potest, non tamen appellationis causa tractari l. i. C. Eod. item et testes examinari dummodo die non feriata iurauerint speculat. de Ferijs in §. sequitur nu. 6.

QVID SIT DILATIO.

Dilatio est dici prolatio, quæ tam auctori, quam reo, ex varijs causis

causis concedi, & modo longior, modo breuior pro locorum intervallo dari solet l. 7. h. tit. l. 1. & vltim. C. de Dilation. quo in tempore, & ferias computandas esse constat l. 3. C. Eod. Tit. Dies, more Romano a media nocte incipit, & media noctis sequentis, parte finitur l. 8. & hic dicitur civilis dies. Est, & dies naturalis, qui incipit ab ortu, & durat vsq; ad occasum solis, & dies ecclesiasticus, qui incipit ab occasu solis, & in sequentem occasum finit cap. vlt. extra Eod. Tit. de Ferijs.

Restat vltima pars Tituli, de Diuersis temporibus, de quibus licet Tit. polliceatur, attamen non magis hoc præstat, quam fecerit Tit. septimus libri primi, de alijs modis soluendæ patrię potestatis.

Verum, si neq; propter ferias, neq; propter dilationes quis excusatur, quominus ad iudicium veniat, proximum est, vt Reo ad iudicium vocato, & sui copiam faciente, Actor actionem suam edat de qua in Titulo.

De Edendo. Tit. XIII.

1 *Quid sit edere.*

2 *Quid actor edere debeat.*

3 *Reus an edere teneatur.*

4 *Differentia inter editionem actionis rationum, instrumentorum, & actorum.*

Q V I D S I T E D E R E.

EDere varias habet significationes, ac multis modis accipitur, sed in proposito nostro, edere nihil aliud est, nisi copiam describendi aduersario facere, vel in libello cõplecti, dare, seu dictare l. 1. §. edere & l. 6. §. edi. Edere eum quoque Labeo ait, qui producit aduersarium suum ad album, & ibi demonstrat quid dictaturus sit, seu, vt legit Cuiac. obseru. lib. 8. cap. 1 §. ex quo edicto acturus sit. Antiquitus enim Actor producebat aduersarium suum ad album prætoris, in quo actionum formulæ descriptæ erant, vt ibi ostenderet, ex qua actione agere volebat, seu qua actione vsurus

118 Pandectarum Liber Secundus.

vfurus erat. Sic Afconius Pedianus fcribit, Siculos, priusquã Verrem repetundarum crimine accusarent, à Marco Cicerone ad Senatum perduftos, & fenatufconfultum factum fuiffe, vt Prætor ad fe delatum Verrem in albo fuo palàm legendum proponeret, vt inde cognofceret decretam eſſe pro Siculis in eum accusationem. Dixit, fenatufconfultum factum fuiffe, quia regulariter Prætor nonniſi cauſarum ciuiliũ cognitionem habebat.

Quid Aftor edere debeat.

Debet igitur Aftor ante omnia, Reo ad iudiciũ vocato, actionem fuam libello comprehenſam, offerre, atque edere ad hoc vt Reus ipſe, intelligere poſſit, an ſibi cedendum, ² vel contendendum ſit, cognita actione, qua conuenitur l. 1. h. t. auth. offeratur, C. de lit. conteſt. Item & inſtrumenta, & rationes ſuas quibus in iudicio contra Reum vti vult, Aftor edere debet d. l. 1. §. edere h. t. l. 5. 6. & vlt. C. Eod. & inſtrumenta edi debent tota, excepto tamen, die, & Conſule, qui ideo tacentur, ne quid fraudis prolato, vulgatoque, ſeu vt alij legunt prælato die, contra inſtrumentum excogitetur d. l. 1. §. editiones. Fallit, ſi aliter deliberari non poſſet, quàm die, & Conſule editis, vt in Bartoli exemplo creditorum inter ſe contendentium, quod & alij ſequuntur. Rationes autem con die, & Conſule edi debent, quia aliàs, data, & accepta apparere non poſſent d. l. 1. §. rationes, & inſtrumentis a me in iudicio editis, aduerſarius etiam contra me vti poterit; etiam ſi proteſtatus fuerim, me in parte, & partibus, & eatenus edere, quatenus pro me faciant, & non ultra. Salic. Paul. & laſ. in d. §. editiones, Bald. & Alex. in l. 1. C. ut quæ defunt aduocat. Sanè iudex hoc non ſupphebit, eritque in hoc proteſtatio non inutilis, quæ Zazij noua declaratio eſt num. 42. quam & Oroſcius ſequitur num. 8.

Reus an edere teneatur.

Reus autem è conuerſo non tenetur edere Aftori, rationes, & inſtru-

instrumenta sua, quibus in iudicio uti non vult l. 1. C. Eod. & ratio est, quia non debent sumi arma à domo aduersarij l. nimis graue, C. de Testib. sed qui agit probationes habere debet, aliàs Actor non probante, Reus etiam si nihil præstiterit absolui debet l. qui accusare, C. Eod. Fallit in Fisco agente, cui editio fieri debet, eorum instrumentorum, quæ ad causam pertinent l. 3. h. t. Idem erit in Ecclesia dote, & alimentis, quæ fisco æquiparantur, l. 2. C. de Priuileg. fisc. in causa libertatis matrimonij, studij, & vbicumque publica versatur utilitas Io. Andr. Panormit. Dec. & alij in cap. 1. de Probat. Item fallit in vsurario, qui tenetur edere Actori etiam si Reus sit Clem. 1. §. cæterum de vsur. In eo qui semel edidit, nam iterum edere cogendus erit l. fin. C. de Fid. instrum. in argentarijs, nummularijs, & similibus, qui mandato partis, scripturas faciunt l. 4. 9. & 10. h. t. Argentarij maiorem quam Nummularij negotiationem habebāt, Nummulariorum enim officium erat, sicut Campsorum, sed nō erat publicum, sicut argentariorum. nam Argentarij nummos fœnori, & suos & aliorum collocabant, item auetionibus, & venditionibus, quæ in publico fiebant, præerant, contractusque apud eos celebratos, eorum Calendarijs inscribebant, quod hodie Notariorum est, quibus & non ab similes esse, Ias. tradit in d. l. 4. & Alciat. Parerg. iur. lib. 8. cap. 19. Acta autem iudicialia omnia petentibus partibus, hinc inde edenda sunt d. l. 1. §. edenda l. 2. C. Eod. exceptis interrogatorijs, ne detur materia subornandi testes Gloss. in c. 2. de Testibus lib. 6. Alex. & Dec. in d. l. 2. item positionibus, quarum copia edi non debet ei, qui debet respondere antequam respondeat Dec. post Bart. & Bald. in d. l. 2. Allegationes autem iuris & ipsas edendas esse crederem con Iasone, & Zazio in d. §. edenda, quicquid in contrarium tētet Dec. in d. l. 2. Differentia tamen est inter editionem actionis, rationum, instrumentorum, & actorum. Nam editio actionis fit, vt aduersarius instrui possit de futura litis specie, ac inspecto iure actoris, deliberare, an cedendum, vel contendendum sit, & si contendendum putet, vt veniat instructus ad respondendum l. 1. h. t. & l. 3. C. Eod. At editio

R ratio-

rationum, instrumentorum, & actorum, magis sit ad instruendam probationem, l. 9. §. nummularios, verbo quarum probatio, & l. 10. verbo, ad instruendum h. t. vel fundandam intensionem, aut exceptionem l. 5. 6. & vlt. C. Eod. quam ad speciem litis declarandam. Quod si editio non fiat ab eo qui edere tenetur, actio in factum aduersus eum datur ad id quod interest l. 6. §. ex hoc edito: ac etiam pronunciare poterit iudex, quod talibus rationibus, & instrumentis amplius, & in perpetuum fides non detur, Innocent. & Canon. in cap. G. perpetuus de Fid. instrum. Bart. & las. in d. §. edenda.

Edita actione, omni que iure, atque instrumentis Actoris Reo communicatis, se penumero fit, ut Reus, cognito iure Actoris, ac proinde de euentu litis dubitare incipiens, pacisci magis, aut transigere velit, quam litis exitum, qui dubius esse dicitur l. quod debetur 52. ff. de Pecul. experiri; ideo recte post Titulum de Eden. subiicitur Tit.

De Pactis. Tit. XIV.

- | | |
|---|---|
| 1 Unde dictum sit pactum. | Et inefficacia reliquerit. |
| 2 Quid sit pactum. | 11 Dari exceptionem ex nudo pacto quomodo intelligatur. |
| 3 An pactum, & conuentio idem sint. | 12 An, ex nudo pacto oriatur naturali obligatio. |
| 4. Pactum, & Pollicitatio in quo differant. | 13 Et an de iure canonico etiam civilis oriatur. |
| 5 Quot sint pactorum genera. | 14 Quae sint pacta resista. |
| 6 Quae sint tacita pacta. | 15 Pactum de futura successione improbat. |
| 7 Quae sint pacta nuda. | 16 Item, & pactum de quota parte litis. |
| 8 Pacti nudi exempla. | |
| 9 Qui sint effectus nudi pacti. | |
| 10 Quare civilis legislator pa- | |

A Edictum de Pactis propositum a Praetore in l. iuris gentium 7. §. praetor ait, interpretaturus. Vlp. in l. 1. more suo solito ab ipsius commendatione auficiatur, dum ait, huius edi-

edicti naturalem esse æquitatem, nec aliquid tam congruū humanæ fidei, quam ea seruare, quæ inter partes placuerunt.

Vnde dictum sit Pactum.

Pactum a pactione dici, & inde pacis nomen appellatum esse in eadem l. 1. habetur: quasi ex pactis seu pactionibus
 1 pax cōficiatur l. in bello in principio ff. de capt. & post lim. reuerf. Accursius in eadem l. 1. pactum etiam dici a percussione palmarum putat, ex cuius dicto fluxisse auguror illam consuetudinem, vt paciscentes mutuo sibi manus porigant, hancq; percussione originem traxisse suspicor ab illo antiquissimo fœdere, quod olim inter Romanos, & Albanos percussum fuisse refert Liuius ab Vrbe condita li. 1. Decad. 1.

Q V I D S I T P A C T V M.

Pactum definitur in eadem l. 1. vt sit duorum, pluriumve in idem placitum, consensus, ita legitur in pandectis florentinis, & placitum ante ponitur quam consensus, quia oportet prius ea quæ proponuntur placere antequam in conventionem redigantur. & in l. 3. ff. de Policitat. pactum dicitur duorum consensus, atq; conuentio. Atq; ita idem videtur esse pactum quod conuentio Cuiac. obseru. lib. 2. ca. 15. Conuentio enim est id quod conuenit, & id quod conuenit pactum est Cic. lib. 2. de inuent. pro Cæcin. & alibi pactum inquit est, quod inter aliquos conuenit promiscueque his vocabulis vtuntur iurisperiti vt patet in l. inter §. conuenit ff. de Pact. dotal. & in l. cum dos ibidem dicitur, pactum conuentum facere, quod est pacto conuenire in l. fin. Eod. Tit. item pactum conuentum idem est quod pactum initum, & factum, & emphasim habet, quasi velit dicere, l. C. pactum conuentum, id est, pactum conclusum inter partes Tot. Tit. C. de Pact. conuent. & putat Duar. pacta conuenta vocari, eo quod nullis legibus Romanis confirmantur (paucis quibusdam exceptis) sed ex conuentu ip-

R 2 fo

so solo per tuitionem Prætoris, valeant, quod nobis etiam significare voluisse, videtur l. C. in dicta lege iurif-
 3 gentium, dum dixit, ait Prætor, pacta conuenta serua-
 bo. Est tamen generalius nomen conuentio, quam pactum
 nam conuentio ad omnia, pertinet de quibus negocij con-
 trahendi, transigendiq; causa consentiunt qui inter se agūt
 nam sicut conuenire dicuntur, qui ex diuersis locis in vñ
 locum colliguntur, & veniunt, ita qui ex diuersis animi mo-
 tibus in vñ consentiunt, idest, in vñam sententiam de-
 currunt d. l. i. §. conuentionis. Non sic pactum se extendit
 sed vbi sunt conuentiones, quibus proprium nomen, ac spe-
 ciale datum non sit, vocabulo satis lato, & generali pacta
 appellantur vt tradit Duar. hic, & sic in hoc pactum a con-
 4 uentione differt. Differt etiam pactum a pollicitatione quia
 Pollicitatio est solius offerentis promissio d. l. 3. ff. de Polli-
 citat. sed cum is cui aliquid offertur tacens consentire præ-
 sumatur l. qui patitur ff. Mandat. quibusdam videtur inter
 præsentem pactum magis, quàm pollicitationem dici; qui-
 bus ego minimè assentior, nam non continuo is qui tacet,
 offerenti consentire intelligitur, cum fortassis e re sua id nō
 futurum esse credat, aut beneficium accipiendo (vt ait Pu-
 blius) libertatem vendere nolit quin; etiam si præsens of-
 ferentis promissum acceptet, adhuc tamen quicquid DD.
 iacent, non erit pactum; quia non est conuentio duorum,
 sed per illam acceptationem, & rati habitionem, valebit
 quidem acceptatio vt pactum, tamen non erit pactum, id
 est, conuentio duorum, sed tanquam pactum. valebit ratio-
 ne consensus postea superuenientis vt tradit Rebuffus in
 l. i. nu. 8. h. t. Item differt, quia pacto cuiuslibet, pollicitatione
 verò, non nisi, Rei P. Ciuitati, Ecclesiæ, Collegio, pauperi-
 bus, & alijs id genus causis, obligari possumus, obligamur-
 que ita demum si iusta causa subsit, aut opus ceptum fue-
 rit l. i. §. i. & §. cœpisse Eod. Tit. de Pollicitat.

Quot sint Pactorum Genera.

Pacta, alia sunt expressa, & alia tacita; expressa sunt, cùm ver-
bis

6 bis declaratur paciscentium voluntas tacita, cum voluntas eorum verbis non expressa, ex coniecturis tantum colligitur.

Quæ sint tacita Pacta.

Exemplum taciti pacti habemus in creditore reddente cautionem debitori suo, nam tacite pacisci videtur ne pecuniam petat l. 2. secus si reddat pignus quia per hoc non censetur remissum debitum l. 3. Sic in simili videmus quod chirographo debitori legato, censetur legata liberatio, at pignore legato non censetur legatum debitum, nisi alia fuerit testatoris voluntas l. 1. & 3 ff. de liberat. legat. Et differentie ratio est, quia pignus est accessio quædam principalis obligationis, sicut fideiussio, ideo sicut fideiussore liberato non propterea liberatur principalis debitor l. 23. h. tit. ita reddito pignore non extinguitur principalis obligatio cuius accessio quædam est pignus. At reddito chirographo extinguitur principalis obligatio, quia chirographum principalem continet obligationem, ita Cuiac. hic. Alia etiam ratio esse potest, quia redditio chirographi nullius esset momenti, si non intelligeretur remissum debitum, at redditio pignoris operatur, quod usus præstitus censetur l. certe §. fin. ff. de Præcar. Quinimo creditores lege diuina expresse iubebantur quorundam pignorum usum indulgere pauperibus debitoribus ut Deuteron. cap. 24. habetur; ideo mirum non est, si hoc casu non liberetur.

Aliud exemplum taciti pacti habemus in l. 4. de rebus inuectis & illatis in prædium vrbani, quæ tacite intelliguntur hypothecate tam pro assidu, quam pro deterioratione fundi secus tamen est in prædijs rusticis l. certi iuris C. locat. & Ratio differentie est, quia in rustico fructus qui nascuntur sunt tacite obligati etiam si nihil conuentum sit l. in prædijs ff. in quibus caus. pign. vel hypoth. tacit. contrahit. At in vrbano cum nulli fructus nascentur ratio excogitata est, qua domino consulatur, ut scilicet, inuecta, & illata sint tacite hypothecata, Atq; hinc facile conciliare possumus

con-

134 Pandectarum Liber Secundus.

contrarietatem, quæ videtur esse inter Vlpian. & Paul. l. c. nam Vlp. in l. solutum §. solutam ff. de Pign. act. scribit, inuecta, & illata a secundo conductore esse obligata domino non in totam summam, sed in eam tantum pro qua condixit, At Paulus in l. si in lege §. si colonus ff. Locat. scribit, inuecta, & illata a secundo conductore non esse domino obligata; Resolutio est, quod Vlp. loquitur in fundo urbano, Paulus in rustico.

Altera, & secunda pactorum diuisio est, quod Alia sunt nuda, & alia vestita: quæ appellatio licet Doctorum magis, quam legis sit, apta tamen tenendaq; est, quicquid in eam recentiores tentent.

Quæ sint Pacta nuda.

Pacta nuda dicuntur illa, quæ stant in nudis, puris, ac simplicibus finibus conventionis, & in quibus nulla subest causa, & quæ nihil habent præter ipsam conventionem; Dicunturq; nuda, quasi destituta a quo vim summant. Verg.

Nudus in ignota Palinure iacebis arena.

quo etiam modo, nuda proprietas dicitur, quæ est sine fructu ut in Tit. de Usufruct. nuda traditio, quæ cum causam non habeat, non transfert dominium l. nunquam nuda, ff. de Acquir. rer. domin. nudum nomen hæredis quod est sine hæreditate. Sic & nuda pactio, conventio, quæ est sine obligatione, hoc est, quæ præter consensum nihil habet. Vnde & desinitur in l. 1. ut sit duorum, pluriumve in idem placitum, consensus, hoc est, nihil aliud quam consensus. Quoties igitur, Iurisconsulti pactum dicunt, eam conventionem intelligunt, quæ non est contractus, non quod ex latini nominis ratione, pacti appellatio latius protendi nequeat, sed quia in re tam varia, lateq; patente commodius fuit, singulas res singulis appellationibus designare, & ideo Tituli de Pactis, in Pandectis, & Codice de Pactis nudis sunt.

PACTI NUDI EXEMPLA.

Pacti, seu pactionis nude exempla multa colligi possunt in libris nostris, eiusmodi est conuentio, Do, vt Des, Do, vt facias, & similes ante implementum vt constat ex d.l. iuris gentium §. sed cum nulla, item placitum diuisionis l. 45. h. tit. placitum permutationis l. ex placito C. de Rer. permut. pactum de litigando coram iudice non suo l. si conuenit ff. de iurisdic. omn. iudic. & id genus alia multa.

Qui sint Effectus nudi pacti .

Effectus pacti nudi seu nude pactionis est, vt non pariat actionem sed exceptionem d.l. iuris gentium, §. sed cum nulla intelligite regulariter, nam, & interdum actionem parit, vt si sit legitima, id est, lege aliqua confirmata l. 6. h. t. quedam enim sunt, quæ licet consensu gentium non ita probentur, vt ad obligandum valeant, tamen iure ciuili, id est, Romano, obligationem pariunt, & ideo dicit l. C. in d. l. 6. quod interdum ex pacto actio nascitur, vel tollitur, quoties lege, vel Senatusconsulto adiuuatur. Exempla actionis natae varia affert Accurs. ibi; Vnum de pacto nudo donationis l. si quis argentum §. fin. C. de Donat. in quo Accursium Bart. & cæteri reprehendunt, cum non ex pacto a lege confirmato, sed ex lege propter pactum actio nascatur, quod quidem multum interest l. etiam ff. de Vsur. & d. l. si quis argentum §. fin. sed vt hæc communia fateamur, non immerito tamen quibusdam plus nimio scrupulosa uidentur. Alterum exemplum affert in Dote, quam nudo pacto promissam lex confirmat l. ad exactionem C. de iur. dot. sed dotis promissionem conuentionem legitimam propriam esse, Bartoli, & omnium consensu receptum est in Rub. sol. mat. Alia exempla afferri solent, in eo qui nudo pacto aduocato salariū promittit l. 1. C. de suffragio, aut qui uerior est sensus Zazij in l. 2. §. ijsdē ff. de Orig. iu. & Alc. in l. si creditori C. de Pac. in eo, qui pacto nudo ei promittit, quo intercessore desideria sua a principe explicari uult, In accessione triti-

ci,uel hordei per pactum nudum promissi l.frumenti C.de vsur. & in vsuris, quæ ciuitati ex nudo pacto debentur l. etiam ff.de vsuris.

Actionis verè natæ, quæ pacto nudo tollitur, exempla hæc sunt cum actiones ex maleficijs descendentes pacto tolluntur l. 17. §. quædam h. t. cum creditor mulieri, aut filiofamilias, pactum de non petendo facit, neq; enim tunc Velleiani Macedonianive exceptionibus opus est, sed ipso iure tuti sunt, cum inter hæredem, fideicommissariumq; conuenit, vt alter solus hæreditaria onera subeat; quæ exempla, Bartolo reclamante, merito recipiuntur. Addit Accurs. & aliud de acceptilatione, sed hoc, vt Bart. notat ad conuentionem legitimam propriam magis spectat.

Parit igitur, exceptionem pactio nuda, non actionem, sed an iure ciuili; An prætorio? Alciat. in l. 1. C. de Pact. putauit iure ciuili a Prætoris confirmato, quod doctis omnibus merito displicuit. Verius enim est, iure ciuili nullius esse momenti, pactum, pactum inquam hoc, quod Prætor se seruaturum pollicetur in d. l. 7. §. ait prætor. Quam ob rem autem, ciuilis legislator pacta inefficacia reliquerit; Ratio illa reddi potest, quod is existimauerit non fore ex populi utilitate, constituere, vt ex quibuslibet promissis homines
10 teneantur, ne veluti verbum plagi illaqueari viderentur magnum. n. fortunis omnium videbatur imminere periculum, si quocunq; dicto, aut promisso tenerentur homines. Et sanè iustum fuit etiam, aliquid honestati cuiusq; & liberalitati relinquere, & non omnia ad necessitatem obligationis reuocare atq; exigere, sicq; sat consultum fore populo putauit legislator, si modus quidam contrahendæ obligationis, verbo induceretur, in quam rem stipulationem induxit, quasi ita commonito populo, vt si tuto negotium gerere vellet, id faceret per stipulationem. Quod etiam stipulationis ius, quoniam magnum videbatur generare periculum, inducta, scilicet, obligatione verborum, quæ facile, neq; semper satis considerate labuntur, interpretationibus quibusdam adhibitis, prudentes composuerunt, quæ efficerent, vt non ita facile stipulatio contracta diceretur, qua
 de

de re Vlp. in l. i. ff. de Verb. oblig. & DD. nostri tradunt, non ex qualibet interrogatione, & responsione induci stipulationem, cui conuenit illud Varronis, non quicumque ait, spondeo, obligatur ex sponso. Non agnouit igitur pactiones nudas ciuilis legislator Prætor tamen agnouit, pro ea potestate quam habuit iuris ciuilis corrigendi, hactenus, vt exceptionem daret. Sed cur non & actionem? quidam putant, quia ius ciuile non potuit tollere Prætor, quod non probo, nam & interdum ex pactis actionem dat Prætor, vt de constituta pecunia, & hypothecariam. Probabilius igitur erit dicere, exceptionem ex pactis dandam existimasse Prætores, eo quod, id conueniret, rationi, & æquitati naturali magis, quam dare actionem, cum fauorabilior sit causa excipientis, quam agentis; Dat autem, & interdum actionem, vt de constituta, & hypothecariam, eadem equitate nihil reclamante; Neq; enim cum ita facit Prætor, obligationem inducit, sed iam constitutam, & natam seruat, quæ tamen ob iuris ciuilis asperitatem, vires suas, non exercet. Dari autē exceptionem ex pactis nudis exponendum est, vt scilicet, tum demum nuda pactio exceptionem pariat, quum accedit alicui constitutæ iam obligationi ex qua actio competit, vt non mirandum sit, ex nudo pacto, tum dari exceptionem, quia quodā modo, imo vere inesse dicitur illi obligationi itaq; si promissi dare vt des: quamdiu tu non das, nuda est ista conuentio, & neutri nostrum parit actionē quare nec exceptionē quidem, cū exceptio sine actione esse nequeat, et vbi nō est actio, ibi nec exceptio esse possit, quæ nihil aliud est, quā actionis exclusio. At si stipulatus es sēs a me 10. & postea paciscaris non petere, petenti tibi obstat ex pacto exceptio quod stipulationi inesse putatur, quū de eius obligatione detrahat. Sed dubium est, nūquid ex pacto nudo oriatur saltem naturalis obligatio, & dicendum

12 est quod sic las. in Rubr. ff. de Verb. obligat. nu. 5. & Zaz. n. 10. Connan. tamen Comment. iur. ciu. lib. 5. cap. 1. nu. 6. late disputat, defenditq; immo non oriri, sed ita demum si is cui promittitur fidem alterius sit sequutus ex l. cum amplius §. is natura debet, ff. de Regul. iur. Tuncq; videri sequutum

S fidem,

fidem, cū nisi fiat quod promissum est, damnum passurus sit, secus si non seruata promissio damni nihil afferrat. Sed verius est, obligationem naturalem in pactis estimandam esse non ex eo quod interest alterius ex paciscentibus seruari pactum, sed ex fide data. Quinimo receptissima opinio est, de iure Canonico etiam ciuilem oriri per text. in ca. 1. & 3. de Pa&ct. quasi hoc sit nouum, vt Bald. vocat in d. cap. 1. vestimentum Canonice sanctionis, sed cur ita Canones velint, quærimus dicunt, quia Deus non facit differentiā inter iuramentum, & simplicem loquelam. c. iuramenti 22. q. 5. sed certe aliud est dicere, Deum non facere illam differentiā, aliud quod ius canonicum non faciat. Ideo alij rationem esse credūt, quia ius canonicum æquitate nitatur, & vbi æquitas seruatur, etiam iure ciuili ex pacto nudo actio oriatur vt inter mercatores Bald. in d. c. 1. col. pen. de Pa&ct. Quidā tamen casus sunt, in quibus etiam de iure canonico actio nō nascitur. Vnus est in contractibus innominatis & permutatione, in quibus ante implementum, etiam de iure Canonico actio non nascitur quod Bald. in d. ca. 1. & plures alij notant. Item non nascitur etiam ex pacto nudo fideiusforis, actio eodem iure Bald. in l. siue apud, C. de Transact. Item nec cum pactum est nudum a causa, nam cum pactum nudum iure canonico plus operari non possit, quam stipulatio iure Ciuili, c. sunt qui opes 17. q. 4. Abb. & Felin. in c. si cautio de Fid. instrum. & de iure ciuili stipulatio sine causa inefficax sit l. 2. §. circa, ff. de Dol. except. consequenter, & pactum nudum a causa de iure Canonico inefficax erit. Et si dicatur, pactionem, quæ habet causam non esse nudam ex Vlpiano in l. Iurisgentium in principio dum ait, *sed & si in proprium nomen contractus res non transeat subsit tamen causa ultra conventionem adhuc actio datur.* Resp. quod aliud est dicere, pactionem ob causam factam esse, aliud ultra conventionem causam subesse. nam causam subesse intelligit Vlp. ibi quando intercedit datio, vel factum, veluti si do, vel facio aliquid, vt & tu vicissim aliquid des, vel facias, tūc enim conceditur actio post datum, vel factum, ad consequendum id, de quo conuentio facta est; At ob causam fieri potest, etiam

etiam nulla sequuta datione, vel facto, vt si promittam tibi centum ex causa mutui, tunc enim hoc pactum solum non obligat de iure ciuili, quia sola causæ appositio iure ciuili satis non est, At iure canonico obligat, & satis est, Oroscius in d. l. iurisdictionum §. sed cum nulla nu. 24.

Alter, & secundus effectus pacti est, quod informat principalem contractum, si incontinenti sit appositum, et facit quod actio descendens ex contractu porrigatur etiam ad id, quod in pacto comprehensum est. d. l. iurisdictionum §. quinimo. Exemplum habemus in l. si sterilis §. si tibi ff. de Action. empti. vbi si vendidi fundum, vt eum conductum haberem, & tu non vis locare iuxta pactum agam ex vendito vt loces, quasi in partem pretij ea res sit, omnia enim pacta pars pretij sunt l. fundi partem & l. qui fundum, ff. de Contrah. empt. & hæc dicitur virtus pacti reformatiua; secus tamen est, si ex intervallo subsequatur pactum, nam tunc non inest ex parte actoris, nec informat contractum, & hoc ne ex pacto nascatur actio, id quod tribus exemplis probat, l. C. ibi in d. §. quinimo.

Tertius effectus, seu tertia virtus pacti est reformatiua, veluti vendidi fundum pro 100. & deinde facio pactum, vt sit venditus pro 150. vel etiam pro 50. tantum; tale pactum, etiã ex intervallo adiectum reformat, ac quasi renouat contractum, & proficit etiam ad actionem d. l. iurisdictionum §. adeo.

Quartus effectus, seu quarta virtus, est, transformatiua, veluti in contractu præcarij fit pactum, quod non possit reuocari ante certum aliquod tempus, tale pactum transformat contractum præcarij in commodatum; l. cum præcario 12. ff. de Præcar. sic si in donatione causa mortis fiat pactum quod non possit reuocari, transformabit donationem causa mortis in donationem simplicem l. vbi ita donatur, ff. de Donat. caus. mort.

Quintus effectus, seu quinta virtus est, quæ appellatur elisua, vt in pacto de non petendo, de quo in l. si vnus §. pactus ne peteret, cuius legis Casus talis est. Debebas mihi centum ex stipulatione, feci tibi pactum de non petendo, deinde

feci pactum, vt possim petere, & sic sunt tria pacta, primum ex contractu, secundum de non petendo, tertium de petendo, Quæritur si ego agā ex primo contractu, & tu obijcias pactum de nō petendo, an possim te repellere replicatione posterioris pacti, & responderet Paul. l. C. secundum pactum per posterius elidi non ipso iure. sed ope replicationis. Elidere enim significat non omnino tollere, seu submouere, sed debilitare, siue inefficax reddere, & hæc de pactis nudis.

Quæ sint Pacta vestita.

Pacta vestita sunt, quibus, vel nomen, vel causæ impletum
14 vel coheræntia contractus accedit, & hæc & exceptionem, & actionem pariunt tex. in d. l. iuriscientium §. quinimo, & ibi Glossa Bart. & omnes.

Tertia diuisio pactorum est, quod quedam pacta de re publica fiunt, quedam de re cuiusq; familiari, & priuata d. l. iuriscientium §. si paciscar. De re publica fiunt pacta, quoties Duces belli inter se paciscuntur l. §. hoc Tit. nec enim Principi tantum, qui summum imperium, summamq; potestatem habet, verum etiam Ducibus belli, pacta con hostibus in re publicæ utilitatis causa permittitur; sed dubium est, an a Ducibus belli, citra Principis, aut populi consensum, cuius nomine bellum geritur pax constitui possit? & Barto. posse negat. Quæ sententia vera est, si ducendi tantum, regendique exercitus cura eis demandata sit, non autem plena, liberaq; rerum omnium potestas concessa argum. l. procurator cui generaliter infra de Procurat. Quam ob causam foedus ab Hostilio Mancinio con Numantinis percussum, senatus ratum non habuit. Vnde Sallustius de pace inter Aulum exercitus Romani Ducem, & Iugurtham Numidarum Regem facta, senatus, inquit, ita vti par fuerat, decernit, suo atq; populi iniussu, nullum potuisse foedus fieri. Verum, si de inducijs quærat, idē quod de pace respondendum plerisq; placuit: cum procuratori qui liberam potestatem non habet, tempus ad soluendum dare non minus, quā transi-

transigere con aduersario, interdictum sit l. qui Romę, §. Callimachus infra de verb. obligat. quam sententiam, vt veriore receptioremq; Probat Duaren licet Accurf. atque Bart. contradicēt. Atq; ita cum inter Aegidem Lacedæmoniorū Regem, & Thrasilum Alciphronēq; Argiuorum Duces, pactę essent quatuor mensiū inducię, nō sine ratione. factum est, auctore Alcibiade, vt eas Argiui ratas nō haberēt, idemq; a Lacedæmonijs factum, Thucycides scribit eas tamen inducias, quę necessitatem aliquam habent, excipien- das esse, idem Duarenus tradit, veluti, quę sepeliendorum cadauerū gratia, inuicem conceduntur; quas uel humanita- tis ratio non denegandas esse suadet. Sic Verg. *Æneid.* 11.

*Iamque oratores aderant ex vrbe latina,
Velati ramis oleę, veniamq; rogantes.
Corpora per campos ferro quę fusa iacebant
redderet, ac tumulo smeret succedere terrę
nullum cum victis certamen, & æthere cassis*

& Paulo post

*Bis senos pepigere dies, & p̄ce sequestra
per syluas Teucris, mixtiq; impune latini
errauere iugis.*

De re priuata & familiari fiunt pacta, vt si quis paciscatur, ne iudicati, incēsarum ædium, depositi, furti agat ne operis noui nunciationē exequatur d. l. iurisgentiū §. si paciscar. ne iumēti vitiosi aut morboſi vēditor redhibitoria actione te- neatur l. pacisci h. t. & c. Illud tamē omittendū nō est, quod de re quę ad Rē P. magis quam ad rem familiarem spectat, pacisci non possumus, nam ius publicum priuatorum pactis mutari non potest l. ius publicum. h. t.

Quarta diuisio est, quod alia pacta sūt iusta, alia iniusta, iusta intelligimus, quę legitima, iuri, & bonis moribus consentanea sunt, iniusta, quę de re rursi, & inhonesti, bonisq; moribus, ac legibus contraria fiunt, & hæc nullius sunt momenti, & ideo, si ob maleficium ne fiat (sic enim legitur in Pandectis Florentinis) aliquid promissum sit, nulla est obligatio, tex. est in d. l. iurisgentium §. si ob maleficium, & Ratio est, quia licet hæc causa ne maleficium fiat, in se sit iusta,

sta, & honesta, attamen ex parte recipientis, iniusta, est, & turpis, nam qui pecuniam accipit pro re facienda quam gratis facere tenetur, turpiter accipere dicitur l. 2. ff. de Cond. ob turp. caus. & l. fin. C. Eod. cui consequens est, testem esse falsarium, qui ob dicendum testimonium pecuniam accipit, & si veritatem dicat Glossa in l. 1. ff. ad l. Cornel. de fals. in verbo aduocationem, & Ias. in l. diuus, ff. de Re iudic. nu.

- 15 27. sic & pacta quæ de futura successione fiunt, tanquam iniusta, & bonis moribus contraria, improbantur l. pactum quod dotali C. de Pact. l. hæreditas, C. de Pac. conuen. Apud priuscos enim Romanos, turpe, ac impudens habitum fuit, de hæreditate viuentis quemquam sollicitum inducunt enim talia pacta votum captandæ mortis, & more vulturum cædauit, ut aiunt, expetandi occasionem præbent; liberam testandi facultatem auferunt, nec permittunt voluntatem testatoris esse ambulatoriam vsq; ad supremum vite exitum, cum tamen nihil sit, quod hominibus magis debeatur, quàm ut supreme voluntatis liber sit stilus, & licitum quod iterum non redit arbitrium l. 1. C. de Sacr. Sanct. eccles. sane in militibus ad prælium pergentibus constitutum est, huiusmodi pacta valere, ut ad superstitem alterius bona perueniant, nam voluntas eorum quoquomodo declarata, vim testamenti obtinet l. licet inter priuatos, C. Eod. similiter, & pactum, quo causidicus a litigatore litem redimit, conuenitq; ut is nomine mercedis certam partem eius pecuniæ quæ ad iudicata fuerit, vel maiorem aliquam summam in euentum litis accipiat, reprobatur l. sumptus. h. t. l. salarium infra mandat Tale enim pactum, quod de quota parte litis dicitur, Causidicis calumniosè litigandi occasionem præbet, nam quoties spes aliqua vberioris questus certa ipsis ostenditur *Tunc immensa caui spirant mendacia folles ut saryricus Poeta inquit.*

Quinta diuisio est, quod quædam pacta in rem sunt, & quædam in personam. In personam pacta sunt, quoties fiunt ne a persona petatur, puta a Titio. In rem, quoties generaliter paciscimur, ne res aliqua petatur, curus diuisionis magna est utilitas, nam personale pactum ad alium non per-

De Pactis Tit. XIV. 143

pertinet, sed ei duntaxat prodest, con quo factum est l. 28. §. primo, & 28. §. ante omnia. In rem autem pactum omnibus prodest, quorum obligationem dissolutam esse, eius qui pacificetur, interest l. 22. §. fi. et hæc de pactis, nunc, de Transactione, per quam sæpè etiam, controuersie inter litigantes, aliquo tamen dato, remisso, vel accepto, componuntur videndum est in Titulo.

De Transactionibus Tit. XV.

- | | |
|---|---|
| 1 <i>Quid sit Transactio.</i> | 7 <i>Quid de falso.</i> |
| 2 <i>Quæ requirantur in transactione.</i> | 8 <i>Et quid in crimine priuato.</i> |
| 3 <i>Qui transigere non possint.</i> | 9 <i>Quomodo intelligatur de crimine licitum esse transigere.</i> |
| 4 <i>De quib. reb. transigi non possit.</i> | 10 <i>Qui sint effectus transactionis.</i> |
| 5 <i>Et an de crimine transigi possit.</i> | |
| 6 <i>Et quid de Adulterio.</i> | |

Quid sit Transactio.

TRansactionis verbum non solum generaliter accipitur, sed, & specialiter. Transacta enim aliquando dicuntur quæ quoquomodo ad finem producta sunt, vel sententia, vel iureiurando vel longi temporis silentio, aut quolibet alio modo l. transactio 229. con l. seq. ff. de verb. signific. specialiter autem vt in hoc Tit. accipitur pro decisione rei dubiæ, litisue incertæ data, retentæ, aut promissæ realiqua, & ideo definitur, vt sit de re dubia, & lite incerta non gratuita passio l. 1. h. t. l. 2. & 38. C. Eod. dictaq; est Transactio auctore Bald. in l. 2. infra de iur. iur. quasi transitus actionis. Vt enim agere Actor dicitur qui id petit quod sibi debetur §. 1. instit. de Action. ita transigere dicitur qui actionem trans, seu ab actione recedit. Et contractum innominatum esse Transactionem Accurf. in l. siue apud acta, C. Eod. sentit, cui Bart. nu. 21. & cæteri assentiunt, & hoc propter generalitatem nominis, non autem quia sic legislatori placuerit, vt qui-

quidam putant nam nimis imperiosa esset hæc ratio. Sic & diuisio l. diuisionis supra de Pact. & pactum nudum Glo. in l. 1. ff. de Action. & obligat. & permutatio Glof. in Rubr. C. de Rer. permutat. contractus innominati dicuntur specia-
le tamen est, in transactione vt in ea non sit locus peniten-
tiæ l. quamuis 39. C. Eod. quod non est in alijs contractib.
innominatis l. si pecuniam infra de condict. ob caus. & tra-
dit Bartol. in l. naturalis §. quod si faciam infra de Præ-
scriptis. verb.

Quæ requirantur in transactione.

Requisita transactionis sunt Primo, vt non sit gratuita, sed
quod in ea aliquid detur, retineatur, vel promittatur, quia
2 transactio nullo dato, vel retento, seu promisso, non valet
l. 38. C. Eod. & in hoc differt a pacto quod tunc dicitur cum
quis gratis remittit l. 1. h. t. Secundo requiritur quod fiat de re
dubia, & lite incerta d. l. 1. & in hoc similiter differt a pacto,
quod dicitur, cum res certa, aut indubitata remittitur d. l. 1.
Et rem dubiam intelligo non solum si lis mota sit, sed etiã
si moueri timetur, dummodo absit calumnia l. 2. C. Eod.
ideo post rem iudicatam transactio non admittitur, quia per
sententiam res dubia esse definit l. 32. C. Eod. nisi a senten-
tia appellatum sit, vel intra tempus datum ad appellandum
facta sit, nam tunc valet l. 7. h. t. Et si quis dicat cur mihi
non licet remittere quod mihi per sententiam adiudica-
tum est? l. iurisgentium §. si paciscar supra de Pact. Respon-
deo, non est dubium, quod quis potest remittere quod sibi
iudex per sententiam adiudicauit, sed transactio non erit,
quia transactio donandi animo facta non valet, quoniam
qui transigere vult, non habet animum donandi neq; vide-
tur velle gratis remittere, & sic deficit consensus, & volun-
tas donandi, atque remittendi cum quis transigere se velle,
ait ideo non valet.

Qui transigere non possint.

Transigere non potest Primo Procurator, etiam si generale
mandatum habeat l. 60. infra de Procurat. nisi sit generale
con

De Transactionibus. Tit. XV. 145

con libera. l. 58. infra de Procurat. & l. 17. §. ult. infra de iur. iur. vel nisi in rem suam constitutus sit, l. 9. C. de Procurat. Secundo Procurator Cęsarıs, & ipse nisi speciale mandatũ habeat, transigere non potest l. nulli 13. h. t. idem & de Defensore Ciuitatis, municipij, aut corporis alicuius qui syndicus dicitur dicendum est, cum vniuersorum bonorum ciuitatis administrationem liberam non habeat argumen. l. 34. §. defensor infra de iur. iu. Tertio pater de re filiorũ quos in potestate non habet similiter transigere non potest l. de re filiorum 10. h. tit.

De quibus rebus transigi non possit.

Transigi non potest Primo de his controuersijs, quę ex testamento pendent, nisi inspectis cognitisq; verbis testamenti l. 3. 6. & 12. Secundo de alimentis etiam transigi non potest, nisi auctore Prętore l. 8. h. t. intellige de futuris, nam de pręteritis potest l. de alimentis, C. Eod. Item intellige de futuris relictis in vltima voluntate, nam de alimentis per contractum constitutis licet etiam sine Prętore transigere d. l. 8. §. planę, & rationem diuersitatis cur scilicet de pręteritis liceat, non de futuris, Bart. in d. l. de alimentis, dicit esse, quia pręterita alimenta non sunt necessaria sicut futura: nam si futura negarentur posset quis fame mori, sequitur Bald. & Ias. ibi; sed cur postea de futuris ex contractu liceat? idem Bart. in redenda ratione diuersitatis lapsus est inquirens tempus presens, pręteritum, & futurum, & similiter extra chorum saltat. Dec. dicēs ex sententia Salyceti, & Alberici, quod in alimentis debitis ex contractu transigitur, quia sicut quis fuit diligens in alimentis acquirendis in contractu, ita erit in conseruandis. Ego autem rationem esse existimo, vt seruetur testatoris voluntas, quam nulla ratione, nec Legatarius, nec alius potest violare, nam verisimile est testatorem ita voluisse alimenta pręstari, vt ordinauit, & ideo cum agatur de iure tertij, nec hæres, nec legatarius potest tollere legem dictam a testatore; non sic est in alimentis pręteritis, quia ad pręterita non est potentia, non

T sic

fic etiam est in alimentis debitis ex contractu, quia tunc non agimus de iure tertij, & de voluntate testatoris seruanda. Ex quo sequitur, transactionem esse prohibitam non tantum favore alimentorum, sed etiam favore postremæ voluntatis, nam publice interest postremas hominum voluntates exitum habere, cum nihil magis hominibus debentur quam ut liberum habeant, quod iterum non reddit arbitrium l. i. C. de Sacros. Sancro. Eccles. l. vel necare, ff. quemad. test. aper. nam si solus fauor alimentorum transactionem impediret, dicendum proculdubio esset etiam de alimentis quæ ex contractu debentur, transigi non posse.

De crimine autem an transigi possit? & dicendum est transigere vel pacisci de crimine capitali, excepto adulterio, prohibitum non esse l. transigere 18. C. Eod. ignoscitur enim Reo, qui sanguinem suum qualitercunque redemptum voluit l. i. ff. de Bon. eor. qui ante sent. sibi mort. consc. crediturque in vitæ discrimine, non sceleris conscientia pacisci, aut transigere. Sed cur excipiat adulterium, si rationem quæras, vix inuenies ubi quæas consistere, à singulis enim interpretibus singulæ ferè rationes redduntur adeo ut si villo loco dici possit. Tot sententiæ quot capita, hic ille locus sit, quo iustissime prouerbium istud vsurpes. Sunt qui propter criminis enormitatem hoc constitui volunt Odo. fre. in d. l. 18. Mant. sing. 268. Forcat. in Cupid. Iurisperi. cap. 3. Guiber. de Dotib. cap. 6. nu. 25. Alij matrimoniorum fidem, & legitimæ sobolis curam, & sollicitudinem considerantes in fauorem, & honorem matrimonij id factum fuisse affirmant Castr. in d. l. 18. Roman. Salic. Ias. Alex. Quidam ex eo quod olim iure Digestorum adulterium non esset capitale, transigi non potuisse, quod licet postea capitale factum, antiqui tamen iuris dispositionem mansisse, credunt, ut de eo transigere non liceat Alciat. in d. l. 18. & lib. 5. Parodox. cap. 8. Cuiac. Obser. lib. 6. cap. 11. Dicunt alij quod cum adulterium semper in occulto, & clam fieri soleat, nimis bene con adulteris ageretur si se possent pecunia redimere. quod quidem esset in præiudicium vindictæ publicæ, & hanc rationem Alciat. in d. l. 18. ascribit Bart. & Bal. quo tamen in loco id ipsi dixerint, nec

nec ipse refert, nec ego potui inuenire, vt cumq; sit mihi placet. Existunt etiam nonnulli, pactiones in adulterio improbari, quod non turpes esse non possint, & sine lenocinii suspitione l. 2. & 29. ff. ad l. Iul. de Adult. imò militem qui cō adultero vxoris suæ pactus est, solui sacramento deportarique debere Papin. scribit in l. 11. Eod. Tit. & hæc fuit ratio Bald. in d. l. 18. Connan. comment. iur. ciuil. lib. 5. cap. 7. Coras. Miscel. lib. 2. cap. 1. De alijs autem publicis criminibus quæ sanguinis pœnam non ingerunt transigere non licet, citra falsi accusationem d. l. transigere 18. Quia cum cesset ratio redimendi sanguinis, propter quam conuiuentibus oculis transactionem lex permisit, qui transigit fateri præsumitur, & sceleris cōscientia transigere videtur, resurgitq; zelus publicæ vindictæ à quo nihil est quod reuocet. Ieiunius qui, ff. de iur. Fisc. & l. fin. ff. de Præuaricat. Sed cur non id ipsum dicitur in falso, vt qui de eo pactus fuerit, existimetur confessus delictum? Sunt qui huius delicti atrocitatem putant id induxisse, cuius tanta est infamia vt capitalibus criminibus comparetur Cyn. Bar. Salic. Roman. Alex. Ias. Angel. & Riminal. in d. l. 18. Alijs placet vt probatio falsi, vera esse debeat clara, & aperta, neq; sufficiat quæ ab ipsis transactionibus suspiciose ducitur Alciat. Paradox. lib. 5. cap. 9. Nonnulli intelligunt non licere in falso, vt nec in alijs publicis criminibus transigere citra falsi accusationem, id est, sine falsi accusatione, & quin paciscens accusari falsi possit accipiendo, citra, pro sine, pro vt & in l. generali, ff. de Publ. iudic. & in l. vt si ff. Pro socio. Donell. & Alciat. in d. l. 18. Lorient. de Pact. axion. 102. Reuard. Var. lib. 4. cap. 6. Dicamus nos con Connan. comment. iur. ciuil. lib. 5. cap. 7. & Cuiacio obseruat. lib. 6. cap. 11. quæ fuit etiam ratio Ioannis, Odofred. & Accursij in d. l. 18. scilicet, quod aliud dicitur crimen falsi, quod solam publicam vltionem respicit, prout est in his, qui monetam falsant l. 2. C. de Fals. monet. radunt, vel adulterant l. 8. & 9. ff. ad l. Iul. de fal. et hæc et similia nō pprie sunt crimine falsi cēsenda, sed generali significatione ita appellantur, & ideo habent etiam in Codice suum proprium tractatum. Aliud est crimen falsi proprie, quod priuatam

solum eius qui offensus est, iniuriam continet. de quo, & civiliter, & criminaliter agi potest, & de hoc transigere concessum est, sic ut pro convicto non habeatur qui transigit, nam cum priuatum eius intersit ita facere, pecuniarium suum compendium transigendo quaesuisse, non delictum tegere voluisse, credendus est. Nec enim criminis confessionem ex transactione suspicari debemus, quando aliò coniectura deriuari potest, si enim de fundo lis sit, et tu falsa instrumenta supposuisti, ut ius tuum constitueres, cur non licebit tibi de falso mecum transigere? quod si facias, de fundo potius transigisse, quam de crimine confessus fuisse videris. In nullo enim alio crimine, tanta est coniunctio priuatae vindictae con publica, quanta in isto. Controuersia siquidem fundi nihil ad publicum falsi crimen, & tamen in ea ius ex instrumentorum veritate pendet, neque fundi causa sine falsi cognitione iudicari potest, & tamen illa cognitio, non ad vindictam publicam, sed ad fundi adiudicationem pertinet. Et sic non est vllum falsi crimen, cui non sit coniunctum pecuniarium commodum, de quo transactio interpretanda, & non ad confessionem criminis, de quo quatenus est crimen, non agitur, est traducenda. Ut sic in falso qui paciscitur, non de eo sed de re sua pacisci existimetur, quam sibi mauult utcumq; confirmare, quam iuris sui, & illius criminis dubium subire iudicium. Exemplo sit, quod Alex. Imp. scribit in l. 5. nec non Val. & Gal. in l. 7. C. ad l. Cornel. de fals. sub quo titulo non agitur de alio falsi genere, nam monetariorum crimen, alio nomine, aliaque poena censetur.

Atque ita concludendum est, quod vbi de crimine capitali agitur & transigere, & pacisci concessum est, excepto adulterio; vbi verò de crimine agitur quod sanguinis poenam non ingerit, nec transigere, nec pacisci licet, excepto crimine falsi.

Ampliat ut procedat non modo si agatur de crimine publico, sed etiam priuato, quia etiam in criminibus priuatis non est licita transactio, si poena sanguinis non ingeratur. Bart. in d. l. 18. num. 14. Purpurat. num. 120. Padila num. 104. laf.

Alciat.

De Transactionibus. Tit. XV. 149

Alciat. & alij. Clar. lib. 5. sent. §. fin. q. 58. num. 16. & Fachin. controu. iur. lib. 1. cap. 9. Hoc autem quod diximus, scilicet, 9 de crimine capitali licitum esse transigere, intellige, Primò quantum sit ad id quod ipsarum partium priuatim interest, & ad hoc ne accusator amplius admittatur. Secundò quo ad hoc, vt propter transactionem non habeatur reus pro confesso, & conuicto. Tertio vt non puniatur aliqua pœna, quasi corruerit accusatorem l. Imperatores, ff. de iur. Fisci. Ac demum ad hoc ne accusator incidat in Turpillianum, tanquam desistens ab accusatione l. 1. ff. ad S. C. Turpillian. cuius pœna pecuniaria est, scilicet quinque librarum auri, l. 3. ff. de Præuaricat. Secus tamen est quo ad punishment criminis, nam vindictæ publicæ ius suum seruat integrum, & ideo poterit iudex vel ad alterius accusationem, vel ex officio suo procedere, & si probatum fuerit crimen, delinquentem etiam ordinaria pœna punire, quod & lege, & ratione probatur. lege, per tex. in l. qui cetu, §. fin. ff. ad l. Iul. de vi public. cuius hæc sunt verba. Qui vacantem mulierem rapuerit, vel nuptam ultimo supplicio punitur, & si pater iniuriam suam precibus exoratus remiserit, tan. ē extraneus reum postulare poterit facit l. 2. C. de Abolition. ibi, redemptæ miserationis vox minimè admittatur, sed aduersus nocentem reum, inquisitione facta competens pœna ingeratur, ratione confirmatur; quia cum ex quolibet delicto duplex offensæ oriatur publica, & priuata, consequenter duplex etiam actio oritur vna parti, altera Rei P. l. licitatio, §. sed quod illicitè, ff. de Publican. & vectigalibus. Ideo pacto, vel transactione partis non potest auferri ius vindictæ publicæ argumento l. iuris gentium §. si Paciscar. supra de Pact. & ita etiam tenet Bart. in d. l. 18. in Prima lect. num. 8. Angel. num. 7. Bald. Salicet. Castr. Alex. & alij quos refert & sequitur Gomez. var. Resolut. Tom. 3. cap. 3. num. 55. Et hac de causa etiam hodie, vt testatur Clar. d. q. 58. num. 15. ex generali consuetudine Italiæ licitum est facere pacem pro quocunque crimine.

Qui

Qui sint effectus transactionis.

Effectus transactionis sunt, & Primo quòd causa transactione finita, amplius retractari non potest l. 10. nec imperiali rescripto l. 16. nec sub prætextu instrumenti de nouo reperti l. 19. alioqui nullus esset litium finis d. l. 10. Item nec sub prætextu quod sine causa facta sit l. 23. C. Eod. nā si lis fuit, hoc ipsum quod à lite disceditur, causa videtur esse l. 65. infra de condic. indeb. & ideo si quid etiam ob hanc causam fuerit solutum, repeti non poterit d. l. 23. & d. l. 65. Secundò à transactione altero ex transigentibus inuito recedi non potest, etiam si nudo pacto facta sit l. 2. h. t. quod singulare est vt finiantur, minuanturque lites l. 39. C. Eod. & nudo pacto sit hoc modo, promitto tibi decem, vt à me amplius non petas. Quandoque tamen etiam Aquiliana stipulatio pacto adijci solet l. 15. h. t. quæ eius naturæ est, vt omnes præcedentes obligationes nouet, ac perimat, ipsaque per acceptilationem perimatur l. 4. Tertio Transactio facta con vno alijs non nocet, nec prodest l. 3. Itē de vna re facta ad aliam non extenditur l. 8. neque ad ea trahitur de quibus cogitatum non est l. 9. h. t. facta tamen de principali negotio, tacite quoque de sumptibus, & expensis litis, etiam si nihil dictum sit, facta intelligitur l. terminato C. de Fruct. & lit. expens. Quartò non minorem auctoritatem habet transactio, quam res iudicata l. 20. C. Eod.

Finis Libri Secundi.

LIBER

151

LIBER TERTIVS

Pandectarum.

De Postulando. Tit. I.

- | | |
|---|---|
| <p>1 <i>Quid sit postulare.</i></p> <p>2 <i>Quot sint ordines eorum qui postulare prohibentur.</i></p> <p>3 <i>Qui nec pro se, nec pro alijs postulare possint.</i></p> <p>4 <i>Qui pro se postulare possint,</i></p> | <p><i>sed non pro alijs.</i></p> <p>5 <i>An cæcus possit iudicare.</i></p> <p>6 <i>Qui pro se & alijs certis tantum personis postulare possint.</i></p> |
|---|---|

Tertius Gradus prælusorij certaminis actoris & rei, est postulatio, nam si neque pactis, neq; transactionibus suscitata lis sopiri possit, devenitur ad iudiciũ, & postulationes fiunt, de quibus in hoc Tit.

Quid sit postulare.

Postulare est desiderium suum, vel amici sui in iure apud eum qui iurisdictioni præest, exponere, vel alterius desiderio contradicere l. 1. §. postulare. h. t. Pro se postulat dominus litis, pro alio Aduocatus, qui in postulando ab omni iniuria, & malidicendi temeritate abstinere, & solum quod litium poscit utilitas, aut causa desiderat, agere debet, l. quisquis, 6. C. Eod.

Quot sint ordines eorum qui postulare prohibentur.

Tres sunt ordines eorum, qui postulare prohibentur, nam Alii qui sunt, qui nec pro se, nec pro alijs postulare possunt, Quidam sunt, qui pro se quidem possunt, sed non pro alijs & Alij, qui pro se, & alijs non tamen indistincte, sed certis tantum personis.

Qui

Qui nec pro se, nec pro alijs postulare possint.

Nec pro se, nec pro alijs postulare possunt Minor 17. annis
3 l. 1. §. initium. Item surdus, qui prorsus non audit d. l. 1. §.
propter calum.

Qui pro se postulare possint, sed non pro alijs.

Pro se postulare possunt, sed non pro alijs, Mulier d. l. 1. §. se-
xum, Cæcus d. l. 1. §. casum, muliebria passus d. l. 1. §. remo-
uet capitali crimine damnatus d. l. 1. §. & qui. Item dam-
natus calumniæ publici iudicii d. l. 1. §. Item senatusconsul-
to; qui operas locauit, vt con bestijs pugnaret d. l. 1. §. Be-
stias, secus si pugnauerit cum non locasset d. l. 1. §. quid
si depugnauit. Verum si tutelam, vel curam huiusmodi per-
sonæ administrant pro his quorum curam gerunt, postu-
lare minimè prohibentur d. l. 1. §. est æquissimum.

Sed dubium est de Cæco, an sicut non potest postulare, ita
nec etiam possit iudicare, & tex in d. l. 1. §. quamuis dicit,
quod licet non possit postulare, tamen & senatorium ordi-
nem, retinet, & iudicandi officio fungitur, quod Accurs. in-
telligit, dummodo ante cæcitatem iudex datus fuerit, veri-
tus fortè, ne aliter intellectus locus ille repugnet verbis se-
quentibus eiusdem legis, dum ibi dicitur Cæcum retinere
5 quidem acceptum magistratum posse, aspirare autem ad
nouum penitus prohiberi, ego autem existimo indistinctè
iudicem esse posse, cum nulla sit lex quæ hoc prohibeat l. 6.
& 12. infra de iudic. nec me mouet, quòd nouum magistra-
tum inire non possit, quia iudicis, & magistratus causa di-
uersa est. In iudice enim priuato, nihil aliud quàm iudiciū,
prudentiam, doctrinam, & virtutem requirimus. In magi-
stratu autem præter hæc omnia, decoris cuiusdam, &
splendoris publici rationem habendam esse constat l. re-
scripto, ff. de Munerib. & honoribus & tradit Duaren. lib. 1.
Disputat. cap. 23.

Qui

De his qui not. infam. Tit. II. 153

Qui pro se, & alijs certis tantum personis postulare possint.

Pro se, & alijs etiam, non tamen indistinctè, sed certis tantum personis veluti pro parentibus, filijs, fratre, sorore, vxore, 6 socero, socru, genero, nuru, vitrico, nouerca, priuigno, priuigna, pupillo pupilla, furioso furiosa, fatuo, fatua, & alijs de quibus in d.l. 1. in fine, 2. 3. 4. 5. & 6. postulare possunt omnes hi qui, vt infames notantur d.l. 1. §. ait prætor. & qui isti sint, ponitur postea in Titulo sequenti.

De his qui notant infamia. Tit. II.

1 *Quid sit infamia.*

3 *Quid sit infamia iuris.*

2 *Quotuplex sit infamia.*

4 *Quid sit infamia facti.*

Q V I D S I T I N F A M I A :

Infamia secundum Accurs. in l. 1. C. Eod. definitur, vt sit famæ imminutio, nota, siue priuatio, particula enim, in, priuatiua est, vt indoctus, infirmus, & similes Bart. in l. fin. §. ille casus num. 2. & Ias. num. 12. ff. de liber. & posth. & sic 1 labem, ac detrimentum famæ, æstimationisque læsionem significat l. 8. C. Eod.

Q V O T V P L E X S I T I N F A M I A .

Infamia duplex est iuris & facti l. prima, & vigesima, hoc 2 Titulo.

Q V I D S I T I N F A M I A I V R I S :

Iuris infamia est, quæ, vel lege, vel sententia iudicis irrogatur d.l. 1. Lege, vt si quis ab exercitu ignominia causa dimissus sit, si artis ludicre causa in scenam prodierit, si lenocinium fecerit, si mulier intra annum luctus nupserit, & similia d.l. 1. 2. 3. & 4. mulieribus enim anni spatium datum 5 fuit,

154 Pandectarum Liber Tertius.

fuit, vt maritum elugere, tam ratione honestatis, vnde Ovidius

Quæ nubit toties non nubit, adultera lege est.

quàm etiam ratione proles, ad hoc ne propter sanguinis incertitudinem, filiorum quoque incertitudo causetur l. 1. r. atque hinc est, quod viri vxores lugere non compelluntur, & sponsi nullus luctus est l. 9. & 10. Et de hoc anno luctus loquitur etiam Ouid. lib. 3. Fastor.

Affuetos igitur numeros seruauit in anno

Hoc luget spatio semina mæsta virum.

& hæc quidem iure ciuili obtinent, nisi mulier potestatem nubendia principi impetrauerit l. 10. iure verò canonico hodie impunè nubit etiam intra annum luctus cap. pen. & fin. & ibi omnes extra de secund. nupt. Item & mulier, quæ ventris nomine per calumniam in possessionem missa fuerit, dicens se pignantem cum non esset, infamis lege efficitur l. 15. & 16. Sententia iudicis infamia irrogatur, veluti si quis calumniæ, aut præuaricationis nomine, furti, vi bonorum raptorum, iniuriarum, aut de dolo, damnatus sit d. l. 4. §. ult. vel etiam pactus sit d. l. 4. in fine, 5. & 6. pretio, non gratis, d. l. 6. & l. 18. C. Eod. suo nomine non alieno, nam procurator, Tutor, vel hæres, non notantur d. l. 6. §. 1. Item qui tutelæ, depositi, pro socio, aut mandati iudicio directo, non contrario, (quia in contrario non de perfidia agitur, sed de impensis;) damnatur, infamis est d. l. 6. §. pen. & ult. non sic pactus, cum in his non tam turpis sit pactio, sicut in superioribus l. 7. Adde etiam condemnatos de sepulchro violato, & de expilata hæreditate infames esse l. 1. infra de sepulchr. violat. l. 12. C. Ex quib. caus. infam. irrogat. & damnatos semper intellige per sententiam iudicis non arbitri l. 13. §. ex compromisso, h. t.

¶ Hæc omittendum non est, quòd ob id solum, quod quis vincula, aut carcerem passus sit, infamiæ detrimentum non patitur l. 1. C. Eod. sicut nec torturam passus; nam non cruciatus, sed causa facit infamem l. 22. h. t. l. 14. C. Eod. Debitores quoque qui bonis cedunt aut creditores effugiunt ipso iure probrosi non sunt, quia bonis cedere quandoque etiam bo-

ni ca-

ni calamitate aliqua coguntur l. 11. C. Eod. Item nec testes quorum testimonia in iudicio reprobantur, intames sunt l. 21. cum non tam ob falsitatem, quam ob aliam causam reijci possint.

QVID SIT INFAMIA FACTI.

Infamia facti est, quæ non ipso iure, nec ex legibus diminutio nem æstimationis affert, sed famam apud bonos graues, ac honestos viros lædit ac grauat l. 20. h. t. l. 13. 17. & 19. C. Eod. Itaque & qui restitutus est famæ hac nota laborat, nam vt Plautus inquit in Pen. Act. 3. hominum immortalis est infamia, & etiam tum viuit, cum eam esse credis mortuam, & Vipianus in l. palam 43. infra de Rit. nupt. non aboletur, inquit, turpitude, quæ postea intermissa est; Hinc Claudius Cæsar, cum cuidam notam infamiæ appositam, deprecantibus familiaribus, ademisset, litura tamen, inquit, extat, sentiens remissa culpa infamiæ prioris vestigium nihilominus manere.

Hæc infamia licet non tam efficax sit, quam ea quæ iuris dicitur, effectu tamen non caret, vt ex multis iuris locis obseruare licet, veluti ex l. 7. & 12. ff. de Decurionib. ex l. 27. C. de inoffic. test. l. 3. in principio infra de Testib. l. 2. C. de Dignitate lib. 12. l. 8. C. de Decurion. lib. 10. & similibus.

De Procuratoribus, & Defensoribus.

Tit. III.

- | | |
|---|--|
| 1 <i>Quid sit Procurator.</i> | 5 <i>Qui procuratorem dare non possint.</i> |
| 2 <i>Quot sint Procuratorum genera.</i> | 6 <i>Qui sint effectus mandati procuratorij.</i> |
| 3 <i>Qui procuratores esse nō possint.</i> | 7 <i>Quid sit Defensor.</i> |
| 4 <i>In quibus casibus non admittatur Procurator.</i> | 8 <i>Quæ differentia sit inter Procuratorem, & Defensorem.</i> |

V 2 Di.

Dictum est de Postulando, & de his qui pro se, vel pro alij⁹ postulare possunt, vel non. At quia, qui pro aliis postulant, Procuratores, vel Defensores dicuntur; ideo & de his dicitur.

QVID SIT PROCVRATOR.

Procurator est qui aliena negocia mandato domini administrat l. 1. Constituique potest, tam præsens, quam absens d. l. 1. in fine, & præsens dicitur etiam si in foro, in hortis, & in continentibus sit l. 5. 6. & 7. Item & per nuncium, & per
 1. epistolam d. l. 1. & 61. dummodo expressè consentiat, non tacendo l. 2. & 8. §. inuitus Item & ad litem futuram dari potest, & in diem, & sub conditione, & vsque ad diem, & in perpetuum l. 3. & 4.

QVOT SINT PROCVRATORVM GENERA.

Constitui potest Procurator, aut vniuersorum bonorum, aut certæ alicuius rei, vel litis, negociiue d. l. 1. hic specialis, ille
 2. vniuersalis, & generalis dici solet l. 58. Item & ad lites, de quo propriè in hoc Tit. & ad negocia, de quo infra in Tit. Mandat. Rursus potest constitui Procuratore etiam in rem suam, vt est is, cui dominus, aut vendidit, aut quoquomodo actiones cessit l. 33. §. fin. 34. & 55. Sed cur Procurator dicitur & non dominus, cum propria magis quam aliena negotia administret? Resp. ius olim constitutum fuisse, vt solius Prætoris esset, actionem alicui dare, non hominis priuati, cui competeret ea actio, vt E. G. Prætor ait. Quod quis commodasse dicitur, iudicium dabo; hoc casu solum commodanti actio dabatur non alii, etiam si id veller commodator, ne à verbis edicti recederetur, & ideo si quis ius agendi sibi competens in alium transferre volebat, imaginaria quadam procuratoris constitutione id facere debebat. Et licet hodie formularum conceptio non obseruetur, subtilitasque hæc sublata sit l. actio infra de Negoc. gest. priscam tamen appellationem adhuc retinemus vocantes procuratorem cum, qui re vera nihil minus quam procurator est.

QVI

QVI PROCVRATORES ESSE NON POSSINT.

Procuratores esse non possunt, nec Milites l. 8. §. milites, nec clericici nisi fortè pro suo ordine, aut Ecclesia c. 1. & 2. Né clericici vel Monachi. nec Minores 25. anni l. 5. nec Muti & surdi l. 43. quod verum est quo ad iudicia, secusque ad negocia d. l. 43. nec foeminæ cum sit virile officium l. 54. vsque
 3 adeò vt nec filios in iudicio defendere possint, sed eis debeant tutores petere l. 18. C. Eod. appellare tamen poterunt l. 1. Infra de Appellat. recipiend. & pro parentibus etiam, agere si eos morbus, vel ætas impediat, nec quenquam qui agat, habeant l. 41.

In quibus casibus procurator non admittatur.

In criminalibus Procurator non admittitur l. pen. §. ad crimen, ff. de Publ. iudic. quia Rei interrogari, per se responde-
 4 re, ac ore proprio causam dicere debent, ad hoc vt iudex eorum responsione veritatem facilius percipere possit.

Qui procuratorem dare non possint.

Procuratorem dare non potest filius familias ad agendum, nisi eo casu, quo ipse sine assensu patris experiri potest, sed ad se defendendum potest l. 8. Item Tutores, & Curatores ante litem contestatam procuratorem constituere non possunt, sed solum Actorem l. 11. C. Eod. & Ratio est, quia ante
 5 litem contestatam domini litis non sunt. Ipsi tamen pupilli, quia Domini sunt, rectè procuratorem con Tutorum, vel Curatorum auctoritate, constituere possunt d. l. 11. Sed & Tutores quoque & Curatores post litem contestatam rectè procuratorem constituere possunt, quia & ipsi litis contestatione domini litis efficiuntur, d. l. 11. Simile est in Procuratore, qui ante litem contestatam alium Procuratorem constituere non potest, sed solum post, eadem ratione, l. 8. 11, 22. & 23. C. Eod.

Qui

Vnus effectus est quod Procurator postquā suscepit, ēt inuitus absolueret, ac exequi mandatum cogitur l. 8. §. fin. & 35. §. vlt. nisi iusta causa se excusare possit, vt puta ob valetudinē, aut necessariam peregrinationem, aut inimicitias inter ipsum, & dominum exortas, aut munus publicē impositum, vel alias occupationes d. l. 8. §. fin. 9. 10. 11. 12. & 13. lata tamen definitiua sententia inuitus appellationem profsequi non cogitur licet appellare teneatur l. 17. C. Eod. Similiter & Dominus postquam constituit procuratorem, eius mutandi amplius potestatem non habet, scilicet, post litem cōtestatam, secus ante l. 16. & 17. nisi iusta subit causa, vt puta ætas minus apta negotiis, valetudo, & similes de quibus in d. l. 17. §. vlt. con multis sequentibus inimicitia affinitates, con aduersario contractæ l. 21. con aliquot sequentibus & si Procurator his se opponere contendat, suspectus redditur l. 25. in principio. si tamen dominus velit causæ suæ adesse non prohibetur l. 69. Secundus effectus est, quod citationes omnes dirigendæ sunt ad procuratorem, non ad dominum l. 1. C. de sent. & interlocut. & omnes actus iudicarij ab illo non à domino sunt exigendi c. 1. vt lit. non contest. c. 1. & 2. de confess. in 6. Alter effectus est, quod Procurator fines mandati diligenter custodire debet, alias si exceßerit Dominus non tenetur l. 10. C. Eod. l. diligenter Infra Mandat. Nec excessisse intelligitur, si ea, quæ coniuncta sunt con mandata, & ex re mandata pendent, fecerit l. 56. & 62. et si generaliter constitutus fuerit ad lites, potest quæcunque ad litem pertinent exercere, non tamen pacta, & transactiones inire l. 7. C. de Transact. neque iusiurandum deferre, aut accipere, cap. 4. de Procurat. in 6. neque propter calumniam iurare auth. principales, C. de iur. iur. propter calumn. dand. quia hæc generali mandato non continentur l. 60. & 63. sed speciale requiritur d. cap. 4. vel saltem generale sed con libera l. 58. & 59. dicitur autem concedi libera quando specialiter hoc exprimitur l. quam tuberonis §. alia causa Infra de Pecul. sola enim generalis administratio commissa omnium nego-

negociorum non facit videri datam esse liberam vt ex eodem tex. constat, nisi simus in mandato vniuersitatum in quo tacite videtur inesse l. præses & ibi Bald. C. de Transact. Quartus effectus est quod obligatio quæ inter dominum, & procuratorem consistit, mandati actionem parit directam quæ datur domino contra procuratorem, & contraria quæ datur procuratori contra dominum l. 4. 2. §. ea obligatio, & l. 46. §. procurator; Et hæc quo ad primam partem Rubricæ, in qua de Procuratoribus agitur. Sequitur Altera Pars, quæ de Defensoribus tractat.

Q V I D S I T D E F E N S O R .

Defensor est qui Reum tuetur etiam sine mandato l. 35. §. de 7 fendere.

Quæ differentia sit inter Procuratorem, & Defensorem.

Lator est Procuratoris appellatio quam Defensoris, quia Procurator tam Actoris, quam Rei esse potest. Item tam in iudicio, quam extra negocia administrat. Defensor autem tantum in iudicio, & pro Reo agit. Item differunt, quia Procurator si non habeat sufficiens mandatum, & id certum
8 sit, non admittitur ad agendum etiam si de rato cauere paratus sit Gloss. & Bald. in l. 1. C. Eod. Zaz. & Duaren. hic, nisi sit coniuncta persona, quæ & sine mandato, de rato cauendo, experiri potest l. 35. & 40. in fine h. t. l. 2. 1. 2. & 2. 1. C. Eod. dixi, si certum sit mandatum, quia si incertum sit, mandatum sit, nec ne, etiam hoc casu admittitur Procurator de rato cauendo l. 33. §. ait prætor & l. 39. §. qui alieno, h. t. l. 1. C. Eod. Agendo tamen Procurator etiam defendere cogitur, si reconueniatur l. 33. §. pen. & ult. nam sicut principalis agens reconuentus nullam excusationem habet l. 2. §. sed si agant Infra de iudic. ita nec procurator qui loco domini est l. 39. in principio quod etiam in coniuncta persona procedit, quæ similiter si agere velit, cogitur defendere l. 35. in principio & 39. §. si de dote; aliàs denegatur agendi actio

actio l. 43. §. pena. At defensor admittitur ad defendendum etiam si mandatum non habeat l. 12. C. Eod. quoniam publice interest absentes à quocunque defendi l. 33. §. publice, dummodo tamen caueat iudicatum solui, quia sine satisfactione nemo idoneus defensor alterius esse potest etiam si locupletissimus & Consularis sit l. 46. §. 1. 52. & 53. Conueniunt tamen, quia sicut minores, fœminæ, ac milites procuratores esse non possunt, ita nec defensores l. 51. & 54. Fallit in filio, qui admittitur ad defendendum patrem, etiam si legitimam ætatem non habeat l. 12. C. Eod. Et hæc de Procuratoribus qui à priuatis constituuntur nunc de his qui à Collegio, vel vniuersitate creantur, videndum est, qui Actores, siue Syndici dicuntur, in Titulo.

Quod cuiusque vniuersitatis nomine vel
contra eam agatur.

Tit. IIII.

- | | |
|---|--|
| 1 <i>Quid sit vniuersitas.</i> | 3 <i>Qui pro vniuersitate & age-</i> |
| 2 <i>Quibus permissum sit habere vniuersitatem.</i> | <i>re, & conueniri possint.</i> |

QVID SIT VNIVERSITAS.

Vniuersitas est plurium hominum inter se distantium congregatio, ita contracta, vt vna tantum persona esse appareat, à singularibus personis ex quibus constat, separata l. 6. §. vniuersitatis supra de Rei. diuis & hoc est quod vulgò dicitur vniuersitatem esse personam representatam, licet quo ad realem entitatem nihil aliud sit vniuersitas, quàm homines de vniuersitate, nam & in vno indiuiduo vniuersitas conseruari potest, l. 7. §. vlt. h. t. ideo & qui pro vniuersitate interuenit, non pro singulis internire dicitur l. 2. & quod vniuersitati debetur singulis non debetur, nec quod debet vniuersitas singuli debent d. l. 7. §. 1.

Qui-

Quibus permiffum fit habere vniuerfitatem.

Olim propter fufpicionem coniurationum, non omnibus paf-
fim, Collegia aut vniuerfitates habere permiffum erat vt
Infra de Colleg. & corporib. illicit. per totum; fed paucis
3 admodum in caufis, vt dicitur in l. i. h. t. Hodie tamen de
confuetudine in fingulis ferè opificiorum generibus hoc
locum habet, vt in d. l. i. per Gloff. & DD.

Qui pro vniuerfitate & agere, & conueniri poffint.

Sicut fingulares perfonæ procuratorem per quem agant, &
conueniantur conftituere folent, ita vniuerfitas vnum eli-
git per quem & agere, & conueniri poffit, qui Aëtor, feu
3 Syndicus dicitur d. l. i. Nec enim Procurator propriè dici
poteft, quia nec vniuerfitas fi fubtilitatem iuris fequamur,
domina dici poteft. Nulli igitur permittitur nomine Cui-
tatis, vel Curiaë experiri, nifi, cui lex, aut confuetudo, vel or-
do, feu vniuerfitas dedit, vel maior pars, cum duæ partes
adeffent, aut amplius quàm duæ, inter quos & ille qui eligi-
tur, numerari debet l. 3. & 4. fpectaturque in huiufmodi ele-
ctionibus etiam coniunctarum perfonarum fuffragiū quod
& in honorum petitione feruatur l. 5. & 6. in principio. Por-
rò Aëtor vniuerfitatis fi agat compellitur etiam defendere,
non tamen de rato cauet nifi fi de decreto dubitetur d. l. 6.
§. Aëtor; Differunt inter fe Syndicus, Aëtor, & œconomus,
nam œconomus tantum ab Epifcopo conftituitur, & in re-
bus Ecclefiafticis, vt in l. iubemus, 2. C. de Sacr. fanët. Ecclef.
At Syndicus pro qualibet vniuerfitate vt in d. l. i. h. t. & pro
pluribus tantum vt patet ex interpretatione nominis, cui
deferuire debemus l. decernimus, C. de Epifcop. & Cleric. &
l. defenfores, C. de Defenforib. Cuius dicitur enim Syndi-
cus, quafi fingulorum caufas dicens. Aëtor autem dicitur in
vna caufâ tantum, licet Syndicus ad omnes vt in l. 6. §. fed
et fi. Et hæc quidem ita fe habent in ijs qui mandato domi-
ni, vel vniuerfitatis, res procurant alienas; fed quia fæpe fit,
vt & fine mandato abfentium negocia interdum præfentes

X

amici

162 Pandectarum Liber Tertius.

amici vltro suspiciant, quo casu actio negotiorum gestorū oritur, ideo & de hoc dicitur in Titulo.

De Negotijs gestis. Tit. V.

- | | |
|--|--|
| 1. <i>Quid sit negotiorum gestor.</i> | 3. <i>Contraria, cui, contra quem</i> |
| 2. <i>Directa negotiorum gestorū actio cui detur cōtra quem,</i> | <i>& ad quid.</i> |
| <i>& ad quid.</i> | 4. <i>Et quando cesset negotiorum gestorū actio.</i> |

QVID SIT NEGOCIORVM GESTOR.

Negociorum gestor est is qui absētis negotia sine mandato gerit. Vnde vltro citroque nascitur actio, quæ appellatur negociorum gestorū; sed Domino quidem rei gestæ aduersus eum qui gessit, directa competit, negotiorum autem gestori contraria l. 1. & 2. Dixi sine mandato, quia si quis rogatus aliena negotia gerat, non hæc actio, sed mandati locum habet l. 20. in fine Infra Mandat. idem si in præsentia domini, nam tunc quoque ex mandato gerere videtur l. 6. §. si passus sim. Eod. Tit. Mandat.

**Directa negociorum gestorū actio cui detur,
contra quem, & ad quid.**

Datur Domino rei gestæ, & eius hæredi actio negotiorum gestorū, directa contra gestorem, & eius hæredem, vt rationem reddat, & refarciat, si quid damni ex mala & negligentia administratione Dominus passus sit d. l. 2. & 3. §. hæc autem actio; nam regulariter tenetur gestor de dolo, lata, & leui culpa l. 20. C. Eod. de leuissima enim, & sic ad exactissimam diligentiam non tenetur, nisi eo casu quo diligentior aliquis gesturus fuisset l. 6. §. videamus. Interdum etiam de dolo, & lata culpa tantum tenetur vt quando accessit ad negotia deserta l. 3. §. interdum. Casum autem fortuitum non consideramus nisi in quibusdam casibus veluti si nouum negotium,

De Negotijs gestis. Tit. V. 163

tium, quod non sit solitus absens facere, ego nomine eius geram l. 11. vel euentus malus culpa mea emergat, l. 22.

Contraria negotiorum gestorum actio. cui datur, contra quem, & ad quid.

Datur negotiorum gestori & eius hæredi, actio negotiorum gestorum contraria contra dominum rei gestæ & eius hæredem, ad repeterdum id quod impendit necessario, vel
3 vtiliter, sed non voluptatis causa l. 2. in fine 3. §. hæc autem 27. & 45. & sufficit rem coeptam esse vtiliter geri etiam si non sequatur euentus prosper. Vt si domum tuam fulsi, quæ tamen inde corruit, l. 10. §. 1. & dicitur vtiliter gestum quando dominus idem erat facturus, secus si non erat facturus, sed potius dimissurus, vt fortè quia ei non expediebat d. l. 10. in fine.

In quibus casibus cesset negotiorum gestorum actio.

Aliqui tamen casus sunt in quibus etiam vtiliter gerens non habet hanc actionem, veluti si quis amicitia, aut pietate ductus alterius negotia gesserit, tunc enim sumptus eo nomine factos repeterere non potest l. 44. h. t. l. 1. 11. 13. & 15. C. Eod. nisi de contraria voluntate constet, vt quia protestatus sit, vel scripsit in libro rationum l. 34. h. t. in re tamen dubia æquius est ita interpretari, vt actio detur magis, quam denegetur, d. l. 1. 11. 13. & 15. & ibi Gloss. Sed quia olim interdum accidebat, vt alter litigantium malignè pecuniam daret, vel Procuratori, vel cuilibet egregio concinnatori, vt aduersarium litibus, & impensis vexaret, & aliquando etiam ipsemet reus pecuniam aduersario dabat, ne sibi negotium fieret, ideo vt pœnarum metu, malitiosi, ac iniqui homines à falsis postulationibus, fabricandisque iniurijs detereantur subiicitur Titulus.

De Calumniatoribus.

Tit. VI.

1 *Quid sit Calumniator.**lumniatores, cui, contra quem, & ad quid.*2 *Quæ actio detur contra ca-*

QVID SIT CALVMNIATOR.

Calumniator in criminalibus est is qui falsa crimina intendit l. 1. ff. ad S. C. Turpill. in civilibus, qui per mendacium, & calumniam agit, vel excipit, l. 1. §. per calumniam, ff. si mulier. ventr. nomin. in possess. calumn. caus. esse dicat l. 2. in principio, C. de iur. iur. propt. calumn. dand. & in materia Tit. nostri, qui per fraudem pecuniam accipit, ut alterum vexet, litem, & cōtrouersiam ei faciat, vel ne faciat & vexationem iam destinatam prætermittat l. 1. & accepisse, pecuniam dicitur etiam is qui aliud & qualecumque compendium, pro pecunia accipit, vel etiam pactus sit d. l. 1. §. ult. 2. & 3. nec refert an ante, vel post cōceptum iudicium, vel alius eius nomine, an à me, vel ab alio acceperit d. l. 1. §. qui autem l. 2. §. ult. & 3. in principio, & si fortè quis pecuniam acceperit à te ut mihi negotium faceret, & à me ne mihi faceret, tibi contra eum repetitio nulla dabitur, quia turpiter fecisti, at mihi duobus iudicijs tenebitur d. l. 3. in fine.

*Quæ actio detur contra Calumniatores cui,
contra quem, & ad quid.*

Datur actio in factum; & Datur ei, cui pecuniam calumniator extorsit, ne ipsi negotium faceret, vel ei in cuius perniciem accepit ab alio pecuniam, ut negotium faceret l. 3. §. illud. Contra eum, qui calumniæ faciendæ, aut non faciendæ causa accepit l. 1. & intra annum in quadruplum pecuniæ acceptæ, post annum in simplex d. l. 1. Annusque computatur ab eo tempore quo is contra quem pecunia acce-

De Calumniatoribus. Tit. VI. 165

accepta est, nequitiam nouit. In persona uero illius qui dedit, ne secum ageretur, à tempore quo dedit l. 6. sed an in quadruplo insit simplum Accurs. disputat in l. 5. §. ult. & uerius est inesse, exemplo actionis vi bonorum raptorum, nam species quædam rapinæ est, per fraudem & calumniam innocentes expilare d. l. 5. §. ult. Publicanus quoque qui mancipia retinet, & pecuniam, quæ ei non debetur, recipit, hac actione tenetur l. 7. in fine. Hæredi autem non datur, cui sufficit condictione ob turpem causam, repetere quod a defuncto datum est l. 4. Neque in hæredem datur, nisi in id quod ad eum peruenit l. 5. Et hæc quo ad præludium Actoris, & Rei certamen. Nunc sequitur ut & de actionibus restituendis videamus.

Finis Libri Tertij.

LIBER

LIBER QVARTVS

Pandectarum.

IN hoc libro agitur de actionibus restituendis, in quibus similiter tres gradus obseruare debemus. Primus est restitutionis in integrum, quæ sit iure actionis, generaliter in Titulo.

De in Integrum restitutione.

Tit. I.

- 1 *Quid sit in integrum restitutio.* 2 *Qualiter concedatur.*

QVID SIT IN INTEGRVM RESTITVTIO.

Restitutio in integrum, est actus quo læsus aliquis in statu, & iure suo, rursus in pristino statu, & iure collocatur l. 9. §. ex hoc edicto Infra Quod met. caus. Restituere enim est aliquid reddere, seu in
1 pristinum statum reponere l. 75. & 85. ff. de verb. significat.

QUALITER CONCEDATVR.

Restitutio in integrum non conceditur, nisi causa cognita l. 3. quæ cognitio, & præsentiam aduersarij requirit l. 13. §. vn.
2 de tractari, & l. 29. §. fin. Infra de Minorib. & probationem eius propter quod restitutio petitur l. ult. §. si fenerator infra

fra Quod met. caus. & causæ propter quas quis restitui possit, habentur in l. 1. 2. 6. & 7. idonea tamen causa non est, si quis propter minimam rem, restitui postulet. 4. Aliter etiã Prætor restituit minores quàm maiores, nam minores restituit in totam causam, quamvis legitime defensi sint, maiores verò qui absuerint Rei P. causam, ita tantum, ut possint appellare l. ult. transitque hoc beneficium restitutionis etiã ad hæredes l. 6. & olim à solo prætore concedi solebat l. 3. & 5. hodie tamen à quolibet magistratu ordinario peti potest l. fin. C. ubi & apud quem & ibi Gloss. & DD. & hæc generaliter de restitutione, nunc specialiter de ea quæ fit ex causa metus in Titulo.

De eo quod metus causa gestum erit.

Tit. II.

- | | |
|--|--------------------------------------|
| 1. Quid sit metus. | edito. |
| 2. Quid sit vis. | 5 Cui detur contra quem, et ad quid. |
| 3. De qua vi, & de quò metu intelligatur editum. | 6 Quid de hæredibus. |
| 4. Quæ actio oriatur ex hoc: | |

Agitur in hoc Tit. de restitutione, quæ fit ex causa actus, nam cum qui, vi, metuve promittit, voluntariè promittat, & rigore iuris obligetur l. 2 l. §. ult. h. t. quia & voluntas coacta est voluntas ut scribit Arist. Ethic. 3. ideo extraordinario remedio, & sic restitutione opus fuit, per quam rescindatur id quod per vim, vel metum gestum fuerit. Sic enim olim editum conceptum erat. *Quod vi metusve causa.* Sed postea vis mentio detracta fuit, ideo quia quodcumque vi atroci fit, id metu quoque fieri videatur l. 1. diligenter enim ubique euitant Iuriconsulti inanem verborum congeriem. Et sic hæc clausula; *Quod metus causa,* & vim, & metum continet l. 3.

QVID

QVID SIT METVS.

Metus est instantis, vel futuri periculi causa, mentis trepidatio dicta lege prima.

QVID SIT VIS.

Vis est maioris rei impetus, qui repelli non potest lege secunda.

De qua vi, & de quo metu, intelligatur Edictum.

Vim accipere debemus atrocem, & quæ est contra bonos mores, non quam magistratus iure inter d. l. 3. §. 1. Metum vero accipimus præsentem l. 9. neque adueriatur definitio, quod sit instantis, vel futuri periculi; quia et si periculum futurum sit, præsentem tamen metum esse oportet. Item & qui in hominem constantissimum cadat l. 5. & 6. vt seruitutis l. 4. mortis l. 7. & 8. vinculorum d. l. 7. stupri d. l. 8. §. fin. carcerum l. pen. intellige de carcere illicito, & priuato, non de homine simpliciter incarcerato, nec enim hoc voluit, I. C. cum de eo tantum loquatur qui in carcerem aliquem detruxit, vt ab eo aliquid extorqueret, vt ob id stultè facere videantur hi, qui dum con incarcerato contrahere volunt, cum è carcere educunt, vt tutius cōtrahant, vt scribit Duaren. hic. neque refert postea, an in se quis metum, vel in coniuge, aut liberis patiat, cum parentes magis terreantur in filiis quam in se ipsis d. l. 8. §. vlt. Metus autem reuerentialis non sufficit, cum de eo nulla sit mentio, nec in hoc Tit. nec in Cod. & probatur in l. si patre cogente iuncta Glossa, nam intelligitur, id est, imperante, vt per Gloss. Abb. & alios in cap. 1. extra de Desponsat. Impub. Nec etiam solius potentia dignitatis timor sufficit l. 6 & 8. C. Eod. nisi accedat alia impressio, & violentia l. pen. & vlt. C. Eod. Item nec timor accusationis l. 10. C. Eod. nec infamiae l. 7. in principio h. t. nec minarum, nisi capitales sint, & ab eo effulse, qui eas exequi soleat l. 7. & ibi Gloss. & DD. C. Eod. metus enim non iacta-

iaestationibus, vel contestationibus, sed atrocitate facti probari conuenit l. 9. C. Eod. quare ubi factio est opus verba non sufficiunt l. 4. ff. de Pecul. nec enim visum est Prætori huiusmodi hominibus succurri debere, qui umbram suam ut dicitur, timent, nam Regula est vani timoris nullam esse excusationem l. vani timoris ff. de Regul. iur. verum bene est, quod minor metus in muliere sufficit, & magis eam excusat, cap. cum locum & ibi Gloss. & DD. de sponsalib. Ias. in l. interpositas l. 3. C. de Transact. Hinc Cornel. Tacitus lib. 15. scribit, Neronem ratum muliebri corpus minus impar dolori, quam virile, à Libertina tormenta incoepisse, laudaturque illius Libertinæ constantia, quasi illa non sit scēminis communis. D. Hieron. in Epist. ad Innocent. Tom. 1. meminit cuiusdam scēminæ, quæ accusata de adulterio, sæpissimè tormentis subiecta adeò constans fuit, ut adultero id crimen confitente, ipsa constanter negauerit, nec unquam illud crimen palam fecerit.

QVAE ACTIO ORIATUR EX HOC EDICTO.

Oritur ex hoc edicto actio dicta Quod metus causa, quæ est personalis in rem scripta, & arbitraria l. 9. §. volenti, & §. ult. 4 h. r. Personalis, quia ortum habet ex maleficio violentæ cōcussionis, neque enim mediocre facinus est terrere homines, ac inuitos, ad dandum, vel faciendum aliquid, compellere. In rem scriptam, quia sequitur quemcunque possessorem rei, & ideo qui vim fecit, tenetur etiam si ad alium res peruenerit, quia ex maleficio obligatus manet, & is ad quē res peruenerit, similiter tenetur, & si alius metum fecerit l. 14. §. in hac actione, & §. Pedius quoque vna tamen solutio omnes liberat l. 16. in principio. Arbitraria est, quia petitur ex bono, & æquo arbitretur iudex quod metu gestum est, ut restituatur in integrum, quod ni fiat, in quadruplū Reus condemnatur d. l. 14. §. hæc autem actio. Nec solum actio ex hoc edicto competit, sed etiam exceptio, veluti Campani metu illato extorserunt cautionem pollicitationis à quodam. hic dabitur actio aduersus Campanos, ut rescindatur

Y

hæc

170 Pandectarum Liber Quartus.

hæc stipulatio, & pollicitationis cautio, vel instrumentum, et si Campani petant dabitur exceptio d. l. 9. §. sed quod prætor ait. Quæ exceptio & ipsa in rem scripta est l. 4. §. metus, ff. de Dol. mal. & met. except.

Cuidetur, contra quem, & ad quid.

Datur ei qui per vim, vel metum aliquid dedit, fecit, vel promisit, siue in se, siue in liberis metum passus sit l. 7. 8. §. ult. & 9. §. volenti. Contra eum qui metum intulit, etiam si res ad alium peruenierit. Item, & contra eum ad quem res peruenit, & si alius metum fecerit l. 14. §. Pedius quoque & si plures sint aduersus omnes in solidum datur, sed si vnus soluat, omnes liberantur sin autem ab vno minus exactum sit, in id quod deest, cæteri tenentur d. l. 14. §. ult. & 15. adeo quod & seruorum nomine, etiam noxaliter agi potest, l. 16. §. 1. Et datur ad hoc vt metum passio, & res, & quidquid illi abest restituatur, vt puta si per vim res tradita est, retradatur; si interuenerit liberatio, obligatio redintegretur cõ omnibus accessorijs, si seruitutes amissæ fuerint, restituantur l. 9. §. ex hoc edito & 10. nec solum res, sed & fructus, qui percepti sunt, & quos impeditus per metum percipere potuisset, adeoque omnia commoda, & emolumenta l. 12. siue res extiterit, siue quomodocunque perierit l. 1. C. Eod. Quod tamen locum non habet in eo ad quem non consciũ illati metus, res peruenierit; nam is interitu rei liberatur, neque ad vllos fructus, nisi perceptos tenetur l. 14. §. aliquando. Habet tamen licentiam iussus arbitrio iudicis restituere Reus vsque ad sententiam definitiuam restitutionem facere, quod si non fecerit, condemnatur in quadrupium d. l. 14. in principio, & in §. hæc autem actio; qua in re satis clementer, vt inquit Vlp. ibi, con Reo agere videtur Prætor, dando ei restituendi facultatem, si velit euitare pœnam, cum alijs legibus ciuilibus & stricto iure, pœnam debitorum non molliat pœnitentia l. 67. ff. de Furt. & ideo si non fecerit, sibi imputare debet, etiam si ex alieno flagitio conueniatur, quippe qui maluerit pertinaciter alienum delictum.

De eo quod metus causa. Tit.II. 171

atque defendere d.l.14. §. Nec cuiquam. Et quod replicatur omne quodcumque restitui oportet, non autem quod tantum ablatum est; & sic æstimatio rei con fructibus, emolumentis, & omni causa d.l.14. §.1. & §. Labeo ait & 21. §. qui possessionem. Inest tamen in quadruplo, & res metu ablata, ita ut tripli pœna sit d.l.14. §. quatenus. Durum enim visum est, sic interpretari quadruplum, ut totum pœnæ insit, cum pœnæ potius molliendæ quàm exasperandæ sint l. pen. ff. de Pœnis. Tunc demum autem quadrupli condemnatio locum habet, cum intra annum agitur d.l.14. §. post annum omnes enim pœnales actiones prætoriæ anno utili terminantur l. 34. ff. de Action. & obligat. Post annum verò in simplicium tantum competit l. 4. C. Eod. in qua æstimatur omne quod agenti abest l. 14. §. 1. & 21. §. qui possessionem; & hæc cum sit rei persecutoria perpetuo datur l. 17. 19. & 21. §. 1. hodie tamen actiones omnes tam civiles, quàm prætoriæ, antea perpetuæ, spacio 30. anno, ut à aliquis tandem sit litium finis, terminantur l. 3. & 4. C. de Præscrip. 30. vel 40. ann.

Q V I D D E H A E R E D I B V S.

Non solum metum passis, sed & eorum hæredibus, & successoribus hæc actio competit, etiam in quadruplum l. 14. §. alia autem & 16. §. hæc actio. In hæredes autem in id tantum 6 competit, quod ad eos pervenit, cum turpiter questum nec apud hæredes permanere debeat l. 16. 19. & 20. quo casu etiam de consumptis tenentur, nam sufficit semel pervenisse l. 17. quamvis interitum, & casum hæredes præstare non teneantur l.

18. Et hæc de restitutione, quæ sit ex causa metus, nunc de ea videndum est, quæ sit ex causa doli in Ti-

tulo

2

- | | |
|--|---|
| 1 <i>Dolus duplex bonus & malus.</i> | 5 <i>doli locum habeat. Cui detur contra quem, & ad quid.</i> |
| 2 <i>Quid sit dolus malus.</i> | 6 <i>Quid de heredibus.</i> |
| 3 <i>Quæ actio oriatur ex dolo.</i> | 7 <i>Quandiu competat.</i> |
| 4 <i>Quando actio, vel exceptio</i> | |

Inscribitur Titulus de Dolo malo, quia veteres etiam bonum dolum dicebant, & pro solertia accipiebant, ut puta si aduersus hostes, vel latrones quis machinetur l. 1. §. non fuit h. t. unde illud; Dolus an virtus quis in hoste requirat, vel si aliud faciamus, aliud simulemus iuris nostri, vel etiam alieni tuendi gratia d. l. 1. §. 1.

Q V I D S I T D O L U S M A L U S .

Dolus malus est omnis calliditas, fallacia, & machinatio ad circumueniendum, fallendum, ac decipiendum alterum
2 adhibita d. l. 1. §. 1. in dubio tamen non præsumitur, sed ex indicijis perspicuis probari debet, l. 6. C. Eod.

Q V A E A C T I O O R I A T V R E X D O L O .

Ex dolo oritur actio doli, quæ est personali, arbitraria, & subsidia-
ria, & datur decepto aduersus decipientem ad consequendum id in quo deceptus dano affectus a l. 1. & 18. h. t. Personalis est, quia ex maleficio, & quidem graui: quum doli sit omnium delictorum fons ex origo. Arbitraria, quia
3 arbitratio iudicis restitutio comprehenditur, & nisi fiat sequitur condemnatio quanti Actor in litem iurauerit d. l. 18. subsidia-
ria quia non datur nisi in subsidium, & quando alia actio haberi non potest, quoniam cum famosa sit non temere decerni debebat d. l. 1. §. ait prætor cuius rei exempla plura habemus in d. l. 1. 2. 3. 4. 5. 9. 19. 22. 34. Nec solum datur actio doli, sed etiam exceptio l. ult. quæ similiter ex persona

sona eius cui obijcitur personalis est, & propterea utroque casu, designari debet cuius dolo malo quid factum sit l. 16. §. ult. & 17. ex persona verò eius qui excipit, est etiam in rem scripta l. 2. §. planè, ff. de dol. mal. & met. excep:
 3 quod non est in actione, quæ non in rem, sed in personam; quæ dolum fecit, scripta est, & differentia ratio est, quia excipiendo non principaliter quæritur de auctore doli, sed solum an in ea re dolo malo aliquid factum sit d. l. 2. §. planè

Quando actio vel exceptio doli locum habeat.

Ut intelligamus, an & quando hæc actio, vel exceptio locum habeat: distinguendum est nam aut dolus interuenit in contractu, vel extra, contractum Primo casu si in contractu, rursus distinguendum est, nam aut dat causam contractui, vel incidit in contractum; si dat causam contractui, iterum distinguendum est, quia aut dat causam contractui bonæ fidei, vel stricti iuris si det causam contractui bonæ fidei contractus est ipso iure nullus, & nihil valet quod agitur l. 7. adeo ut si rescindatur rescindi ut quatenus de facto processit, non quatenus valeat de iure l. 5. C. de Rescind. vendit. si vero det causam contractui stricti iuris, contractus non annullantur ipso iure sed opus est exceptione, si nihil adhuc traditum sit, vel de dolo actio ad rescindendum si traditio facta sit l. 36. ff. de verb. obligat. At si dolus incidat in contractum, quod tunc contingit, quando non ex proposito, neque animo fraudandi, sed re ipsa læsio contingit, dicendum est, quod concedatur actio ex eodem contractu, ut in l. 2. C. de Rescind. vend. & ibi per DD. non autem actio de dolo. Secundo casu, quando dolus contingit extra contractum; & tunc distinguitur in varia maleficia, quæ sua nomina, & actiones habent, ciuiles, & criminales: ut sunt furtum, rapina, iniuria, & id genus cetera, & cessat hoc casu actio doli, quia satis consulitur læso aduersus malefactorem d. l. 7. in principio, Ceterum si dolus non producat delictum speciale, ut sunt variae hominum machinationes, tunc necessario recurritur ad hanc actionem l. 8. & 32. Quæ tamen cum
 gra.

174 Pandectarum Liber Quartus.

gravis sic non ita passim indulgenda est, & ideo si modica sit summa, hoc est, utq; ad duos aureos dari non debet l. 10. in fine, & 3. Item nec contra parentes vel patronos, vel personas honestiores l. 12. sed per actionem in factum succurritur d. l. 12. in fine.

Cui detur, contra quem, & ad quid.

Datur circumscripto, seu decepto ex sua facilitate l. 1. & 7. §. non solum. Contra eum qui dolo, vel calliditate decepit l. 8. 24. 32. 35. 36. & ult. nisi sit persona, cui pietate, officio, & reuerentia obligemur, aduersus quas cum sit famosa hæc actio non porrigitur l. 1. & 12. & si plures sint qui dolum commiserint, omnes in solidum tenentur si vnus tamen soluerit cæteri liberantur l. 18. & si ab vtraque parte dolus interuenerit, dolus con dolo compensatur l. 37. In alios autem qui dolum non commiserunt, hæc actio non competit, nisi quatenus ad eos peruenit l. 16 §. pen. & 18. Et datur ad consequendum id in quo deceptus damno affectus est l. 19. §. si cuius & 32. & in simplicium duntaxat pro consequenda indemnitate l. 34. sed dicit aliquis, est ne ergo minus malum dolo, quam violentia, ut mitiorem habeat persecutionem, nec detur in quadruplum, sicut actio quod metus causa? Resp. minime gentium, sed in sua quilibet potestate habet, à paucioribus decipi, nec fidere passim omnibus; ut ob id veteres olim dolum non magnopere curarent, cum, in ijs tantum locum habere existimarent, qui se decipi paterentur, facillimeque à viro prudente vitari posse crederent. Crescente tamen hominum malitia, doli vindicandi causa varia proposita fuerunt remedia à Prætoribus de quibus in hoc Tit. Non sic metum cuitare, est penes metuentem.

QVID DE HAEREDIBVS.

Datur etiam hæredibus circumscripti, in hæredes autem, & cæteros successores eatenus quatenus ad eos peruenit l. 18. 6 §. ult. 27. & 29. aut quominus perueniret, fraude eorum factum

stum sit l. 28. turpia enim lucra sunt semper ab hæredibus extorquenda vt diximus supra Tit. proximo.

Q V A N D I V C O M P E T A T .

Olim anno vtili, hodie biennio continuo terminatur l. fin. C. Eod. adeo vt ne litis quidem cōtestatione perpetuetur. Gl. & DD. ibi Ceterum actio in factum quæ datur in quantum locupletior factus est dolosus, vel hæres eius perpetua est l. 24. §. at si res tum quia cessat acerbitas ignominia l. 30. cum etiam quia nullo tempore lucrum ex delicto, con alterius damno sit sperandum d. §. at si res, exceptio autem doli non aduersus hæredem solum, sed etiam aduersus ipsum dolum semper competit, & perpetua est l. quinta, §. vlt. ff. de dol. mal. & met. except. nec enim infamat, quoniam opposita exceptione doli non damnatur Actor, sed absoluitur. Reus, & nemo ex dolo infamis est, nisi de dolo damnatus sit l. 1. supra de his qui not. infam. Perpetuitas tamen hæc non concluditur 30. annis, sicut in actionibus vt tradit Gl. in l. 3. C. de Præscript. 30. ann. in verbo persecutio. & differentia ratio est quia Actor semper in sua potestate habet quando vtatur iure suo. Non sic is con quo agitur habet potestatem quando conueniatur, cum illi semper expectandus sit Actor, cuius actionem exceptione præcludat. Vnde cum nulla ei imputari possit negligentia: quippe qui excipere non valeat, nisi agatur, nulla etiam ei præscriptio currere debet l. 5. & 6. C. de excep. & hæc de restitutionibus, quæ sunt iure actionis: nunc de his quæ sunt officio iudicis. videndum est in Titulo.

- | | | | |
|---|--|---|----------------------------------|
| 1 | <i>Quis dicatur minor.</i> | | <i>restitutio.</i> |
| 2 | <i>In quibus casibus minoribus.</i> | 5 | <i>Ad quid detur in integrum</i> |
| | <i>in integrū institutio detur.</i> | | <i>restitutio.</i> |
| 3 | <i>Qui possint in integrā restitui</i> | 6 | <i>Quid de heredibus.</i> |
| 4 | <i>Quo iure petatur in integrum</i> | 7 | <i>Quamdiu durat.</i> |

QUum inter omnes constet, fragile esse, ac infirmum minoris ætatis consilium, & multis captionibus suppositum, ideo Prætor minoribus 25. annis restitutionis auxilium, concessit si ætatis facilitate capti ac decepti fuerint l. 1. & 12. §. sciendum h. t. & quum nulla propria actio prodita esset, ipsemet etiam eorum tutelam, & protectionem suscepit l. 2 §. in fine.

QVIS DICATUR MINOR.

Minor dicitur is qui nondū 25. annū habet l. 5. §. minore intel-
lige completum, non cœptum: neq; obstat, quod ad hono-
res, & munera sufficiat tetigisse de ultimo anno ut in l. ad
rem, ff. de Munerib. & honorib, quia illud procedit favore
Rei, P, ut sint sibi legitimi plures qui possint eligi, Quini-
mo nec etiam sufficit tetigisse ultimum diem anni, licet se-
cus sit in testamentis l. qua ætate, ff. de Testamē & in vfuca-
pionibus l. ult. ff. ne Diuers. & temporalibus præscriptio. in
quibus dies cœptus ultimi anni habetur pro completo quia
sicut ibi fauor testamētivt potius detur testamenti cōden-
di facultas, quā denegetur, & fauor bonæ fidei possessionis,
ne dominia sint in incerto, id facit, ita, & in casu nostro fa-
uor minorum postulat, ut eis restitutio non denegetur, ni-
si tempus nouissimum, & ultima hora natalis diei præteri-
erit, ut a momento in momentum tempus spectetur d.
l. 3. §. minore. Proinde & si bissexto natus sit, nihil refert, nā
id biduum pro vno die habetur, & posterior dies calenda-
rum inter calatur, id est de medio tollitur, ut pro die non
compute.

computetur vt ibi Gloss. exponit. Annus enim ex trecentis sexagintaquinque diebus constat; præter quos, sex horas etiam annus habet, ad perficiendum integrum cursum solis, nec enim potuit annus ita constitui, vt cursui solis omnino congrueret, quin aliquot horæ superessent, ideo huius errati corrigendi causa, singulis quibusque quadriennijs vnus dies interitur, quia & sex horæ quadruplicatæ diem efficiunt, qui bissextus dicitur idque fit sexto calendas Martij, hoc est, vigesimo quarto die Februarij, & dicitur bissextus, quia sexto Calendas bis in Calendario ponitur, & is dies bissextus, vt Marcellinus lib. 26. scribit, Romanis rebus infautus, atque ater erat. Ponamus igitur quòd quis anno bissextili natus sit, posteriori die, non priori, hoc est, ipso intercalari, & deinde anno vigesimo quinto, die natalis sui, idest sexto Calendas Martij, eodem momento, & hora, qua natus est, quid ab ipso gestum sit; certè sequens dies expectandus non erit ad hoc vt annos compleisse dicatur licet posteriori die intercalato natus sit, quia vnus dies fingitur esse vterque dies, & iste dies intercalaris con priore confunditur, vnde nihil refert, an priore, vel posteriore die natus sit, nec qui priore die natus est, citius ad vigesimum quintum annum peruenit, quàm qui posteriori die d. l. 3. §. minore h. t. & l. con bissexto 98. ff. de verb. significat.

In quibus casibus minoribus in integrum restitutio datur.

Minoribus 25. annis in integrum restitutio datur l. 1. non etiā maioribus d. l. 1. in fine, sed quid si minor contraxerit & contractus incidat in tempus, quo maior effectus sit an restitutio datur? & dicendum est, quod non quia finis inspicitur: l. 3. §. si quis h. t. nisi tamen dolo aduersarij id factum fuisse probetur d. §. si quis, vel nisi finis habeat necessariam consequentiam ad principium, nam tunc principium inspicimus, & ideo si minor imminisceat se paternæ hæreditati, licet postea maior factus exigat à debitoribus hæreditarijs aliquid, attamen dabitur ei in integrum restitutio inspecto initio d. §. si quis in fine: quia exigit non tam appro-

Z ban-

bando, prius factum, quam ex consequentia eius in captione remanendo. Potest igitur minor de eo quod ab ipso in minori ætate gestum fuerit, restitutionem petere d. l. 1. Nisi maior factus ratum habuerit Tot. Tit. C. si maior fact. rat. habuer. vel nisi fallaci mendacio se maiorem dixerit Tot. Tit. C. si minor se maior. dixer. deceptis enim minoribus, non etiam decipientibus iura subueniunt l. 2. Eod. vel, nisi delictum commiserit l. 10. §. nunc videndum: & 21. neque enim dignus est beneficio legis, qui in legem committit l. 38. Non aliter tamen subuenitur minoribus, quam si causa cognita l. 12. §. sciendum, & rem alicuius esse momenti l. 6. h. t. & l. scio supra de in integr. restit. & in ea se ætatis facilitate captos probauerint l. 45. quod inter alia eo ipso esse censetur, quum compromittunt, l. 35. §. 1. qua in re, & lucri habetur ratio l. 7. in fine, & affectionis l. 36. Quæ causæ cognitio facienda est etiam præsentibus aduersariis, aut saltem legitime vocatis, & per contumaciam absentibus l. 14. §. causa autem cognita; Et datur restitutio siue minores, sint patres familias, siue filij familias, mares, vel feminae dummodo ipsorum restitui intersit l. 3. §. sed ytrum, & §. siquid & l. 39. §. fin. ad eo quod & filia familias, quæ in dote capta sit, succurritur d. l. 3. §. ergo etiam l. 10. §. 1. & 50. §. fin. Non tamen datur restitutio minoribus alieno nomine, vt procuratorio, institorio, & simili negociantibus, sed imputabitur domino, qui tali commisit sua negotia l. 24. in fine. Quod si sponte minor se ingesserit, restituendus erit, ne alius per eum damnetur l. 25. Aduersus etiam parem, id est, ætate minorem restitutio non datur, sed si ambo capti fuerint, potius illi succurritur, qui de damno vitando tractat l. 12. §. item quæritur. Item neque aduersus libertatem datur l. 10. in fine sicut nec quando iure communi minor tutus esse potest, quia remedium ordinarium facit cessare extraordinarium l. 17. & quando etiam minor restituitur aduersus aditionem hæreditatis, gesta per eum non retractantur l. 23.

Qui

De Minoribus 25. annis. Tit. IV. 179
QVI POSSINT IN INTEGRVM RESTITVERE.

Olim restituebat Prætor l. 25. in fine, Præfectus vrbi l. 17. §. ult. Præfectus prætorio l. 18. Præses in prouincijs l. 43. & similes l. 19. Hodie omnes magistratus restituere possunt, tam Delegati, quam Ordinarij, siue iurisdictionem con administratione rerum publicarum, siue solam iurisdictionem habeant l. ult. C. vbi & apud quem. Nec solum restituere possunt in alienis causis, sed etiam aduersus propriam sententiam d. l. 17. §. ult. & l. 18. Minores tamen magistratus aduersus sententias maiorum non restituunt, sicut nec arbitri, nec subdelegati l. 19. h. t. & l. ult. C. vbi & apud quem & c.

Quo iure petatur in integrum restitutio.

Hæc restitutio petitur per officium iudicis, non iure actionis, nam nulla propria actio ex hoc edicto proficiscitur, nec enim pollicetur Prætor se actionem daturum, vt ex edicto de dolo malo, & de eo quod metus causa, facit; sed solum, & simpliciter dicit, vti quæque res erit, animaduertam, quibus verbis significat Prætor se totum negotium cognitioni suæ referuare d. l. 25. in fine, & ibi Gloss. & DD. notant, & Duaren. hic in verbo Gestum esse dicitur.

Ad quid detur in integrum restitutio.

Restitutio in integrum datur ad omne id quod gestum est, in pristinum statum restituendum; ita vt vnusquisque tam minor, quam is qui con eo contraxit, ius suum integrum recipiat, vna con fructibus, vsuris, & omni causa l. 25. §. restitutio 28. §. pen. & l. ult. & propterea, si in parte contractus minor læsus sit & restitutionem petat, licitum erit quoque contrahenti à toto contractu recedere, nec enim ita subueniendum est minoribus, vt ex alienis incommodis sua comparent commoda l. 49. §. curator.

QVID DE HAEREDIBVS.

Restitutio datur non solum minoribus, sed etiam hæredibus eorum et si maiores sint l. 19. in fine; Item & in hæredes eorum, qui minores læserunt l. 15. Quinimo in subsidium datur etiam aduersus possessorem rei licet con eo contractum non sit, l. 14. §. interdum 15. & 16.

QVANDI V DVRET.

Olim anno vtili, hodie quadriennio continuò, ab ingressu iustæ ætatis computando, restitutio durat l. ult. C. de Temp. rib. In integr. restit. quod tempus etiam ex persona defuncti successoribus prodest, hoc modo, videlicet, vt si minor succedit minori, post 25. annum habeat etiam quadriennium l. 20. At si succedit maiori, non totum quadriennium habet, sed id tantum quod supererat defuncto ad petendam in integrum restitutionem d. l. 20. & hæc de restitutione quæ fit ratione minoris ætatis, nunc de ea videndum est, quæ ex mutatione status contingit in Titulo.

De Capite minutis. Tit. V.

- | | |
|--|---|
| 1 <i>Quid sit capitis diminutio :</i> | 3 <i>Ad quid detur.</i> |
| 2 <i>Pro qua capitis diminutione in integrum restitutio detur.</i> | 4 <i>Quid de hæredibus, & quando diu duret.</i> |

QVID SIT CAPITIS DIMINVTIO.

Capitis diminutio nihil aliud est, nisi prioris status mutatio l. 1. quæ triplex est, Maxima respectu libertatis, l. ult. Media respectu ciuitatis l. 5. & Minima respectu familiæ l. 3.

Pro qua capitis diminutione in integrum restitutio detur.

Pro maxima, vel media capitis diminutione in integrum restitutio non datur, quia sic capite diminuti, nec etiam conueniri

ueniri possunt l. 2. & 7. §. pen. & vlt. licet aduersus eos ad quos bona eorum peruenerunt, utilis actio detur d. l. 2. & 7. Sed solum pro minima capitis diminutione restitutio datur, ut est quando quis per adoptionem, vel emancipationem statum mutat. nam cum olim qui emancipabatur in imaginariam quandam seruilem causam deduceretur, ut habetur in l. 3. §. vlt. consequenter nulla ciuili obligatione teneri, poterat. Item quia qui arrogabatur con omnibus liberis, & bonis in potestate in Adrogatoris transibat, in natis reddebatur actio aduersus eum cum nihil in bonis haberet. Proinde Prætor iniquum esse iudicans agendi facultate priuari eos, qui con talibus bona fide contraxissent, edictum proposuit, ut omnes qui con ipsis ante huiusmodi capitis diminutionem contraxerint, restituantur l. 2. §. hi qui. ac insuper etiam decreuit, obligationes illas non perire quæ naturalem præstationem habent, qualis est obligatio de dote l. 8. & 9. item quæ ex delictis descendunt l. 2. §. nemo & 7. §. iniuriarum. Sicut neque magistratuum, aliorumve publicorum officiorum munera, neque tutelæ excepta legitima, neque legata, quæ in annos, vel menses singulos relicta sunt, hac capitis diminutione percunt l. 5. §. fin. 6. 7. & pen.

AD QUID DETVR.

Per hanc restitutionem non rescinditur tota capitis diminutio, quemadmodum in superioribus restitutionum speciebus fieri videmus; sed in id tantum, ut actiones pristinæ iuris subtilitate extinctæ restituantur l. 2. in fine & 7. §. si libertate: ut sic qui capitis diminutionem passus est, perinde teneatur, ac si nulla omnino emancipatio, nullaque adoptio sequuta esset, ut ibi DD. tradunt.

Quid de hæredibus & quandiu duret.

Hoc iudicium perpetuum est, & in hæredes & hæredibus datur d. l. 2. §. fin. Et hæc de restitutione quæ fit ex mutatione sta-

182 Pandectarum Liber Quartus.

ne status, nunc & de ea videndum est, quæ sit ratione absentis & ex alijs iustis causis, quæ tam maiores, quam minores respiciunt, de quibus in Titulo.

Ex quibus causis maiores 23. annis, in integrum restituuntur.

Tit. VI.

- | | |
|--|---|
| 1 Quæ sint causæ propter quas maioribus in integrum restitutio datur. | sentiam detur in integrum restitutio. |
| 2 Quot sint absentiarum genera. | 5 Quando ex generali clausula detur restitutio. |
| 3 In quibus casibus propter propriam absentiam in integrum restitutio detur. | 6 Cui, & aduersus quem detur. |
| 4 Quando propter alterius ab- | 7 Quid de heredibus. |
| | 8 Ad quid detur. |
| | 9 Quandiu competat. |

Quia interdum, & multis modis accidere solet, quoddam etiam maiores 25. annis lædantur, ideo huic quoque casui Prætor restitutionis beneficium accommodare voluit, edictumque proposuit de quo in l.1.

Quæ sint causæ propter quas maioribus in integrum restitutio datur.

Dux sunt. Vna est absentia, aut casus, vel impedimentum. Altera est damnum ex ea re contingens, quæ duo diligenter obseruanda sunt, nam, vtrumque in petenda restitutione allegare oportet; scilicet, absentem fuisse, vel aliquid casu euenisse ei, tum quoque damnum ei contigisse id quod summam edicto continetur d.l.1.

QVOT SINT ABSENTIARVM GENERA.

Præmittendum est secundum Gloss. in l. fin. h. t. quod quinque sunt

Ex quib. caus. maior. &c. Tit. VI. 183

sunt absentiarum genera; Prima est absentia necessaria, & probabilis, vt in eo qui abest causa militiæ, vel Rei P. l. 1. vel etiam propter infirmitatem l. quæsitum, ff. de Re iudic. 2. Secunda est probabilis sed non ita necessaria, vt in eo qui studiorum causa abest l. 28. cui & multa alia privilegia concessa sunt de quibus in auth. habita, C. Ne filius pro patre. Tertia est absentia necessaria, tantum, sed non probabilis, vel forte improbabilis, vt est in Relegatis, Exulibus, & his, qui recesserunt metu criminis. Quarta est voluntaria simpliciter, vt in Mercatoribus, qui vadunt ad nundinas, & alij qui sui commodi causa volentes absunt. Quinta est voluntaria, sed con contumacia, vt in his qui citati non comparcent in iudicio, de quibus in l. contumacia, ff. de Re iudicat. Secundo præmittendum est, quod quis lædi potest, tam ex propria absentia, quam etiam ex absentia alterius, & ideo de vtraq; videndum est.

In quibus casibus propter propriam absentiam in integrum restitutio detur.

Restitutio in integrum propter propriam absentiam cōceditur omnibus his, qui ex necessaria, & probabili causa nō autem 3 voluntaria absunt veluti ex causa metus l. 1. 2. & 3. Rei P. d. l. 1. & 4. studiorum l. 28. seruitutis l. 1. 1. captiuitatis l. 14. vel quia in vinculis l. 9. & 10. aut sub fideiussorum satisfactione, d. l. 28. secus si sponte, & lucri sui causa l. 36. & 42. vel necessario sed culpa sua absint l. 26. Qui autem Romæ operam, dant Rei P. causa abesse non cēsentur l. 5. quamuis milites qui Romæ militant pro absentibus habeantur d. l. 5. 6. & 7. & generaliter qui Rei P. causa abesse intelligantur habemus in l. 28. 32. con alijs sex legibus sequentibus 46. & pen. Animaduertendum tamen est quod absens Rei P. causa, si cum potuerit reuerti, reuersus non fuerit, restitutionē non habet l. 4. quia tamdiu pro absente habetur quando diu durat officium, & donec commode redire potest l. 38. §. 1. nisi forte infirmitate, tēpestare, vel alia iusta causa fuerit impeditus d. l. 38. præfigunturq; absentibus certa tempora

pora ad reuertendum, videlicet 20. milliaria pro qualibet die. l. 3. ff. de Verb. sign. l. 1. supra si quis caut. ac insuper singulis septimanis vnus dies quietis datur, si longa sit itineratio Gl. in c. cupiētes de elect. in 6. las. hic in l. 1. mēsuratioq; fieri debet per illam viam per quam homines frequentius & vbi minus periculi subest iter facere solent, & ideo si duplex sit via, vna per montes, quæ sit breuior, alia per planiciem, quæ sit lōgior, debet fieri per planiciem, Speculat. in Tit. de Citat. §. 1. sequuntur Bald. Ang. & las. in d. l. 1. supra si quis caut. idem est, si vna esset per mare altera per terram nam deberet fieri per terram, licet longior Host. & Ioan. And. in c. olim de except. Ant. Imol. & alij in c. nonnulli de Rescript. & hoc quia eundi, & redeundi tantum ratio habetur secus si etiam distantia ratio habenda esset, nam tūc fieri deberet per rectitudinem, & si non posset fieri per terrā, fieri deberet per aerem, vel saltem per semitat, & agros, & loca, per quæ facinorosus quisq; ire posset, vt est communis sententia Bar. Bald. Ang. Salic. Raph. Roman & aliorū in d. l. 1. prout fatetur las. ibi licet ipse, & Paul. de Castro contrarium teneant, & Bart. sequutus est etiam Peregrin. conf. 103. Vol. 1. referens In bannito per 15. milliaria vltra confinia, ita fuisse hic Patauij iudicatum. Sed quid si non totum tempus præterierit, sed solum postquam fuerit reuersus, cōpletum fuerit, an restitutio detur, & si quidem modicum tempus supererat omnes cōueniunt, quod restitutio detur l. 15. §. fin. sed si longum, dissentio est non modica tam inter veteres Glossatores, quam etiam inter ipsosmet Doctores Ioā. enim, & Bulgar. antiqui Glossatores concedunt restitutionem pro tempore absentie, non autem negligentia cū absentia sua nemini damnosa esse debeat l. absentia, ff. de Regul. iur. e conuerso Martinus, & Placentinus negant aliquos pacto restitui debere, cum vigilantibus, & non dormientibus iura subueniant d. l. 15. §. vlt. & 16. Accurs. Dyn. Bart. Bald. & alij communiter in d. l. 18. §. vlt. opinionem Ioann. & Bulgar. sequitur Cynus autem Petr. de Bell. pert. & Paul. de Castro in l. quod tempore C. de Restit. milit. Martin. & Placentin opinionem tenēt, & Oldrad. refert quod dominus

nus suus Iacobus Balduinus, vno anno tenuit opinionem Ioann. & Bulgar. & altero anno opinionem Martin. & Placenti. quæ etiam litteræ d. l. 15. & 16. magis amica videtur; Vt ob id Azo in sua summa in Tit. de Restit. milit. dixerit; Ioann. & Bulgari opinionem niti maiori æquitate; Martini verò & Placentini maiori auctoritate. Item si is qui absens est causa Rei P. affectauerit, vel sui commodi causa in legatione fuerit, similiter restitutionem non habet l. 5. 36. & 42. idem si peteret se restitui ad aliquod damnum quod etiam si Rei P. causa non abfuisset, passus fuisset l. 44.

Quando propter alterius absentiam detur in integrum restitutio.

Non solum illi qui propter propriam absentiam damnum sentiunt, in integrum restitutionem habent, sed etiam & hi
4 qui propter alterius absentiam damnum incurrunt, l. 1. quæcumque illa sit, necessaria, probabilis, voluntaria, vel etiam improbabilis nihil refert, quia non datur restitutio ex eo quod aliquid iniuste absens fecerit, sed quod aduersarius con eo agere non potuerit l. 21. §. 1. & ideo si absens procuratorem reliquerit vel aliquis fuerit, qui requisitus eum defendere voluerit restitutio cessat d. l. 21. 22. & 23. quia habuit quos conuenire.

Item restitutio datur si quis secum agendi potestatem non fecerit, siue id frustrandi siue non frustrandi gratia fecerit l. 23. §. ult. 24. & 25. Neque obstat quod in possessionem bonorum eius qui latitat Prætor mittere soleat l. 23. in fine, vt ob id restitutio, quæ est remedium extraordinarium cessare debeat l. in causæ, 2. supra de Minorib. quia non semper quis in bona latitantis mitti potest vt dicit tex. & ibi declarat Gloss. in d. l. 23. in verbo non possit, vnde cum plenius provideatur per restitutionem, non est mirum si extraordinarium remedium per ordinarium non cesset. Item datur quoque restitutio ei qui damnum passus sit ex eo quod non potuerit in ius vocare eum quem vocare non licebat, veluti Consulem, Prætozem, cæterosque qui imperium & potesta-

Aa tem

tem habent l. 26. §. 1. Sic & si per negligentiam, vel dolum iudicis contingat, vt pereat ius agendi restitutio datur, secus si culpa Actoris, d. l. 26. §. ait prætor. Propter ferias quæque repentinas si aliquis lædatur, datur restitutio, secus propter solennes d. l. 26. §. si feriæ, quæ tamen restitutio duntaxat ipsorum dierum faciendo est, d. §. si feriæ.

Quando ex generali clausula detur restitutio.

Prætor generalem clausulam edicto suo inseruit, si qua alia iusta mihi causa videbitur; quæ ad vtrumque caput edicti pertinet, nempe, & ad primum quo alicui propter propriam
5 absentiam succurritur, & ad secundum quo succurritur his quorum ius læsum est ob absentiam aliorum. huiusque clausulæ mentio est in l. 26. §. vlt. & ll. seqq. in quibus docet l. C. varijs exemplis quid contineatur dicta clausula; passimque & alia occurrunt in iure nostro exempla, quæ debent observari, vt in l. 1. §. si quis infra de itiner. actuque priuat. in l. Pæthonium infra de Acquir. hæredit. in l. Præses, C. de Appellat. & per Tot. Tit. C. de vxorib. milit. alijsque quotidie casus occurrunt, qui non possunt sigillatim tradi, in quibus sequenda est Regula quæ traditur in d. l. 26. in fine, vt quoties equites restitutionem suggerit ad hanc clausulam generalem sit descendendum, nisi lex prohibeat l. 28. §. 1.

CVI ET ADVERSVS QVEM DETVR.

Datur tam absenti contra præsentem, l. 1. 2. & 4. quam præ-
6 senti contra absentem l. 21. & 22. Quinimo & absenti contra absentem l. vlt.

QV ID DE HÆREDIBVS.

Datur & hæredibus & in hæredes l. 30. & quia in rem scriptum est, datur etiam aduersus alios possessores l. 17. & 30.

AD QV ID DETVR.

Datur ad hoc vt si quis propter propriam, vel alterius absen-
tiam,

Ex quib. caus. maior. &c. Tit. VI. 187

- tiam aliquid amiserit, vel lucratus non fuerit, restituatur, ei actio, ut omne id quod amisit, vel lucratus non fuit, consequatur. 8 qui possit l. 27. nisi lucrari velit ex alterius poena, vel damno l. 18. auxilium enim restitutionis persecutionibus poenarum non est paratum l. auxilium supra de Minorib. nec solum restituatur, actio, sed etiam exceptio si rem possideat l. 28. §. pen. habeturque in tali restitutione etiam ratio fructuum d. l. pen. §. ult. sicut è contra & adiuncti oneris l. 41.

QUANDIVCOMPETAT.

- Temporale est remedium, quoniam ultra quadriennium nemini est speranda restitutio in integrum l. fin. C. de Temporib. in integ. restit. quod tamen ita computari debet ut proponatur restitutio intra tantum temporis ex concessio quadriennio, quanti temporis est læsio, ut puta, rem tuam possedi vno minus die statuto in usucapionis tempore, deinde Rei P. causa abesse cœpi, restitutio vnus diei aduersus me facienda est quia non plus etiam quam vno die grauaris, l. 26. §. quoties. Et hæc de restitutionibus quæ fiunt officio iudicis; Verum quia non solum beneficio restitutionis, sed & iure actionis nobis subuenitur contra eos qui iura nostra deteriora faciunt, ideo subiicitur hic Titulus.

De Alienat. iudic. mutand. causa facta.

Tit. VII.

- | | | | |
|---|--|---|---------------------------|
| 1 | <i>Quæ requirantur ad hoc ut edicto locus sit.</i> | 3 | <i>Ad quid detur.</i> |
| 2 | <i>In quibus casibus edicto locus non sit.</i> | 4 | <i>Quid de heredibus.</i> |
| | | 5 | <i>Quandiu duret.</i> |

DUm omnibus modis id agitur ne cuius causa deterior fiat, subuenitur etiam ex edicto Proconsulis aduersus eum qui alienando rem, alium nobis aduersarium suo loco substituerit, idque data opera in fraudem nostram fecerit

Aa 2 l. i.

l. 1. veluti si in alterius provinciae hominem cuius forum nos sequi oporteat d. l. 1. in fine & 3. si in potentiorum cui parere esse non possumus d. l. 1. (privatum intelligo, quia si in magistratum alienet, aliumve publica potestate praeditum; alienatio est ipso iure nulla l. 1. 2. & Tot. Tit. C. Ne liceat potent.) vel in alium qui nos vexaturus sit l. 2. aut quoquo modo deteriore conditionem nostram facturum l. 3. & 4.

Quae requirantur ad hoc ut edicto locus sit.

Tria requiruntur Primo ut iudicii mutandi causa, quod futurum sit, alienetur l. 4. §. 1. & 9. §. ait praetor quia si iam ceptum esset iudicium alia ratione alienari non posset, scilicet, quia res esset litigiosa Tot. Tit. C. de litigiosis. Secundo quod dolo malo, & per fraudem d. l. 4. §. 1. Tertio quod inter sit Actoris
 1 l. 5. §. ult. Animadvertendum tamen est, quod licet alienationis verbum translationem dominij significet l. alienatum, ff. de verb. significat. Attamen hoc in loco latius significacionem habet, ut & solam etiam possessionem, & actionis cessionem comprehendat l. 4. in fine §. 9. & 12.

In quibus casibus edicto locus non sit.

Excusatur ab hoc edicto, qui ob valetudinem, aetatem, vel alias occupationes litem in alium transfert l. 5. §. 1. Item qui alienat bona fide, ut vexationes litium evitet l. 4. §. 1. qui se iudicium subire proponit, etiam si alienaverit l. 3. §. ult. qui haereditatem instituendo, vel legando alienat l. 9. §. alienare;
 2 qui venditori redhibet animal l. 9. in fine & 10. qui obligatus solvit quod alius petere volebat, l. 11.

AD QUID DETUR.

Datur ad id quanti nostra interest alium adversarium non habuisse d. l. 1. 3. §. pen. & 5. §. ult.

QVID

Q V I D D E H A E R E D I B V S.

Hæredi datur, in hæredem autem, vel similem successorem non datur, quia licet perfectionem rei contineat, videtur tamen ex delicto dari l. 5. in fine 6. & 8.

Q V A N D I V D V R E T.

Intra annum non post annum datur l. 7. & annum utilem intelligo ut in omnibus restitutionibus, quamvis alij dissentiant, & consequenter etiam hodie quadriennium continuum l. ult. C. de Temporib. restit. sed quid est, quod Caius l. C. in l. 1. non Prætoris, sed Proconsulis edictum vocat? Respondeo; Proconsules in Prouincijs perinde atque Prætores Romæ proponebant edicta, quæ prouincialia dicta fuerunt Vlpian. & Paul. edictum vrbani interpretantur l. 4. §. non tamen & l. 9. §. ait prætor. Caius prouinciale l. 1. h. t. l. 27. supra de Dolo l. 28. §. 1. supra de Minorib. & hæc de præparatorijs iudiciis.

Verum quia deficientibus in integrum restitutionibus sæpe etiam Arbitri eligi solent, ut vel hac ratione ad magistratus, & iudiciorum strepitus non deueniatur, litiumq; sumptus, & cætera incommoda euitentur ideo annectitur Tit.

De Receptis arbitris, & qui arbitrium recipiunt, ut sententiam dicant.

Tit. VIII.

- 1 Quid sit Arbitr.
- 2 Quid sit arbitrium.
- 3 Quid sit compromissum.
- 4 Quot sint arbitratorum genera.
- 5 Qualiter arbitri eligi de-

- beant.
- 6 Quid sit arbitri officium.
- 7 Qui sint effectus compromissi.
- 8 Qualiter finiatur compromissum.

Q V I D

QVID SIT ARBITER.

Arbitrarius est persona priuata, cui tanquam viro bono controuersiam iudicandam credimus l. 3. §. pen. 37. §. quaesitum, & 49. In eumque ita compromittimus, ut quicquid statuerit, ratum, atque firmum, & pro iudicato habeatur l. 32. §. dari & §. fin. ut non immerito dicantur, compromissa ad similitudinem iudiciorum esse redacta l. 1.

QVID SIT ARBITRIVM.

Arbitrium significat opinationem & iudicium boni viri l. 22. 2 ff. de Regul. iur. l. 1. ff. de legat. 1.

QVID SIT COMPROMISSVM.

Compromissum est conuentio partium super controuersijs per Arbitros finiendis; Sic dictum ab eo quod ligatores
3 compromittere, hoc est, simul & inuicem pœnam promittere soleant nisi sententiæ arbitri stetur l. 2. 35. 43. & 44. con pluribus alijs.

QVOT SINT ARBITRORVM GENERA.

Tria sunt Arbitrorum genera. Alij enim dicuntur Arbitri iuris, Alij Arbitratores, & alij Compromissarij. Arbitri iuris sunt hi qui eliguntur ex necessitate iuris veluti cum aliquis
4 iudex allegatur suspectus, tunc enim ex necessitate iuris eligi debent Arbitri, qui de suspicione cognoscant, & de his non loquitur Titulus iste, sed de ipsis habetur in l. fin. C. de iudic. in cap. suspicionis extra de Offic. Delegat. & in cap. ab arbitris Eod. in 6. idem est, si ex forma statuti causæ inter aliquos compromitti debeant, nam & tales Arbitri, dicuntur Arbitri iuris. Secundum Abb. in cap. cum dilectus extra de Arbitr. Arbitratores sunt qui assumuntur a partibus de iure, & de facto, coram quibus non est necesse quod seruetur ordo aliquis iudiciarius; vnde & amicabiles etiam compromissores

De Receptis Arbitris. Tit. VIII. 191

positores potius, quam iudices dicuntur Bart. in l. si quis arbitrato, ff. de verb. obligat. Arbitri Compromissarii sunt, qui de partium consensu eliguntur & in quos sub poenę nomine compromittitur, & de his habemus in hoc Tit. & isti tenentur iuris ordinem seruare cum talia arbitria sint redacta ad instar iudiciorum vt dicitur in l. 1.

QUALITER ARBITRI ELIGI DEBEANT.

Possunt Arbitri eligi, aut Vnus, aut Plures dum tamen impar sit numerus, aut ita provideatur, vt in casu paritatis, tertius assumatur, qui lancem vergat, id est, ad alteram partem inclinet, quia alias res ferē sine exitu futura esset propter naturalem hominum ad dissentiendum facilitatem l. 19. §. pen. & ult. & si tres fuerint electi, vno absente, alii duo cognoscere non possunt l. 19. §. 1. licet si omnes presentes essent, sententia duorum prævaleret l. 20. & ratio est, quia potuisset præsentia vnus eos in aliam sententiam trahere d. l. 20. idque scriptum est etiam de iudicibus in l. 21. intelligi, nisi in compromisso expressum sit, vt quilibet seorsum possit l. 37. §. cum in plures. Quod si omnes interuenerint, & diuersas sententias omnes dixerint, nulli eorum sententiæ stabitur l. 32. §. si plures. Illud tamen quæsitum est, quid si ex tribus arbitris, vnus in xv. alius in x. tertius in v. condemnat, an sententia valeat, & responsum est in quinque valere, quia in hanc summam omnes consentiunt d. §. si plures. Cogitamen nemo potest arbitrium recipere, sed si receperit, cogitur arbitrium dicere, nisi iustam excusationem habeat l. 3. §. tametsi. Aliqui etiam sunt qui arbitri esse non possunt de quibus in l. 7. §. 1. 9. 46. & pen.

QVID SIT ARBITRI OFFICIUM.

Officium & potestas arbitri tota ex compromisso pendet, vt non aliud ei facere, vel statuere liceat, quam quod in ipso & compromisso cautum sit l. 35. §. de officio. Et ideo, siue de re dixerit sententiam de qua non est compromissum, siue aliter

aliter dixerit, quam est compromissum non valet l. 23. 25. 26. §. plenum, & 30. similiter non valer, si incertam sententiam dixerit d. l. 25. §. Pomponius. Neque obstat quod eadem lege dicitur in §. si arbiter, valere sententiam, si Arbitrarius ita pronunciauerit, nihil videri Titium debere Seio, quia hic fuit mos sententiarum pronunciandarum; sibi ita videri, vt docet Cicer. lib. 4. Academicar. quæst. volens ostendere morem maiorum Academicorum, & testes ita dicere solitos esse testimonium sibi ita videri. Ita enim omnia incerta esse in rebus humanis, vt nemini facile liceat dicere, sibi constare, vt ostendit in Orat. Pro Fonteio: & exempla huius veteris moris pleraque reperiuntur in iure ciuili vt in l. diui fratres, ff. de liber. caus. & in l. 1. ff. de ventr. inspici. nec tunc incerta est sententia, quia exprimit certam quantitatem quod visum fuit iuris auctoribus sufficere.

Diebus tamen feriatis, Arbitrarius sententiam dicere non potest l. 14. §. vlt. nisi auctoritate Prætoris l. 41. aut de consensu partium l. 1. supra de Ferijs, vel nisi dies compromissi exitura esset nec proferri posset d. l. 14 §. vlt. quod tamen intelligi debet de feriis messium, & vindemiarum, secus de feriis constitutis in honorem Dei, in quibus nullo tempore sententia dici potest, vt notatur in l. omnes, C. de Ferijs.

QVI SINT EFFECTVS COMPROMISSI.

Effectus compromissi est, vt si compromisso, vel arbitri sententia non stet, pœna adiecta committatur l. 35. 43. & vlt. qua præstita licet à iudicatis recedere auth. decernit, C. eod. quod si compromisso pœna adiecta non sit, sed simpliciter sententiæ stari quis promiserit, incerti aduersus eum, seu ad interessè, vt Gloss. ibi exponit, agendum erit, l. 32. §. fin. quia qualem sententiam dixerit arbiter, ei standum est l. 25. siue æqua, siue iniqua sit, & sibi imputare debet, qui compromisit l. 32. §. stari. Aliqui tamen casus sunt, in quibus etiã si Arbitri sententiæ non pareatur, pœna tamen ex compromisso non committitur, de quibus in l. 3. 44. & 45. Sicut & alii sunt, in quibus arbiter sententiam dicere non cogitur

De Receptis Arbitris. Tit. VIII. 193

tur, de quibus in l. 7. §. 1. 13. 14. 16. 17. 40. Hodie autem ex sententia arbitri poena non adiecta, & actio, & exceptio datur si partes subscripserint, sententiæ, & eam laudauerint, vel si intra decem dies non contradixerint, quæ dicitur homologatio l. 4. & 5. C. Eod.

QUALITER FINIATUR COMPROMISSVM.

Finitur compromissum, post lapsum dici, si diem habet l. 30. nisi omnium voluntate prorogetur l. 37. in fine & 38. Quod si dies finita sit, intra quam arbiter sententiam dicere sine causa distulerit, prorogato per partes compromisso, cogitur & ipse denuo arbitrium recipere, & causam finire, alias non cogitur, nisi spontè recipiat l. 16. si verò compromissum diem non habet, ex lapsu temporis non finitur, nisi lis sit contestata; tunc enim triennio finiretur vt iudicia l. properandum, C. de iudic. Secundò si arbiter, vel alter ex litigantibus moriatur similiter compromissum expirat, nisi hæredis ab vtraque parte mentio facta sit, l. 22. §. 1. secus si ab vna parte tantum l. 44. §. vlt. Quod si pupillus hæres esset, ex compromisso agi non posset, nisi con tutoris, vel curatoris auctoritate l. 40. & 42. Tertiò cessat compromissum si Arbiter inimicus appareat, & testationibus conuentus sit, ne sententiam dicat l. 37. §. cum quidam. Quartò semel commissæ poenæ l. 39. §. vlt. vel accepto l. 1. l. 13. Quintò, re ad iudicium deducta, licet à poenâ deducens immunis non sit l. 35. Et hæc de receptis arbitris, vt ex fide fiant, nunc & de receptis in custodiam rebus, vt ex fide restituantur, videndum est in Titulo,

Bb

Nautæ

Nautæ Caupones , Stabularij vt recepta restituant .

Tit. IX.

- | | |
|---|-------------------------------------|
| 1 Quis dicatur nauta , caupo ,
& stabularius . | 4 Quid de heredibus . |
| 2 Quæ actio detur ex hoc edicto . | 5 Ad quid detur . |
| 3 Cui detur , & contra quem . | 6 Quandiu competat . |
| | 7 Quæ sit utilitas harum actionum . |

Quis dicatur Nauta, Caupo & Stabularius.

Quamuis nautæ appellentur omnes , qui nauigandæ nauis causa, in nauisunt , vt magistri , & alij attamen in hoc Titulo nautam dicimus eum , qui nauem exercet, id est, dominum nauis, l. i. h. t. l. i. infra de Exercitor. & nauigij appellatione , & rates, lintres , ac cætera id genus continentur d. l. i. §. de exercitoribus. Caupones & Stabularios eos intelligimus qui Cauponam , aut Stabulum exercent, vel eorum inuitores, & ministros d. l. i. §. i. Stabularij enim sunt, qui permittunt iumenta apud se stabulari , & sic hospitatores hominum æquitantium , sicut & Caupo viatorum l. 2. Indifferenter tamen pro dominis diuersorum sine delectu accipiuntur vt Zazius hic.

QVÆ ACTIO DETVR EX HOC EDICTO.

Duæ sunt actiones quæ ex hoc edicto dantur . Vna dicitur in factum de recepto l. 3. §. fin. quæ personalis est ex contractu: nam simul atque nautæ , caupones , vel stabularij recipiunt aliquem con rebus, vel res sine persona, censentur ipso contractu consentire vt saluæ restituantur . Et ideo conueniri possunt, etiam si sine eorum culpa res perierit, vel damnum datum sit; nisi fato, aut vi maiore contigerit d. l. 3. §. At hoc edicto, Quæ in re non solum factum proprium, ac omnium eorum

eorum quorum opera vtuntur, quos suo periculo haud dubiè adhibent, præstare tenentur, sed etiam vectorum, & viatorum, quos obiter traiciunt, vel repentino hospitio recipiunt l. 1. §. fin. 2. & 3. nisi prædixerint quod vnusquisque res suas seruet, & viatores protestationi consenserint, l. fin. §. 1. vel extra negocium proprium receperint d. l. 3. §. cæterum. Recepisseque censentur non solum cum eis adsignatæ sunt res custodiæ gratia, sed & si illatæ duntaxat fuerint in nauim cauponam, vel stabulum, sciente tamen exercitore. nam ignorantem obligari nimis durum esset l. 1. §. vlt. vbi Accurs. quoque sic rectè sentit argumento l. quicumque §. quod si seruus, C. de seru. fugit. & l. 1. & 2. C. de his qui latron. vel alter. crimin. reos occult. ipso enim facto qui immittit testatur se, suæque fideli, ac custodiæ eorum committere, ipsique silentio atque exercitio quasi profitentur, se, suamque nauim, aut diuersorium idoneum esse, cui tutò res credantur. Altera est in factum actio furti, qua tenetur nauta, caupo, & stabularius ob furtum in naui, caupona, aut stabulo, ab his qui de eius familia sunt commissum l. 6. §. in factum quæ & ipsa personalis est, ex quasi maleficio, cum aliquatenus culpæ rei sint, quod opera malorum hominum vtuntur l. vlt. h. t. l. vnica infra Furti aduersus naut. caupon. & stabul. & §. pen. Instit. de obligat. quæ ex quasi delict. nascunt. & si plures sint qui nauem exerceant, vnusquisque pro parte qua nauem exercet, tenetur d. l. vlt. §. si plures, dummodo in naui, caupona, aut stabulo damnum datum sit, secus si extra licet à nautis vel nautæ inter se sibi damnum dederint, nisi quis nauta, & mercator esset d. l. vlt. & ibi Glossa. Ex facto autem viatorum, qui repentino hospitio recipiuntur & quorum conditionem probabiliter ignorare potuit Exercitor hac editi parte nõ tenetur cum nullius culpæ reus argui possit d. l. 6. §. in factum, licet altera parte quæ ex contractu descendit, teneatur vt supra diximus, & probat Gloss. in d. §. in factum in verbo pertinet.

CVR DETVR, ET CONTRA QVEM.

Prima actio quæ de recepto dicitur datur ei, qui res suas, vel

Bb 2 alienas,

196 Pandectarum Liber Quartus.

alienas, si sua interfit, in nauem, cauponam, vel stabulum intulit d.l.1. §. 1. & vlt. Aduersus, nautas, caupones, & stabularios, etiam si sine eorum culpa res perierit, vel damnum ab aliis etiam qui in naui, caupona, aut stabulo, diuersantur, datum fuerit d.l.1. §. vlt. 2. & 3. Altera in factum actio furti competit domino rei subreptæ vel ei cuius interest rem non surripi d.l.1. §. fin. & 6. §. in factum. Aduersus nautas, caupones, & stabularios, si aliquis eorum quorum opera vtuntur, furtum fecerit, aut damnum dederit, ei qui res suas credidit, secus si alii d.l.6. & vlt. Potest etiam furtum damnumve passus, furti, vel damni iniuria actione vt con nautis vt certi hominis factum arguat, sed vna electa contentus esse debet, nec ad aliam redire potest, ne sæpius de eiusdem hominis admissio quæratu u.l.6. §. vlt. Quod si Exercitor ex recepto periculum custodiæ rei subiit, tunc furti actionem nõ dominus, sed ipse exercitor habebit, modo sit soluendo l.4.

QV I D D E H A E R E D I B V S .

Actio de recepto, quia rei persecutionem continet, & hæredi, & in hæredem datur l.3. §. hæc autem actio. Altera autem
4 quæ ex quasi maleficio competit, aduersus hæredem non datur, d.l. vlt. § hæc iudicia, nihil tamen exercitori proderit, si is qui furtum fecit, postea decesserit, d.l. vlt. §. hac autem actione.

A D Q V I D D E T V R .

Actio de recepto quia rei persecutionem continet, in simplum datur d.l.3. Altera verò in factum actio furti in duplum l.1. §. in duplum infra Furti aduers. naut. caup. & stabul.

Q V A N D I V C O M P E T A N T .

Actio de recepto est perpetua prorsus d.l.3. §. hæc autem actio. Altera in factum posterior, tantum est perpetua, quatenus ad rei

ad rei persecutionem attinet, annalis ad pœnam l. ult. §. Hęc iudicia, & ibi Gloss. Neutra tamen infamat, quia committuntur, aut ex contractu, aut propter factum familiæ.

QVAE SIT VTILITAS HARVM ACTIONVM.

Licet non desint aliquando ciuiles actiones cum inferuntur res in nauem, cauponam, aut stabulum: vt puta locati si merces interuenerit, depositi, si gratis receptæ fuerint, & legis Aquiliæ ob damnum iniuria datum. Attamen maior est harum actionum utilitas, quia in locato culpa, in deposito duntaxat dolus præstatur. At hoc edicto omnimodo qui recepit, tenetur etiam si sine eius culpa res perierit, vel damnum datum sit, vt supra diximus. Idque fecit Prætor, quia nisi sic fuissent constitutæ actiones: nullam haberent viatores rerum suarum securitatem, dareturque ansa contrectandi temerarijs hoc genus hominibus, quorum hospitia, ac fidem sequi necesse habent, quod genus insolens, ac improbum reputatur, vt ob id nonnulli Rubricam hanc trium latronum Rubricam esse dixerint.

Et hæc sunt primaria quædam iuris principia, quatuor primis libris conclusa, quæ vt nihil ante se habent, ita sequentibus intelligendis necessaria sunt, tanquam sua Conclusionibus principia. Et quia principijs iuris conuenit etiam scire cur Digesta gemino, ff. notentur, deo & de hoc aliqua dicere operæpretium esse duxi.

Cur Digesta gemino, ff.
notentur.

Digesta cur hac figura ff. scribantur, cum nullum f. sit in verbo digesta, nec in verbo Pandectæ, multi explicare nituntur. Cattellanus Cotta, in opere suo, quod memorabilia inscripsit, in verbo Pandectæ, dicit, ita scribi, quasi dicas, facta fuerunt, videlicet hæc digesta à nobis Iustiniano: opus.

198 Pandectarum Liber Quartus.

opus planè desperatum, & quod ab alijs pluribus tentatū fuit. Alij existimant duplex ff. fabre factum significare, quasi Iustinianus hoc modo allicere voluerit ad legendos suos libros ingen osos, & artificiosè factos, Alii volunt, quòd duo ff. significent, vnum Federicum patrem, alterum Federicum filium, quia ambo hi Imperatores fuerunt, qui iuris peritorum responsa ex diuersis mundi partibus in digestorum libris congregarunt, ideo ad denotandum quòd digestorum libri collecti fuerint ab his duobus Federicis, ponuntur duo. ff. Hæc opinio quamuis à doctissimis viris recepta, attamen nullo modo mihi probari potest, ea potissimum ratione, quia Iustinianus fuit ille, qui Iurisconsultorum responsa collegit, nec aliquem reperio ante Federicum Barbarossam qui regnavit ab anno Domini 1153. vsque ad annum 1190. hoc nomine nuncupatū fuisse, sed ipse huius nominis primus fuit, successoresque habuit filios duos, vnum Henricum vi. alterum Philippum, & postmodum successit alter Federicus, nepos. Alciatus igitur vir magni nominis aliter sentit, existimat enim antiquos sub græco nomine Pandectarum libros adducere solitos fuisse, idque credibile est factum fuisse, cum Græci ipsi contrafactores fuerint. Vnde cum primam tantum notam, videlicet π. cum accentu (sic vocant) circumflexo describerent, sicq; prima tantum littera notarent, latinos nostros eos imitari voluisse credendum est. At scriptores librarij, qui literas ignorabant, existimarunt esse binas ff. inquam figuram postea facile fuit adiecto vncio, græcā notam deprauare. Hæc opinionem damnat Rebuffus in principio Pandectarum, ea potissimum ratione, quòd cum huiusmodi libri semper ita inscribi soleant, Digestorum, seu Pandectarum, & sic verbum digestorum semper præponatur verbo Pandectarum vt videre est in l. 2. §. sed cum, C. de veter. Iur. Enucleand. in procem. Digest. Instit. & omnibus alijs in locis, ideo si in principio apposuissent. π. non notassent primis litteris, pro vt mos antiquorum fuit, vt docet Valer. Probus in suo compendio, de scripturis Antiquorum; sed littera D. pro more veterum potius annotassent digesta, cum digestum præcedat Pandectas. Credit igitur ipse Rebuffus, quòd libri digestorum a principio notati fuerint duplici ff. & quia librarij putarunt

runt propter adunchum vltimum s. esse f. ob id duplici ff. notauere. Ideo autem duplici ff. adnotarunt, vt significarent ff. hoc est, sanctiones sanctæ, cum leges sanctiones sanctæ dicantur, l. 2. ff. de legibus l. leges, C. Eod. Ferendus verò Adductis existimat explicationum libro primo in principio duplici, ll. antiquos vsos fuisse, quod duplici ff. est longè simillimum nec sanè in alio differunt, nisi quod duo ll paulò inferius linea coniunguntur, cur autem duplici ll vterentur, id est, inquit ipse, quia quinquaginta libros significare volebant: nam l. quinquagenarium numerum significat, & Pandectæ quinquaginta libris continentur. Vel etiam inquit ipse, libros legum intelligebant, aut fortasse & melius, leges tantum. nam leges, vt Valer. Probus docet per duplex ll. scribi solebant. Sed quomodo factum sit hoc, quod digesta duplici ff. & Paragraphus sic §. notaretur, cum iam Iustinianus prohibuerit, leges per signorum obscuritates conscribi vt constat ex l. 2. §. eandem C. de veter. Iur. Enucleand. non satis video nisi dicamus hoc à Doctoribus factum fuisse non ab ipso Iustiniano, nec ab ipsis iure consultis qui DD. sicut in alijs rebus ita etiam in hoc ab ipsis, Iustiniani, Imperatoris præceptis recesserunt. Vel etiam dicere possumus, prohibuisse quidem ipsum Imperatorem signa, per quæ olim Veteres notabant leges, legem enim clauibus, ff. de contrah. Empt. signo clauis adnotabant, Auth. alearum, C. de Aleat. aleis decorabant, & sic de similibus. Sed non alias abbreviationes, nec lineas, vt §. aut. ff. quæ nullam pariunt obscuritatem, sicut alia superiora signa, quæ præmisimus: imo ipsemet Iustinianus admisit nomina prudentum, & Titulos, ac librorum numeros, per consequentia literarum manifestari, vt idem Rebuffus supra citato loco tradit.

Finis Primæ Pandectarum Partis.



Frater Zaccarias Inquisitor
Paduæ.

Octavius Liuellus pro Serenif-
sima Republica Veneta.

Paulus Emilius Ghelinus Vi-
carius pro Illustrissimis Re-
ctoribus.



